



254  
7 A  
13

13.12.6

JO. GOTTLIEB  
**H E I N E C C I I**  
JC. ET ANTECESSORIS  
ELEMENTA  
**J U R I S   C I V I L I S**  
SECUNDUM ORDINEM  
**P A N D E C T A R U M**  
COMMODA AUDITORIBUS METHODO ADORNATA  
*TOMUS PRIMUS.*

Editio cæteris Italicis longe auctor,  
et castigatior.



**BASSANI 1835.**  
**SUIS TYPIS REMONDINI**  
**EDIDIT.**





ERUDITO, ET ÆQUO

## L E C T O R I

S. P. D.

JO. GOT. HEINECCIUS, JC.

**M**ajorem, atque uberiores in dies fructum capio ex instituto meo, jus civile revocandi ad sua principia, illudque non modo concinniore ordine, sed & ratione ad tyronum captum accommodatiore explicandi. Quum enim auditorum meorum profecto nihil prius, nihilque antiquius habere soleam, neque ullum unquam mihi majorem vigiliarum mearum fructum proposuerim, quam ut iis, quantum in me est, prodessem, quid, quæso, contingere mihi potuisset jucundius; quid optabilius, quam quod *Elementis juris*, quæ secundum ordinem Institutionum Justiniani anno abhinc tertio adornaveram, aliquoties explicatis, adolescentes multo facilius, quam trita via, ad solidiorem principiorum juris intelligentiam pervenire animadverterim? Et si nemo est, quem non satarum sua manu arborum lætus aspectus, & flores amœnissimi magnopere delectent; quanto jucundius, quantoque suavius mihi esse oportuit, videre juvenes, qui se mihi instituendos dederant, ornatissimos, solius propemodum ope methodi eos fecisse progressus, ex quibus sperem possem concipere pulcherrimam, eos, si pleno gradu hac via pergere vellent, ad veram doctrinæ laudem faciliter aspiraturos? Noli, quæso, existimare, Lector humanissime, me vel spe, atque opinione mea deceptum hæc scribere, vel de me ipso quidquam prædicare velle arrogantius. Tantum enim abest, ut snavis error hac in re mihi illudat, aut meæ mihi sortis parum conscius libellum istum, quidquam eximie eruditionis habere existinem (& quis vero, nisi inepte stultus, prima alienjuss disciplinæ elemen-

4  
ta pro insigni eruditionis argumento vendicet ? ) ut nihil omnino tibi narrem, quod non & ipse experiundo didicerim, & ii, qui acroasibus meis interfuerant, mecum perspexerint quotidie. Quoties sane doctrinas, antea curatius explicatas, instituto perpetuo examine repetii, id quod ex instituto meo quotidie facio, toties præclare mihi constare operæ meæ fructum intellexi. Vidi enim, erectioris indolis adolescentes, a me interrogatos, non tantum, quæ audiverant, omnia facili negotio reddere, sed & doctrinæ cujusque origines, & rationes accurate explicare, quin & injectos sibi a me scrupulos tanta solertia eximere, satis ut intelligere mihi viderer, illos non tam compendii verba tenere, quam rem ipsam infixisse animo, & veluti in succum, & sanguinem convertisse. Quod ipsum quum ego, me duabus potissimum rebus consequutum arbitrer, perspicuitate præceptorum, & indefesso studio, ratione juris tum ex antiquitatibus Romanis, tum ex philosophiæ, quam veteres Icti sectabantur, principiis eruendi; tanta utilitas, quam studiosa juvenus perceperat, me facile subegit, ut fidem liberarem eo celerius, *Digestisque*, quorum spem feceram; eadem methodo adornandis, aliquid otii insuumerem.

Qualis sit ista methodus, quam observavi, & cûr ego illam reliquis omnibus præferendam existinem, jam in præfatione, quam priori isti Elementorum parti præmiseram, tam prolixè me exposuisse puto, ut iis quidquam nunc addere minus necesse sit. Quamobrem ne in tanta temporis angustia, & tam variarum occupationum mole, quæ me discessurum in Germaniam, & jam sarcinulas colligentem quotidie distringit, ædum agere videar, nihil quidem eorum, quæ ibi disserui, nunc repetam; at ne sterilis tamen prorsus sit hæc præfatio, quædam, quæ ad hujus consilii mei defensionem pertinere videbuntur, subjiciam, ne, quando prohibere non possum quominus institutum hoc quorundam reprehensionem incurrat, ejus saltem defensionem contra obtrectatorum voculas prætermisisse, causæque non malæ plane defuisse videar.

Quindecim fere circumacti sunt anni, quum pu-

hlice docendi munus in illustri, quæ Halæ floret, Academia mihi longe clementissime demandaretur. Ex eo inter alia, quæ ad officium meum pertinere videbantur, id potissimum paullo diligentius meditari cœpi, quæ optima sit docendi ratio, quaque in re in primis elaborandum sit omnibus, qui formulis, perpoliendisque ingeniis facturi sint operæ pretium. Id vero dum ago quotidie, illico intelligere mihi visus sum, docere nihil esse aliud, quam viam, qua ad veram scientiam itur, expeditissimam aliis commonstrare; quumque scire sit rerum causas perspectas habere, veritatesque ex principiis, tamquam ex fonte suo derivare, neminem docentium pulcherrimum istum finem umquam adsecuturum credidi, nisi veritatis cujusque, quam tradiderit, rationes, nexumque cum principiis perspicue discentibus ostendisset. Ceterum postquam seculum eam animo sententiam imbiberam, fieri profecto non poterat, quin mihi parum placeret servile istud αὐτοῖς ἰφθα, quod Pythagoræos adversariis, a quibus premebantur, tamquam Gorgoneum caput obvertisse, veteres quidam memoriæ prodiderunt (a). Nec magis se mihi probare poterat ipsius Pythagoræ institutum, qui paucissimis auditoribus doctrinarum suarum rationes aperiebat, plerisque doctrinas rudes, nullaque suffultas demonstratione, tamquam oracula quædam, promebat, persuasus, si JAMBLACHO (b) credimus, οὐδέ τίς ἦτορ ἐφιλεῖσθαι καί τις αἰδῶ τῆς ἀλτίας εἰδέναι εἰδέναι, τί δὲ πράττειν, ὅτι περ καὶ οἱ ἰατρούμενοι, οὐ προσκύνοντες, διὰ τί αὐτοῖς ἕκαστοι πρᾶττειν, ἡ δὲ οὕτως τυγχάνουσι τῆς ὑγείας; eos nihilominus etiam sine rationibus fructum inde percepturos esse, si scient, quid agendum sit, perinde ac ii, qui in medentium cura sunt; licet non edoceantur, ob quam causam quidque agendum sit, valetudinem tamen recuperent. Quamvis enim hæc speciose dicantur; aliam tamen ægrotantium, aliam esse discentium rationem, nemo ignorat. Illis de vita periclitantibus in hoc rerum ar-

(a) THEODORET. Serm. 1. p. 474. Tom. I. Operum. GREGOR. NAZIANZ. Orat. 3. contra Julian. p. 97.

(b) Vit. Pythag. Segm. 81.

ticulo non vacat de medicamentorum viribus subtiliter disputare, neque ideo, quod medicinæ virtutem intelligant, cum valetudine redeunt in gratiam; sed quod potiones ex arte mixtas in corpus recipiant, easque venas subire patiuntur. His contra, sive ad virtutem, sive ad accuratiorem scientiam adspirent, male res cedit, nisi veras rerum notiones animo conceperint; neque has animo unquam concipient, nisi facultas illa, qua intelligimus, & quæ omne humanæ auctoritatis imperium detrectat, rationibus idoneis convicta illas sua sponte admittat. Quamobrem perpensis omnibus, quæ huc facere videbantur, ita semper judicavi, atque ita animum induxi meum, vere, & tamquam ex tripode cecinisse MARONEM. (a) :

*Felix, qui potuit rerum cognoscere causas.*

ἀκρόματα vero illa ἀταπόδεκτα ἢ ἀνάλωγον, quibus perimulti docentium delectantur; non magis laudem ullam mereri, quam otiosam eorum solertiam, qui psittaco expediunt suum χαίρει, picasque docent verba nostra conari. Hinc ab eo tempore id omni animi contentione egi, primum ut ipse multo plus temporis in meditandis veritatum rationibus, quam in libris vulgaribus perlegendis consumerem; deinde, ut quæ diuturna meditatione invenissem, bona fide communicarem cum auditoribus, iisque nihil omnino instillarem, cujus non genuinam rationem simul perspicue explicare conarer. Hanc legem, quam ipse mihi dixeram in tradenda philosophia, eandem postea in docenda juris prudentia religiose servavi; & in hac quidem ideo feci lubentius, quo magis ea in re multorum industriam deficere intellexeram. Sane quum duæ sint jura demonstrandi rationes, quarum altera in auctoritate legum, altera in ipsis legum causis, & generalibus juris prudentiæ principiis posita est, hanc posteriorem tantum non omnes adhuc negligendam putarunt, priori ita usi sunt multi, ut pene satius fuisset, si usi non fuissent. Quum enim in Jctorum scholis quotidie jactaretur, erube-

(a) *Georgic. lib. 2. v. 190.*

*scendum esse JCto sine lege loquenti; & postea, ut si hominum stupore, glossæ, & oracula doctorum eandem fere cum legibus auctoritatem in foro consequerentur, adeo ferbuit istud testimonia accunulandi studium, ut nec dicerent quidquam JCti, nec scriberent, quin singulis fere propositionibus aliquot legum centurias, totidemque glossatorum, doctorumque testimonia subjicerent. Et tamen istis citationibus nihil aliquando excogitari poterat frigidius. Nam primo, ne sine lege loquentes erubescant, operose sæpenninero probant, quod pueri, qui nondum ære levantur, non minus recte sciunt, quam Papinianus, aut quisquam veterum, quorum fragmenta ad nos pervenerunt. Quid vero magis ridiculum dixeris, quam corrasis undique legum, ac doctorum testimoniis demonstrare velle, libertatem esse rem inestimabilem, emptionem venditionem sine re & pretio non posse consistere: hominum causa omne jus constitutum esse: animi motum vultum detegere, & sexcenta hujus generis? Quasi hæc ignoraremus miseri atque id omnino creditu difficillimum esset, nisi ex §. 7. *Inst. qui, & ex quib. causi. manum non poss. l. 8. pr. l. 2. §. 1. de contrah. emp. 1. D. de statu hom. l. 19. D. de off. prasid.* nobis innotesceret tam horribile secretum. Et hujusmodi tamen rationum tam pleni sunt JCtorum libri, ut auctores gravissimos aliquando magno conatu maximas mugas agere voluisse crederes. Deinde, quod miserrimum est, hæc testimonia plerumque alterum alteri sublegisse deprehendes, idque sæpe tam incante, ut pro legum, ac doctorum locis monstra adducant. Notantur duo viri doctissimi, sed juris imperitiores; quorum alter, quæ nescio quis in Pomponio Laeto reprehenderat, Sex. Pomponio JCto non sine stomacho exprobravit (a); alter quædam ex ANTONII AUGUSTINI *Emendationibus* describens, ac Ulpiani, & Augustini verba imprudenter confundens, Mosis, Petri, quin & Jesu sacrosanctum nomen in l. 195. *D. de verb. signific. reperiri scripsit* (b). Qualia si viris illis do-*

(a) STEPH. VIN. PIGH. *Anal. lib. 1. cap. 12. notatus* PERIZON *Animadvers. hist. cap. 9. pag. 404.*

(b) ONUPHR. PANYINIUS *notatus ab eodem p. 405.*

cissimis exciderunt; quid quæso; speres de turba  
 illa proletaria, quæ ne juris prudentiæ laudem amitte-  
 ret, ab omni litterarum cultu-quammaxime abhor-  
 rebat? Fuit ex eo numero, qui FRANCISCI SAL-  
 GANO *Somozam*, quasi is libri titulus sit, lauda-  
 vit (a). Fuit, qui quum a Jasone citari audiret,  
 ALEXANDRUM *ab IMOLA*, & *sequaces*, uni ex  
 celeberrimis juris interpretibus *Sequaces* fuisse no-  
 men, extimavit (b). Fuit qui, quum in publicis  
 Germanorum legibus sæpe laudari vidisset consuetu-  
 dines inveteratas, quas ibi vocant *das Herkommen*,  
 vel *das Reichs Herkommen*, ex vocabulo isto minus  
 intellecto nescio quem *Hercommanum*, Jctum cele-  
 berrimum, finxit (c) ut alia hujus generis non mi-  
 nus ridicula prætermittam. Accedit, quod testimo-  
 niis illis raro quidquam inest ponderis, ut recte jam  
 olim conquestus sit vir eximius, THOMAS REINE-  
 SIUS (d): *juris scientia ad causarum justitias de-*  
*monstrandas, & evincendas, leges acervatim advo-*  
*cari, quæ si pensatius examinentur, rem ne tan-*  
*gant quidem, interdum etiam, quam firmare putantur;*  
*solidum evertant, virorum gravium publicam querelam,*  
*& justam indignationem esse, novimus.* Postremo  
 quid certum, quidque inconvulsum manebit in juris  
 prudentia, si testimoniorum numerus vicerit, & so-  
 la triumphaverit auctoritas? Meinini, me alio loco  
 referre (e) ANDREAM TIRAQUELLUM, serenioris  
 sæculi Jctum, ubi in libris suis centum, aut plu-  
 rimum legum, ac doctorum suffragia coacervavit, po-  
 stea totidem, aut plarium indicem pertexere solere  
 eorum, qui in alia omnia eant. Quid vero, obse-  
 cro, tam erit absurdum, quod non defendere possit  
 causæ patronus solertior, si a glossæ, ac doctorum

(a) JAC. FRID. LUDOVICI *Protest. concurs. credito- rum præfat.* §. 5.

(b) Refert ULR. AB HUTTEN in Epistola *Nemini*, Satyræ lapidissimæ præmissa, p. 9. seq.

(c) CHRIST. THOMAS. *Diss. de juris scripti, & mo- rum contentione* §. 55.

(d) *Leß. var. Lib. 1. cap. 20. p. 77.*

(e) *Præfat. VINNII Commentario in Institutiones præ-* missa.

auctoritate suspensa esset justitia? Grande ejus artis exemplum in lepido de privilegiis universitatum libello dedit PETRUS REBUFFUS. Quæ enim tanta est, non dicam genio indulgendi, sed quodvis ferme flagitium admittendi licentia, quain non acerrimus iste justitiæ sacerdos studiosis litterarum, tanquam privilegium, vindicet? Quam turpia; & indigna sæculo sunt, quæ ille in interpretatione *Authentica Habita C. ne filius pro patre* de studiosorum cum mulieribus consuetudine disputat? (a). Et nihil tamen scribit (proh pudor!) quod non eductis in aciem integris triariorum turmis confirmet. In tantam insaniam abiit illud leges, & doctores citandi caecoethes, quod ortum a glossatoribus, & ab eorum successoribus veluti consecratum, tandiu in deliciis doctoribus fuit.

Hæc animadvertens, ita componere cœpi rationes, ut non quidem rejicerem morem, jura ex legibus confirmandi (quomodo enim aliter probes ea, quæ non ex sola ratione innotescunt, sed ex legislatoris arbitrio proficiuntur?) aliquando etiam celebriorum doctorum testimoniis in quæstionibus ambiguis uter; at præcipue tamen rationem haberem alterius generis demonstrationum, quæ ex ipsis juris rationibus, & principiis petuntur. Hæc vero sunt firmissima illa fundamenta, quibus jus certum, ac stabile innititur. Hæc est præclara illa cynosura, ad quam dirigentes cursum, syrtes illas, ac scopulos, in quibus tot alii fecerunt naufragium, facile evitamus. Hic denique lapis Lydius, quo adhibito, de legum interpretationibus, ac decisionibus causarum dextre judicamus. Quare rem acutè tetigisse arbitror viros prudentissimos, quotquot rationes legum earundem veluti animam esse censuerunt. Fuere sane in hac sententia non modo AMDR. ALCIATUS, JAC. CUJACIUS FRANCISCUS DUARENUS, HUGO DONELLUS, & quem inter priores numero, incomparabilis GROTIUS; verum etiam ex veteribus DEMOSTHENES (b) & CICERO, quorum ille

(a) *De privil. Univers.* p. 375.

(b) *Advers. Timocrat.* p. 795. seq.

in interpretandis legibus præcipue ἰσὶ δὲ κατὰ δμωρ, ἄνδρες, cur ea lex lata sit, considerandum esse, diserte inonet; hic autem in oratione pro A. Cæcina (a) rem omnem verbis his elegantissimis eloquitur: annon, quum voluntas & consilium, & sententia interdicti intelligatur, impudentiam suam, aut stultitiam singularem putabimus, in verborum errore versari? An hoc dubium est, quin neque verborum tanta copia sit, non modo in nostra lingua, quæ dicitur esse inops, sed ne in alia quidem, res ut omnes suis certis, ac propriis vocabulis nominentur? Neque vero quidquam opus sit verbis, quum ea res, cujus causam verba quesita sunt, intelligatur? Quæ lex, quod SC., quod magistratus edictum, quod fœdus, aut pæctio, quod ut ad privatas res redeam, testamentum, quæ judicia, aut stipulationes, aut pæcti, & conventi formula non infirmari potest, si ad verba rem deflectere velimus, CONSILIUM autem eorum, qui scripserunt, & RATIONEM, & auctoritatem relinquamus? Quare mireris, eorum esse quamplurimos, qui totum istud rationes juris investigandi studium inane, & quodammodo supervacaneum, atque infructuosum esse non ipsi tantum existiment, sed & aliis hoc persuadere conentur. Facundissimus Pisanorum Antecessor, PAGANINUS GAUDENTIUS (b) (ne enim nobis cum turba res sit, hunc ei dabinus advocatum) ex institute probandum suscepit, rationem legis pro ejusdem animæ hand esse habendam. At quibus argumentis? Primo quoniam, ut causam, quam oppugnare instituit, exosam reddat, rem sibi cum vulgo fore; persuadet lectoribus. Quod est in ore vulgi, inquit, ut ratio dicatur esse anima legis, id nescio, quam sit solidum. Quam venuste! Quod dedit principium adveniens! Ain tu verò, Paganine, vulgi tantum in ore esse sententiam hanc sapientissimam. Qua igitur in tribu tui censes Demosthenem, Ciceronem, Alciatum, & reliquos, quorum in ore eam fuisse, paullo ante ostendimus? An

(a) Cap. 18.

(b) *Exposit. jurid.* l. 1. c. 3. p. 334. Tom. 3. *Thes. jur. civ.*



& hos tu adjunges illi sæci hominum, cui cum pos-  
ta Venusino jure occlames:

*Odi profanum vulgus, & arceo*

At enim, quum te nescire fatearis, istud quod im-  
peritum vulgus de legum rationibus jactitat, quam  
sit solidum, ecquid tu magis solidi adferas, tua pa-  
ce, age, consideraremus. *Consilii potius, inquis, a-  
nima est ratio, quam legis. Lex enim vim habet co-  
gendi, nec reddit rationem, citr id faciat.* Sed de-  
mus sane, rationem esse consilii veluti animam:  
largiamur, legis virtutem esse imperare, vetare,  
permittere, cogere (a), quin ut eo simus liberaiores,  
& id adjungamus, male apud XENOPHONTEM (b)  
dixisse Periclem, πάντα δοκῶν, ὅσα τις μήτις  
ἀκχράζει τινι ἄνθρωπον, ἢτε γράφῃ, ἢ τομῇ, βραμῶλλον,  
ἢ ὁ ἄνθρωπος εἴρῃ: videntur illa omnia, quacumque non per-  
suadendo quis cogit aliquos facere, sive scribat ea,  
sive non, vis potius esse quam lex. An vero indo  
colligamus, legislatorem, sive civium amantem, si-  
ve eorum libertati insidiantem, quidquam constitue-  
re sine ratione, quæ eum ad faciendum impellat?  
Prudenter sæpe summi imperantes hanc rationem dis-  
simulant: & recto a SENECA (c) observatum est,  
non esse probandum, quod Platonis legibus adjecta  
principia sint: legem brevem esse oportere, quo fa-  
cilis ab imperitis teneatur, velut emissa divinitus  
vox sit: videri nihil frigidius, nihil ineptius, quam  
legem cum prologo. At hæc ratio, quo minus omni-  
bus nota est, & obvia, eo magis investiganda est a  
JCtis, nisi in interpretandis legibus labi, ac decipi  
velint. Neque eos, uti arbitror, ab hoc studio ab-  
sterrere debet JULIANUS, cujus auctoritate fretus  
GAUDENTIUS: Verba, inquit, diserta sunt (d),  
non omnium, quæ a majoribus constituta sunt, ratio  
reddi potest. Ita est, diserta hæc verba multoqua

(a) L. 7. D. de legib.

(b) Memor. Socrat. l. 1. c. 2. §. 45.

(c) Epist. 94.

(d) L. 20. D. de leg.

luculentiora, quæ sequantur. Sed vereor, ut quidquam iis insit, quod causam nostram jugulet. Si iurium non omnium ratio illico reddi potest; an ideo nefas erit, in illam inquirere? Et si quarundam legum obscura est origo; an ideo omnium causæ, veluti in illo Democriti puteo latitant? Quis fingamus, Julianum, ex scholæ Sabinianæ formula, parum honorifice de hoc rationes juris investigandi studio sensisse, ceu & elegantissimus MERILLIUS suspicatur (a). An vero nos ita Massurii, aut Longini glebæ adscripti sumus, ut vel crux, vel saltem lautumie nobis in mundo sint, si de investigandis rationibus juris contra eorum præcepta simus solliciti? Nec magis nos terret PLATONIS auctoritas, qui quidem in *Gorgia* recte docet, non debere posteros rationem legis querere, sed eam quasi Dei vocem, & præceptum observare, sed ita, ut & hoc testimonium GAUDENTIO parum videatur profuturum. Quis enim non videt, Platonem de obsequio, quod legibus debetur, loqui? Ad illud exorquendum sufficit & sine ratione legislatoris voluntas, idque est, quod apud Plutarchum, ut opinor, inquit Pausanias, dum ait *ταῖς νόμοις τὰς ἀνθρώπων, ὡς τὰς ἀνθρώπων τὰς νόμων εὐεχίας αὐτοὶ δύνανται*, legibus auctoritatem in homines, non hominibus in legem convenire. Ubi autem in interpretandis legibus versamur, nihil profecto proficiemus ad rei summam, nisi earum rationem accurate teneamus. Quemadmodum igitur nemo ignorat, legata, quæ ULPIANUS (b) legis modo relinqui observat, quod ad heredis obsequium attinet, adeo sola testatoris voluntate penderè, ut ne falsæ quidem adjecta causæ evanescant (c), & tamen in eorum interpretatione potissimum inquirendum esse, quam testator supremi iudicii sui rationem habuerit (d), ita nec absurdum debet videri, bonis civibus solam sufficere legislatoris voluntatem, & Ictos tamen de legum rationibus, tamquam, veræ interpretationis

(a) *Obsero.* l. i. c. 3.

(b) *Fragm. Lit.* 26. §. 1.

(c) *L.* 17. §. 2. l. 72. §. 6. *D. de cond. & demonstr.*

(d) *L. de reb. cred.*

fontibus; laborare. Hæc sunt, quæ GAUDENTIUS pro sua sententia attulit, argumenta. Quem enim ipse sibi ex THOMÆ AQUINATIS operibus injicit scrupulum, tam male eximit, ut dubitem, an sibi ipsi satisfecerit. Illud autem non prætermittendum arbitror, quod quum sub finem nihil majores sine certa ratione constituisse fateatur; eam tamen rationem nemini mortalium perspectam esse contendat. Ita enim porro dixerit GAUDENTIUS: *hac in re non esse, & non posse inveniri idem est. Nihil sane absque ratione constituerunt majores nostri, dum nos sæpe lateant causæ, quæ ipsos ad aliquid constituendam impulerint.* Itane vero tam male omninemur de humano ingenio, ut quod GAUDENTIUM latuit, id neminem mortalium scire posse putemus? Et si quædam latent, an de inveniendis reliquis omnis plane spes præcisa erit? Sunt sane, ne quid dissimulemus, quorum nos ratio plane fugit, qualem esse l. 9. D. de religio. judicabat CUJACIUS (a). Sunt, quorum causas & veteres JCTi vel ignorarunt, vel ad liquidum saltem nunquam perduxerunt, quod idem CUJACIUS (b) quibusdam exemplis demonstravit. Sunt denique, quorum origines, & causas descripturi veteres, uti fit, nubem pro Junone, id est, ætiologias inanes, & falsas pro veris arripuerunt, quod observasse passim sibi visus est RADULPHUS FORNERIUS (c). At ideo non credendum, tam effœtam esse naturam, ut, quæ nunc fingit, ingenia nihil eorum, quæ veteres ignorarunt, pervideant. Multas profecto easque apertissimas Juris rationes nobis recluserunt viri antiquitatum Romanarum peritiores, multas nostræ ætatis hominibus diligentior philosophiæ Stoicæ cultura suggestit, multas ipsa rei publicæ Romanorum facies, eorumque temporum prodidit conditio, de quibus fortassis omnibus veteres juris auctores ne per somnium quidem cogitaverunt. Nec dubium est, quin novis in dies hujus generis observationibus juris prudentiam locupletaturi sint viri docti, si rem serio agere velint.

(a) *Observ. l. 8. c. 12.*

(b) *Observ. l. 17. cap. 15.*

(c) *Ret. quotid. l. 4. cap. 33.*

Ne exemplis rem confirmem, ipse, quem nunc manu mitto, liber efficit, ad id quippe unice comparatus, ut redditis jurium rationibus, iisque paullo diligentius inter se conjunctis, & coagmentatis, juris prudentiam sibi haud male constare, ostenderem. Quid in eo præstiterim, tuum erit, benevole Lector, judicare. Videbis, hic me conatum esse id perficere, cujus aliquatenus periculum feceram in adornandis Institutionibus. Reperies & hic jurium origines diligenter investigatas, reperies definitiones perquam perspicuas, axiomata clara, & quæ e definitionibus illis sua sponte fluunt; conclusiones desiquæ necessarias, & ad sua quasque principia revocatas. Si quid tibi videbitur melius, & concinnius explicari potuisse, non multum quidem repugnabo; facile tamen me tunc consolabitur adhibitæ diligentiae, & profligati non minimi laboris conscientia, & præcipite prolixa bene de juris prudentia merendi voluntas, quam & hæc scribenti mihi haud defuisse, si æquo animo ad judicandum accesseris, facile animadvertes. Præcipua libri dos, & qua ego me magnopere delectari fateor, est brevitās. Quamvis enim, si paragraphos, ad quos te ubique in parenthesis remisī, volvere volueris, facile sis observaturus, me jura non modo enarrare, sed perpetua instituta ratiocinatione inter se connectere; non multum tamen aliarum hujus generis molem excedere libellum, quin & plerisque adstrictiorem esse, res ipsa docet. Haud paullo brevior fuisset futurus, si aliorum exemplo titulos integros, quin & totos libros fuissem prætervectus. Sed quamquam ea, quæ in foro evanuerunt, in prælectionibus juridicis prætermitti facile patiar, religioni tamen mihi duxi compendium juris ulla parte mutilum dare, maxime quum & obsoleta illa juris capita aliquando rationes juris haud inelegantes suppeditent. Eorum, quæ ad commodiorem libri usum pertinent, nihil a me prætermisissum esse, facile credes, si summaria margini adscripta, & indices, in quibus consiliendis ipse laborem parum amœnum solus profligavi, expenderis. Typorum vero nitorem, ac chartæ puritatem debes bibliopolis celeberrimis, qui nullis pepercere summi-

bns, ut opusculum quamnitidissimum, atque emendatissimum prælo exiret (a). Quo nomine viris integerrimis eo magis publice ago gratias, quo facilius eos ab hoc instituto detertere potuisset illiberale illud Bibliopolæ Germani facinus, qui *Elementa juris civilis secundum Institutionum ordinem adornata* non modo me inconsulto recudit; sed & externam libelli formam, ut merces eo facilius extruderetur, suo arbitrio immutavit, eoque quantum in ipso fuit, iustis libri possessoribus spem honesti lucri haud minimam intercepit. Enimvero tantum abest, ut hæc injuria (quo enim aptiore vocabulo appellem, quod non jure fit?) viros optimos fregerit, ut ad urgendum opus eos reddiderit tanto alacriores. Quare non modo tibi nunc *Digesta* tam eleganter exscripta exhibent; sed & illum *Institutionum libellum*, a me ipso castigatum, locupletatumque; eadem forma recludunt, proximis, quæ Lipsiæ celebrabuntur, nundinis, spero, proditum. Quare quando in posternum editionem hanc nitidissimam, & a me revisam, eodem ferine ære tibi comparare poteris, parum sane prudenter consuleres rationibus tuis, si emere malles Giessensem, quam ne id nescias, pro mea non agnosco. Duriuscula hæc sunt, fateor; sed num quini minus mihi idem jus æquum est esse quod mecum est aliis: quando aliena non curo, ne careant mea? Tu vale, Lector humanissime, & studiis nostris favere perge. *Francqueræ Frisiorum ipsis Kal. Julii clc. lccc. xxvii.*

(a) Loquitur hic celeb. Auctor de Edit. quarta Amstelodamensi; quod etiam de hac intelligendum est etiam propter Additiones, & Emendationes commendanda.

JO. GOT. HEINECCHII, J. C.

ELEMENTA JURIS CIVILIS

SECUNDUM ORDINEM

PANDECTARUM ADORNATA

PARS PRIMA

SEU

ΠΡΩΤΑ

LIBER PRIMUS

TITULUS PRIMUS

DE JUSTITIA ET JURE

§. 1. *Jurisprudentiæ finis, & objectum.* §. 2. *Quid justitia?* §. 3. *An eam justitiam semper adsequatur Ictus?* §. 4. *Justitia expletrix, & attributrix.* §. 5. *Utriusque definitiones.* §. 6. *Justitia universalis, & particularis.* §. 7. *Commutativa, & distributiva.* §. 8. *Quid jus? Ejusque prima divisio in publicum, & privatum.* §. 9. *Utriusque definitiones.* §. 10. *Varia juris publici species.* §. 11. *Privati juris fontes.* §. 12. *Jus naturæ, & gentium.* §. 13. *Jus gentium, vel primum, vel secundarium.* §. 14. *Quid de his divisionibus sentiendum?* §. 15. *Quid Jus civile?* §. 16. *Vel scriptum, vel non scriptum.* §. 17. *Jus naturæ immutabile, civile non item.* §. 18. *Juris prudentiæ definitio vulgaris.* §. 19. *Verior definitio.* §. 20. *Quid interpretatio?* §. 21. *Declarativa.* §. 22. *Extensiva, & restrictiva.* §. 23. *An cessante ratione juris, jus cesset?* §. 24. *Adplicatio juris in quo consistat?*

§. 1. **J**uris prudentiam tradituris merito a fine, ad quem comparata est, obiectoque in quo versatur,

auspicandum videtur. Quum itaque JUSTITIÆ fruendæ causa reperta sit juris prudentia, hæc autem in JURE interpretando, adplicandoque versetur, apposite JUSTINIANUS προληγόμεθα quædam de JUSTITIA, tamquam proximo artis nostræ fine (a), nec non de JURE, ejusque origine; & speciebus præmisit.

§. 2. JUSTITIAM ULPIANUS plane εὐνομία definivit constantem, & perpetuam voluntatem jns suum cuique tribuendi (b) l. 10. pr. D. & pr. Inst. h. t.

§. 3. Quamvis autem hic finis, a quo justitia sacerdotes adpellamus l. 1. §. 1. D. h. t. GELL. X. V. 3. sit pulcherrimus; tamen quia Jctus omnia refert ad internam tranquillitatem rei publicæ ( §. 1. \* ) satisfactum sibi profecto credit; modo ne vaga prosiliat franis natura remotis, HORAT. Sermon. II. 7. v. 74. licet non semper adsit constans illa, ac perpetua bene agendi voluntas (c).

§. 4. Quum itaque justitia jns suum cuique tribuat ( §. 2. ) alia autem jura ad facultatem, alia ad aptitudinem pertineant, GROTIUS de jur. bell. & pac. l. 1. 4. vel, ut est in l. 17. §. 3. D. commod. quædam officii magis, & voluntatis sint; recte ju-

(a) Ultimûs enim est interna reipublicæ tranquillitas, & ut illa recte gubernetur §. 7. præm. Instit. Absurde itaque illi, qui utriusque juris finem esse ajunt beatitudinem sempiternam. Vid. PATER. de MARCA Concord. sacerdot. & Imper. II. 10. ( eundem errorem errat LANCELOTUS instit. jur. tan. lib. I. tit. 1. §. un. ) Sed nec finis statuendus, cui consequendo media non sufficiunt, & externa emendatio, quam intendit juris prudentia, satis ostendit eam pro fine habere tranquillitatem rei publicæ.

(b) Genus est virtus, quæ Stoicis est consentiens cum ratione, & perpetua constantia, CIC. Parad. III. 1. vel constans, & perpetua vita ratio. ID. de legib. 1. 17. Differentiæ causa additur: jns suum cuique tribuendi, uti in L. 31. §. 1. D. de pos. & Novell. 69. præf. id enim adeo justitiæ proprium est, ut lex Græcis inde dicta sit νόμος quasi distributrix. BURG. Elef. jur. cap. 1.

(c) Sane cogitationis prænam in foro nemo patitur L. 18. D. de pæn. nec præmia, & pænæ, quibus alios meliores reddege conantur L. 2. §. 1. D. h. t. animo emendando sufficiunt; sed ut cives actiones externas ad legem componant, efficiunt.

stitia a GROTIUS in EXPLETRICEM, & ATTRIBUTRICEM dividitur.

§. 5. EXPLETRIX est, quæ quod cuque jure perfectio, & ex necessitate debetur, tribuit; ATTRIBUTRIX, quæ tribuit, quæ officii magis, & voluntatis sunt, quam necessitatis (§. 4.). Unde facile patet, expletricis officia coactionem admittere, non item quæ ex attributrice proficiuntur.

§. 6. Quare opus non est vulgari illa justitiæ divisione in UNIVERSALEM, & PARTICULAREM, quarum illam α' χρῆσιν ἀρετῆς τελλόμενος πρό ἑτέρου, in exercitio omnium virtutum erga alios; hanc in abstinentia ab injusta lucri cupiditate consistere ajunt. ARIST. *Eth. ad Nicom. V. 1.* Quis enim rem in totum, & partem, vel in genus, & speciem divideret?

§. 7. Nec magis opus est particularis justitiæ divisione in COMMUTATIVAM, quæ in contractibus & rerum commutatione rationem arithmeticam; DISTRIBUTIVAM, quæ in tribuendis bonis, vel malis proportionem geometricam observat. ARIST. *ibid. Ibid. 3.* Sunt enim hæc ex eorum numero, quæ ut plurimum, sed non semper, se ita habent (a).

§. 8. A justitiæ fonte JUS manavit, CIC. apud AUGUST. *de civ. Dei XII. 21. l. 1. pr. D. h. t.* quod hic pro complexione legum unius generis accipitur; & hinc ab ULPIANO (b) in PUBLICUM, & PRIVATUM, tamquam duas hujus studii positiones (c) dispescitur L. 1. 2. D. h. t.

(a) Demonstrarunt hoc GROTIUS *de jur. bell. & pac. l. 8.* WISSENSACH. *ad Inst. Disp. I. 13. seq.*

PAGESTECH. *Sicilim. manip. II. 13. p. 111. seq.*

(b) Alias enim rectius dividitur in divinum & humanum: illud in naturale, & positivum; positivum in universale, & particulare. Humanum in publicum, & privatum (*Inst. §. 34. seq.*).

(c) Studium hic est juris prudentia, a quo & JCTI STUDIOSI adpellantur L. 2. §. 17. D. de orig. jur. vel juris studiosi L. 1. D. de offic. ad sess. L. 9. §. 4. D. de par. L. 4. D. de extraord. cogn. Imitantur JCTI philosophos, qui & ipsi artem suam studium adpellabant. MERILL. *Obs. l. 11.* Tanta nimirum erat inter JCTos, & philosophos æmulatio, ut illi sibi tribuerent omnia, quibus sibi philosophi quammaxime placebant. Exem-



§. 9. JUS PUBLICUM est, quod de statu rei publicæ præcipit; PRIVATUM, quod ad singulorum utilitatem (a), id est, ad singulorum patrimonium pertinet L. 1. §. 1. D. h. t.

§. 10. Addunt alii tertiam speciem, JUS SACRUM, veluti QUINCTILIANUS *Inst. orat. IV. 2.* & ipse JUSTINIANUS in l. 23. pr. C. de SS. eccles. Sed id pertinet ad jus publicum, quippe in sacris quoque, & sacerdotibus consistens L. 1. §. 2. D. h. t. adeoque ejus pars est, æque ac olim jus FÆCIALE, PONTIFICIUM (b) AUGURALE, SENATORIUM, CIC. de offic. 1. 11. 3. 29. ad divers. 3. 9. de legib. 2. 18.

§. 11. JUS PRIVATUM tripartitum est (c) compositum quippe ex NATURALIBUS præceptis, GENTIUM, & CIVILIBUS §. ult. inst. & L. 1. §. 2. D. h. t.

§. 12. JUS NATURALE ex Stoicorum hypothese (*Inst. §. 36.*) est: quod natura omnia animalia docuit; JUS GENTIUM, quod solis hominibus inter se commune est. L. 1. §. 3. 4. D. h. t.

§. 13. Jus inter homines commune duplex videba-

pla (vel vestigia saltem) hujus inveterati odii habere in L. 1. §. 1. D. h. t. L. 1. §. 4. 5. D. de extr. cognit. L. 8. §. 4. D. de vacat. & excus. muner.

(a) Ab objecto itaque hoc discrimen est, non ab origine, vel fine; siquidem hoc sensu omne jus vocatur publicum, veluti actio Paullina L. 8. D. de tutel. excusationes tutorum L. 29. D. de test. tut. usucapio L. 18. §. 1. D. de damn. infect. nuptiz L. 12. §. 3. D. de capt. & post. Add. CUJAC. Obs. 27. 39. WISSENB. ad Inst. Disp. I. 24.

(b) Pontifices quibus de rebus judicaverint, a multis quaeritur; de iis tantum opinor, quæ ulla modo ad religionem pertinebant, diximus in *Antiq. Rom. Lib. 1. tit. 2. §. 31.* Add. RADULPH. FORNER. *Rer. quotid. VI. 2.*

(c) An non & jus publicum? Omnino, si jus naturæ recte definias, ULPIANO autem jus naturale est, quod natura omnia animalia docuit. Et ex hujusmodi jure nulla omnino pars juris publici manare potuit. Ita recte JAC. CUJAC. *Not. post. ad §. ult. Inst. & in L. 1. D. h. t.* (quum ante eum hanc divisionem adversus RUDOLPHUM AGRICOLAM non satis feliciter defendisset ALCIAD. *Parerg. l. 31.*

tur veteribus. Aliud enim *naturalis ratio* inter omnes homines constituit, & hinc apud omnes perque custoditur §. 1. *Inst. de jur. nat. gent. & civ. L. 9. D. §. 1. Inst. eod.* Unde illud doctores PRIMARIUM, hoc SECUNDARIUM adpellitant (a).

§. 14. Enimvero, quum bruta, ne ipso quidem diffidente ULPIANO, sensu careant L. 1. §. 3. *D. si quadr. paup. sec. dic.* adeoque in ea nec jus cadat, nec obligatio; consequens est, ut nullum sit jus hominibus cum brutis commune. Jus itaque gentium *primarium* (§. 13.) est ipsum jus naturale (b) quod gentium negotiis applicatum, & jus gentium dici potest (*Inst. §. 41.*) Secundarium autem, fere in moribus positum, hoc nomen vix tuetur, PUFFENDORF. *de jur. nat. & gent. II. 23.*

§. 15. Denique jus CIVILE est, quod quisque populus liber sibi proprium constituit. Hoc ergo non recta ratio sancit, sed summus imperans reipublice ejusque utilitati attemperat L. 11. *D. h. t. Elegantibus exemplis id illustrat. THEOPHILUS §. 2. Inst. de jur. nat. gent. & civil.*

§. 16. Jus hoc vel solemniter promulgatur, vel tacite, & sine promulgatione inolescit. Hinc illud SCRIPTUM dicitur, eo sensu quo *γραφειν νόμους* est *leges promulgare* (*Inst. §. 44. \**) hoc NON SCRIPTUM §. 3. *Inst. de jur. nat. gent. & civ. l. 6. §. 1. D. h. t.* Illius species Romæ erant LEX, PLEBISCITUM, SENATUS CONSULTUM, PRINCIPIUM PLACITA, MAGISTRATUUM EDICTA, & RESPONSATA PRUDENTUM §. 3. *l. 6. pr. §. 1. D.*

(a) In libris nostris jus gentium *primarium* vocatur jus commune L. 6. *pr. D. h. t.* cum genere humano proditum, L. 1. *pr. D. de adqu. rer. dom.* quod naturali ratione inter omnes homines perque servatur L. 1. *De pr. eod.* ratio naturalis, L. 3. *pr. D. eod.* naturalis æquitas L. 19. *D. de capt. & postlim. secundarium* contra jus, quod necessitas constituit L. 40. *D. de legib.* Illius exempla habes in L. 2. hujus in L. 4. & 4. *D. h. t.*

(b) Hinc & veteres sæpe promiscue accepere jus naturale, & gentium L. ult. *pr. juncta L. 14. §. 2. D. de rit. nupt. L. 31. pr. D. de pos. L. 84. §. 1. De reg. jur.* quos sequitur Justinianus §. 11. *Instit. de rer. divis.*

*h. t.* Hujus præcipua species **CONSUETUDO** (a) est.

§. 17. Ceterum quum jus naturæ naturalis ratio inter omnes homines constituerit ( §. 13. 14. ) civile autem ab imperante cujusque rei publicæ utilitati attemperetur. ( §. 15. ) consequens est. ( 1. Ut naturalia jura semper firma, atque immutabilia permaneant (b) ( 2. civile autem vel tacito consensu summæ potestatis, vel alia lege postea lata sæpe mutantur §. 11. *Inst. h. t.* )

§. 18. Ex horum omnium jurium scientiâ præclara illa facultas, quam **JURISPRUDENTIAM** adpellamus, efflorescit, quam **ULPIANUS** æmulatione ( §. 8. \*\* ) definivit *divinarum atque humanarum rerum notitiam, justî, atque injusti scientiam* L. 10. §. 1. *D. h. t.* id est, philosophiam (c) in justî, injustique scientia occupatam ( *Inst. §. 25.* )

§. 19. Enim vero, quum philosophia doctrinas suas ex sola recta ratione, juris prudentia maximè ex legibus arbitrio summorum imperantium rei publicæ utilitati attemperatis arcessat ( §. 15. ) magis adposita hanc esse dices *habitu prædictum leges inter-*

(a) An non sola? Id quidam adfirmant; sed & jus ex responsis prudentum notum ad jus non scriptum refertur L. 2. §. 5. & 11. *D. de orig. jur.* quamvis hoc postea jus scriptum dici cæperit, postquam in Corpus juris migravit. §. 3. *Inst. de jur. gen. & civit.*

(b) Atqu jus civile naturali non per omnia servit; sed ei vel addit aliquid, vel detrahît L. 6. pr. *D. h. t.* Responsum cape. Dum jus civile naturali aliquid addit, e. g. actionem, solemnitatem, tempus, quantitatem, sane illud non mutat, sed adjuvat, & confirmat. Detrahît autem jus civile non juri naturali præceptivo ( sic enim ei non detraheret, sed derogaret ) verum permissivo, naturalem libertatem restringendo. Populum autem liberum libertati naturali in quibusdam renunciare posse, nemo dubitat ( *Add. HERT. de collis. legum sect. 3.* )

(c) Multi enim veterum, & maxime ipsi **JCTI**, juris prudentiam partem philosophiæ, immo *veram, non simulatam philosophiam* esse existimabant L. 1. §. 1. *D. h. tit.* Ita & **QUINCTILIAN.** *Inst. orat. XII. 2. omnis JURIS questio verborum proprietate, aut æqui-disputatione, aut voluntatis conjectura continetur. Quorum pars ad RATIONALEM, pars ad MORALEM PHILOSOPHIAM redundat.*



pretandi, applicandique speciebus obvenientibus ( *Inst.* §. 26. )

§. 20. JCTi ergo est primum *leges scire*, id est, vim earum, potestatemque tenere *L. 1. 7. D. de legib.* deinde easdem *applicare* negotiis. Priori JCTi officio inservit INTERPRETATIO, quæ est facultas vim potestatemque legum ex earum verbis, & ratione ernendi. Qui itaque sola verba captat, non JCTUS est, sed LEGULEJUS.

§. 21. Quem vero interpretres vim, & potestatem legum ex earum verbis, & ratione eliciat ( §. 20. ) consequens est ( 1. Ut si verba ratioque conveniunt, DECLARATIVÆ interpretationi locus sit. ( 2. Ut in ea potissimum notio vocabulorum, textus *συμφωνη* & conjuncta loco, & re expendenda sint *L. 24. 26. 27. 28. D. de legib.* ( 3. Ut in eadem semper præferri oporteat sententiam, quæ vitio caret *L. 19. D. eod.*

§. 22. Ex eodem recte colligitur ( 4. EXTENSIVA interpretatione opus esse, quoties latius patet ratio legis, quam verba. Exempla habes in §. in *Inst. de legibus patr. tut. L. 16. D. de sponsal. L. 59. D. de riti nupt.* ( 5. Ubi eadem ratio est ibi eandem esse debere juris dispositionem (a) ( 6. RESTRICTIVAM adhibendam, si verba latius ratione pateant, ut in *L. 6. §. 2. de jur. part.* ( 7. Interpretationem restrictivam semper æquitatis majorem habere rationem, quam stricti juris.

§. 23. Denique ex eodem principio facile patet ( 8. Cessante in totum ratione legis, legem quoque cessare, non autem ( 9. legem amittere vigorem suum, si certis dumtaxat casibus esset ratio E. g. quamvis aliquando impubes ante pilos sapiat, non ideo magis is testari poterit, quam reliqui ejusdem ætatis adolescentes. ULR. HUBERT. *Posi. Pand. I. 3. 14.*

§. 24. Quum porro JCTi sit, etiam applicare jura speciebus obvenientibus ( §. 20. ) consequens est ( 1. Ut qui cruda studia in forum propellit, evertendisque aliorum fortunis quæstum facit, non JCTus sit, sed

(a) Modo non versemur in interpretandis juribus singularibus, & privilegiis; quippe quæ ad exemplum non trahuntur. *L. 1. §. e. D. de const. princ.*

RABULA. ( 2. Ut is demum Icti tneatur nomen , qui respondendo , agendo , cavendo , judicandoque sit idoneus . CIC. de orat. l. 48. ( 3. Ut talis sit vere justitiæ sacerdos , civitatis suæ oraculum , pacis decus , atque ornamentum . Id de orat. l. 45. ( 4. Ut inepte stulti sint , qui tanto quæinque deteriores Christianum putant , quanto sit juris peritior . Ita scilicet nemo erit Christianus , nisi qui legum studium exsecratus cum Tertulliano a toga ad pallium transeat . Belle , sapienter , lepide , ut nihil supra !

## TITULUS II.

DE ORIGINE JURIS , ET OMNIUM MAGISTRATUUM ,  
ET SUCCESSIONE PRUDENTUM .

§. 25. Ratio ordinis . §. 26. Tres rei publica & juris Rom. periodi . §. 27. Quo sensu initio Romani jure incerto egerint ? §. 28. Leges curiata a Romulo lata . §. 29. Ejusque successoribus . §. 30. Leges regia quomodo exoleverint ? §. 31. Jus Papirianum . §. 32. Duodecim tabula . §. 33. Inde natum jus civile . §. 34. Item actiones legis . §. 35. Et actus legitimi . §. 36. Jus Flavianum . §. 37. Jus Aelianum . §. 38. Varia leges , & plebiscita post 12. tab. §. 39. Legum , & plebiscitorum differentia . §. 40. Plebiscita quando legum vigorem acceperint ? §. 41. Edicta magistratuum . §. 42. Inde jus honorarium . §. 43. Ejus auctoritas . §. 44. , SC. & lex Cornelia de edictis perpetuis . §. 45. Mutatio juris sub Imperatoribus facta . §. 46. Augustus veteri ritu leges tulit . §. 47. Certis Ictis jus dedit de jure respondendi . §. 48. Comitia a campo in curiam translata . §. 49. Inde SCta . §. 50. Quamdiu SCta facta ? §. 51. Jus per rescripta principum introductum . §. 52. Maxima mutatio a tempore Hadriani . §. 53. Edicta perpetua compilata . §. 54. Item innumera constitutiones edita . §. 55. Maxima mutatio sub Imp. Christianis . §. 56. Altera tituli pars de magistratibus . §. 57. Magistratus quid , quotuplices ? §. 58. Extraordinarii , ordinarii , majores , minores . §. 59. Reges . §. 60. Magistratus sub regibus . §. 61. Consules . §. 62. Prætorum

numerus. §. 63. *Prætores fidei fiscalis, tutelaris.*  
 §. 64. *Censores.* §. 65. *Dictator.* §. 66. *Præfectus urbi.* §. 67. *Interreges.* §. 68. *Decemviri legum ferendarum causa.* §. 69. *Tribuni militum consulari potestate.* §. 70. *Tribuni plebis.* §. 71. *Eorum officium, & potestas.* §. 72. *Ædiles plebei, curules, cereales.* §. 73. *Quæstores.* §. 74. *xxvi. viri.* §. 75. *Quinque viricis, & ultra Tiberim.* §. 76. *Magistratus minores extraordinarii.* §. 77. *Magistratus provinciales.* §. 78. *Status Magistratuum urbanorum sub Imp.* §. 79. *Magistratus provinciales.* §. 80. *Præcipui JCI libera republica.* §. 81. *Ab Augusto ad Hadrianum.* §. 82. *Sub Hadriano.* §. 83. *Sub Antoninis.* §. 84. *Sub Severo, & successoribus.* §. 85. *Sectarum origo.* §. 86. *Labeonis, & Capitonis diversa ingenia.* §. 87. *Utriusque sectatores.* §. 88. *Scholarum Proculi, & Sabini dissensiones.* §. 89. *Finis sectarum.*

§. 25. **H**actenus de JURE generatim: jam de ejus ORIGINE agitur, dnce POMPONIO, cujus fragmentum a *πρῶτος* suspicione BERN. HERN. REINOLDUS; a variis doctorum reprehensionibus ampliss. vir. CORN. van BYNKERSH. in *Prætermis- sis ad L. 2. D. h. t.* erudite vindicarunt. Apud *Hist. nostr. jur. civit. Rom. nec non Præfation. Opuscul. jur. historic. præmiss.*

§. 26. Quum vero jus civile, de cujus origine hic agitur, statui, utilitatique rei publicæ attemperandum sit ( §. 15. ) & res publica Rom. tres potissimum mutationes subierit; totidem quoque JURIS ætates, ac periodos fuisse oportet. Initio enim urbs REGIBUS paruit per annos 244. Deinde iis exactis LIBERTAS inter perpetuas fere optimatum, plebisque discordias fluctuavit. Postremo CÆSARES omnia ad se traxerunt, nemine adversante, veri *παμβασιλεύς*, quamvis carent nomine.

§. 27. Quum Roma esset colonia Albanorum, DIONYS. HAL. *Lib. I. cap. 175. p. 61. 72. Lib. II. c. 85. p. 78. Lib. III. cap. 31. p. 172.* colonie autem sacra, moresque majorum religiose servarent, vero-



Ed. Tem. J. Paolo della Croce Fond. Fr. Giovanni scalpi della S. Croce a  
Dubino, 21. Dic. 1886

simile  
attulis  
zine  
conu  
Blic  
ejus  
L. 2. 2.  
f. 2.  
ferendi  
bello  
cap. 2.  
phum  
f. 2.  
A. 2.  
(b), re  
prae  
fere ob  
tere on  
HALC  
f. 3c  
buni ce  
- (a) b  
de par  
Collar  
incero  
NYS.  
n. p.  
p. 2.  
(b) a  
pelluc  
facile  
cere ju  
tassu  
tu tunc  
(c) T  
DOOY.  
Debut  
(d) V  
cenu  
c. 9. p.  
horato  
plorat  
Tizius  
4. pag.



simile sane est, primos colonos Albana jura Romam attulisse. Hinc initio *populus Rom. sine lege certa*, sine jure certo. (puta scripto) *agere instituerat*, omniaque (quæ præter mores patrios utilitatis rei publicæ exigere videbatur) *manu à Regibus* (Romulo, ejusque paullo post collega Tito Tatius gubernabantur L. 2. §. 1. D. h. t. TACIT. *Annal.* III. 26.

§. 28. Postea Romulus populum, cui facultatem ferendi leges, creandi magistratus, deque pace, & bello statuendi reliquerat (DION. HALIC. *Lib. II. cap. 24. p. 55.*) in 30. curias descripsit (LIV. *L. I. cap. 13.*) & sic leges quasdam curiatis (a) ad populum tulit. L. 2. §. 2. D. h. t.

§. 29. Tulerunt & sequentes reges L. 2. §. 2. D. h. t. Nam & Numa religionibus populum devinxit (b), repertaque quædam a Tullo, & Anco (c), sed præcipue Serv. Tullus functor legum, quibus & reges obtemperarent. (d) TACIT. *Annal.* III. 26. Quæ fere omnia sustulit Tarquinius Superbus, DIONYS. HALIC. *IV. 20.*

§. 30. Regibus lege tribunitia L. Junii Bruti, tribuni celerum, exactis, leges quoque eorum exole-

(a) E. g. sanctitate mœnium, PLUT. *Quest. Ro. 26.* de patria potestate, DION. HAL. *Lib. 2. cap. 27. p. 96. Collat. legg. Mos. & Rom. l. 1. de nulum sævitia in soceros*, FEST. voce *plorare*: de ritu nuptiarum, DIONYS. *Lib. 2. cap. 25. p. 95. honore matronali* L. 2. c. 25. p. 98. Reliquæ Romuli leges fere ad jus publicum pertinent.

(b) Ad jus tamen privatum pertinent leges Numæ de pellicatu, FEST. voce *pellex*; de fide in contractibus facienda, LIV. I. 21. de filio, quem pater uxorem ducere jusserat, non venundando PLUT. *Num. p. 71. fortassis etiam illa de mortua gravida non nisi excisso foetu tumultuanda* L. 2. D. *de matr. infr.*

(c) Tulli est lex de tergeminiis ex ærario alendis, DIONYS. HAL. *lib. 3. cap. 9. p. 215. Anco jus faciale debuit originem*. LIV. I. 32.

(d) Leges Servii de contractibus, cessione bonorum, censu, aliisque memorantur apud DIONYS. HAL. *lib. 3. c. 9. p. 215. cap. 15. p. 220. c. 36. pag. 239. seq. de liberorum sævitia adversus parentes* apud FEST. in voce *plorare*. Idem institutis comitibus centuriatis, legibus curiatis finem fecisse videtur. LIV. I. 43. DIONYS. *Lib. 4. pag. 221.*

scere, & cives incerto magis jure, & consuetudine iterum agere cœperunt, quam per latam legem, idque populus prope vigint. ( id est, sexaginta ) annos passus est L. 2. §. D. 3. h. t. Itaque ne tunc quidem sine omni jure fuit res publica, sed sine jure scripto, legibus quippe regiis non ab usu remotis, sed consuetudinum patriarum loco observatis L. 8. D. de his, qui jus, vel al. jur. & postea maximam partem in XII. tabulas translatis. DIONYS. HALIC. Lib. 2. c. 26. p. 96. LIV. Lib. 1.

§. 31. Hinc non sub Tarquinio Superbo, sed regibus jam ejectis, leges regias juri sacro Numa subjunxit, & in sexto libro suo conscripsit. C. Papirius (a) DIONYS. GAL. Lib. III. cap. 50. p. 177. L. 2. D. h. t. Unde jus PAPIRIANUM, in quod Luculentus existit Graii Flacci commentarius L. 144. D. de verb. signif. (cujus JCTI ætate ex CENSORIN. de die nat. cap. 3. primus observavit DUKER. de Latinit. vet. Jctor. pag. 156. ).

§. 32. Interea republica inter diversa optimatum, plebisque studia fluctuante ( §. 26. ) & neutra parte alteri potestatem ferendi leges concedente, demum tres viros in Græciam, leges inde petituros, mittere placuit. Accitis itaque, quæ usquam egregia occurrebant, decem viri legum ferendarum causa constituti, Hermodori Ephesii consilio usi, inde primum X. tabulas compilarunt, quibus paulo post binas alias adjecerunt. LIV. III. 31. seq. DIONYS. HAL. Lib. X. cap. 52. p. 676. L. 2. §. 4. D. h. t. Et hæ populi suffragiis probatæ in tanto aliarum super alias cœcervatarum legum cumulo, fons erant universi publici, privatiq; juris LIV. III. 34. Add. EV. OTTOM. Prefat. Tom. III. Thesaur. jur. civ. præmissam.

§. 33. Inde enim JCTI deinde INTERPRETANDO eliciebant perimulta, quæ propalam verbis non con-

(a) *Cajum* vocat DIONYSIUS. Apud POMPONIUM in vulgatis editionibus modo *Sextus* vocatur L. 2. §. 2. modo *Publius* L. 2. §. 36. Sed ut priore loco pro libro *Sexti*, libro *sexto* rescribendum esse monuit CUJACIUS; ita posteriore tentari posset: *fuit autem in primis peritus* PUBL. JUR. ( id est, publici juris ) *Papirius* ( Vid. *Observ. nostr. de jure Papiriano* ).

vinebantur §. un. *Instit. de legit. patr. tit.* Multas etiam juris controversias DISPUTATIONE FORI perducebant ad liquidum L. 2. §. 5. *D. h. t.* Quæ omnia in sensu strictiore JURIS CIVILIS nomine veniunt L. 2. §. 2. & §. 6. *D. h. t.*

§. 34. Idem JCTi auctores sunt ACTIONUM LEGIS; id est, formularum, & conceptionum verborum, quibus inter se homines disceptarent L. 2. §. 6. *D. h. t.* II. solemnitatum quarundam, quibus actus voluntariæ jurisdictionis coram magistratu essent explicandi L. 4. *C. de off. procos.* L. 4. *D. de adopt.* L. 1. *D. de off. jurid.*

§. 35. Ab his quodammodo differunt ACTUS LEGITIMI, itidem solemniter, sed non coram magistratu, explicandi. In eo autem par utrorumque ratio est, quod I. nec diem, nec II. conditionem, nec III. procuratorem admittunt ( *GUJAC. Observ. XV. 16.* ) nec IV. iterato fieri possunt L. 123. *pr. L. 77. D. de reg. jur.* & V. a pupillo explicari nequeunt sine tutoris auctoritate L. 19. *de auct. tut.*

§. 36. Hæc omnia quum Pontifices, & JCTi initio in latenti haberent; Cn. Flavius, Appii Claudii scriba, fastos dierum, quæ lege agere fas esset, actionumque formulas, ab Appio collectas, divulgavit. Unde JUS FLAVIANUM, de quo L. 2. §. 6. 7. *D. h. t.* CIC. *pro Muran. c. 10. ad Attic. VI. 1.* LIT. IX. 46. *PLIN. Hist. nat. XXXIII. 1.* GELL. VI. 9.

§. 37. Hinc indignati JCTi, & subveriti, ne regnum illud forense deminueretur, novas composuerant formulas, occultisque perscriptas notis domi observabant. At vero & hæc mysteria evulgavit egregie cordatus homo Sex. Elius Catus L. 2. §. 7. *D. h. t.* auctor JURIS ÆLIANI, a quo diversa hand fuisse videntur ejusdem *Tripartito*, de quibus L. 2. §. 38. *D. h. t.* Add. HENR. NORIS. *Cenotaph. Pisan. p. 419.*

§. 38. Ab eo tempore, quo decem viri leges XII. tabularum pertulerant, variæ subinde prodire LEGES, variæ PLEBISCITA, quibus vel adderetur aliquid istis legibus, vel eædem explicarentur, aut emendarentur ( *vid. Ev. OTHON. Prefat. Tom. III. Thesaur. jur. civ. p. 26.* ) quo in numero maxime

fuit lex Æbutia. Indicem legum, & plebiscitorum texiunt PAUL. MANUTIUS, ANT. AUGUSTINUS, FRANG. HOTOMANNUS, PAULUS MERULA, JOAN. VING. GRAVINA, aliive.

§. 39. Et LEGES quidem ab universo populo, patribus, & plebe, rogante magistratu senatorio ferebantur §. 4. *Inst. de jur. nat. gent. & civ.* Upde & *populiscita* vocantur a TACITO *Annal. III. 58.* PLEBISCITA contra erant sanctiones, rogante plebejo magistratu, veluti tribuno plebis, plebis suffragis confirmatæ d. §. 4. *Inst. de jur. nat. gent. & civ.* De ritu leges ferendi diximus in *Antiq. Rom. l. 2. 1. p. 38. seq.*

§. 40. At plebiscita etiam LEGES dici cœperunt, postquam primum a. u. c. 304. lege HORATIA, deinde a. 414. PUBLICIA, ac deinnum 456. HORTENSIA cautum, ut quod plebs tributim jussisset, populus teneretur LIV. III. 75. VIII. 12. GELL. XV. 38. L. 2. §. 8. D. h. t.

§. 41. Porro ab a. u. c. 489. quo prætores, & ædiles curules in urbe esse cœperunt, nova juris accessio facta est per EDICTA MAGISTRATUUM, sub honorum auspiciis de rebus ad cujusque jurisdictionem pertinentibus, a prætoribus, (a) præsi-

(a) An etiam a prætore peregrino? Negant FRHOTOM. & GR. SCHUBART. *de fat. jurispr. Rom. p. 399.* Adfirmat REINOLD. *Var. cap. 37. p. 267.* eo argumento adductus, quod in L. 9. §. 4. D. de mal. memorantur LABEONIS libri prætoris peregrini. Eniuviro his libris Labeonem non edictum prætoris peregr. interpretatum; sed ejus officia exposuisse, vel inde patet, quod & libros prætoris urbani L. 19. D. de verb. signif. & ab his diversos libros ad edictum scripsit L. 1. §. 5. D. de fugitiv. GELL. IV. 2. Certiora sunt testimonia VALER. MAX. I. 3. 2. edictum Hispali prætoris peregr. Chaldæi urbe submoti, diserte memorantis; nec non BOETHII ad CC. Top. & THEOPH. LI. §. 7. *Inst. de jur. nat. gent. & civ.* Ille enim, *edicta*, inquit, magistratuum sunt, quæ prætores urbani, & PEREGRINI, vel ædiles curules jure dixerunt. Hic autem Κριτα των δι τὸ γινώσκων δε- δωκεν τῷ πραιπρι τῷ Ουρβανῶν κατὰ πρόταρα τῷ περὶ γένον, & ædilibus curulibus (De his, & reliquorum magistratuum edictis multa diximus in præfatione præmissa Ez. SPANHEMII *Orbi Romano*, edit. Halens.)

dibus provinciarum, atque ædilibus curulibus quotannis proposita. CIC. *de finib.* II. 22.

§. 42. His edictis multa innovata, adjuvandi, supplendi, corrigendique juris civilis gratia, obtutunque utilitatis publicæ L. 7. §. 1. *D. de just. & jur.* Hinc I. nova vocabula in fraudem juris veteris inventa, e. g. *bonorum possessio, constitutum, hypotheca*. Hinc II. novæ actiones principiis juris civilis adversæ; veluti *Publiciana, Paulliana*. Hinc III. restitutiones in integrum. Hinc IV. exceptiones datæ ex negotiis jure civili invalidis. Hinc denique V. tot fictiones, quales habes in §. 4. 5. *Inst. de act.* Vid. *Antiq. Rom.* I. 2. 24.

§. 43. Et quamvis magistratus non sint legislatores ( §. 15. ) L. 12. §. 4. *D. de Publ. in rem act.* L. 12. §. 1. *D. de bon. poss.* eorum tamen edicta, usu fori probata, demum juris scripti auctoritatem propter vetustatem obtinuerunt, CIC. *de invent.* II. 22. dictaque JUS HONORARIUM (a) quod vivam

§. 44. Quam vero & singulis annis nova edicta proponerentur ( §. 41. ) & proposita ea ipso anno subinde mutarentur, multaque jura nova statuerentur τὸ δῆλον ἐστὶ καὶ ἔχρησται in gratiam, odiumve certorum hominum, DIO. *Lib.* 36. p. 21. demum a. u. c. 636. SC. cautum, ut prætores ex suis edictis perpetuum jus dicerent, DODWELL *Præf. Cambd.* p. 333. 665. In quam sententiam & lex Cornelia facta, DIO CASS. *Lib.* 36. p. 27. *Cons. Antiqu. nostr. Rom.* I. 2. 22. p. 52.

§. 45. Tale fuit jus libera republica. Sub IMPERATORIBUS tres distinguendæ periodi: quarum prima ab Augusto ad Hadrianum; altera ab hoc ad Constantinum M.; postrema ab hoc ad Justinianum porrigitur (Istam ad juris prudentiam antiquam; illam ad mediam; hanc ad novam vulgo referunt §.

(a) Prætura καὶ ἱεροχλῆν videtur honor adpellata, quem admodum prætor HONORATUS. OVID. *Fast.* I.

Verbaque HONORATUS libera Prætor habet.

Vid. CAR. HANNIB. FARROT. *ad Theophil.* p. 26.

3. *Inst. de leg. agn. success.* JAC. PERIZ. *de leg. Vocon.* p. 98. vid. *Inst.* §. 6. \* )

§. 46. ET AUGUSTUS quidem tyrannidis aversatus suspitionem, nihil admodum circa modum leges ferendi innotavit. Veteri sane ritu latæ leges Julię de publicis judiciis, Ælia Sentia, Fusia Caninia, Papia Poppæsa. ZONAR. *Annal. Tom. I. Lib. 10. p. 533.* immo & plebiscitum tum prodit, lex puta Falcidia. DIO. *Lib. 48. p. 430.*

§. 47. Attamen callido satis consilio instituit, ne certis tantum personis facultas daretur de jure respondendi, iudicibusque ab earum responsis discedere hand liceret. *L. 2. §. ult. D. h. t. §. 8. Inst. de jur. nat. gent. & civ.* quum antea responderent quibuscumque esset studiorum fiducia, & ICIOTUM responsa sæpe ab oratoribus dicendo everterentur. Cicer. *pro Muræ.* cap. 13. & *pro Cæcin.* c. 24. Cujus instituti rationem reddimus in *Antiq. Rom. l. 2. 39.*

§. 48. Major facta rerum conversio, comitiis a Tiberio eo obtentu, quod in tanta hominum turba plebs non facile, multoque difficilius populus conveniret, e campo in curiam translatis. *L. 2. §. 9. D. h. t. TACIT. Annal. l. 15.* Ex eo sane tempore raro leges latæ more majorum (a), & pro populo omnem rem publicam senatus procurare cepit.

§. 49. Quum ergo ex eo non ambigeretur, senatum jus facere posse: *L. 9. D. de legib. orta sunt SENATUSCONSULTA* (b) id est, jura, præmissa principis oratione a senatu loco populi constituta *L. 2. §. 9. D. h. t. §. 5. Inst. de jur. nat. gent. & civ. TACIT. Annal. XI. 15.* Unde non obscurum, cur SCta & orationes principum adpellentur. *L. 8. D. de transact. L. 1. D. in quib. caus. pign. L. 52. §.*

(a) Non tamen plane nullæ. Anno enim u. c. 771. lata lex *Funia Norbana*: ULP. *Fragm. I. IG.* paulo post, uti videtur, *Visellia*. GRAVIN. *de legib. & SSC.* §. 24. p. 535. postremo a. u. c. 813. lex *Petronia*, de qua PAUL. *sent. rec. 4. 12. & L. 24. D. de manum.*

(b) Exstant SCta & libera republica facta. Sed illa non leges fuere; verum decreta de rebus curæ amplissimi istius ordinis demandatis, nisi tribuum suffragiis confirmarentur (*Instit. §. 48. \**). DIONYS. HAL. *lib. 9. cap. 58. p. 395. Lib. 10. cap. 52.*

10. *D. pro Soc. L. 60. pr. D. de ritu nupt. & passim.*

§. 50. Hujus modi SCta quam plurima condita ad tempora usque Antonini Caracallæ. Quæ postea decrevit senatus, ea fere ad honorem principum pertinebant, nec pro lege erant, nisi *lege Augusta*, id est, edicto principali confirmata, SYMMACH. *Epist.* 10. 21.

§. 51. Ex quo enim Romani principatum ferre dicerant, & *LEGE REGIA* (quæ *lex imperii*, *L. 3. C. de test. & Augustum privilegium*, in *L. un. §. 14. C. de cod. toll.*) populus in principem omne contulerat imperium: *L. 1. pr. D. de constit. princ. §. 5. Inst. de jur. nat. gent. & civ. cœpit paulatim jus novum constitutionibus principalibus invehiri.*

§. 52. Factum id jam a temporibus Vespasiani. *L. 4. §. 6. D. de legation.* quibus *lex illa regia* veluti ad *ἀπλό* videtur pervenisse. *Antiq. nostr. Rom. I. 2. 65. 67. p. 88.* Potissimum tamen multa innovata ab HADRIANO, quem principem in caeremoniis, LEGIBUS, gymnasiis, doctoribusque curandis Numam imitari voluisse, ex VICTORE Schotti observat DODW. *Præf. Cambd. VII. p. 294.*

§. 53. Primo enim per Salvium Julianum consiciendum curavit EDICTUM prætoris PERPETUUM AUR. VICTOR, *cap. 18. EUTROP. VIII. 9.* Deinde vel ab eodem, ut videtur DODW. *p. 395.* vel, quod Ez. SPANHEM. *Orb. Rom. II. 12.* mavult, a Maroo compilari jussum EDICTUM PROVINCIALE (a). Neo dubitandum, quin eadem opera præstita sit EDICTO ÆDILITIO. Saltem hæc tria edicta fere sola ex eo tempore in foro regnarunt, & præcipue commentariis illustrata sunt a jureconsultis.

§. 54. Iisdem quoque temporibus auditum proverbium; *ἡκεῖ τε Πῶμυ, ὅπου τ' αἱ δ βασιλεύει, &c.* Roma est, ubi imperator est. HERODIA. *l. 5.* Hinc non modo in senatu, sed & inter peregrinandum nova jura constituere cœperunt imp. totum illam ve-

(a) Quamvis, si dicendum, quod res est, unum idemque potius fuisse videtur edictum provinciale, & urbanum. Argumenta ejus rei dedimus in *Prefatione* præmissæ Ez. SPANHEM. *Orb. Roman.* edit. Halensi.

terem, & squallentem legum silvam novis principallium rescriptorum, & edictorum securibus truncantes. TERTULL. Apol. IV.

§. 55. Quumque Christ. religio publice recepta, aliam vitam, aliosque mores postulare; mirum non est, harum constitutionum numerum a temporibus Constantini M. maxime increvisse. Hinc universum fere jus immutatum a Constantinis, Theodosiis, Valentinianis; nec incredibile est, compilatos ideo esse codices Gregorianum, & Hermogenianum, ut extaret veteris, & paganæ jurisprudentiæ monumentum: quemadmodum eum in finem Codex Theodosianus confectus, ut in manus hominum venirent legitimorum principum constitutiones. JACOB. GOTHOF. Proleg. Cod. Theod. c. 1. & seq.

§. 56. Hactenus de origine juris: jam de MAGISTRATIBUS agendum, sed breviter, ne, quæ infra titulo X. & sequentibus erunt dicenda, occupemus.

§. 57. Magistratus erant personæ publicæ, rempublicam in partibus sibi a populo creditis per tempus legitimum administrantes. Quia itaque vel in urbe, vel in provinciis officiisungebantur, hinc in URBANOS, & PROVINCIALES dividi solent.

§. 58. Alii porro erant ORDINarii, qui ordinariæ; statisque temporibus creabantur: alii EXTRAORDINarii, qui interdum, & extra ordinem. Utrique, si auspiciis majoribus, & lege curiata constituerentur, MAJORES; sin minoribus in comitiis tributis, MINORES dicebantur. GELL. Noct. Att. XIII. 15. Omnes hi initia patricii, quibus solis competeat τῆς πόλεως προσία civitatis regimen: DIONYS. HALIC. Lib. 2. c. 8. p. 83. post continuos furores tribunicios promiscue fere patres, vel plebei, Cic. pro dom. cap. 14.

§. 59. Initio urbem REGES habuere, non, prout libitum, imperitantes, uti visum TACITO Annal. III. 26. sed ita cum patribus, & populo partiti rem publicam, ut illi consilio reges juvarent, magistratusque obirent; hi curiatim, vel centuriatim de legibus, honoribus, pace, belloque statuerent: ipsi sacris, legibus, comitiis, senatui, exercitibus præsentes. DIONYS. GAL. L. 2. c. 11. p. 85. c. 14. p.



87. Unde Romanos ex tribus rerum publicarum formis unam fecisse, scribit L. AMPELIUS *Lib. memor. extr. p. m. 405.*

§. 60. Dicuntur & reges magistratus. L. 2. §. 13. 14. *D. h. t.* sed improprie. Sub illis præcipui magistratus erant TRIBUNICELERUM, qui equitibus præfecti proximum a regibus locum obtinebant: L. 2. §. 15. *D. h. t.* LIV. l. 15. PRÆFECTI URBI, profectis ab urbe regibus, extra ordinem constituti; L. 2. §. 33. *D. h. t.* TACIT. *Annal. VI. 11.* & INTERREGES, qui tempore interregni singuli per quinos dies summæ rerum præerant. LIV. l. 17.

§. 61. Exactis regibus, primi magistratus urbani majores, & ordinarii erant bini CONSULES (a) quotannis populi suffragiis creati, ne potestas vel mora, vel solitudine corrumperetur. FLOR. 1. 9. Initio ex patribus legebantur (§. 58.) ab a. u. c. 363. etiam ex plebe: LIV. VII. 1. eademque fere potestate, qua olim reges, præerant rei publicæ. DIONYS. HAL. *Libra 4. cap. 74. p. 268.*

§. 62. Eodem tempore, quo primum consules ex plebe sumpti (§. 61.) creati etiam PRÆTOR, quem penes juris dicundi potestas esset. Tunc unus sufficere visus; anno 387. alter accessit, cui inter peregrinos obveniret jurisdictio. Hinc pro numero provinciarum modo quatuor, modo sex, modo plures creati, quorum unus præturam urbanam, alter peregrinam, reliqui vel provincias, vel quæstiones de publicis judiciis sortito accipiebant. Sub imperatoribus modo 16., modo 18. prætores fuere, L. 2. §. 32. *D. h. t.* quem numerum Augustus ad 12. reduxit. Et quamvis eum numerum se non excessurum jurasset Tiber. TAC. *Annal. 1. 14.* anno tamen 787. iterum 16. memorantur prætores apud DION. HAL. *Lib. LVIII. p. 634.*

§. 63. His porro Claudius imp. addidit duos prætores FIDEICOMMISSARIOS, ex quibus unum Titus imp. detraxit L. 2. §. 32. *D. h. t.* sub Nerva prætor FISCALIS; d. l. 2. §. 32. sub Marco Anto-

(a) Aliquando tamen & unus sine collega creatus Cn. Pompejus Magnus, DIO CASS. *lib. 40. p. 144.*

nio TUTELARIS accessit. L. 8. §. 13. D. de excus. JUL. CAPIT. Vit. Marcell. cap. 10.

§. 64. CENSORES duo singulis lustris creabantur ab a. u. c. 312. fere consulares LIV. IV. 8. & VII. 32. Eorum initio quinquennis potestas; postea annua, & sex mensium per legem Æmilianam. LIV. IV. 26. Hi censum agebant, huiusmodi condebant, senatum legebant; parum decore viventes notabant (a), opera publica, & vectigalia locabant, cælibatum prohibebant. JUST. LIPS. de censu, & censoribus.

§. 65. Inter extraordinarios, urbanos, majores eminebat DICTATOR, in rebus trepidis ab alterutro eorum: nocturnus, & silentio dici solitus. Is ubi postridie jussu populi equum conscenderat, sibi MAGISTRUM EQUITUM nominabat, summoque gaudebat imperio, adeo ut initio & in magistratus animadverteret, POLYB. III. 87. nec ab eo esset provocatio. FEST. voce: optima lege. At postea cautum, ut a dictatore posset provocari; LIV. III. 55. & ut non nisi semestris ea potestas esset, neque dictator extra Italiam esset cum imperio (b) DIO. Lib. 36. p. 16.

§. 66. Extra ordinem & PRÆFECTUS URBI ex vetere instituto creabatur, absentibus ab urbe consulibus. DIONYS. Halic. Lib. 2. c. 12. 85. Liv. 3. 29. Deinde prætor vices consulum absentium in urbeungebatur, & PRÆFECTUS URBI tantum feriarum Latinarum causa creabatur, quia tunc omnes magistratus ab urbe per aliquot dies oportebat abesse. L. 2. §. 33. §. h. t.

§. 67. Hoc quoque temporis tractu constitui solebant INTERREGES, quoties sine supremo magistratu erat res publica. LIV. 3. 8. Horum quidem

(a) Neque tamen ea ignominia notati infames fiebant, ut eleganter demonstravit REINOLD. Var. cap. 15. pag. 110. seq.

(b) Interfecto Cæsare incivilis illius potestas plane suppressa, sancitumque additis execrationibus, ne quis in posterum dictaturæ mentionem faceret. Cic. Philip. I. 2. DIO CASS. Lib. 44. pag. 267. Et inde est, quod Augustus dictaturam; magna vi offerente populo, genu nixus, dejecta ab humeris toga, nudoque pectore deprecetur. SÆTTON. Aug. cap. 52.

summum imperium, sed brevi-quinorum dierum spatium circumscriptum. LIV. *ibid.* c. 6. 1.

§. 68. Extra ordinem, suppressa reliquorum magistratuum potestate, semel constitutos constat DECEMVIROS *legum ferendarum causa* (§. 32.) quorum singuli per denos dies cum fascibus, & sine provocatione jus dicebant. LIV. §. 32. Sed eam potestatem populus, Appii Claudii libidine exacerbatus, altero statim anno suppressit. LIV. 3. 36.

§. 69. Denique TRIBUNI MILITUM terni creari ceperunt consulari potestate ab a. u. c. 310. quando inter patres, & plebem certamen de consule plebejo creando quam maxime fervebat. LIV. 4. 6. Ex eo tempore ad a. 378. modo coss. præfuerunt reip., modo tribuni militum, & hi jam patricii, aliquando terni, nonnumquam seni, immo & octeni, DIOD. SIC. *Lib.* 25. GRUT. *Infer. p.* 700. numquam tamen viceni (a) ut est in L. 2. §. 25. D. h. t.

§. 70. Et hi quidem magistratus urbani majores, tum ordinarii, tum extraordinarii. Sequuntur minores, qui ipsi quoque vel ordinarii, vel extraordinarii, erant. Inter ordinarios primi TRIBUNI PLEBIS, quorum bini primum post primam plebis secessionem, creati, mox quini, demum decem, e quo collegio tribunorum alter alteri poterat intercedere. LIV. 4. 49. VI. 35. (*hist.* §. 24.).

§. 71. Horum vero erat, plebi adversus magistratum sævitiam auxilio esse, LIV. 2. 33. plebiscita ad plebem ferre (§. 38.) & consilia senatus plebi adversa illo solemnī VETO turbare. Unde sæpe ipsis coss. vincula minati. LIV. 2. 56. PLUTARCH. in *Mar. p.* 407. sæpe potestate illa abusi, omnia prohibito miscebant, idque tanto impudentius, quod se sacrosanctos esse non ignorarent. LIV. 2. 33.

§. 72. ÆDILES, a tribunis proximi, vel plebei, vel curules erant. Illi statim cum tribunis plebis creari cepti, ut istis essent adjuutores, causasque leviores, ab illis delegatas cognoscerent, ædiumque,

(a) Probabile est, POMPONIUM scripsisse, interdum enim VI. fuerunt, interdum plures, nonnumquam pauciores; ex illo autem VI. librarium exculpisse VIGINTI, PERIZON. *Anim. hist.* II. p. 46.

annonæ, & ludorum curam haberent. DIONYS. Hal. *Lib.* 6. c. 90. p. 411. Hi a sella curuli dicti, & ludorum causa primum creati a. u. c. 387. LIV. 6. *extr. L.* 2. §. 26. *D. h. t.* ædēs, & vias publicas tuebantur, foro præerant, aliæque ad decus urbis pertinentia curabant, eoque nomine quotannis proponebant edicta (§. 41.) Ædiles CEREALES primum creati a Julio Cæsare. *L.* 2. §. 32. *D. h. t.*, REINOLD. c. 3. p. 26.

§. 73. QUÆSTORES, TACITUS *Annal.* 11. 32. & ULPIANUS *L. un. pr. D. de off. quæst.* jam sub regibus fuisse; at PLUTARCH. *Poplic.* p. 103. a P. Valerio Poplicola primum creatos tradit. Forsan hic quæsturam a Tarquinio Superbo suppressam restituit. De eorum officio nos plura *Lib. I. tit.* 13.

§. 74. Quæstores sequebantur XXVI. VIRI, quorum numerum Augustus ad 20. redeigisse dicitur. DIO. *Lib.* 54. p. 540. Fuere in hoc numero *decemviri stlitibus judicandis*, l. 2. §. 29. *D. h. t.* (a) *dumviri* viarum publicarum extra urbem curatores, DIO CASS. *Lib.* 54. p. 40. *triumviri* auro, argento, æri flando, feriundo, seu cudendo numismati præfæci, l. 2. §. 30. *D. h. t.* quorum aliquando 4. memorantur in numero gentis *Livinciae* apud VAILLANTIUM, *quatuorviri* in Campaniam mitti soliti, DIO. *ibid.* *triumviri capitales*, qui carceris custodiam habebant, jussu populi in foro animadvertēbant, leviorisque sortis hominibus jus dicebant. *L.* 2. §. 30. *D. h. t.* SALLUST. *Catil. cap.* 55. PLAUT. *Amphitr.* 1. 2. 3. *Asin.* 1. 2. 5. & ibi viri docti, & denique *quatuorviri viis urbanis curandis*, de quibus l. 2. §. 30. *D. h. t.* GRUT. *Inscr. pag.* 457. n. 2.

§. 75. Iungendi his QUINQUEVIRI cis, & ultra Tiberim, functi pro magistratibus, quibus inconveniens erat, vespertinis temporibus in publicum esse. *L.* 2. §. 31. *D. h. t.* Eorum originem docet LIV.

(a) Decem viri stlitibus jud. prætor jus dicenti, vel hastam centumviralem cogenti in consilio erant. Unde & collegium eorum, quod ex quinque senatoribus, totidemque Equitibus constabat, CONSILIUM vocatur in §. 4. *Instit. & ex quib. caus. manum.* GRUT. *Inscr. pag.* 261. num. 2. Add. *Antiq. nostr. Rom.* 4. 6. 9.

39. 14. ex quo etiam scimus, illos adjuutores datos triumviris capitalibus, ut cum iis vigilias per urbem disponerent, cœtus nocturnos prohiberent, incendia caverent; arcèrentque.

§. 76. Extraordinarii magistratus minores fuere varii, veluti PRÆFECTUS ANNONÆ. QUINQUEVIRI MENSARII; a dispensatione pecuniæ dicti: LIV. 7. 21. DUUMVIRI NAVALES, classi reficiendæ, ornandæque, & oræ maritimæ præfecti; LIV. 9. 36. 11. 18. quamvis hi non adeo commode urbanis accenseantur magistratibus.

§. 77. Provinciis aliis consules, aliis PROCOS. aliis prætores præficebantur cum summo imperio. Adjuncti his erant LEGATI, QUÆSTORES, variique comites, de quibus diximus in *Antiq. Rom. Adpend. I. 103. p. 32. seq.*

§. 78. Sub IMPERATORIBUS. eadem magistratuum vocabula (a) nihil usquam prisca, & integri moris, omnibus, ex æqualitate, jussa principum adspectantibus, TACIT. *Annal. 1. 3.* qui tribuniciam potestatem, proconsulare imperium, præfecturam morum, legum denique, senatus, & magistratuum munia ad se nullo adversante, traxerant. *Id. Annal. 1. 1.* Novi tamen excogitati magistratus, veluti *præfectura prætorii, præfectura urbis, præfectura vigilum*, de quibus infra suo loco.

§. 79. Provinciæ post Augusti tempora aliæ populi erant, aliæ principis. In illas ex veteri instituto mittebantur viri consulares, & prætorii, nomine PROCOS. vel PROPRÆTORUM, in has LEGATI AUG. PROCOS. vel PROPRÆT. Minoribus præerant PRÆF. AUG. Ibidem, & in Italia erant JURIDI, aliquando & CONSULARES. Nec ignoti CORRECTORES, RATIONALES, CATHOLICI, aliique (b).

(a) Adeo ut & tribuni plebis in urbe essent. DIO. *lib. 57. p. 310.* TACIT. *Histor. 4. 9.* PLIN. *Epist. I. 23.*

(b) A Constantini M. temporibus plane immutata provinciarum dispositio. Unde alia fere magistratuum vocabula; Cod. quam in Pandectis in quæ egregia illustrent

§. 80. Reliquum est, ut de JCTORUM, vel PRUDENTIUM SUCCESSIONE. agamus. Libera republica præcipue notandi C. *Papirius*, juris Papiriani auctor ( §. 31 ) *Tiberius Coruncanus*, primus jus publice professus, l. 2. §. 35. D. h. t. *Sex. Aelius Catus*, juris Æliani conditor ( §. 37. ) ejusque frater P. *Aelius*, M. *Porcius Cato* cum pater, tam filius, regulæ Catonianæ auctor, P. MUCIUS, BRUTUS, & M. MANILIUS, qui jus civile fondasse dicuntur. L. 2. §. 39. D. h. t. *Serv. Sulpicius*, quem unum inter JCTos admirat CIC. *Brut. c. 41. l. 2. Granius Flaccus*, juris Papiniani interpres ( §. 31. ) & C. *Trebatius Testa*, a quo codicillorum jus probatum pr. *Inst. h. t.*

§. 81. Sub Augusto eminuerant *Antistius Labeo*, & *Atejus Capito*, duo pacis decora, sed inter se parum amice, *TAC. Annal. 3. 75.* nec non *Alfenus Varus*, & *Vittellus*: sub Tiberio, & successoribus *Masurius Sabinus*, *Nerva*, *Fabius Mela*, C. *Cassius Longinus*, *Proculus*: sub Vespasianis *Attilicius*, *Urseus Ferox*, *Plautius Pegasus*; a quo SC. Pegasianum ( vid. *MENAG. Amœn. jur. civ. c. 17.* ) *Nerva* filius, & C. *Sabinus*.

§. 82. Ab Hadriani temporibus uberrimus fuit JCTORUM proventus. Tunc enim floruerunt *Minucius Natalis*, P. *Juventius Celsus* filius, *Priscus Javolenus*, T. *Aristo*, magnifice collaudatus a *PLIN. Epist. 1. 22.* *Neratius Priscus*, *Fusidius*, cujus nomen restituit *CUJAC. Obs. 1. 8.* & edicti perpetui conditor celeberrimus, *Salvius Julianus* ( §. 53. ).

§. 83. Sub Antoninis celebrantur, *Papirius Fronto*, *Terentius Clemens*, *Junius Mauricianus*, *Sex. Cæcilius Africanus*, *Papirius Justus*, *Cajus*, quem suum vocat *JUSTINIANUS imp. §. 6. proœm. Inst. M. Claudius*, & *Quintus Saturnini*, *Pomponius*, legis 2. D. h. t. celeberrimus auctor ( §. 25. ). *Cornelius Scaevola*, *Volusius Macianus*, de quo *JAC. GOTHOFR. Diss. ad L. æt. D. ad leg. Rhod. de jact. cap. 2.* *Marcellus*, *Florentinus*, & *Taruntius Paternus*.

*GUID. PANCIOLO. in Notit. utriusque imper. & JAC. GOTHOFRID. ad Codicem Theod.*

§. 84. Severi, & successorum tempora illustrant, *Tertullianus*, *Arius Menander*, *Papinianus* JCtorum coryphæus, *Callistratus*, *Venulejus Saturninus*, & qui utramque paginam in Pandectis faciunt, *Ulpianus*, & *Paulus*, *Licinius Rufinus*, *Æmilius Macer*, & *Herennius Modestinus*. A Gordiani temporibus fere defecerunt JCtorum oracula, nisi quod sub Constantino M. *Hermogenianus*, *Arcadius Charisius*, & *Jolius Aquila* ad veterum gloriam adspirarunt. Qui enim postea Romæ, Constantinopoli, & Beryti jura docuerunt, multum ab illa veterum doctrina abfuerunt.

§. 85. Ceterum JCti hi plerique omnes Stoæ erant addicti: EV. OTTO *orat. de Philos. Stoic.* JC. ipsi tamen in sectas divisi. Origo dissensionum ab *Q. Antistio Labeone*, & *C. Atejo Capitone* (§. 81.) ingenio studioque dissimillimis, quorum ille libertatis studiosissimus, hic ad adulationem maxime proclivis fuisse fertur. GELL. 13. 12. Tacit. *Annal.* 3. 70.

§. 86. Tales hi JCti in republica: in juris prudentia plane in contraria currebant. *Capito* enim in his, quæ ei tradita fuerant, perseverasse; *Labeo* qualitate, & fiducia ingenii plura innovare instituisse dicitur, L. 2. §. 47. D. h. t. Quæ diversa placita quisque, ut fit, ad discipulos transmisit, perpetuis disputationibus occasionem datura.

§. 87. Et LABEONI quidem successit M. *Coccejus Nerva*, pater (§. 81.), huic *Sempronius Proculus*, a quo PROCULEJANORUM vocabulum; hunc excepit *Pegasus* (§. 82.) a quo PEGASIANI; *Pegasus Celsus* pater, cujus discipuli *Celsus* filius, & *Nervatius*. CAPITONI contra successit *Masurius Sabinus* (§. 81.) a quo SABINIANORUM nomen; *Sabino C. Cassius Longinus*, a quo CASSIANORUM vocabulum: *Cassio M. Cælius Sabinus*, huic *Javolenus Priscus*, *Javoleno Salvius Julianus* (§. 82.) L. 2. §. 47. D. h. t.

§. 88. Utriusque scholæ hoc potissimum notandum discrimen, quod I. *Capitonis* sectatores vetera tuerentur (a), *Labeonis* multa innovarent (§. 87.)

(a) Adeo ut parum curarent jurium originem, & rationem. Et eo quidem pertinet L. 20. 21. D. de legib.

Exempla sunt in l. 37. §. 21. l. 51. *D. de leg. Aquill. l. 6. D. de condit. ob. turp. caus. l. 31. D. ad leg. Falc. l. 3. S. 18. D. de adquir. possess. l. 12. D. de auct. tut. II. Quod illius familia magis naturalem rationem; hujus jus subtilius probaret. Exempla habes in §. 2. *Inst. de empt. & vend. l. 11. D. de adquir. rer. domin. l. 7. §. 7. D. eod. III. Quod illi magis æquitatem, & benigniorem sententiam; hi juris stricti rigorem sequerentur. Vid. l. 51. §. 2. D. ad leg. Aquill. l. 20. D. de reb. cred. l. 13. C. de lib. & postum. l. 91. §. 3. De verb. oblig. MERILL. Obs. 1. 3.**

§. 89. Sed post variam atriisque scholæ fortunam, postquam imperatores illas JCtorum dissensiones variis rescriptis tollere cœperant, t. 1. l. 49. *D. ad leg. Falc. l. 16. de jur. patron. l. 7. D. de iis, quæ fraud. cred. l. 9. C. qui test. fac. l. 11. D. de jurisdict. l. 4. de leg. commiss. sub Hadriani temporibus refrixit sectæ studium, & JC. fere neutrarum partium esse cœperunt, MERILL. Obs. 1. 6. 8. 1. qui tamen Obs. 1. 28. & 7. 18. Ulpium Marcellum adhuc Proculejanis favisse observat.*

### TITULUS III.

#### DE LEGIBUS, SCITIS, ET LONGA CONSUETUDINE

§. 90. *Ratio ordinis.* §. 91. *Quid lex?* §. 92. *De ejus natura axiomata.* §. 93. *An sit sponsio civitatis?* §. 94. *Obligat. in futurum, modo promulgata.* §. 95. *De quibus rebus feratur?* §. 96. *An & municipia, & collegia leges ferant?* §. 97. *Principis potestas in leges.* §. 98. *Quinam lege obligentur?* §. 99. *Lex minus quam perfecta, & imperfecta.* §. 100. *Lex permissiva, consilium, fraus legis.* §. 101. *Quid consuetudo?* §. 102. *De ejus natura axiomata.* §. 103. *Ejus probatio, & consignatio.* §. 104. *Quid si rationi adversa, vel per errorem inducta?* §. 105. *Ejus effectus.*

§. 90. **H**æc de juris origine. Jam de diversis juris speciebus, quarum tres hoc titulo considerantur,



LEX, SC. & CONSUETUDO, una sequente, puta CONSTITUTIONES PRINCIPUM, reliquarum specierum nulla hic habita ratio.

§. 91. Nimirum jus vel SCRIPTUM est, vel NON SCRIPTUM. Illius species variae sunt, veluti *lex*, *plebiscitum*, *SC.*, *principis placitum*, *magistratus edictum*; *responsa prudentum* (§. 16.). Sed quemadmodum *lex* tunc accipitur in sensu strictissimo; ita hic *latius* sumpta omne jus scriptum denotat, ut in *L. 1. L. 32. D. h. t. L. 1. §. 2. D. unde cogn.* adeoque LEX hic est commune praeceptum summi imperantis obligans cives, ut ad ejus normam actiones suas componant (*Inst. §. 77.*).

§. 92. Ex qua definitione fluunt axiomata: I. *Lex* est praeceptum commune. *L. 1. D. h. t.* II. Fertur a summa potestate, *L. 12. D. h. t.* III. Ad ejus prae-scriptum omnes, qui in re publica suat, vitam instituire debent. *L. 2. D. h. t.* IV. Legis virtus imperare, vetare, permittere, punire *L. 7. D. h. t.*

§. 93. Quam itaque *lex* sit commune praeceptum (§. 92. 1.) consequens est (1. ut DEMOSTHENES, & PAPINIANUS in *L. 1. L. 2. D. h. t.* non satis accurate eam definiant: *νόμος τῆς πόλεως κοινός*, *communem civitatis sponsonem* (a).

§. 94. Ex eodem, quo *lex* sit praeceptum commune (§. 92. 1.) sequitur 2. ut non obliget, nisi promulgata, *L. 9. D. h. t.* (3. Et publice promulgata statim obstringat; nisi certum tempus, a quo vigorem habitura, expressum sit, veluti duo menses in (b) *Nov. 66. c. 1.* (4. Ut formam de negotiis futura, nea ad praeterita porrigenda sit, *L. 21. D. h. t.*

(a) Nam (1. conceptus *legis*, & *pacti*, *praecepti* & *sponsonis* maxime discrepant. Deinde (2. *lex* & *dis-sentientes*, ac *invitos* obstringit. Denique (3. *lex* intelligi nequit sine superiore, seu legislatore, qui in statu populari est totus populus, singulos in re publica viventes obligans per modum praecepti. Quapropter obligatio singulorum ad legem servandam ex pacto quidem est; sed eo, quo semel in legislatoriam summi imperantis potestatem consenserunt, non quo singulas leges speciatim adprobant.

(b) Id tempus veteribus dictum VACATIO, SUES. *Aug.*

nisi vel explicet legem (naturalem, vel civilem) antiquiorem, *Nov. 18. præf.* vel legislator diserte meminerit pendentiū, vel præteritarum causarum, *l. 7. D. h. t. ult. D. de pact. pign.*

§. 95. Nec minus inde inferendum (5. Leges attemperandas esse circumstantiis, quales ut plurimum in rebus humanis observantur, quamvis aliquando aliter se habere possint (a). Quo pertinent *l. 3. 4. 5. 6. D. h. t.* (6. Easdem non ferri in singulas personas, *l. 8. D. h. t.* (quamvis constitutiones generales ferri possint occasione singularum personarum, *l. ult. D. h. t.* )

§. 96. Deinde, quum leges ferantur a summa potestate (§. 92. 2.) consequens est (ut municipia non leges condant, sed statuta, a summo imperante confirmanda, *ZIEGL. de jurè Majest. L. 5. 17.* (92. Ut quæ a collegiis, & corporibus communis utilitatis causa statuuntur, non leges sint sed pactiones, quæ ratæ sunt, dum ne quid ex publica lege corrumpant, *l. 4. de colleg. & corpor.*

§. 97. Ex quo axioma porro intelligimus (3. principem legibus a se latis non teneri (b) quamvis digna majestate vox sit, legibus alligatum se principem profiteri, & revera majus imperio videtur submittere legibus principatum, *l. 4. D. h. t. §. ult. Inst. quibus mod. test. Infirm. l. 3. de testam.* (4-

*cap. 34.* ubi de triennii vacatione, civilibus data ob legem Juliam de maritandis ordinibus, quam *Dio lib. 56. c. 66.* pereleganter vocat *χρόνος πρὸς παρασκευὴν διδύμου*, *tempus ad præparandam datum.*

(a) E. g. leges ponunt, parentes optimum consilium pro liberis capere, nullum esse impuberis animi judicium, neminem suum jactare velle; quamvis aliquando res multo aliter se habeat.

(b) Itaque huc non pertinent *Lib. 51. D. h. t.* Princeps enim revera non est solutus legibus, sed ab earum obligatione immanis. Romani principes, quamdiu tyrannidis suspicionem aversabantur, hoc libertatis simulacrum illudebant civibus, ut se legibus teneri præ se ferrent; quippe non a se, sed a populo, senatuque latis (§. 46. 49.). Hinc aliquando speciatim aliqua lege solvebantur, *DIO L. 59. p. 747.* aliquando generatim per legem regiam. Hæc vero quis hodiernis principibus applicaret?

Eundem legem abrogare, ei derogare, surrogare. ULP. *Fragm. l. 3. immo & ( 4. alios legibus solvere posse l. 31. D. de rit. nupt.*

§. 98. Quum porro ad legem omnes, qui in re publica sunt, vitam componere teneantur ( §. 92. ) 3. consequens est ( 1. ut illa obliget omnes cives etiam sacerdotio venerabiles, l. 43. §. 1. C. de Episc. aud. frustra oganniente Pontifice c. 4. X. de judic. ( 2. ut & cives temporarii legi parere debeant, quamdiu vivunt in re publica, l. 7. §. 10. D. interd. & releg. adeoque ( 3. & in contrahendis negotiis civitatis, in qua contrahunt, jura sequuti censeantur, modo non de rebus immobilibus in alia provincia sitis, contraxerint: SAND. *Decis.* 4. 8. 9. ( 4. Ut peccantes ex lege provinciae, ubi peccarunt, plectantur. ULR. HUBER. *Posit. Pland. h. t.* §. 22. seq. & ibi *Praet.*

§. 99. Denique quia legis virtus est imperare, votare, permittere, punire ( §. 94. 4. ) 1. recte lex irrogans poenam, nec tamen actum rescindens, minus quam perfecta (a) omni sanctione poenali destituta, imperfecta dicitur ULP. *Fragm. l. 1.*

§. 100. Porro inde colligimus ( 1. recte legem permissivam eatenus dici legem, quatenus ea cives omnes obstringatur, ne alios jure suo uti prohibeant, alias injuriarum rei futuri l. 1. §. 1. D. qui satisfacit. cog. ( 2. Consilia non esse leges, quum & ab inferioribus proficisci possint, nec legis virtute polleant idemque dicendum esse de textibus suasoriis, quales §. 3. *Inst. de pupill. sub. §. Inst. de her. qual. & diss.* ( 4. Perinde esse, sive quia contra verba legis, sive contra ejus sententiam quid fecerit: siquidem priore casu contra legem; posteriore in fraudem legis egisse dicitur. l. 29. l. 30. D. h. t.

§. 101. Haec de legibus. De SCiis quum supra quan-

(a) Existimari posset, nullam hodie esse legem minus quam perfectam ob L. 5. C. de legib. quz omnia contra legem facta nulla esse jubentur, licet legislator non specialiter dixerit, inutile esse debere, quod factum est. Sed hodiernum saepissime leges patiuntur actum subsistere, poenam irrogasse contentas. Vid. ZACH. HUBER. *Obs. rer. jud. Cont. l. Obs. 1.*

tum satis est, dictum sit ( §. 49. ) progredimur ad jus non scriptum, seu CONSUETUDINEM ( §. 16. ) quæ est jus sine promulgatione moribus introductum, & tacito summæ potestatis consensu auctoritatem consequutum ( *Inst.* §. 72. ) l. 32. l. 33. *D. h. t. MERILL. Observ. l. 38.*

§. 102. Ex qua definitione pronò alveo fluit, I. consuetudinem sine promulgatione in re publica inolescere l. 33. *D. h. t. II.* Eam nonnisi a legislatoris consensu auctoritatem consequi. *L. 52. §. 1. l. h. tit. III.* Semel in vectam vigorem legis habere. §. 9. *de jur. nat. gent. & civil. l. 32. §. 1. D. h. t. L. ult. C. quæ sit long. cons.*

§. 103. Quum itaque consuetudo sine promulgatione inoleat in re publica ( §. 102. 1. ) consequens est ( 1. ut an inoleverit, facti quæstio sit, eaque probationem requirat, ex actuum uniformium frequentia, l. 34. *D. h. t. l. 1. C. quæ sit long. consuet. & diuturnitate temporis petendam, l. 33. l. 35. D. h. t. 20. seq. ) 2. Ut non mutetur natura consuetudinis, si vel maxime in scripturam redigatur. Arg. l. 4. D. de pign. & hypoth. l. 4. D. de fid. nostr.*

§. 104. Quumque consuetudo a summo imperante auctoritatem consequatur ( §. 102. 2. ) sequens est ( 1. ut nullius auctoritatis sit, si rectæ rationi, vel jure naturali, & immutabili ( §. 17. ) adversetur. *Nov. 134. cap. 1. l. 2. C. quæ sit. long. consuet. cap. 2. seq. X. de consuet. ( 2. ut nec major sit vis consuetudinis per errorem, vel clam, & furtim, vel vi in vectæ l. 39. D. h. t. Qualis est consuetudo novitios vexandi in Academiis. Const. omnem rei publicæ §. 9. ad antecess.*

§. 105. Denique quum consuetudo semel in vecta pro lege sit ( §. 102. 3. ) consequens est ( 1. Ut polleat virtutem imperandi, vetandi, permittendi, puniendi ( §. 92. 4. ) *Paratitl. h. t. ( 2. Ut optima sit legis interpres, l. 37. D. h. t. ( 3. Ut legem veterem tollat, sive deroget (a) l. 32. §. 1. D. h. t.*

(a) Atqui obstare videtur *L. 2. C. quæ sit long. consuet.* ubi negatur, consuetudinem suo usque adeo vale-

(4. Ut & ipsa nova lege veterive a principe renovata tolli, vel desuetudine contraria exolescere possit: PLIN. *Ep.* 10. 116. (5. Ut iudici quoque instar normæ sit in ferendis sententiis, *pr. Inst. de off. judic.*

## TITULUS IV.

## DE CONSTITUTIONIBUS PRINCIPUM.

§. 106. Ratio ordinis. §. 107. Constitutio quid? §. 108. Et quotuplex? §. 109. Rescriptorum varia genera. §. 110. Quanta sint auctoritatis? §. 111. Decreta quotuplicia? §. 112. Eorum auctoritas. §. 113. Edictorum & mandatorum differentia. §. 114. Eorum auctoritas, §. 115. Privilegium quid, & quotuplex? §. 116. Axiomata de privilegiis. §. 117. Quis ea concedat, vel irroget? §. 118. An ad heredes transeant? §. 119. Eorum auctoritas, & differentia a juriis singularibus. §. 120. Quomodo privilegium expiret?

§. 106. **L**egis latius acceptæ species etiam sunt CONSTITUTIONES PRINCIPUM. (§. 91.) Quum enim lege regia populus omne illis jus dedisset (§. 51.), frequentius ceperunt leges novas constitutionibus condere: de quibus jam agitur paullo plenius.

§. 107. Sunt autem CONSTITUTIONES principum placita, quæ, si illi volunt, legis habent vigorem, §. 6. *Inst. de jur. nat. gent. & civ. l. 1. pr. D. h. t.* Ex qua definitione fuit axioma: constitutiones a voluntate principum vim, auctoritatemque adipiscuntur.

§. 108. Vult vero princeps, ut constitutiones suæ vel ad omnes pertineant, quæ GENERALES adpellantur, vel uni, alterive aliquid indulgeant im-

pro momento, ut aut rationem vincat, aut legem. Sed ea lex agit de consuetudine rationi adversa, maxime de religione pagana, quam rationem & legem, postea latam, vincere, recte negat Constantinus M. Vid. NOODOTIUS *h. t. p.* 16. JOSEPH. AVERAN *Interp. jur.* II. 1. 9.

mantve, quæ SPECIALES, vel PRIVILEGIA dicuntur, §. 6. *Inst. eod. Generales*, si ad aliorum preces prodeunt, RESCRIPTA (a); si causa inter patres cognita, DECRETA; si denique motu principis proprio, EDICTA, & MANDATA nuncupantur. l. §. 6. *Inst. & l. §. 1. D. h. t.*

§. 109. Quandoquidem autem rescripta ad aliorum preces prodeunt (§. 108.); preces vero illæ vel a privato, vel a magistratu, vel ab universitate quadam proficiuntur: hinc primo casu rescripta ADNOTATIONES, vel SUBNOTATIONES; l. 6. *seq. C. de div. princ. rescript. l. 2. C. de prec. imp. off. secundo EPISTOLÆ*; l. 3. §. 1. *D. de test. l. 6. §. 3. D. de off. procons. tertio SANCTIONES PRAGMATICÆ* adpellantur (b) l. 7. *pr. & §. 1. C. de div. princ. rescr.*

§. 110. Quumque, uti omnes constitutiones, ita & rescripta auctoritatem suam a voluntate principis adipiscantur (§. 107.), consequens est (1. Ut rescripta jus tantum ratione impetrantis faciant. l. 2. l. 3. *C. de legib. (2. Ut ne huic quidem prosint, si vel (c) preces veritati hand nitantur, l. ult. C. de div. princ. rescr. c. 2. X. de refer. (quo casu & contra rescripta, modo peremptoria non sint, supplicare licet, l. 2. C. de prec. imp. off. JAC. GUTHOFER. ad C. Theod. Tom. 1. p. 14.) (vel si) non adscriptus sit dies, & consul (c) l. 4. C. de div.*

(a) Aliquando tamen *rescripta*, vocabulo latius recepto, omnes reliquas constitutionum species comprehendunt. MERILL. *Observ. 2. 26.*

(b) *Subnotationes* vocantur, quia statim princeps per magistrum libellorum ἀξιωμα subnotari jubeat, quid putaret rescribendum. Exempla sunt in *L. ἀξιωμα D. de leg. Rod. de jact. & apud GRUT. Inscript. pag. 607.* Quæ magistratibus respondebant principes, per modum *epistolaram* concipi consuevisse, docet PLINII *Epistolarum liber X.* Denique rescripta etiam *facta* dicuntur JUL. CAPIT. *Vit. Opil. Macr. cap. 13.* Unde Græci rescripta quædam vocabant πρυτανικά. Vid. JAC. GUTHOFER. *ad Cod. Theod. Tom. 1. p. 25.*

(c) Equidem TRIBONIANUS hanc l. 4. *C. de div. princ. rescript.* ad beneficia personalia restrinxit; sed l. 1. *C. Th. de constit. princ. & edit.* unde illam de-

*princ. refer. vel, )* desit subscriptio sacro encausto, vel cocti muricis, & triti conchylii ardore facta, l. 6. C. eod. BURN. MONTFAUC. *Palaogr. Græc. p. 2. seq. ( vel d. )* ipsam falsitatis suspitione laboret. L. ult. D. ad leg. Corn. de fals. ( vel ε ) dolo malo, aut culpa insinuatio tamdiu omittatur, ut adversarius interea novum insinuare possit, cap. 23. X. *rescript.* quamvis alioquin & elapso anno fieri possit insinuatio. l. 2. C. de divers. princ. rescript. ) ( veldenique §. ) eo quidquam contra jus alteri quaesitum, ipsamve utilitatem publicam statuitur, l. 3. l. 7. C. de prec. imp. off. L. ult. C. si contra jus, vel util. pub.

§. 111. DECRETA causa cognita prodeunt ( §. 108. ), illa vero causæ cognitio vel pro tribunali, vel de plano suscipiebatur, l. 5. §. 8. D. de bon. possess. l. 2. §. 1. D. quis ordo in possess. serv. MERILL Obs. 2. 26. Si pro tribunali, tunc lata sententia DEGRETUM κατ' ἐξυδω, sin de plano, INTERLOQUUTIO dicebatur, lib 1. §. 1. D. h. t. a. 6. Inst. de jur. gent. & civ.

§. 112. Quum itaque & hæc a voluntate principis auctoritatem sortiantur ( §. 107. ) consequens est ( 1. Ut decreta jus tantum inter partes faciant, l. 2. l. 3. C. de legib. , nec ( 2. pro legibus sint, nisi vel jus vetus, & obscurum interpretentur, l. 12. §. 1. C. eod. vel princeps ea in similibus casibus observari diserte jubeat, l. 3. C. eod. ( 3. Ut multo minus tribunalium, ac curiarum decreta pro legibus sint, quum illa collegia, ne, si vellent quidem, leges condere possint, §. 92. 2. ) l. 63. D. de re jud. l. 2. C. quibus res jud. con. noc. tot. tit. C. int. alia aff. & jud.

cerpsit, generatim de omnibus rescriptis loquitur. Et ita etiam in foro servatur. BARTOL. ad §. penult. Const. de novo Cod. fac.

(a) Sunt autem vel *ordinaria*, quæ magistratibus, principum administris, legatis prefecturis dantur, Nov. 17. vel *extraordinaria*, urgente, aliqua necessitate, ad certas personas missa. Illa ἐν τῷ λυ, & παραγγελματα, hodie *instructiones*, hæc *προσάξει* vel *κληρίταις*, dicuntur, JAC. GOTHOF. ad Cod. Theod. Tom. I. p. 8.

§. 113. EDICTA, & MANDATA in eo conveniunt, quod motu principis proprio prodire solent (§. 108.) sed differunt tamen, quod illa universis civibus jura commune præscribunt; hæc ad certas tantum personas diriguntur (a), l. 3. C. de const. princ. l. 1. de mand. princ.

§. 114. Ex quo sequitur (1. Ut mandata non sint leges, nisi quatenus aliis civibus necessitatem imponunt, istum, ad quem directa sunt, non impediendi (2. UT EDICTA vere, & proprie sint leges, l. 6. C. de sec. nupt. l. 2. C. ubi Curial. vel cohort. l. 6. C. de divers. præc. urb. (3. Ut eadem æque, ac aliæ leges in futurum tantum obligent (§. 94.) 4. l. 7. C. de legib. L. penult. C. de decur.

§. 115. Hactenus de constitutionibus generalibus. SPECIALIA, vel PRIVILEGIA (§. 108.) sunt constitutiones, quibus imperans vel ob meritum aliquid indulget, vel pœnam extra ordinem irrogat, ut tamen ad exemplum non trahantur, §. 6. Inst. de jur. nat. gen. & civ. Hinc recte in FAVORABILIA, & ODIOSA; & quia vel in personam, vel in ipsam rem extra ordinem aliquid statuitur, in PRIVILEGIA PERSONÆ, & CAUSSÆ dividuntur: l. 3. §. 1. D. de cens. l. 196. D. de reg. jur. l. 1. §. 43. D. de æqu. quotid. & æstiv.

§. 116. Inde axiomata: I. Privilegia non nisi a summa potestate conceduntur. II. Eadem vel rei, vel personæ inhærent. III. Neque ad exemplum sunt trahenda. §. 6. Inst. de jur. nat. gent. & civ.

§. 117. Quin itaque privilegia a summa potestate concedantur (§. 116. 1.) consequens est (1. Ut ea indulgere, vel irrogare nequeant magistratus; quos nec severiores, nec miliores esse decet legibus, l. 8. §. 2. C. ad leg. Jul. de publ. & priv. (2. Ut eatenus sint leges (veteribus PRIVÆ LEGES, GELL. X. 20.) quatenus alii prohibentur privilegiatum turbare.) 3. Ut principis quoque sit, æstinare, quem is modum esse velit beneficii sui, l. 191. D. de reg. jur. PLIN. Ep. X. 119. Cui non obstat L. penult. D. h. t. quæ tantum ita interpretanda esse monet beneficia principum, ut effectum habeant.

§. 118. Quinque privilegia vel rei inhæreant, vel



personæ ( §. 116. 2. ) facile patet ( 4. privilegia causæ transire ad heredes, non item privilegia personæ, l. 68. l. 196. D. de reg. jur. nisi hæc alioquin inutilia futura essent privilegiato. HERT. de transit. privil. pers. ad alios, §. 4. seq.

§. 119. Denique quum ad exemplum privilegia trahi non oporteat ( §. 116. 3. ), consequens est ( 1. Ut in iis locus non sit interpretationi extensivæ, sî princeps id velit, vel ratio juris, haud refragetur; quo de casu intelligenda l. 3. D. h. t. ( 2. Ut privilegium nocere non debeat æque privilegiato, l. 8. pr. D. de excus. l. 11. §. 6. de minor. ( 3. Ut a privilegiis maxime differant JURA SINGULARIA, vel BENEFICIA LEGIS, quamvis & ipsa privilegiorum nomine veniant. CUJAC. Obs. 15. 8.

§. 120. Ceterum ex ipsa natura privilegiorum hactenus descripta adparet, expirare illa ( 1. persona, vel re, quibus inhærent ( §. 116. 2. ) extincta. l. 68. D. de reg. jur. ( 2. Qualitate, ob quam indulta, cessante l. 4. §. 1. D. de muner. & honor. l. 6. §. 13. D. de excusat. ( 3. Renunciatione sive expressa, sive tacita, ad quam & non usum decem annorum retuleris. l. 29. C. de pass. l. 1. D. de nund. l. 4. D. de mun. & honor. Immo & ( 4. abusu, c. 63. q. 3. caus. 11. de quo ENENKEL. de priv. III. 15. 14. seq. & ( 5. tempore ad quod concessa, elapso. An ( 6. & revocatione concedentis vel successorum, Vid. STRUV. Exerc. II. 30. HANN. ap. Wesembec. h. t. n. 2.

## TITULUS V.

## DE STATU HOMINUM.

§. 121. Ratio ordinis. §. 122. Quid homo? Quid persona? §. 123. Status quid, & quotuplex. §. 124. Homines vel nascituri, vel nati. §. 125. Jura nasciturorum. §. 126. Et natorum. §. 127. Homines vel masculi, vel feminae. De utrisque axioma. §. 128. Jura masculorum, & feminarum. §. 129. Homines vel majores, vel minores, puberes, impuberes. §. 130. Juvenes, senes, ætas longissima. §. 131. Status civilis  
Hein. Pand. Tom. I. 3

quotuplex? §. 132. Quinam liberi, & servi? §. 133. De servorum conditione axiomata. §. 134. Jura domini in servum. §. 135. Una omnium servorum conditio. §. 136. Quibus modis in dominium quis redigatur? §. 137. An hodie servi sint? & an dominus in eos habeat jus vite, & necis? §. 138. An omnia adquirant dominis? §. 139. Quibus modis hodie servi fiant? §. 140. Liberi sunt vel ingenui, vel libertini. §. 141. Cives, & peregrini. §. 142. Discrimen hoc sublatum.

§. 121. **Q**uos hactenus expendimus titulos, ii tituli veluti prolegomena Pandectarum constituent ( §. 1. ). Sequitur jam ipsum jus, cujus quum tria objecta prodita sint a veteribus, PERSONÆ, RES, & ACTIONES: L. 1. D. h. t. §. 12. *Inst. de jur. nat. gent. & civ.* eundem ordinem & Tribonianus in Pandectis sequitur, adeoque primo omnium agit de statu hominum.

§. 122. HOMO est, cuicumque mens ratione prædita in corpore humano contingit ( *Inst. §. 75.* sive mas sit, sive femina. L. 1. L. 152. D. de ver. sign. PERSONA est homo consideratus cum suo statu (a) ( *Instit. ibid.* ). Unde sine statu nec persona intelligitur.

§. 123. STATUS est qualitas, cujus ratione homines diversis juribus utuntur. Quæ qualitas quum vel a natura sit, vel ab instituto hominum, recte status hominum in NATURALEM, & CIVILEM dividitur.

§. 124. Secundum statum naturalem ( §. 123. ) homines sunt I. vel NASCITURI, qui & ventres (b),

(a) Sumpta hæc notio a Comicis, quibus qualitas vel conditio adscititia, quam actores in scena præ se ferunt, persona dicitur. FEST. voce *personata fabula*. SERV. ad *Virg. Georg. II.* 587.

(b) Alioquin embryo veteribus juris auctoribus non erat homo, argum. l. 6. pr. D. de leg. Aquill. nec animal, sed species animalis, l. 2. D. de mort. inf. tumo portio mulieris, & viscerum. l. 1. §. 1. D. de ventr. insp. l. 39. D. de pan. Inde ex principiis Stoicorum,

L. 9. D. ad leg. Falc. l. 84. D. de acqu. vel omitt. her. L. 12. D. de collat. vel NATI. Sed de illis humanitatis, regiique publici causa receptum est axioma; is; qui nasci speratur, quum de ipsius jure quaeritur, pro superstite est. L. 231. D. de verb. sign. L. 26. D. h. t.

§. 125. Ex quo axiomate sequitur, ( 1. Ut nascitur omnia jura in tempus nascendi integra retineant L. 3. D. ut pars her. pet. L. 18. 26. D. h. t. L. 32. D. de capt. & postlim. ) 2. Ut hæc fictio effectum sortiat, dum postea vivi, & perfecti utero exeant. L. 36. §. 1. D. de acqu. her. L. 29. D. de neg. gest. L. 19. §. 2. D. de test. tut. L. 141. D. de verb. sign. ( 3. Ut hæc fictio ipsis tantum embryonibus, non aliis prosit L. 7. h. t. L. 231. D. de verb. sign. ) 4. Ut mulieris prægnantis tortura, vel supplicium consue sit differendum, donec partum fuderit: L. 18. D. h. t. L. 3. D. de pœn.

§. 126. NATI ( §. 124. ) sunt, qui jam vivi ex utero prodierunt. Ex qua definitione patet ( 1. excisos utero, quamvis non nati, sed editi dicantur, esse tamen homines. L. 132. L. 141. de verb. sign. ) 2. Contra id nomen haud mereri monstra, contra formam humani generis procreati, ( §. 122. ) L. 14. D. h. t. L. 38. D. de verb. sign. adeoque ( 3. ea nec in liberorum numero esse, nisi quod ad orbitatis pœnas effugiendas prosint. L. 135. D. de verb. sign. ) 4. Eos, qui membrorum humanorum officia ampliarunt, quamvis ostentorum nomine veniant, hominibus tamen merito accensendos esse, l. 38. D. de verb. sign. l. 14. D. h. t.

§. 127. Nascuntur autem homines II. vel MASCU-  
LI, vel FEMINÆ. Et quamvis juribus in dubio  
iisdem utantur: L. 3. C. de lib. prater. quia tamen  
leges attemperari solent circumstantiis, quales ut

quibus embryo itidem erat *μῆρος τῆς γαστέρας, & ἑῶν, ὁσπίπος καπῆς; μέρη τῶν φύτῶν portio ventris, non animal: quemadmodum fructus partes sunt arborum; item τῆς ὕλης μῆρος, portio matris. PLUTAR. Platit. Philos. V. 25. 16. maternarum viscerum latens ensus. SENECA. Epist. I. Add. EM. MERILL. Obs. I. 16. FRANG. ab AMATA Obs. III. 1. 2.*

plurimum in rebus humanis observantur ( §. 95. 5. ) ut plurimum vero sexus masculinus prudentia, animique constantia excellere solet, axioma receptum est: *ratione dignitatis mares; ratione eorum, quæ fragilitas sexus excusat, feminae melioris conditionis habentur.* HUBER. *Posit. h. t.* §. 3.

§. 128. Inde Jcti colligunt ( 1. mares solos capaces esse munerum publicorum, officiorumque civilium, patriæque potestatis. *L. 2. D. de reg. jur. l. 196. pr. & §. 1. D. de verb. sign.* ( 2. Feminis aliquando nocere haud debere juris ignorantiam *L. 9. pr. de D. jur. & fact. ignor.* ( 3. Easdem ob quædam delicta paullo mitius puniendas. *L. 38. §. 1. C. ad leg. Jul. de adult. Nov. 12. cap. 1. Nov. 134. c. 10.* ( 4. Non teneri illas, si pro aliis intercesserint. *L. 1. D. ad SC. Vellej. Auth. si qua mulier. C. cod.* ( 5. Androgynos ejus sexus juribus frui, quem tamquam prævalentem elegerint. *L. 10. D. h. t. l. 12. §. 1. D. de testam. l. 6. §. ult. D. de lib. & post hum. STRYK. de jure sensuum Diss. I. 1. 62.*

§. 129. Sunt porro homines III. vel MAJORES 25. annis (a) vel MINORES. *Minors* vel PUBERES, vel IMPUBERES. Pubertas MINUS PLENA in masculis anno 14., in feminis 12. p. *Inst. quib. mod. tut. fin. l. 25. C. de nupt. l. ult. C. quando tut. esse des.* MERILL. *Obs. 1. 14. & 23.* PLENA in pueris anno 18., in puellis anno 14. finitur: §. 4. *Inst. de adopt. l. 14. §. 1. D. de alim. leg.* Denique impuberes usque ad annum 7. INFANTES sunt. *L. 18. C. de jur. delib. l. 1. §. 2. D. de adm. tut. MACROB. Somn. Scip. l. 6.* Reliquum tempus ad pubertatem usque in duas partes æquales dividitur, adeoque pueri ad annum 10. & dimidium; puellæ ad unum, & dimidium. INFANTIÆ PROXIMI, ab isto tempore PUBERTATI PROXIMI dicuntur, dolique capaces habentur. §. 18. *Inst. de obl. quæ ex del. l. 111. de reg. jur.*

(a) Annum hunc finivit lex Lætoria, PLAUTO *Pseud. l. 3. 68.* dicta ideo *quinaviennaria*, ceu putet ex *l. 2. C. Th. de donat. ( Inst. §. 275. )*. Unde simul intelli-

§. 130. MAJORES IV. vel JUVENES sunt, vel SENES. L. 69. D. de legat. 3. Senectutem Veteres plerumque ab anno 70. videntur auspicari, L. 2. §. ult. D. de decur. junct. l. 3. C. eod. l. ult. C. qui etat. vel. prof. l. 3. D. de jur. immun. l. 2. §. 7. D. de vocat. & excus. mun. Add. A. A. PAGENIESCH. Admonitor. ad Pand. h. t. §. 55. Longissima autem hominis ætas semper visa est illa centum annorum. L. 56. De usufr. l. 23. C. de S. S. Eccl. PLIN. Hist. nat. VIII. 4. quamvis in quæstione: quamdiu adservanda sit absentis hæreditas, si de vita ejus, vel morte non constet; annus 70. pro longissimo vitæ termino haberi soleat ob Psalm. XC. 11. Vid. CARPZOV. Part. III. const. 15. def. 57.

§. 131. Hactenus de statu naturali. CIVILIS ( §. 123. ) a Veteribus in statum LIBERTATIS, CIVITATIS, & FAMILIÆ dispescitur. L. ult. D. de cap. min.

§. 132. Secundum statum libertatis homines vel SERVI sunt, vel LIBERI, Libertatis, & servitutis definitiones jam alio loco expendimus ( Inst. p. 79. ) Liberi nobis sunt personæ, quæ non sunt in justa servitute. Servi contra sunt homines, non personæ ( §. 122. ) in alterius justo dominio constituti.

§. 133. Quum itaque servi non sint personæ ( §. 132. ) consequens est. I. Ut sint res, l. 32. §. 2. D. de legat. 2. & quidem res Mancipi. ULPIAN. Fragm. XIX. 1. quamvis alioquin e classe hominum non sint eximendi ( §. 122. ) Locus egregius eam in rem est apud DONAT. ad TERENT. Eunuch. III. 2. 35. Absurda ergo quæstio feminæ apud JUVEN. Satir. VI. v. 223.

O demens, ita servus homo est!

II. Ut sint sine capite (a) §. 4. Instit. de cap. dem.

ges, cur major ætas sæpe dicatur legitima. BRISSON. Antiq. select. III. 2.

(a) Caput enim est status ille civilis triplex. ( §. 131. ) qui cur capitis nomine veniat, diximus in Antiq. Rom. I. 16. 1. seq.

ideoque pro nullis, immo pro mortuis habeantur. *L. 32. l. 209. D. de reg. jur.*

§. 134. Quod si itaque servi sunt res (§. 133. 1.) facile intelligitur (1. Cur domino in servos fuerit jus vitæ, & necis (a) *L. 1. §. 1. D. de his, qui sui, vel al. jur. §. 1. Inst. eod.* (2. Cur quidquid adquirunt, adquirant dominis. §. 3. *Inst. per quas pers. cuiq. adquir. l. 1. §. 1. D. de his, qui sui, vel al. jur.* At jus vitæ, & necis dominis ademerunt novæ leges, sola relicta modice castigandi facultate, *l. 1. §. 2. D. eod. l. un. l. de emend. serv.* Unde non modo ædes servi pœna legis Corneliæ de sicariis coercetur, *l. 1. §. 2. D. ad leg. Corn. sicar.* verum etiam omnis sævitia dominorum extra ordinem vindicatur, *l. 1. §. 2. l. 2. D. de his, qui sui vel al. jur.*

§. 135. Quamvis servi caput non habeant (§. 133. 2.) consequens est (1. Ut expertes sint juris publici, & privati; adeo ut nec injuria adfici credantur, *l. 15. §. 25. D. de injur.* (2. Ut omnes sint ejusdem conditionis, §. 2. *Inst. de jur. pers.* adeoque (3. & statu liberi, quamvis statutam in temporis vel conditionem libertatem habere dicantur, *l. 1. D. de statu lib. æque tamen servi sint, l. 9. D. eod. de coloni, & adscriptitii, quamvis hi paullo benignius habiti, ipsiusque clericalis dignatis capaces vis sint, l. 21. C. de agr. & cens. Nov. 123. ap. 17. DONELL. Comment. II. 9.*

§. 136. Servos vel NASCI ex ancillis nostris, vel FIERI; & quidem vel jure gentium per captivitatem in bello iusto, *l. 21. §. 1. D. de capt. & postlim.* vel jure civili, per revocationem liberti ingrati in servitutem, vel propter dolum, si major viginti annis pretii participandi causa venumdari se passus sit: alio loco, quantum satis est, diximus (*Inst. §. 81. seq.*)

§. 137. Sunt & hodie servi, ut semper apud gen-

(a) Idem est jurisdictio, & imperium domesticum, quo & patres in liberos, & mariti in uxores, quæ in manum convenerant, utebantur. Præclara quædam eam in rem habe. RAD. FOR. NEE. *Ret. quotid. l. 2.*

tes originis Germanicæ fuerunt, sed a Romanis illi diversissimi. TACIT. *de mor. Germ. cap. 25.* Isti quidem sunt fundo, vel glebæ adscripti; sed personæ tamen, non res. Hinc ( 1. dominus in eos non utitur jure vitæ, & necis: sed jure modice castigandi, & aliquando de causis eorum, & delictis statuendi. Quæ dominica veterum potestas, ita immutata, vocatur JURISDICTIO PATRIMONIALIS, de qua vid. *Syllog. opusc. nostr. Exercit. VI. ( de orig. atque indole jurisdictionis patrimonialis )* itemque *Elem. jur. Ger. lib. 3. tit. 1. §. 36. 51. 52. 64.*

§. 138. Deinde ( 2. & jure connubii, contractuum & testamenti factionis gaudent, immo & ( 3. adquirunt sibi ipsis, modo dominis præstent operas, census, maritagium, & præcipuum ex hereditatibus, seu mortuarium. Vid. POTGIESS. *de condit. servor. de jure mortuar.* ( atque *Elem. jur. Germ. cit. loc.* )

§. 139. Denique ( 3. Nascuntur quoque homine, proprii ex ancillis nostris; at non fiunt per captivitatem, sed multis modis aliis, veluti per matrimonium, per additionem voluntariam, per commorationem iis in locis, ubi aer dicitur servos facere, quo & jus *Wildfangiatus* retuleris. Vid. POTGIESS. HERT. THOMAS. *ibid. Elem. jur. Germ. l. 1. tit. 1. §. 34. seq. tit. 18. §. 430. seq.*

§. 140. Servis opponuntur LIBERI homines ( §. 132. ) quorum alii INGENUI sunt, qui statim ut nascuntur, liberi sunt; quod fit, si quis matrem vel tempore conceptionis, vel tempore partus, vel tempore intermedio per momentum saltem liberam habuit (a) *pr. Inst. de ingen.*, alii LIBERTINI, qui sive a domino, sive a re publica, sive a lege ipsa ex justa servitute manumissi sunt, l. 6. D. h. t. *pr. Inst. de libert.* Unde patronus, cui libertus debet, quod persona esse cæpit; liberto loco patris, vel agnati proximi esse censetur. LACTANT. *Inst. div.*

(a) Immo sufficit ad ingenuitatem, si mater jure sit libera, quamvis de facto adhuc serviat, e. g. in fideicommissaria libertate moram passa. Quo pertinet illud *ἡ ἡμετέρα γέννησις* in l. 1. §. 1. D. de suis, & leg. hered. quod possit & ex ancilla ingenuus nasci.

*IV. 3. l. 94. D. de leg. 3. l. 88. §. 6. D. de leg. 2. l. 108. D. de cond. & dem.*

§. 141. At de libertinis infra plura erunt dicenda. Pergimus ad statum CIVITATIS (§. 131.) secundum quem homines vel sunt CIVES ROMANI, vel PEREGRINI. Cives ratione juris tum publici, tum privati, multis gaudebant prerogativis, veluti jure census, tributorum, suffragii, honorum, sacrorum, militiæ, libertatis, & gentilitatis, connubii, patriæ potestatis, testamentificationis, hæreditatis, usucapionis, &c. de quibus omnibus in *Antiq. Rom. Append. l. 15. seq.* PEREGRINI contra his omnibus jurebus erant destituti, *l. 10. §. 6. D. de in jus voc.*

§. 142. Enimvero hoc discrimen inter ingenuos in urbe Rom. sustulit Antoninus Caracalla, *l. 17. D. h. t. Exc. Peiresc. p. 745. EZ. SPANH. Orb. Rom. II. 6.* Postea & ad libertinos hoc beneficium protulit Justinianus, sublato discrimine dedititiornm Latino- rum, & civium, *l. un. C. de Lat. lib. toll. l. un. C. de dit. lib. toll. Nov. LXXXVIII. o. 2.* Denique quod ad jura successionum attinet, discrimen inter cives, & peregrinos plane sustulit Fridericus imp. *Auth. Omnes peregrini C. Comm. de success.* quæ juri albinagii, tunc fere ubique recepto, videtur opposita. (Conf. *Elem. jur. Germ. l. 1. tit. 18. §. 431.*)

## TITULUS VI.

### DE HIS, QUI SUI, VEL ALIENI JURIS SUNT.

§. 143. Ultima divisio in homines sui, & alieni juris. §. 144. Patria potestatis definitio. §. 145. De ejus natura axiomata. §. 146. Jura patris in filiam, filiamve familias. §. 147. Jus novum. §. 148. Unitas personæ patris, & filii; variaque ejus effecta. §. 149. Item alia, quæ ex eodem axioma fluunt. §. 150. Jura filii fam. in causis publ. §. 151. Modi acquirendi patriam potestatem. §. 152. Justæ nuptiæ. §. 153. Ex iis præsumptio nascitur, aliquem esse filium. §. 154. Illegitimorum conditio. §. 155. H. Legitimatio quid, & quotuplex? §. 156. Per subsequens matrimonium. §. 157. Per oblationem curiæ.



§. 158. *Per rescriptum principis* : §. 159. *Qui liberi legitimentur* : §. 160. *Legitimationis effecta* . §. 161. *III. Adoptio* .

§. 143. **T**ertius status *FAMILIÆ* ( §. 131. ) secundum quem homines sunt vel *SUI JURIS*, qui nec patriæ, nec dominicæ cujusquam potestati subsunt, vel *ALIENI*, qui alterutrinus potestati sunt subjecti *pr. Inst. & l. 1. pr. D. h. t.* Priores dicuntur *pater familias*, posteriores vel *filius familias*, vel *serui familiares* vocantur, *l. 4. l. 1. §. 1. D. h. t. l. 195. §. 2. D. de verb. sign.*

§. 144. *PATRIA POTESTAS* ( de dominica enim superiore titulo actum ) est dominium Quiritarium patris in liberos ( *Inst. §. 135.* ) *BYNKERSH. de jure oceid. lib. c. 1. p. 145.* Sunt itaque filii, filiæque familias liberi, sunt cives, adeoque & ratione aliorum hominum personæ ( §. 122. ) at *ἀρπορῆς* ratione patris, immo *res mancipi*, quæ venumdari, mancipari, vindicarique possunt (a). *CAJ. Inst. 1. 6. 3. l. 1. §. 9. D. de reit. vind.*

§. 145. Inde ergo axiomata: I Liberi ratione patris, cujus in potestate erant, non videbantur melioris conditionis, quam servi. *LIBAN. Decl. 37. SENECA Controv. III. 9. & 18. SEXT. EMP. Pyrrh. Hypot. III. 24. ( MERILL. Observ. l. 40. Hinc paternæ majestatis apud VAL. MAX. VII. LIV. III. 43. )* II. Itaque ratione patris non sunt personæ, sed res ( §. 144. ) *MERILL. Obs. III. 4.* Ad civitatis tamen jura, & causas publicas quod attinet, pro personis, civibus, & patribus familias habentur, *l. 9. D. h. t. l. 15. pr. D. ad SC. Trebell. Cap. ult. de judic. in 6.*

§. 146. Quum itaque ratione patris non essent melioris conditionis, quam servi ( §. 145. ) 1. ) consequens est ( 1. Ut pater in liberos haberet jus vitæ, & necis, *l. 11. D. de lib. & posthum. ( VAL.*

(a) Unde facile patet, ita descriptam patriam potestatem non esse juris gentium, sed civilis: quod & imperator agnoscit §. 2. *Inst. de patr. pot.*

MAX. V. 8. SALLUST. *de bell. Catilin. cap. 39.* )  
 ( 2. Ut filius ter. venundari posset ex instituto Romuli, DIONYS. HAL. *lib. 3. c. 27. p. 97.* ( JAC. GOTHOFRED. *ad leg. XII. tabb. tab. 4. p. 102.* )  
 ex Numæ lege tum demum extra commercium futurum, si jussu patris uxorem duxisset. *Id. lib. 2. c. 27. p. 98.* ( 3. Ut quidquid acquireret filius, filiarum familias, indistincte acquirerent patri, *pr. Inst. per quas pers. cuiq. adquir.* ( ARRIAN. *Diss. Ep. H. 10.* ) ( 4. Ut & filius, & filia ob delicta privata a patre noxæ dari possent. §. 7. *Inst. de nox. aff. l. 3. §. 4. D. de lib. hom. exhib. Collat. legg. Mos. & Rom. tit. 2. §. 3.*

§. 147. Enimvero quia duriora hæc videbantur, & statui monarchicæ minus congrua ( §. 15. 26. ) hinc jure novo ( 1. parentibus ademptum jus vitæ, & necis, *l. 11. D. de lib. & posthum. L. ult. C. de patr. pot. modicæ tantum coercitione relicta, l. 8. C. eod. L. un. C. de emend. prop. facultateque in gravioribus liberorum delictis judicii præscribendi sententiam, l. 3. 4. C. de patr. potest.* ( 2. Ademptum iisdem jus vendendi liberos, præterquam, urgente extrema necessitate, sanguinolentos, *l. 2. C. de patr. qui fil. distr.* ( 3. Jus acquirendi haud parvum restrictum, inventis variis pecuniis, de quibus infra. ( 4. Ademptum denique jus liberos noxæ dandi, §. 7. *Inst. de noxal. aff.* quum ipsi liberi conveniantur, & condemnatione sequuta, actio judicati detur contra patrem de peculio. §. ult. *Instit. eod. l. 5. §. 5. D. de oblig. & aff. l. 3. §. 11. D. de pecul.* Quibus juribus, præterquam facultate sententiam præscribendi, eo magis hodie utimur, quo minus unquam patria potestas Romana Germanicæ originis gentibus innotuit. Vid. *Elem. jur. Germ. lib. 1. tit. 6. §. 134. seqq.*

§. 148. Quinque filii fam. ratione patris non sint personæ, sed res ( §. 145. 2. ) consequens est ( 1. Ut pater, & filius in negotiis privatis pro una persona habeantur, *l. ult. C. de impub. & al. substit.* MERILL. *Obs. III. 4.* ( 2. Ut inter eos nec actio sit, nec obligatio, *l. 4. D. de judic. §. 7. Inst. de inut. stipul.* ( 3. Ut pater possit legare super pecu-

nia tutelave suæ rei, l. 53. *D. de verb. sign.* ULP-  
PIAN. *Fragm. II.* 13. adeoque & liberis pupillariter  
substituere, §. 4. *Inst. de pupill. substit.* & tutorem  
dare testamento, §. 3. *Inst. de test. tut. l. 1. pr. D. eod.*

§. 149. Ex eodem principio fuit ( 4. Filium fi-  
liamve familias posse ex jure Quiritium vindicari,  
l. 1. §. 1. *D. de rei vind. actionibus præjudiciali-*  
*bus, vel actione ad exhibendum peti* §. 13. *Inst. de*  
*act. l. 1. §. 1. D. de lib. exhib.* immo & furti, iis  
surreptis, agi l. 14. §. 13. l. 38. §. 1. *D. de furt.*  
( 5. Ut non modo ipsi liberi sint in potestate patris,  
sed & nepotes, neptesve ex filiis. §. 3. *Inst. de patr.*  
*potest.* 6. Ut filius condere testamentum nequeat *pr.*  
*Inst. quib. non est perm. fac. test.* nisi de peculio ca-  
streysi, & quasi castreysi ( *Inst. §. 478.* ) l. 3. *C.*  
*de castr. pecul.*

§. 150. Denique quum in caussis publicis filiifam-  
pro patribus familias habeantur ( §. 145. 3. ) se-  
quitur, ( 1. Ut possint tutelam, aliave innumera pu-  
blica suscipere *pr. Inst. qui test. tut. dar.* immo &  
( 2. magistratus gerere l. 9. *D. h. t. cui dignitati,*  
personæque a rep. impositæ ipsa patria potestas ce-  
dit (a) l. 13. §. 3. *D. de SC. Trebell.* GELL. II. 2.  
BYNKERSH. *Obs.* 1. 18. p. 75.

§. 151. Ceterum ex eodem principio, quod liberi  
non essent melioris conditionis, quam servi ( §. 145.  
1. ) facile colligas, totidem modis redigi aliquem in  
patriam potestatem, quot quis redigitur in domini-  
cam ( §. 136. ) . Nam & liberi aut NASCUNTUR  
ex justis NUPTIIS, aut FIUNT. sive jure gentium  
per ADOPTIONEM, vel jure civili per LEGITIMA-  
TIONEM (b) *pr. Inst. de patr. pot. §. 13. Inst. de*  
*nupt. pr. Inst. de adopt.*

§. 152. Primum itaque liberi NASCUNTUR ex  
JUSTIS NUPTIIS ( §. 151. ) receptumque princi-

(a) Si tamen in magistratu contra rempublicam face-  
re viderentur, penes patrem animadvertendi jus fuisse  
videtur. Pertinere saltem huc videntur, quæ de filio  
concionante ex rostris detractio refert DIONYS. HALIC.  
lib. 2. cap. 26. p. 97. quæque de Cassio habet VALER.  
MAX. V. 8. 2.

(b) Non per nominationem filii in instrumento publi-

pum: pater est, quem justæ nuptiæ demonstrant *L. 5. D. de in jus voc. vel: qui ex viro, & uxore ejus natus est, is filius est L. 6. D. h. t.* Ex justis autem nuptiis dicitur nasci, qui ex conjunctione secundum leges inita, justoque tempore nascitur (*b*) *L. 12. D. de stat. homin. §. 12. Inst. de nupt.*

§. 153. Quum itaque pater sit, quem justæ nuptiæ demonstrant ( §. 152. ) consequens est ( 1. Ut pro filio sit præsumptio, etiamsi neget pater, inaterve, illum suum esse, idque vel ad acta, vel jurejurando confirmet *L. 6. D. h. t. L. 29. §. ult. D. de probat.* immo etiamsi mater sit adultera *L. 21. §. 4. D. ad Leg. Jul. de adult.* ( 2. Attamen hæc præsumptio cedat veritati, si demonstretur ex absentia, vel impotentia mariti eum patrem esse non posse *L. 6. D. h. t. L. 1. §. 14. D. de agnos. vel alien. lib.* ( 3. Ut ante septimum mensem, post nuptias tamen natus, legitimatus sit, non legitimus *L. 12. D. de stat. hom.* ( 4. Ut ex vidua post decimum mensem natus non sit legitimus, nec heres suus *L. 3. §. penult. D. de suis, & legit. h. t.*

§. 154. Porro inde recte inferas ( 5. Extra matrimonium natos non esse legitimos; sed, si ex concubina, vel femina honesta prodierunt, **LIBEROS NATURALES** §. ult. *Inst. de nupt. tot. tit. C. de nat. lib.* si ex muliere quæstnaria, **SPURIOS**, vel vulgo *quasitos*. §. 12. *Inst. de nupt. L. 23. D. de stat. hom.*, si denique ex adultera, vel persona proxime conjuncta **ADULTERINOS**; vel **INGESTUOSOS** vocari *Nov. 89. c. 1. (a)* ( 6. Ratione matris non esse spurios *L. 5. D. de in jus voc. §. 3. Inst.*

co factam, ceu colligunt ex *Nov. 117. cap. 2.* Ex illa enim tantum præsumptio nascitur, aliquem esse filium, valitura tamdiu, donec probetur contrarium.

(a) Justum tempus, a nuptiis brevissimum, est septem mensium, vel 182. dierum cum parte diei sequentis *L. 12. D. de stat. hom. l. 3. §. ult. D. de suis, & legit. hered.* Longissimum contra a morte mariti decem mensium completorum *d. l. 3. §. 11. D. eo. L. penult. C. de posthum. her. Instit. Add. Nov. 34. cap. 2.*

(b) Et secundum hunc ordinem liberi naturales melioris sunt conditionis, quam spurii; quia illi, si soli existent, sextantem ex hereditate patris naturalis acci-

de SC. Orph. ( 7. Illegitimos omnes sine patre esse intelligi §. 12. *Inst. de nupt.* ( 8. & hinc conditionem matris sequi *L. 19. L. 24. D. de stat. hom.*

§. 155. Alter modus, quo liberi in patriam potestatem rediguntur; est LEGITIMATIO ( §. 151. ) quæ est actus, quo liberi illegitimi finguntur ex iustis nuptiis nati, & hinc instar legitimorum rediguntur in patriam potestatem ( *Inst. §. 166.* ) Id autem fit vel ex constitutione Constantini M. (a) per SUBSEQUENS MATRIMONIUM, vel ex Theodosii junioris, per OBLATIONEM CURIÆ, vel ex Justiniani, per RESCRIPTUM PRINCIPIS.

§. 156. Per subsequens itaque matrimonium legitimantur, quorum pater feminam, ad quam consuetudinem habuit, & ex qua ipsi nati sunt, uxorem duxit *L. 10. l. 11. C. de nat. lib.* Cujus subsequendi matrimonii signum olim erant instrumenta dotalia §. ult. *Inst. de nupt. & d. l. 10. 11. C. de τὸ πολὺν* ( *Inst. §. 159.* ) c. 6. X. qui lib. sint legit. ( quamvis alii & sponsalia sufficere existiment MEV. *Decis. II. 81.* )

§. 158. Per oblationem curia patriam adquirebat potestatem, qui vel filium offerret curiæ, vel filiam nuptum daret decurioni §. ult. *Instit. de nupt. l. 3. l. 4. l. 9. D. de nat. lib.* EM. MERIL. *Obs. VII. 26. Inst. §. 170. \** ) Quod privilegium, quum ob insignes curialis conditionis molestias datum sit, hodie omnino cestat ( §. 23. 8. ).

§. 158. Denique per rescriptum legitimantur, quorum parens, quum uxorem ducere non posset femi-

piunt, cum matre dividendum *Nov. 89. c. 12. §. 4.* Spurius melioris conditionis, quam adulterini, & incestuosi; quippe qui ne alimenta quidem capiunt *Nov. 89. c. ult.*

(a) Si recte ponas calculum, hæc quoque legitimandi ratio Justiniano debetur. Constantini enim constitutio, a Zenone, Anastasio, & Justino renovata *l. 5. l. 6. l. 7. C. de nat. lib.* quamvis hodie non exstet; tamen in præteritum dumtaxat valuit, indulsitque, ut ad id tempus concubinas habuissent, easque uxores duxissent, liberos naturales haberent in patria potestate. Eodem modo & Zeno, Anastasius, Justinus videntur edixisse ad concubinatum per indirectum subruendum. Sed primus Justinianus hanc legitimationem valere in perpe-

nam, sacrum principis oraculum impetravit *Nov. 89. cap. 9.*

§. 159. Quoniam itaque hic intercedat fictio ( §. 155. ) consequens est ( 1. Ut legitimatio pertineat ad naturales, non ad spurios, adulterinos, & incestuosos, quorum inter parentes fingi non possunt nuptiæ *Nov. 89. cap. 14. 74. cap. 6. 117. cap. 2.*

§. 160. Quoniamque ea homines sui juris in alienam potestatem redigantur ( §. 155. ) consequens est, ( 2. Ut accedere oporteat liberorum consensum, ne in conditionem deteriore invitati detrudantur *l. 11. D. de his, qui sui, vel al. jur.* ( 3. Ut legitimati succedant patri; quod in legitimatis per subsequens matrimonium dubio caret §. 2. *Inst. de her. ab intest. l. 10. C. de nat. lib.* Nec ambigitur, idem dicendum esse de legitimatis per rescriptum; si soli sint *Nov. 89. cap. 9.* Exstantibus jam legitimis non succedunt, nisi & pater id velit, & princeps diserte jusserit. Quo casu tamen legitimis præcipuam esse portionem oportere legitimam, non pauci æquum consent ( *Inst. §. 172.*

§. 161. Postremo & ADOPTIONE justii liberi fiunt; de quo postremo patriam potestatem adquirendi modo, nec non de modis, quibus hæc potestas solvitur, agitur titulo insequente.

## TITULUS VII.

### DE ADOPTIONIBUS, ET EMANCIPATIONIBUS, ET ALIIS MODIS, QUIBUS POTESTAS SOLVITUR.

§. 162. *Adoptio quid?* §. 163. *De ejus natura axiomata.* 164. *Qui adoptare possint, vel non possint?* §. 165. *An & femina?* 166. *An, & ii, qui liberos jam habent, vel sperant?* §. 167. *Adoptio quotuplex?* §. 168. *Axiomata de arrogatione, & adoptione.* §. 169. *Quomodo fiat arrogatio?* §. 170. *Qui arrogari*

tuum jussit *Nov. 74. c. 1. Vid. DESID. HERAL. Rec. quotid. l. 4. 2.*

possint? §. 171. Quomodo arrogentur impuberes? §. 172. Arrogationis effecta. §. 173. Quomodo facta adoptio? §. 174. Qui adoptari possint? §. 175. Effecta adoptionis plenæ, & minus plenæ. §. 176. Axioma de solvenda patria potestate. §. 177. Ea solvitur ( 1. morte, & ) 2. capitis deminutione maxima, & media §. 178. ( §. Emancipatione triplici. §. 179. Ejus effecta. §. 180. ( 4: Dignitate §. 181. An pater ad emancipandum cogi possit? §. 182. Separatio liberorum hodierna.

§. 162. **A**DOPTIO latius accepta est actio solemnis, quæ in locum filii, vel nepotis adscicitur (a) is, qui natura talis non est ( *Inst.* §. 125. ). Suocurris itaque lex sterilitati naturæ, fingitque, adoptivum æque jure filium, nepotemve esse, ac si ex adoptante, ejusve filio, eorumque matribus familias esset natus. GELL. V. 19. l. 44. D. h. t.

§. 163. Ex quo sane manifestum est 1. adoptionem imitari naturam §. 4. *Inst.* h. t. II: Eandem *ὡς τὸν πατέρα*, in solatium eorum qui liberos non habent, esse inventam. THEOPH. pr. *Inst.* h. t.

§. 164. Quod si itaque adoptio imitatur naturam ( §. 293. ) 1. ), sequitur sane ( 1. Ut in his tantum personis habeat locum, in quibus & natura potest habere (b) l. 16. D. h. t. ( 2. Ut adoptare possint spadones §. 9. *Inst.* L. 2. §. 1. l. 40. §. 2. D. h. t. non autem castrati §. 9. *Inst.* eod. nec ( 4. natu minor majorum l. 15. §. 3. D. eod. ( quo nomine ridicula vis adoptio Alexandri ab Eleogabalo facta HERODIAN. V. 7. ) adeoque ( 5. pater filium plena saltem pubertate ( §. 129. ) avus nepotem 36. annis præcedere debeat §. 4. *Inst.* l. 20. §. 1. D. h. t.

§. 165. Quicumque adoptio sit modus acquirendi patriam potestatem ( §. 161. ) consequens est ( 1. Ut

(a) Proprium hoc adoptionis vocabulum, de quo GRO-  
NOV. *Diatrib.* ad Stat. p. 26.

(b) Unde juris principiis consentanea non fuit adoptio  
Candidiani a Valeria Augusta facta, & quidem ob ster-  
ilitatem. LACTANT. de mort. persecut. c. 50.

nec femina adoptare possit, in quam non cadit ius patriæ potestatis. In solatium tamen liberorum amissionum & his adoptio concessa indulgentia Principum §. 10. *Inst. L. 5. C. h. t.*

§. 166. Quia denique adoptio in solatium eorum, qui liberos non habent, inventa est (§. 163. 2.) consequens est (1. Ut non promiscue, & inexplorate possint sexagenariis minores; quippe quos decet liberis procreandis studere *L. 15. §. 2. D. h. t. Næ* (2. quibus jam sunt liberi (a) *L. 17. §. 3. D. h. t.* adeout (3. nec in locum nepotis quis adoptare possit, nisi consentiente filio *L. 5. L. 6. D. h. t. nec* (4. plures simul sine iusta, ac idonea causa *L. 15. §. 3. D. eod.*

§. 167. Generalis autem hæc adoptio duobus modis fit. Si enim homo sui iuris in patriam alterius potestatem redigitur, ARROGATIO; sin filiusfamilias in filii, vel nepotis locum adsciscitur, ADOPTIO dicitur. *L. 1. §. 1. D. & §. 1. Inst. h. t.*

§. 168. Ex quo patet 1. Arrogationem esse capitis diminutionem §. 3. *Inst. de cap. min.* 11. Adoptionem contra vere esse alienationem, patre dominium Quiritarium, quod in liberos habet (§. 144.) per venditionem sibi vetere jure concessam (§. 146.) in alium transferente.

§. 169. Ex priore axiomate sequebatur (1. Ut arrogationem fieri oporteret in comitiis calatis, adhibita auctoritate pontificum (b) *CIC. pro domo cap. 3.*

(a) Atqui exstant exempla adoptionum contra hanc regulam factarum. Vid. REINOLDI *Var. c. 42. p. 307.* Sed id extra ordinem, probataque causa concessum *L. 16. §. 2. D. h. t.* Qui juvenes, vel parentes sine necessitate adoptabant, non immunes erant a reprehensione, etiamsi principes essent. Vid. JAC. PERIZON. *Animad. hist. c. 3. pag. 125.*

(b) Populi opus erat suffragio, quod sine illo nec e tabulis censualibus deleri, nec heres fieri quisquam posset. (Unde adoptio facta dicitur *lege curiata* TACIT. *Hist. l. 15. κατὰ νόμον κερύτων*, APPIAN. *de bell. civ. l. 5. 586. κατὰ νόμον τῶν φραιγκῶν*, DIO CASS. *lib. 45.*) Pontificum erat cognoscere, an fas esset, arrogatum in sacra aliena transire; an forte sacra gentis propriæ ea arrogatione intereant. α. γ. γ. Vid. *Antiqu. nost. Rom. h. l. §. 6. seq. p. 252.*



GELL. V. 19. ( 2. Ut potestate populi per legem regiam in principem translata ( §. 51. ) hisque simul pontificis maximi munere functis sufficere cœperit auctoritas, vel rescriptum summæ potestatis, idque hodiernum sufficiat *L. 2. pr. D. §. 1. Inst. h. t.* ( 3. Ut arrogatum ipsum auctorem fieri, vel si minorennis sit, curatoris quoque consensum accedere oporteat *L. 8. D. h. t. L. ult. C. de auct. prest. L. 11. D. de his, qui sui, vel al. jur. CIG. ibid. cap. 28. GELL. ibid.*

§. 170. Ex quo porro inferas 4. Arrogari posse omnes, qui sunt sui juris, etiam proprios emancipatos *L. 12. L. 41. D. h. t. nec non* ( 5. extra matrimonium quæsitos *L. un. D. h. t.* ( 6. minores cum consensu curatorum ( §. 169. 3. ) non autem ( 7. olim impuberes, qui actores fieri nequeunt. *GELL. ibid.*

§. 171. At & hos arrogari passus est Antoninus Pius, si ( 1. tutorum auctoritas (a) ( 2. consensusque propinquorum accederet, si ( 3. præmitteretur causæ cognitio ( 4. arrogatorque satisfaceret, α ) pupillo intra pubertatem mortuo bona ejus perventura ad eos, ad quos ea res pertineat, β ) si arrogatum impubere sine justa causa emancipaturus, exheredaturusve sit, ei se redditurum bona, simulque quartam suorum bonorum (b) ( §. 3. *Inst. L. 17. L. 18. seq. L. 22. §. 1. L. 5. C. h. t. L. 8. §. 15. D. de inoffic. test.*

§. 172. Denique ex eodem axioma priorē sequitur ( 1. Ut cum arrogato etiam liberi, si quos in potestate habet, in patriam arrogatoris potestatem transeant ( §. 149. 5. ) *L. 2. §. ult. L. 15. p. D. §. 11. Inst. h. t.* ( 2. Ut omnia jura, quorum civilis est ratio, veluti agnationis, dignitatis, imaginum, arrogans acquirat, non quæ a natura sunt, e. g. cognationis *L. 13. L. 44. L. 23. pr. D. h. t.*

(a) Unde ipsi tutores pupillos adoptare non possunt *L. 17. pr. D. h. t. nisi tutor simul sit vitricus l. 32. §. 1. D. eod. Exemplum ex PLIN. Episc. lib. 10. eruit CUFAC. Observ. II. 38.*

(b) Sed qualis hæc quarta? Omniumne bonorum, an legitimæ portionis? Sententiam diximus alibi ( *Inst. §. 181.* )

L. 3. 5. 6. 10. D. d. senat. PERIZON. *Diss.* I. p. 83.

§. 173. Quamvis adoptio esset alienatio, æque dominium Quiritarium in alium transferretur ( §. 168. 2. ) facile patet ( 1. Cur eam fieri oportuerit per mancipationem, seu per æs, & libram, sequuta cessione in jure L. ult. C. h. t. GELL. V. 19. ULP. *Fragm.* 8. 1. ( 2. Cur sit legis actio ( §. 34. ) L. 4. D. L. 1. C. h. t. L. 3. D. de off. proc. adeoque nec ad tempus, nec per tabulas, nec opera procuratoris fieri possit L. 34. D. L. 4. C. h. t. ( 3. Cur abolitio mancipationis ritum sufficere postea cœperit imperium magistratus. L. ult. C. h. t. & ( 4. Cur adoptio non jure facta possit a principe confirmari L. 38. seq. D. h. t.

§. 174. Ex eodem axioma sequitur ( 5. Ut adoptari possint filii, filiæve familias, non liberi illegitimi, in nullius potestate constituti L. 7. C. de nat. lib. ( 6. Ut in hac adoptione sufficiat patris naturalis voluntas; nec adoptivi requiratur consensus L. 5. D. h. t. & ( 7. ob hanc causam & infantes possint in adoptionem dari.

§. 175. Quamvis vero adoptionis eadem olim, ac arrogationis essent effecta, eaque liberi semper in adoptantis potestatem redigerentur L. 23. pr. D. h. t. Justinianus tamen eos tantum, qui ab adscendentibus fuerint adoptati, in illorum potestatem transire; ab extraneis autem adoptatos in patris naturalis potestate manere voluit, tributo tamen iis jure, adoptanti ab intestato succedendi (a) §. 2. *Inst.* L. penult. C. h. t.

§. 176. Hactenus de modis acquirendi patriam potestatem; proximum est, ut quibus modis ea solvantur, dispiciamus. Quum autem patria potestas esset dominium Quiritarium ( §. 144. ) consequens erat ( 1. Ut quibuscunque modis dominium Quiritarium desinebat, iisdem & jus patrie potestatis solveretur ( *Inst.* §. 190. ) adeoque ( 2. exhereditatio non solvat patriam potestatem §. 5. *Inst.* de pupill. subst.

§. 177. Quum itaque mors omnia solvat, sequitur

(a) Unde prior species adoptionis a doctoribus PLENA, vel PERFECTA; posterior MINOR, vel IMPERFECTA solet adpellari.

( Ut I. MORTE patris liberi primi gradus sui juris fiant, alterorum graduum non aliter, quam si nemo sit, cujus in potestatem recidant *pr. Inst. quib. mod. jus patr. pot. solv.* ( II. Ut potestas etiam CAPITIS DEMINUTIONE maxima, & media, vel morte civili, solvatur §. 1. *Inst. eod.* quamvis reversi ex captivitate jure postliminii; restituti maxima principis indulgentia jura pristina recuperent §. 1. 5. *Inst. eod. L. 1. C. de sent. poss. & rest.*

§. 178. Quumque & alienatione exspiret dominium, facile patet ( III. Cnr EMANCIPATIONE liberi exeat ex patria potestate. Quæ in VETEREM, ANASTASIANAM, & JUSTINIANEAM dividitur. VETUS fiebat per trinas venundationes, & manumissiones imaginarias, quoties liberi masculi primi gradus ( §. 146. 2. ) vel una venditione, & manumissione, quoties filii, vel nepotes ex patria potestate dimittebantur. *CAJ. Inst. l. 8. 3. Antiq. nostr. Rom. l. 12. 6.* ANASTASIANA fit per rescriptum principis *L. penult. C. de emanc. lib.* JUSTINIANEA denique auctoritate cujusvis magistratus *L. 36. D. h. t. L. ult. C. de emanc.*

§. 179. Quum itaque vetus emancipatio fieret trina venditione imaginaria ( §. 178. ) consequens est ( 1. Ut ea esset species capitis deminutionis *L. 3. §. 1. D. de cap. min.* ( 2. Ut ideo filii consensus merito requiratur *L. 5. C. de emanc. lib. Nov. 89. cap. 11.* ( 3. Ut, qui filium tertium mancipatum manumittebat ( quod ipse pater naturalis, interposito pacto fiduciæ, sibi reservare solebat, §. ult. *Inst. de legit. cogn. succ.* ) is jura patronatus in emancipato retineret §. un. *Inst. de legit. patr. tut. L. 3. §. ult. D. de legit. tut.*

§. 180. Quamvis porro ( IV. dignitate neo dominum, nec patria potestas olim solveretur (a) *DIONYS. HAL. lib. II. cap. 26. p. 96.* jure tamen novo primum patriciatus §. 4. *Inst. quib. mod. patr.*

(a) Virgines enim Vestales, & Flamines diales sui quidem juris fiebant; non tamen ob dignitatem sacerdotii ( sic enim multo magis Pontificatus maximus patriam potestatem debuisset solvere ) sed quia a pontifice capiebantur ( §. 177. 2. )

pot. solo. *L. ult. C. de Coss.* deinde & aliæ dignitates majores, veluti consulatus, consularitas, præfectura prætorii, & urbis, magisterium militum, patronatus fisci *L. ult. C. de decur. Nov. 81. pr. & cap. 1. §. 1.* immo & episcopatus *Nov. 81. cap. 3. a patria potestate liberabantur.*

§. 181. Denique quemadmodum nemo cogitur invitatus rerum suarum dominio se abdicare; ita & pater nullo pene modo ad emancipandum cogitur §. *ult. Inst. quib. mod. patr. pot. solo.* Sunt tamen quidam casus, quibus pater invitatus cogitur ad emancipandum. De iis nos alibi ex instituto (*Inst. §. 198.*)

§. 182. Hodie communibus Europæ moribus paulo rariorem esse emancipationem etiam Justinianeam; & tacite fere liberos exire patria potestate, simul ac separatam instituunt æconomiam; denique eam separationem sine jactura jurium familiæ fieri, jam alibi monuimus (*Inst. §. 199.*) ubi & de separatione ex jure Lubecensi actum. Add. BOHEMER. *Diss. de statu liberorum sui juris factorum per separationem, & nuptias (nec non Elem. juris Germ. Lib. 1. tit. 8. §. 162. seqq.)*

## TITULUS VIII.

### DE DIVISIONE RERUM, ET QUALITATE.

§. 183. *Quid res, & pecunia?* §. 184. *Res divini juris, sacra, religiosa, sancta.* §. 185. *Jura rerum sacratum.* §. 186. *Quanam sacra fiant, & sint?* §. 187. *Jura rerum religiosarum.* §. 188. *Jura rerum sanctarum.* §. 189. *Res humani juris quotuplices?* §. 190. *Communes, publicæ, universitatis, singulorum.* §. 191. *Jura rerum communium, publicarum, universitatis.* §. 192. *Hereditas jacens an res privata?* §. 193. *Res corporales, & incorporales.* §. 194. *Mobiles, & immobiles.* §. 195. *Incorporales, nec mobiles, nec immobiles.* §. 196. *Jus in re, ad rem.*

§. 183. Alterum juris objectum sunt Res (§. 121.). RES autem vocantur, quæcumque ejus sunt

naturæ, ut in bonis esse possint, quemadmodum quæ vere, & actu sunt in patrimonio, PECUNIÆ nomine veniunt (*Inst. §. 311. sequ.*) l. 5. pr. D. de verb. sign.

§. 184. Res sunt vel DIVINI, quæ in nullius, vel HUMANI JURIS, quæ in alicujus bonis sunt L. 1. pr. D. h. t. Prioris generis sunt res SACRÆ, publice dedicatæ, consecratæque Deo L. 6. §. 3. D. §. 8. *Inst. h. t. RELIGIOSÆ*, quas unusquisque sua voluntate facit, dum mortuum infert in locum suum L. 6. §. 4. D. h. t. & quodammodo res SANCTÆ, quo nomine veniunt vel diebus mediocribus solemniter dedicatæ, vel sanctione pœnali adversus hominum injurias munitæ l. 8. pr. l. 9. §. 3. D. §. 10. *Inst. h. t.*

§. 185. Inde ergo facile patet ( 1. Res sacras ex his principiis esse nullius, extra commercium positas; adeoque nec æstimationem recipere l. 9. §. ult. D. h. t. nec alienari posse §. *Inst. eod.* nisi captivorum redimendorum, pauperum alendorum, & æris alieni ecclesiarum solvendi causa d. §. 8. l. 21. C. de SS. eccl. Nov. 128. cap. 10. ( 2. Semel consecratas religione in perpetuum occupari, etiam diruto ædificio l. 6. §. 3. D. §. 8. *Inst. h. t. l. 73. D. de contr. emt.* nisi vel ab hoste capiantur l. 36. D. de relig. vel locus evocatis sacris religione liberetur l. 9. §. 2. D. h. t.

§. 186. Nec minus inde colligere licebit ( 3. Privata auctoritate, & sine jussu principis sacra constitui non potuisse l. 9. §. 1. l. 6. §. 3. D. h. t. ( 4. Sacrum non esse sacrarium, ubi sacra reponuntur l. 9. §. 2. D. h. t. ( 5. Tempia apud nos ob usum tantum sacra esse; alioquin res sanctas potius, & universitatis ( 6. Multo minus sacras esse res ecclesiasticas, impletæ cultui divino inservientes. Unde & facilis alienantur, si interesse videtur ecclesiæ l. 14. l. 17. §. 1. de SS. eccl. Nov. 120. cap. 7. ( modo accedat causæ cognitio, & decretum consistorii LINK. de jur. episc. X. 36. ).

§. 187. Ex religiosarum rerum definitione (§. 184.) consequitur ( 1. Ut cenotaphium non sit religiosum l. 42. De religios. quamvis in alia omnia iret MAR-

CIANUS l. 5. §. ult. l. 7. D. h. t. BYNKERSH. Obs. 1. 5. ( 2. Ut sepulcra non sint in commercio l. 12. §. 1. D. de religio. l. 14. C. de legat. quamvis ipsum jus inferendi in bonis esse, & in aliura transferri possit l. 14. C. de legat. ( 3. Ut, si pluribus locis condantur reliquiae, is duntaxat religiosus fiat, ubi caput conditum l. 44. D. de religio. MERILL. Obs. 2. 40. ( 4. Ut sepulcorum semel factum religio perpetuo occupet, nec reliquiae sine auctoritate Pontificum tolli, transferrique, attamen monumentum refici possit, modo ossa non tangerent. l. 44. §. 1. D. de relig. PLIN. Epist. X: 73. GRUT. Inscr. p. 578. num. 1. (a) ( 5. Ut, cessante hodie deorum Maium religione, nec sepulcra religiosa dici, nec jura illa applicari possint sepulcris, & cimiteriis nostris.

§. 188. Denique ex rerum sanctarum definitione ( §. 184. ) inferunt Jcti ( 1. Muros utroque sensu; portas posteriores saltem sanctas esse §. 10. Inst. hoc tit. l. 3. §. 17. D. de re milit. PLUTARCH. Quast. Rom. cap. 87. ( 2. Qui muros, portasve violat, eum capitis esse damnandum §. 10. Inst. l. ult. D. h. t. ( 3. Hoc jus & ad municipia, & castra esse porrigendum L. 8. §. 2. D. h. t. ( 4. Nequinem vel muros reficere, vel iis aliquid inaedificare, vel immittere posse sine consensu principis, vel praesidis. L. 8. §. 2. l. 9. §. 4. D. h. t.

§. 189. Haecenus de rebus DIVINI JURIS. Quae HUMANI JURIS sunt, eae ex principiis Stoicis in COMMUNES, PUBLICAS, UNIVERSITATIS, & SINGULORUM dividuntur. L. 1. pr. l. 2. pr. D. princ. Inst. h. t. NOODT. Probabil. 1. 8.

§. 190. COMMUNES sunt, quae, quod ad proprietatem, sunt totius generis humani, quod ad usum singulorum hominum L. 2. §. 1. l. 4. pr. l. 5. §. 1. l. 6. pr. l. penult. D. h. t. PUBLICAE, quae in proprietate sunt populi, quod ad usum singulorum a populo L. 4. §. 1. l. 5. pr. D. §. 2. Inst. h.

(a) Et inde, cur sepulcrum in vetustis marmoribus toties dicatur DOMUS AETERNA, rationem percommende reddit RAD. FORNER. Rec. quot. III. 6.

2. UNIVERSITATIS, quæ in proprietate sunt universitatis; ita tamen, ut usus singulis pateat *L. 6. §. 1. D. §. 6. Inst. h. t.* SINGULORUM denique, quæ & in proprietate, & usu sunt singulorum *L. 1. pr. D. §. 11. Inst. h. t.*

§. 191. Ex quibus definitionibus sequitur (1. Ut res omnes innoxii, & inexhausti usus sint communes, e. g. mare, aqua profluens, littora *L. 1. §. 1. l. 4. seq. D. h. t.* (1. Ut tamen & hæ sint Domini capaces, quatenus possunt occupari, & possideri *L. 2. §. 8. D. ne quid in loc. publ. 14. D. de injur.* (3. Ut, quum publicarum rerum proprietates sit penes populum, ille quoque eas principi, vel privatis concedere possit, sive hi investituram pro se aligent, sive præscriptionem *L. 7. D. de divers. & temp. præscr. l. 45. pr. D. de usu. & usuc. l. 4.* Ut a rebus universitatis differant UNIVERSITATUM PATRIMONIA, quorum usus non patet singulis.

§. 192. Nec minus inde patet (5. Hereditatem jacentem vere quidem esse nullius; posse tamen pro re privata vel singulorum haberi quatenus jura fingunt, eam in plerisque (a) sustinere personam defuncti *p. Inst. de stip. serv. l. 61. pr. D. de acquir. rer. dom. aliquando & heredis futuri l. 24. D. de novat. VINN. ad §. 2. Inst. de hered. inst.*

§. 193. Porro res dividuntur in CORPORALES, quæ tangi possunt, & INCORPORALES, quæ tangi non possunt; quales sunt, quæ in jure consistunt, veluti hereditas, ususfructus, obligatio *L. 1. §. 1. D. h. t. §. Inst. de reb. corpor. & incorp.* Stoica hæc esse, jam alibi observavimus (*Instit. §. 386.*)

§. 194. Corporales aliæ sunt MOBILES, quæ vel seipsas movent virtute interna, ut animalia (6) *l. 93.*

(a) Dico in plerisque. Aliud enim in ususfructus acquisitione obtinet *l. 26. D. de stip. serv.* itemque in ex-pilatione hereditatis *l. 1. §. 1. D. si is, qui test. 1. l. 68. D. de furt.* De aliis casibus suo loco. Vid. VINN. *ad pr. Inst. de stip. serv.*

(6) Aliquando tamen se moventia a mobilibus sejunguntur, si pateat, testatorem illa sola in mente habuisse. Est hæc elegans illa questio inter Tuberonem, & Servium agitata, de qua *l. 7. D. de supell. leg. AdDJ. GOEDD. Comment. ad l. 93. D. de verb. sign. p. 732.*

*D. de verb. sign.* vel salvæ e loco in locum moventur, ut pecunia, supellex, navis, *L. 79. §. 1. D. de legat. 3. l. 2. De supell. leg. l. ult. D. de requir. reis;* vel eo consilio positæ sunt, ut mox tollantur, ut ædificia, & opera temporaria *L. 18. D. de aff. emt. l. 60. de acquir. rer. domin.* Aliæ IMMOBILES, quæ vel salvæ moveri nequeant, ut fundus, ædes, ager *l. 1. de Condiç. trit.* vel usus perpetui causa junguntur immobilibus, aut horum usui destinantur, ut fixa, *vinça l. 13. §. ult. l. 14. 15. l. 17. §. 5. 6. 7. D. de aff. emt. l. 242. §. ult. D. verb. sign.*

§. 195. Quum itaque ad res tantum corporales hæc divisio pertineat (194.) consequens sane est (1. Ut res incorporeales, vel jura neutrius sint generis, nec sub rebus mobilibus & immobilibus comprehendantur *L. 7. §. 4. D. de pecul. l. 15. §. 2. D. de re jud. l. un. §. 7. de rei ux. aff.* (Quamvis analogice rebus immobilibus comparentur jura de rebus immobilibus inherencia, & perpetua, veluti annui redditus, maxime irredimibiles *GALL. Observat. I. 10. 3.*

§. 196. Jus circa res nobis competens aliud est IN RE, quod est facultas homini in rem competens sine respectu ad certam personam (*Inst. §. 332.* cujus species sunt DOMINIUM, HEREDITAS, SERVITUS, PIGNUS, non autem possessio (b) Aliud jus AD REM, id est facultas competens personæ in personam, ut hæc aliquid dare, vel facere teneatur. Quo pertinent omnes OBLIGATIONES.

## TITULUS IX.

### DE SENATORIBUS.

§. 197. Ratio ordinis. §. 198. Senatorum origo, & numerus. §. 199. Qui in eum ordinem adlecti?

(a) Possessio enim nec jus perpetuum tribuit, nec producit actionem in rem. Omnia enim interdicta sunt in personam concepta. Quod itaque doctores possessio-num jus in re producere contendunt, id ex confusione juris civilis, & canonici est. Hoc enim jure demum actio spoli prodicta est adversus quemcumque possessionem *cap. 18. X. de rest. spoliat.*



§. 200. *Senatus munia.* §. 201. *Senatorum privilegia.*  
 §. 202. *Ea dignitas sensim evuluit.*

§. 197. **R**eliquum est tertium juris objectum puta ACTIONES (§. 121.) Quam vero actiones instituentæ sint coram iis, penes quos est juris dicendi potestas, sub finem hujus libri longus instituitur tractatus partim de senatoribus, qui tum causas maximi momenti cognoscere solebant TACIT. *Annal.* 2. 28. partim de magistratibus, quales potissimum ad Alexandri-Severi tempora fuerunt.

§. 198. Senatus Romanus erat concilium publicum, cui jus erat sententiam dicere de republica. Primus Romulus centum in concilium adhibuit; quos ex auctoritate *patres*, ob ætatem *senatum* adpellavit FLOR. l. 1. LIV. l. 8. Hunc numerum deinde duplicavit Sabinus in civitatem receptis, DIONYS. HAL. lib. 2. 40. p. 111. Tarquinius Priscus rursus centum adjecit LIV. l. 35. A Gracchorum temporibus 600. senatores memorantur, trecentis ex ordine equestri superiori numero adjectis, PLUTARCH. *Gracch.* p. 857. qui numerus, quum ob frequentes seditiones esset diminutus, denno ex equestri ordine suppletus est per legem Livii Drusi. APPIAN: *de bell. civ.* 1. pag. 630. Sub Jul. Cæsare adjectis peregrinis ultra 900. senatores erant. DIO CASS. lib. 43. p. 237. (de quibus locus plebis apud SUET. *Jul.* c. 80.) quumque plures adjecisset Antoninus, quos contentus causa *Orcinos* appellabant, Augustus senatum intra veterem numerum 600. personarum revocavit. SUET. *Aug.* c. 55. DIO CASS. lib. 52. p. 424. lib. 54. p. 530. Successores ejus numerum senatorum suo arbitrio anxise videntur.

§. 199. Legebantur initio ex solis patribus; postea etiam ex plebeiis, maxime ex viris consularibus, censoriis, prætoriis, ædilitiis, quæstoriis, immo & tribunicis; demum etiam ex peregrinis. SUET. *Cæs.* c. 80. *Vesp.* c. 9. Jus legendi initio penes reges, deinde coss., postea penes censores (§. 64.) denique penes principes erat. Toti senatui præerat PRINCEPS SENATUS, quo nomine postea Augustus cuncta sub imperium accepit. TACIT. *Annal.* l. 1.

§. 200. Quæ libera republica fuerint omnia senatus, accurate docuit POLYB. *Hist.* 6. 12. Comitiiis a Tiberio e campo in curiam translatis (§. 48.) senatus jus faciebat (§. 49.) l. 9. *D. de legib.* honores decernebat, de bello, & pace statuebat, & causas publicas, & privatas majoris momenti cognoscebat *L. 1. §. 10. D. de postul. l. 1. §. 2. D. a quib. appell. l. 14. fin. D. ad leg. Corn. de fals.*

§. 201. Magna itaque senatorum dignitas, multa privilegia. Nam (1. erant viri clarissimi *L. 8. D. h. t. quæ dignitas* (2. etiam ad eorum filios, filias innuptas, nepotesque ex filiis, tum naturales, tum adoptivos, modo in potestate manerent, immo & ad postumos in senatoria dignitate conceptus transibat (a) *l. 1. §. 1. l. 5. l. 6. l. 7. l. 8. l. 10. D. h. t.* Deinde (3. duplex habebant domicilium, ita ut utroque loco commoda capere possent *L. penult. D. h. t. l. penult. C. de incol. (quibus non opponendæ l. 22. §. 5. & l. 23. D. ad munic. ubi de oneribus agitur).* (4. Gaudebat privilegio fori *L. 1. l. 2. ubi senat.* (5. Immunes erant a muneribus sordidis, etiam patrimonialibus *L. 4. l. 5. l. 14. C. de dign. nec* (6. diris questionibus aut suppliciis plebejorum subiciebantur *L. 11. C. de quæst. l. 16. C. de dign.*

§. 202. Sed evuluit demum ea dignitas, ex quo principes omnia suo arbitrio agere cœperant. Unde non tam sancta amplius e curia prodibant, quam adclamationes, & laudationes principum immodicæ, quarum exempla passim obvia apud PLINIUM, TACITUM, & historicæ Augustæ scriptores.

## T I T U L U S X.

### DE OFFICIO CONSULIS.

§. 203. *Consulum conditio sub imperatoribus.* §. 204. *Eorum jurisdictio.* §. 205. *Quando cons. successio desierit?*

(a) Id privilegium ab Augusto videtur arcessendum, qui senatorum filiis latum clavum, & jus intrandi edidit. *SUET. Aug. cap. 38.*

§. 203. Sequuntur jam magistratus. Inter urbanos autem eminebant CONSULES, quorum de origine & potestate sub libera republica jam supra actum (§. 61.). Sub imperatoribus manebat consulare nomen, manebant insignia, nec levis honor videbatur consulatus, quem ipsi principes maxime in quinquennialibus, decennialibus, vicennialibus suscipere non dubitabant. Vid. ANT. PACI *Diss. hypat.* At raro tunc annum erat consulare imperium; sæpe semestris, bimestris, mensurum. Unde tot consules suffecti etiam in Pandectis, quos frustra in fastis quæsieris. ANT. AUGUSTIN. *de nom. prop. in Pandect. cap. 2. 257.*

§. 204. Multum quoque consulum potestati decessit, principibus omnia ad se trahentibus. Erant tamen, qui consulibus tantum jurisdictionem voluntariam salvam fuisse existimant ob *l. un. D. h. t.* (cui sententiæ miror suffragari MARAN. *Paratitl. h. t. pag. 54. seq. edit. nov.*) Sane & contentiosa gaudebant, iudices dabant, & arbitros *L. 1. §. 3. D. de adpell. L. 50. D. de cond. & demonstr. decreta interponebant L. 3. D. de alim. & cib. leg. sententias ferebant L. 29. pr. D. legat. 2.*

§. 205. Vulgo consulum successionem Romæ an. 410. Constantinopoli anno 591. in Basilio defecisse perhibent. Sed capta Gothis urbe, consularem tamen dignitatem transisse patet ex CASSIOD. *Var. g. 22.* Constantinopoli etiam anno 646. Mauricius Aug. consulatum gessit. REINES. *Intr. pag. 690.* Unde Leo Sapiens eum primus videtur Constantinopoli sustulisse. *Nov. Leon. 94.*

## TITULUS XI.

## DE OFFICIO. PRÆFECTI PRÆTORIO.

§. 206. *Præfectura pratoris origo.* §. 207. *Officium præfecti pratorio.* §. 208. *Ejus potestas, jurisdictio.*

§. 206. **P**ræfectura prætorii sub Augusto audiri cœpit (§. 78.) qui prætoriano milite Mæcenatis consilio duos viros (a) equestris ordinis præfecit, quos PRÆFECTOS PRÆTORIO vocavit. DIO libr. 52. p. 480. l. 55. p. 555. Postea, quum Tiberius cohortes in castra ad portam Vininalem contraxisset; cœpit hic magistratus inter potensissimos censei, SUET. Tiber. cap. 37. TACIT. Annal. 4. 2. HERODIAN. V. 1. Unde ἀρχὴ δεύτερη μετὰ τὰ σκῆπτρα, magistratus ab imperatore secundus, dicitur ZOSIMO II. 32. ποτὲν ἐπὶ τοσούτῳ ἐξουσίᾳ καὶ δυνάμει βασιλικῇ καὶ ἀποδείκναι, potestas, quæ non multum a principatu abest. HERODIANO Hist. 5. 1.

§. 207. Quamvis enim initio militaris esset hic magistratus, similisque magisterio equitum (§. 65.) videretur POMPONIO L. 2. §. 19. D. de orig. jur. l. un. pr. D. h. t. sensim tamen in tantum crevit eorum auctoritas, ut & juri dicendo præessent. Hinc tot præfectos prætorio inter Jurisconsultos reperimus. Vid. HERODIAN. IV. 12. c. g. Taruntejum Paternum, de quo RETNES, Inscript. p. 36. Macrinum, Papinianum, Ulpianum. Add. EV. OTTON. Papin. pag. 116.

§. 208. Curam itaque gerebant disciplinæ, & vice facta judicabant. Unde & edicta proponebant L. 2. C. de offic. pr. Or. & Illyr. quæstiones habebant, HERODIAN. I. 8. & sententias ferebant tanta cum auctoritate, ut ab iis adpellari non posset, sed suppli-

(a) Hic numerus postea servatus a Tiberio, TACIT. Annal. I. 24. sub Commodæ HERODIAN. I. 9. sub Severo, ib. I. 13. sub Caracalla, Id. III. 12 Aliquando tamen unus, aliquando tres memorantur. Indicem eorum texuit PETR. FAB. Semeis. I. 1.

catio tantum intra biennium admitteretur *L. un. §. 1. D. h. tit.* multoque minus restitutio adversus illas impetraretur, nisi ab ipso præfeco prætorio *L. un. fin. D. h. t.* Erant itaque præcipui principum administri. HERODIAN. V. 1. ZOSIM. II. 32. quin parentes principum, & tutores reipublicæ GRUT. *Inscr. pag. 436. n. 4.* At Constantinus, exautorato milite prætorio, castrisque dirntis, ipsum orbem Romanum in quatuor præfecturas divisit, Orientis, Illyrici, Italiæ, & Galliæ, præfectorumque censuræ provinciarum præsides subjecit *Tit. C. de off. præf. Or. & Illyr.* ZOSIM. II. 33. JAC. GOTHOF. *Notit. dign. C. Theod. subjunct.* *Notit. utriusque imp. cum comment.* PANGIROLI.

## TITULUS XII.

## DE OFFICIO PRÆFECTI URBI.

§. 209. *Præfetti urbi officium.* §. 210. *Ejûsdem jurisdictionis.* §. 211. *Quamdiu hæc præfectura manserit?*

§. 209. De hujus præfecturæ origine tjam supra diximus §. 60. 66. 78. ) Ordinarius magistratus esse cepit per Augustum. TACIT. *Annal.* 6. 11. SUET. *Aug. c. 37.* hujusque præfetti initio erat, coercere sævitiam, & quod audacia civium turbidorum, nisi vim teneret. TAC. *Ann.* 6. 11. *L. 1. §. 8. 10. D. h. t.* Postea merum imperium exercuit intra urbem, & centesimam ab urbe lapidem *L. 1. pr. §. 4. D. h. t.* Florianus imp. adpellationes omnium potestatum, dignitatumque adjecit. VOPISC. *Florian.* t. 6. *L. 17. C. de adpell. l. 13. C. Th. eod.* Ab ipso tamen præfeco urbi ad imp. provocabatur. *L. 38. pr. d. de min. l. 23. C. Th. de adpell.*

§. 210. Animadvertibat itaque in facinorosos *L. 17. pr. §. 3. 4. & 10. D. h. t.* iique etiam ab aliis magistratibus ad eum remittebantur *L. 1. §. ult. D. §. 10. 11. Inst. de susp. tit.* Habebat jus gladii, immo & deportandi *l. 1. §. 3. D. h. t.* non tamen ante tempora Severi *L. 1. §. 4. D. de legat. 3.* Jus porro

dicebat inter argentarios *L. penult. D. h. t. forum armentorum carnumque, & disciplinam spectaculorum curabat L. 1. §. 11. 12. D. h. t. (unde & pondera eorum nominibus inscripta reperias. REINES. Inscript. class. 3. 73. pag. 330. & 352.)*. Extra urbem quidem jus non magis dicebat, quam prætor; attamen de omni causa, quæ extra muros ad centesimum usque lapidem acciderat, in urbe judicabat, iudicemque dabat. Et ita intelligendam esse *L. ult. D. h. t.* recte animadvertit Jo. GOEDD, *ad l. 2. D. de verb. sign. n. 3. p. 53.* Denique & militibus stationariis per urbem dispositis quietem popularium inebatur *L. 1. D. h. t.*

§. 211. Mansit hæc præfectura ad extrema rei publicæ tempora; immo capta urbe eam restituit Athalaricus Gothorum rex. CASSIOD. *Var. 9. 4. Conf. FEL. CONTELOR. de præf. urb. apud SALLENG. Thes. ant. Rom. Tom. I.*

### TITULUS XIII.

#### DE OFFICIO QUÆSTORIS.

§. 212. *Quæstorum officium.* §. 213. *Eorum numerus, & potestatis deminutio.* §. 214. *Quæstores candidati.*

§. 212. **Q**uæstorum de origine jam supra actum (§. 73.) Alii erant parricidii, de quibus LIV. 4. 51. 38. 54. FEST. vocè *quæstores*, *L. 2. §. 23. D. orig. jur. alii ararii*, de quibus hic agendum. Quemadmodum enim illi iudiciis publicis præerant; ita penes hos, libera adhuc re publica, erat cura pecuniæ publicæ. LIV. 33. 42. Præterea quædam sub hasta vendebant. DIONYS. HAL. *lib. 10. cap. 21. p. 646.* SCta, & signa militaria adservabant. LIV. 4. 22. & denique legatis hospitia, & lautia præbebant. LIV. 28. 39.

§. 213. Eorum initio duo creati, dièdique URBANI: LIV. 4. 53. deinde quatuor, quorum duo coss. in bello adesse solebant. Lib. 4. 54. Hinc octo constituti. Liv. *Epist. 15.* & ex Sullæ institutò 20. TA-

CIT. *Annal.* 11. 20. quem numerum Cæsar duplicavit DIO CASS. *lib.* 43. p. 237. Plerique ex his cum præsidiibus ibant in provincias (§. 77. CIC. *pro Mur.* cap. 8. (a) reliqui domi ærarium curabant. Enimvero cum ista ærarii ab Augusto ad prætorios viros (SUET. *Aug.* cap. 36. DIO CASS. *lib.* 53. p. 497.) & postea a Nerone ad præfectos ærarios translata. TACIT. *Annal.* 13. 28. *Hist.* 4. 9. PLIN. *Epist.* 2. 4. Quæstoribus fere solum jus sententiam in senatu dicendi superfuit *L. un. §. 3. D. h. t.*

§. 214. Erant etiam inter eos, qui orationes, & libellos principum in senatu prælegerent, dicti QUÆSTORES CANDIDATI, quod in majorum honorum esset auspicium *L. un. §. 2. 4. D. h. t. Antiq. nostr. Rom. l. 2. 45.*

## TITULUS XIV.

## DE OFFICIO PRÆTORIS.

§. 215. *Prætorum officium.* §. 216. *An & merum imperium habuerint?* §. 217. *Eorum potestas sensim exolevit.*

§. 215. **D**e prætorum origine, & numero supra actum (§. 62.). Officium in eo erat positum, quod possent tria illa verba fari: DO., DICO, ADDICO (b) MACROB. *Saturn.* 1. 16. DABANT enim actiones, advocatos, recuperatores, iudices, arbitros, bonorum possessionem, restitutionem in integrum. DICEBANT viam in vindictis (*Antiq. Rom.* IV. 4. 24. nec non, dum edicta proponebant, vel interdicta dabant. ADDICEBANT denique in cessionibus, ju-

(a) Etiam sub Imperatoribus in provincias populi ibant quæstores, cui patet ex TAC. *Agric.* c. 6. & STRAB. *lib.* 3. p. 253.

(b) Acta prætoris etiam servi rata esse, veteres exemplo Barbatæ Philippi demonstrant *L. 3. D. h. t.* quod egregie suo more illustrat JAC. GOTHOF. in *Dissert. de elect. inhabilis magistr. per error. fact.*

diciis divisoriiis, manumissionibus. Conf. CAR. SIGON. *de judic.* l. 7.

§. 216. Quibusdam ex prætoribus jurisdictio, aliis quæstiones ex legibus judiciorum publicorum sortito obveniebant *L. 1. l. 2. D. h. t. l. 2. §. 32. D. de orig. jur.* qui tunc loco hastæ, & fascium gladium ante se positum habebant. SIGON. *de jud.* 2. 4. Alii in provincias ibant cum summo imperio. Urbanus contra, & peregrinus, destituti mero imperio, si quid animadversione dignum incideret, reos ad præfectum urbis remittere tenebantur (§. 210. t. 2. *D. de susp. tut. l. ult. D. de in jus voc.*).

§. 217. Postremis temporibus ita paulatim eversum est regnum eorum forense, ut eorum officium fere in actibus voluntariæ jurisditionis & ludorum editione consisteret. Ex SPANH. *de usu, & præst. n.* p. 109.

## TITULUS XV.

### DE OFFICIO PRÆFECTI VIGILUM.

§. 218. *Præfetti vigilum officium, & potestas. §. 219. Hujus præfecturæ duratio.*

§. 218. **H**unc magistratum Augustus, pluribus uno die coortis incendiis, instituit, præfecitque septem cohortibus, ut incendiorum pericula averteret *L. 2. §. 43. D. de orig. jur. l. 3. pr. D. h. t. SUET. Aug. cap. 30.* Itaque noctu obibat urbem cum hamis, & dolabris *L. 3. §. 3. D. h. t. jns de incendiariis*, furibus, raptoribus, receptatoribus dicebat, eosque, qui negligentius ignem habebant, etiam fustium admonitione castigabat (a) *L. 3. §. 1. 2. 5. l. ult. D.*

(a) Gavisus itaque est mero imperio, seu jure animadvertendi in levioris notæ homines; quamvis atrociores fures ad præfectum urbi remittere deberet *l. 3. §. 1. D. h. t.* Hinc non est, quod vulgarem lectionem sollicitemus in *l. 56. §. 1. de furt. ubi & Græci habent τῷ πρῶτῳ*. BINKERSH. *Obs.* 2. 8. Nec magis mutaverim quidquam in *l. 15. D. condit. inst. dat.* quia & ibi de furto, & quidem a servo admissio agitur.



*h. t.* Unde in locum Quinquevirum cis, & ultra Tiberim (§. 75.) videtur successisse.

§. 219. At quum præfecti vigilum paullatim ipsi se furibus sociarent, Justinianus, suppresso hoc magistratu, eam curam prætori populi mandavit. *Nov. 13. Add. NIC. ALAMANN. ad PROCOP. Anecd. pag. 93.*

## TITULUS XVI.

### DE OFFICIO PROCONS. ET LEGATI.

§. 220. *Provinciarum inter populum, & principem divisio.* §. 221. *Procons. jurisdictio.* §. 222. *Et imperium.* §. 223. *Procons. ingressus in provinciam, & insignia.* §. 224. *Ejus legati.* §. 225. *Eorum potestas, mandata jurisditione competens.*

§. 220. **D**e provinciarum administratione, qualis libera republica erat, nihil est, quod hic addendum videatur (§. 77.). Augustus provincias ita cum populo partitus est, ut huic pacatas relinqueret, sibi bello turbatas, & futuras cum Ægypto servaret. *DIO CASS. lib. 53. pag. 503. STRABO lib. 17. fin. SUET. Aug. c. 47.* quamvis & in illas vere summum haberet imperium ob proconsularem potestatem, imperatoribus decerni solitam. *DODWELL. Prælect. Cand. 9. 2. p. 334.*

§. 221. In populi provincias a senatu mittebantur viri consulares, vel prætorii, qui *PROCONS. vel PROPRAËT.* vocabantur *Procons.* plenissimam habebant potestatem, omniumque magistratuum urbanorum partes ad illos in provincia pertinebant *L. 7. §. ult. L. 8. 9. pr. D. h. t.* Hinc & voluntariam, & contentiosam jurisdictionem exercebant; & illam quidem statim urbe egressi *L. 2. pr. D. h. t.* hanc nonnisi in provincia *L. 1. D. eod.* iidem tutores dabant ex *Lege Julia*, & *Titia*, edictaque proponebant, quorum in locum edictum provinciale perpetuum successit (§. 53.), iudices dabant, &c.

§. 222. Habebant etiam imperium merum, seu jus

gladii *L. 6. pr. L. 11. D. h. t.* Nec tamen imperium militare iis reliquerat Augustus, adeoque nec copiis præerant, sed dictorum tantum ministerio utebantur (HERODIAN. *Hist. 7. 8.*) nisi extra ordinem legiones ducere juberentur. *LIPS. Excess. ad TACIT. Annal. I. litt. M.* Curam disciplinæ militaris procoss. commendat Justinianus *Nov. 30. cap. 1.* sed tunc quidem discrimen illud provinciarum dudum evanuerat.

§. 223. Quæ in ingressu, egressuque provinciæ, itemque in recipiendis, repudiandisque xenitiis, & munusculis observanda essent procoss. accurate docet *ULPIAN. L. 4. L. 6. §. 3. L. 7. L. 9. L. 10. D. h. t.* Urbe egressi utebantur insignibus, fascibus nimirum cum securibus, olim quidem 12. postea sex tantum *L. 1. L. 14. D. h. t.* *APPIAN. Syriac. p. 95. PLUTARG. Paull. p. 256.* Urbem contra ingressi imperium deponebant *L. ult. D. h. t.*

§. 224. Procoss. & Pro-prætoribus adjugebantur *LEGATI*, ἡ γυναικὶς πεπολεῖς, 2. *Petr. II. 14.* qui vice illorum fungerentur, quoties opus esset. Numerus non semper idem. Q. Ciceroni, prætori Asiæ, tres saltem legatos fuisse, patet ex *CIC. ad Q. Fratr. Epist. I. 1.* Contra Achajæ procoss. nunquam tantum legatum habuisse observat *DIO CASS. L. 55. p. 567.* Poterat itaque huic procoss. mandare jurisdictionem, si vellet *L. 13. D. h. t.* (cui non repugnat *L. 46. §. 6. D. h. t.*) alioquin legatus nihil proprii habebat (a) *d. l. 13.*

§. 225. Itaque legatus ea habebat, mandata jurisdictione, quæ mandari poterant. Hinc non erat apud eum legis actio (b) *L. 3. §. 1. l. 3. D. h. t.* multoque

(a) At propriam quodammodo jurisdictionem legatis tribuunt *Servus, & Antoninus Augg. L. 5. pr. D. de off. ejus, cui mana. jurisd.* Propriam fieri cepisse, postquam fulset mandata, existimat *PEBENNOM. Animad. Cap. 26.* Sed hæc valde diluta. In *L. 4.* Imperatores ajunt, Braduam procoss. propriam jurisdictionem legato dedisse; propriam Braduz, non legati.

(b) Negat hac *L. 2. §. 1. ULPIANUS*, coram legato posse manumitti; id autem diserte adfirmat *PAULLUS L. 17. §. 1. D. de manum. vid.* Manifesta sane ἀτιμωσία Et quoniam vix verosimile videatur, vel Ulpianum, vel Paulum jus suorum temporum ignorasse, verosimili-

minus mero imperio pollebat *L. 5. pr. D. h. t. l. 1. pr. D. de off. ejus, cui mand. jurisd.* Si quid ergo animadversione dignum incideret, reum ad procos. mittebat, *l. 21. D. h. t.* ideoque mandari ipsi poterat custodiarum cognitio, ut præauditas ad procos. remitteret, *l. 6. pr. l. un. C. h. t.* Id singulare est, quod tutorem dare posset *l. 1. §. D. de tut. & cur. dat. l. penult. D. h. t.* & de suspectis tutoribus cognoscere *l. 4. pr. de off. ejus, cui mand. jurisd.* Quam facultatem legatis speciali SCto, vel oratione Marci Antonini imp. datam, novianus *L. 1. D. de tut. & cur. dat.*

## TITULUS XVII.

## DE OFFICIO PRÆFECTI AUGUSTALIS.

§. 226. *Præfectura augustalis origo.* §. 227. *Potestas præfecti.*

§. 226. **I**nter provincias principi reservatas, Ægyptum veluti præcipuam sibi seposuerat Augustus (§. 220.). Quumque in fatis esse diceretur, ut Ægyptii libertatem reciperarent, simul ac fasces Rom. in regno essent visi, TREBELL. POLL. in Æmil. CIC. ad divers. *Epist. l. 7.* hac superstitione in commodum suum versa, Augustus eo misit virum equestrem, sibi per omnia obnoxium, nullis fascibus, sed imperio vero proconsulari instructum, TACIT. *Annal. 2. 59. 13. 80. Hist. 1. 11.* DIO CASS. *L. 53. p. 554.* ARRIAN. *Exped. Alex. 3. 6.* senatoribus ipso provinciæ aditu exclusis, SUET. *Tiber. c. 52.* TACIT. *Annal. 1. 59.*

§. 227. Vocabatur is PRÆFECTUS AUGUSTALIS (a) & Ægypto omni præerat nomine principis *l.*

mum videtur, hunc scripsisse: *sed & apud legatum procons. manumittere possumus* id est, apud legatum Aug. procos. seu præsidem: compilatorem autem ibi perperam intellexisse legatum proconsulis; quumque hoc vocabulum antecessisset, rescripsisse: *legatum ejus.*

(a) Ita vocatur in rubrica tituli. Alia etiam occur-

un. D. h. t. Quumque proconsulari simile esset ejus imperium, omnem habebat jurisdictionem, voluntariam æque ac contentiosam, sed & legis actionem, TACIT. *Annal.* 12. 60. tutoris dationem l. 1. D. de tut. & cur. dat. immo & imperium merum. Quin tanta erat hujus præfecturæ dignitas, ut SPARTIAN. in *Hadr. cap.* 7. scribat, Hadrianum Marcio Turbo- ni, Daciæ præsidi, eam præfecturam dedisse, ut eo major esset ejus auctoritas.

## TITULUS XVIII.

## DE OFFICIO PRÆSIDIS.

§. 228. *Præsides quinam dicti* §. 229. *Eorum potestas.* §. 230. *Et imperium militare.*

§. 228. **P**ræsidis vocabulum alioquin generale, omnibusque, qui provincias regunt, commune l. 1. D. h. t.; hic speciatim illis, qui in principis provincias mittebantur, tribuitur, dictis alias LEGATIS AUG. PRO COS., vel PRO PRÆTORE (§. 79.) l. 20. D. h. t. SPANEM. de usu, & præst. num. p. 180.

§. 229. His provinciis suis æque ac procos. majus omnibus habebant imperium post principem, eaque ibi soli curabant: quæ in urbe varii magistratus l. 4. l. 10. l. 11. D. h. t. Hinc & voluntariam jurisdictionem exercebant lib. 2. l. 5. l. 17. D. h. tit. & contentiosam l. 8. D. eod. & extraordinariam l. 5. D. eod. immo & jus gladii l. 3. l. 6. 13. l. 14. l. 21. h. tit. l. 6. pr. l. ult. de pæn. Ita tamen circumscriptum, ut nec deportare possent (a)

runt vocabula PRÆFECTI ÆGYPTI L. un. D. h. t. L. 21. D. de man. vid. L. 1. D. de cur. dat. REINES. *Inscr.* p. 460. VICARII AUGUSTALIS L. 2. C. de his, qui met. judic. non adpell. AUGUSTALIS, viri spectabilis. L. 59. C. de decur. ENAPHY THEXOPAT STRAB. l. XVII.

(a) Cur vero, qui majus supplicium irrogare poterant, non poterant deportare? Nobis probatur sententia ULR. HUBERI *Digress.* 3. 7. observantis, deportationem fe-

1. 2. §. 1. *D. de pœn. l. 6. §. 1. D. de interd. & releg. nec liberam mortis facultatem concedere l. 8. §. 1. D. de pœn. nec bona publicare post Theodosii, & Valentiniani constitutionem. L. un. C. Th. ne sine jussu princ. cert. judic. lib. confisc.*

§. 230. In eo autem major erat præsidum, quam procoss. potestas, quod & legiones ducerent, & exercitibus præessent vice principis, DIO CASS. lib. 52. p. 504. Id quod non concessum esse procoss. supra jam observavimus (§. 222.).

## TITULUS XIX.

DE OFFICIO PROCURATORIS CÆSARIS,  
VEL RATIONALIS.

§. 231. *Procuratores Cæsaris quotuplices? §. 232. Potestas eorum, qui fiscum procurabant. §. 233. Nec non eorum, qui provinciis præerant vice præsidum.*

§. 231. **Q**uemadmodum cum procoss. & prætoribus in provincias populi ibant quæstores, ut redditus ærario debitos colligerent, & in tabulas referrent (§. 213.\* ) ira in provincias principis fere ibant PROCURATORES CÆSARIS (a) qui duorum erant generum. Alii enim res principum fiscales tantum curabant; alii in provinciis minoribus simul vice præsidum fungebantur, qualis in Judæa Pontius Pilatus (b), TACIT. *Annal.* XV. 44. TERTUL. *Apol.* c. 21.

re personis egregiis irrogatam, ubi viliores ultimo supplicio afficiebantur PAULL. *Sent. rec.* 4. 23. 1. 4: 25. 1. seq. 4. 26. 1. seq. V. 19. 2. V. 20. 2. V. 22. 1. Quam conjecturam firmare videtur L. 27. §. 1. *D. de pœn.*

(a) Dicitur etiam curatores Cæsaris, BINKERSH. *Obs.* 2. procuratores principis l. 33. *D. ex quib. causis. maj. procuratores imperatoris l. ult. D. de jur. fisc.* curatores fisci Asiatici, procuratores Aug. a rationalibus rationales summarum, vel summæ rei. RENES. *Inscr.* VI. 30. XX. 190. IX. 60. VI. 57. & 126. seq. III. 55. XIII. 43. VI. 28.

(b) Tales præter Judæam accipere solebant dux Mau-

§. 232. Priores vere erant procuratores, sive summæ rei præpositi, quo casu CATHOLICI, vel CATHOLICIANI, dicebantur l. 9. §. ult. C. de bon. prosc. sive uni, alterive redditum generi, quales erant PROCURATORES VICESIMÆ HEREDITATUM, CADUCORUM. Id præ aliis mandatariis habebant singulare, quod servus Cæs. eorum jussu posset adire hæreditatem t. 1. l. 2. D. h. t. junct. l. 99. D. de adq. hered. l. 77. D. de reg. jur. & quod a temporibus Glandii ipsis competeret notio caussarum fiscalium, modo essent pecuniariæ (a) TACIT. 12. 60. l. 9. pr. D. de offic. procons. l. 1. l. 2. l. 5. C. ubi caus. fisc. Ceteroquin nec jurisdictione gaudebant l. 22. §. 1. D. de adpel. pr. nec mero imperio L. 2. C. de mod. mult. l. 3. l. D. h. t.

§. 233. Posterioris generis Procuratores eadem potestate provinciis præerant, qua præsides l. 4. C. ad leg. Fab. de pelag. l. 2. C. de pen. & hinc vice præsidis agere, vice præsidis fungi, vicem præsidis tueri dicebantur l. 1. C. de pedan. jud. l. 3. C. ubi caus. fisc. l. 2. C. de pen. d. l. 4. C. ad leg. Fab. de plag. Hinc & imperio mero, & jurisdictione pollebant, exemploque sunt Copronius qui Judææ præfuisse dicitur ἀνὴρ ἐν τῇ παλαιᾷ ἰερουσαλῆμ, JOSEPH. Antiq. Jud. 18. 1., aliusque, cujus nomen dissimulat, οἱ καταδίκασαι ἐτοίματο καὶ χρυσῶν τε καὶ ἀργυρῶν βύσσος δεδοκιμαῖς ταπεινὰ Μαξιμίνα qui damnandis judicio hominibus, exigendisque pecuntis favore Maximini occupabantur. HERODIAN. Hist. 7. 4. & Hilarianus, qui loco procos. jus gladii acceperisse fertur in Actis SS. Perpetuæ, & Felicit. a L. HOLSTENIO, & THEOD. RUINARTO editis. Vid. NORISII Cenotaph. Pisan. Diss. 2. 16. 8. p. 290. seq. BYNKERSH. Obs. 2. 20.

ritania, Ratia, Noricum, Thraca, Alpes maritimæ, Epirus, Pontus. TACIT. Hist. L. 11. LIPS. [Excerpt. ad TAC. Annal. 12. litt. B. Corsica; TAC. Hist. 2. 16. Sardinia, & aliz.

(a) Cretæ tamen procuratori ex lege Fabia cognitionem datam esse, ex ULPIAN. Fragm. 14. colligi posse videtur. Vid. BINKLESH. Obs. 20.

## TITULUS XX.

## DE OFFICIO JURIDICI.

§. 234. *Juridici ubi jus dixerint* §. 235. *Eorum potestas.*

§. 234. **JURIDICI** erant magistratus, certo terræ tractui juris dicendi causa præfæci. Tales in Italia loco consularium constituerat Marcus imp. JUL. CAPITOL. *Vit. Marc. cap. 11.* Unde juridici per Flaminiam & Picenum, apud GRUT. *Inscr. p. 1093. n. 3.* itemque per Apuliam, & Picenum, *ibid. p. 465. n. 5. 6.* Memoratur etiam Juridicus Austriæ, & Gallicæ apud GRUTER. *Inscript. p. 463. num. 4.* & omnium celeberrimus juridicus Alexandrinæ civitatis, non ita dictus, quod soli Alexandriæ jus diceret (a) (toti quippe Ægypto cum præfæcto præpositus, cui jam pridem docuere GUJAC. *Observ. 20. 31.* & REINES. *Inscr. p. 271.*) sed quod ibi tribunal haberet.

§. 235. Jus dicebant, tanquam coss. & prætores; sed fascibus tamen non utebantur (§. 226.) DODWEL. *Præfæct. Cambd. g. 11.* Erat & apud eos legis actio l. 1. D. h. t. quin & tutores dabant juridici Alexandrini ex constitutione Marci imp. l. 2. D. h. t. §. 3. *Inst. de Atil. tat.* Gavisos etiam esse jurisdictione contentiosâ, vel ex nominibus patet. Vocantur enim JURIDICI in rub. h. t. Δικαιοδῶται apud STRAB. lib. 12. & ROMANI JUDICES apud SEXT. RUFUM.

(a) Hinc dicitur JURIDICUS PER ÆGYPTUM, GRUT. *Inscr. p. 373. n. 4.* quia toti provinciz præerat cum præfæcto augustali, cujus simulationes speculatus videtur, ne res novas moliretur. Vid. REIN. *ad Inscr. class. 2. 25.*

## TITULUS XXI.

DE OFFICIO EJUS, CUI MANDATA  
JURISDICTION.§. 236. *Cur hunc titulum pratervehamus?*

§. 236. **M**agistratum, quos hactenus descripsimus, propria erat *jurisdictio*. Subjungitur tractatus de *jurisdictione mandata*, qualem supra in legato procos. vidimus. Sed de hac commodius agetur *lib. 2. tit. 1.*

## TITULUS XXII.

## DE OFFICIO ADSESSORUM.

§. 237. *Adsessores quinam?* §. 238. *Quid jura de iis sanciant?* §. 239. *Eorum salarium.*

§. 237. **A**DSESSORES hic non sunt, qui jus dicenti cum jure suffragii adsident, quales olim in urbe erant *decemviri stilicibus* judicandis (§. 74.\* ) in provinciis 25. recuperatores, cives Romani, ULP. *Fragm. 1. 12. 13.* quorum consensus, & consilium dicebatur, vel *συμβουλία* Aft. 23. 12. sed intelliguntur hic *jurisperiti* a magistratibus *jus dicentibus* adhibiti in *consilium* in *cognitionibus*, *postulationibus*, *libellis*, *edictis*, *decretis*, *epistolis* (a) l. 1. D. hoc tit. (Hi ob magistratum imperitiam tam videbantur necessarii, ut vitio versum sit Valerio Maximiano, quod *judices militares, sine adsessoribus* in provincias *immiserit*. LACTANT. de mort. persecut. cap. 22.)

§. 238. Hinc facile jam intelligimus ( 1. Cur ei muneri adhiberentur *jurisperiti*, seu, uti exemplo

(a) Non ergo suffragii jus habebant, sed jus dicepdi instruebant, similes iis, qui in his regionibus *pensionarii*, vel *advisers*; in Germania *syndici* adpellantur.



philosophorum eleganter vocantur, juris studiosi l. 1. D. h. t. ( 2. Cur, si quid ab iis peccatum, id non magistratibus, sed adsectoribus vitio verteretur l. 2. D. quod quisq. jur. ( CUJAC. Observ. 23. 40. ) ( 3. Cui hi, si essent advocati, non possent in eo auditorio, ubi in consilium adhiberi solebant, causas agere l. 8. §. ult. C. de postul.

§. 239. Deberi iis salarium, facile patet. Et olim quidem ejus quantitas conventionem definiebatur l. 4. D. h. t. Postea ordinarium salarium iis constitutum ab Alexandro imp. LAMPRID. Vit. Alex. c. 4. 46. l. 32. D. ex quib. caus. mai. Debetur integram, licet praeses; antequam dies venerit, decesserit l. 4. D. h. t. l. 1. §. 13. D. de ext. cogn. nisi intra tempus, quod residuum erat, alii operam addixerint adsectoribus. Quo casu sane iniquum videbatur, eos eodem tempore pro iisdem operis duplex lucrum capere.

## LIBER II.

### TITULUS PRIMUS.

#### DE JURISDICTIONE.

§. 240. Quid jurisdictio? §. 241. De ejus natura examinata. §. 242. An jus dicant arbitri, & iudices pedanei? §. 243. An jurisdictio patrimonialis vere talis? §. 244. Jurisdictio, in quo consistat? §. 245. Imperium quid, & quotuplex? §. 246. In quo consistat imperium merum? §. 247. Quis illud habeat? §. 248. In quo consistat imperium mixtum? §. 249. Jurisdictio I. vel voluntaria, vel contentiosa. §. 250. Utriusque differentia. §. 251. II. Vel ordinaria, vel extraordinaria. §. 252. III. Vel propria, vel mandata, vel prorogata. §. 253. Quis, & quam jurisditionem mandare possit? §. 254. Mandati hujus natura. §. 255. Jurisdictio conventionem prorogata. §. 256. Nec non ex praescripto legum per reconventionem. §. 257. Reconventionis natura. §. 258. Aliae jurisditionis species, & usus tituli hodiernus.

§. 259. *Edictum de albo corrupto*. §. 260. *Actionis hujus natura*. §. 261. *An ejus hodie ullus usus sit*.

§. 249. Quum hæcenus de magistratibus actum sit, proximum est, ut de eorundem potestate, quæ in JURISDICTIONE, & IMPERIO consistit, agamus. Est autem JURISDICTIO notio jure magistratus competens. CUJAC. *Paratitl. D. h. t.*

§. 241. Ex qua definitione aperte fluunt axiomata: I. Jurisdictio omnis vi officii, vel jure magistratus competit *l. 1. pr. D. de offic. ejus, cui mand. jurisd.* II. Ea non in aliqua vi, & coactione, sed in sola notione consistit. Id quod vel jurisdictionis voluntariæ exempla satis confirmant.

§. 242. Quum igitur jurisdictio omnis jure magistratus competat (§. 241. 1.) consequens est (1. Ut nec arbitro jurisdictio tribui possit *l. 11. §. 3. l. 17. §. 3. l. 19. pr. D. de recept. nec* (2. judici pedaneo; quippe qui notionem quidem habet, sed non jure magistratus *L. 3. D. hoc tit. leg. 46. D. de judic. l. ult. D. de off. præf. l. 5. D. de re jud.*

§. 243. Nec minus inde patet (3. Jurisdictionem, qua passim hodie per Europam gaudent Nobiles, & possessores prædiorum feudaliū, ex principiis juris Romani non esse jurisdictionem, immo & ratione originis suæ esse meram potestatem veterum Germanorum dominicam in servos, vel homines proprios, novo jurisdictionis schemate palliatam. Vid. *Syllog. opusc. Exerc. 6. de origine, atque indole jurisdictionis patrimonialis*...

§. 244. Quumque jurisdictio in sola notione consistat (§. 241.) sequitur (4. Ut ea tantum in DECERNENDO, & JUDICE DANDO sit posita (a).

(a) *Decernebat* prætor; dum dabat actionem, dum restituebat in integrum, dum interloquebatur de plano, vel manumittentibus consilium dabat. *Judicem dabat*, ubi audito partium jure, judicem, recuperatorem, vel arbitrum nominabat, inquisitorem in factum, & ex formula præscripta laturum sententiam, *l. 5. l. 15. pr. D. de re jud.* Quando *decernebat*, vel DARE, vel DICERE, vel ADDICERE dicebatur; si judicare jubebat, DABAT

ASCON. PÆD. ad Ait. I. in Verr. 1. 4. p. 1696. edit. nov. GAR. SIGON. de judic. 1. 7. pag. 1696. Tom. II. Thes. Antiq. Rom. Gray. ( 5. Ut, simulac aliqua vis, & coactio accedit, statim sese exserat imperium L. 3<sup>a</sup> fin. l. 4. D. h. t. ( 6. Ut non exsequutio, sed sententia sit *extremum in jurisdictione*, cui qui non paret; jus dicenti non videtur obtemperasse L. 1. §. 1. D. si quis jus dic. non obtemp.

§. 245. A jurisdictione differt IMPERIUM, quod hoc nihil aliud est, quam potestas armata, unde & *κατ' ἐξουσίαν* potestas dicitur L. 3. D. h. t. Dividitur in MERUM, & MIXTUM (a), quorum illud est potestas gladii, ad animadvertendum in facinorosos homines, speciali lege concessu d. l. 3. D. h. t. l. 1. pr. D. de off. ejus; cui mand. jurisd. Hoc contra modica coercitio, quæ jurisdictioni coheret l. 1. §. ult. §. 1. de off. ejus cui mand. jur. vel per hypallagen imperium, cui inest jurisdictio L. 3. D. h. t.

§. 246. Quam itaque merum imperium sit jus gladii (§. 245.) consequens est ( 1. Ut illi nulla plane admixta sit jurisdictio (b) ( 2. Ut, qui imperium hoc habet, pro gravitate delicti animadvertere possit in facinorosos, vel vitam civilem, naturalemve adimendo, vel leviozem irrogando poenam l. 28. pr. D. de poen. nisi hæc potestas legibus restricta sit (§. 229.\* ) ( 3. Ut & ex officio dare possit operam, ut provincia malis hominibus purgetur L. 3. §. 13. D. de offic. præsidi.

§. 247. Quamque hoc merum imperium lege spe-

tantum. CAR. SIGON. *ibid.* Quæ apud magistratum explicabantur, IN JURE, quæ apud judicem, IN JUDICIO fieri dicebantur, l. 15. D. rem. rat. hab. CIC. de invent. 2. 19.

(a) Accipienda itaque sunt vocabula in sensu vulgari, quo merum opponitur mixto, Unde & Græcos *ἐξουσίαν & ἀρχὴν ἀρχαίαν*, potestatem, vel imperium merum, opponere solere *τῇ μίχθει*, ut, quod mixtum est, erudite observat ZACH. HUB. Diss. jurid. I. 1. 4. & in jure nostro aliquando non merum vocatur imperium mixtum L. ult. §. 1. D. de off. ejus, cui mand. jurid.

(b) Quamvis enim notio præcedat animadversionem; ea tamen jurisdictio non est; quia non jure magistratus competit (§. 240.) sed ex lege speciali (§. 245.)

ciali concedatur (§. 245.) sequitur (1. Ut non nisi a summa potestate proficisci possit (L. 2. §. 23. D. de orig. jur. l. 3. C. h. t. (2. Ut, qui imperio illo pollet, nihil habeat proprii; adeoque istud vice summæ potestatis exercent. L. 1. pr. D. de off. ejus, cui mand. jurisd.

§. 248. Ex MIXTI porro imperii definitione (§. 245.) fluit (1. Jurisdictionem, & mixtum imperium non magis esse *συνυμικτόν* quam vinum, & aquam illi admixtam (2. Ei, cui data jurisdictio, id quoque datum videri, sine quo explicari illa nequeat, id est, imperium mixtum L. 2. D. h. t. (3. Quinque magistratum posse jurisdictionem suam imperio tueri l. un. pr. D. si quis jura dic. non obtemp. imino & (4. in dubio æstimare, suane sit jurisdictio L. 2. §. 1. D. si in jura voc. non ier. (5. Imperium hoc consistere in modica coercitione l. 1. §. ult. D. de off. ejus, cui mand. jur. qualis est pignoris capio, mulcta, in possessionem inmissio, interdictio fori, manus militaris, & aliquando adprehensio personæ L. 9. §. ult. D. ad leg. Jul. penult. l. 4. §. 2. 4. D. de damn. inf. l. 9. pr. §. 1. D. de pen. l. 68. D. de rei vind.

§. 249. His præmissis, facile intelligentur variae jurisdictionis divisiones. Nam I. recte dividitur in VOLUNTARIAM, quæ inter volentes, & sine causæ cognitione exercetur; & CONTENTIOSAM, quæ inter invitos, & litigantes causæ cognitione explicatur L. 2. pr. D. de off. procos.

§. 250. Ex quibus definitionibus. prono alveo fluit (1. Voluntariam etiam in causis propriis explicari posse l. 3. l. 4. D. de adopt. L. 2. D. de off. prof. contentiosam non posse L. 10. D. h. t. (2. Illam quocumque loco, & de plano leg. 36. pr. D. de adopt. §. 2. Inst. de libert. hanc non nisi tribunali L. penult. D. de just. & jur. (3. Illam & diebus feriatis L. 8. C. de fer. hanc festis tantum diebus exerceri L. 2. l. 7. l. 8. l. ult. §. 1. C. eod. (4. illam recte explicari extra territorium L. 2. D. de off. procos. c. 36. §. 1. D. de adopt. & a judice incompetente (a)

(a) Nisi hujusmodi actus ita sit comparatus, ut periculum inde imminet iudici competenti (& hinc exi-

*l. 27. l. 30. C. de donat.* quod ad hanc vero attinet, extra territorium jus dicenti impune non pareri *L. ult. D. h. t.*

§. 251. Deinde jurisdictio II. alia est ORDINARIA, quæ magistratui jure ordinario ita competit, ut ab ejus officio separari nequeat, veluti decernere, & judicem dare (§. 244. 4.) alia EXTRAORDINARIA, quæ non nisi certis magistratibus speciali lege defertur verb. grat. tutoris latio, legis actio *L. 7. §. ult. D. de off. prat. leg. 6. §. 2. D. de tutel.*

§. 252. Dividitur jurisdictio III. in PROPRIAM, quæ jure magistratus competit in subditos *l. 5. l. 6. D. h. t. MANDATAM*, quainquis mandato magistratus, eam tamquam propriam habentis, explicat *L. 5. leg. 16. D. h. t. l. 1. §. 1. l. 3. D. de offic. ejus, cui mand. jurisd. & PROROGATAM* (a) quæ voluntate partium, vel ex præscripto legis extra terminos suos exercetur *l. 1. l. 2. D. de judic.*

§. 253. Quum itaque magistratus mandare possit jurisdictionem sibi propriam (§. 252.) consequens est (1. Ut ipsi mandatarii, veluti legati procos. jurisdictionem mandare nequeant *L. ult. de offic. ejus, cui mand. jurisd.* (2. Ut a principe delegati quasi

gat causæ cognitionem, qualem jurisdictionem voluntariam doctores *mixtam* vocare solent). Exemplum habes in *L. 16. C. de præd. & al. reb. min.*

(a) *Prorogari* tantum de tempore dici, observat JAC. PERIZON. *Animad. hist. c. 6. p. 229.* & hinc emendandum putat locum *LIV. 42. 39.* ubi *prorogatio imperii* non de tempore, sed de loco, accipitur. Quæ si ita sint, incommode sane JCTi nostri dixerint *prorogare jurisdictionem*, quum dicere potius debuissent *propagare jurisdictionem*. Conf. NOODT. *de jurisdift. lib. 2. c. 12.* Sed codices tamen hanc emendationem non probant. Nec stringere videtur argumentum PERIZONII, *prorogationem semper involvere temporis, ac durationis significationem, sumptam quippe a comitiis, quorum proprium fuerit vocabulum rogatio, & quæ inde oriantur, in quibus etiam prorogare, id est, longius, vel in proximum annum rogare imperatoribus imperium.* Nam quid obstat, quo minus & ultra territorium alicui rogaretur imperium, e. g. ut dictator eum potestate esset extra Italiam?

magistratus sint, adeoque mandare possint *Arg. L. 5. C. de judic.* ( 3. Ut nec imperium merum mandari possit ( §. 247. 2. ) nec jurisdictio extraordinaria ( §. 251. ) *L. 1. pr. l. 2. pr. §. 1. D. de off. ejus, cui mand. jurisd. l. 8. pr. D. de tut. dat. l. 8. §. 18. D. de transact. l. 70. D. de reg. jur.* ( 4. Ut contra recte mandetur ordinaria, sive tota, sive pro parte *l. 16. seq. D. h. t. l. 4. §. 1. D. de off. ejus, cui mand. jurisd.*

§. 254. Quinque jurisdictionem mandatarius vi mandati explicet ( §. 262. ) facile patet ( 5. Eum omnia agere nomine mandantis *l. 6. §. 2. D. de off. proc.* & ( 6. iisdem modis cessare mandatam jurisdictionem, quibus ipsum mandatum finire solet, veluti morte mandantis, & mandatarii *l. 6. §. 1. D. h. t. & illius revocatione l. 6. §. 1. D. de off. procos. (a).*

§. 255. Quia porro conventionem prorogari potest jurisdictio ( §. 252. ) nemo dubitabit ( 1. Quin & expresse fieri possit, seu verbis, & tacite, seu ipso facto; modo, si expresse pacto nudo facta, ante additionem iudicis prorogantem non pœniteat (b) *l. 18. D. h. t.* Nec dubium est ( 2. quin tacite jurisdictionem prorogasse censeatur, quisquis non allegata præscriptioe fori litem contestatus est *l. 4. C. h. t.* modo iudex incompetens non per errorem aditus sit *l. 15. D. h. t. l. 2. pr. D. de judic.*

§. 256. Ex præscripto etiam legis ( §. 262. ) jurisdictio prorogatur per RECONVENTIONEM, quæ est mutua litigantium coram eodem iudice petitio *L. 11. §. 1. D. h. t.* Leges enim probant hoc axioma: *ejus in agendo actor servat arbitrium, eum & contra se habere iudicem non dedignari debet, leg. 11. §. r. D. h. t.*

§. 257. Eo quo sequitur ( 1. Ut reconventio institui possit quocumque tempore, etiam post litis contestationem *l. 14. C. de sent. & interloq. Nov. 69.*

(a) Singulare id fuisse videtur, quod legato a proconsule adimi quidem posset mandata jurisdictio, sed non inconsulta principe *d. l. 6. §. 1. D. de off. procos.*

(b) Quod tamen hodie, quando omnia pacta valida obligationem producant, secus se habere videtur.

cap. 2. quamvis in foro fere contraria opinio inoleverit. Vid. BRUNNEM. *Process. civil.* 10. 11. (2. Ut locum habeat in causis omnibus l. 22. D. de judic. (3. Ut conventio, & reconventio pari passu ambulent, & simul tractentur, nisi an reconventioni locus sit, demum finita conventionem constare possit (a) L. 10. C. de injur.

§. 258. Porro IV. jurisdictio aliq. CIVILIS est, alia MILITARIS, de qua l. 6. C. h. t. l. 2. C. ubi quis de curial. & cohort. & tot. tit. C. de off. civ. & milit. judic. & ibi CUJAC. *Paratitl.* alia ECCLESIASTICA, Justiniano adhuc AUDIENDA, tit. C. de episc. audient. Quibus hodie sexcentæ aliæ accedunt, veluti circumsepta, academia, nautica, silvestris, metallica, feudalis, patrimonialis, mercatoria, quas omnes jus Romanum ignorat, de quibus omnibus accurate actum in *Elem. jur. Germ. lib. 3. tit. 1.* (In eo quoque usus fori a jure Romano discrepat, quod hodie & jurisdictio criminalis mandari potest C. C. C. art. 2. multoque magis extraordinaria. Frequentissimæ etiam hodie sunt *commissions*, quæ stricti juris sunt, adeo ut commissarii, nec seorsum negotium expedire, nec alios substituere, ne quidquam agere possint, quod ipsis speciatim mandatum non est).

§. 259. Haftenus de jurisditione. Quum vero quisque magistratus jurisditionem suam tueri possit (§. 248. 3.) titulo huic annexum animadvertimus edictum DE ALBO CORRUPTO (b) l. 7. pr. D. h. t. ut, si quis id, quod jurisditionis perpetuæ causa, vel in charta, vel in alia materia, propositum fuerit, dolo malo corruperit, in eum quingentorum aureorum judicium cuilibet, populo daretur.

§. 260. Ex quo edicto patet (1. Judicium hoc per-

(a) Moribus Saxonum, quos multa Germaniæ fora probant, numquam reconventio admittitur, nisi finita conventionem, & in causis connexis. idq. sit, ut auctor ibi caveat de reconventionem, & expensis. ZANGER. *de except.* 2. 1. 387. SVENDENDOERFFER. *ad Fibig.* p. 783.

(b) Album quid fuerit, alio loco disputavimus. Addi tamen potest CLAUD. SALMAS. *de modo usurp.* p. 678.

vinuisse ad edicta annua, & formulas actionum; non ad ea, quæ de rebus incidentibus proponebantur. (2. Notari edicto dolum malum, nec eum teneri, qui casu, vel ex imperitia corrumpit l. 7. §. 6. D. h. t. (3. Judicium hoc fuisse populare, pœnamque quingentorum aureorum cuivis e populo agenti fuisse adplicatam l. 12. pr. D. de verb. sign. & ibi GOEDD. x. 15. (4. Si plures corruerint, illud contra singulos dari in solidum L. 7. §. ult. l. 8. l. 9. D. h. t. (2. Concurrisse hoc judicium cum persecutione ex lege Cornelia de falsis L. penult. pr. D. ad leg. Corn. de fals. PAULL. Sect. recept. F. 25. 4.

§. 261. Enimvero actionis hujus natura ipsa satis docet, ejus hodie nullum esse usum, quamvis magistratuum edicta quæcunque corruentes extra ordinem punire posse, nemo dubitet.

## TITULUS II.

QUOD QUISQUE JURIS IN ALTERUM STATUERIT,  
UT IPSE EODEM JURE UTATUR.

§. 262. Hujus edicti occasio. §. 263. De ejus natura axiomata. §. 264. Quinam in illud incidant. §. 265. Pœna jus novum statuentium, vel impetantium. §. 266. Actionis ex hoc edicto descriptio. §. 267. An ex hoc edicto sit jus retorsionis?

§. 262. **A**d jurisdictionem etiam hoc pertinet edictum. Quum enim prætores olim per annuum sæpe mutarent edicta, multaque jura nova statuerent *πρὸς χάριν ἢ κατ' ἐχθρὰς ἡτοίωι* in gratiam, odiumque quorundam hominum, DIO L. 36. p. 11. non solum lex Cornelia huic improbitati opposita (§. 44.) verum etiam ab ipsis magistratibus edicto cautum est, ut magistratus, qui quid novi juris in aliquem statuerint, vel is, qui apud magistratum aliquid novi juris obtinuerit, quandoque postea, adversariis eorumulantibus, eodem jure uterentur, & eodem jure adversus eos decerneretur L. 1. §. 1. l. ult. D. h. t. CIC. Ep. ad Q. Fratr. l. 1.



§. 263. Inde ergo patet I. pœnam hoc edicto proponi iis, qui vel propria, vel aliena jurisdictione abutuntur, eamque in gratiam, odiumve inflectunt. II. Pœnam hanc ex rationis jure manare; adeoque esse æquissimam *L. 1. pr. D. h. t.*

§. 264. Ex priore axiomate sequitur ( 1. Ut edictum & ad magistratum, novum jus statuentem, pertineat, & ad partes illud postulatione sua impetrantes *L. 3. D. h. t.* ( 2. Ut utroque casu puniatur dolus malus cum effectu conjunctus; adeoque ( 3. Non incidat in edictum magistratus, consilio adessoris statuens ( §. 138. 2. ) *L. 2. D. h. t.* nec ( 4. Qui statuere decreverat, nec statuit tamen *l. 1. §. 2. D. h. t.* nec ( 5. Pars ligans, quæ vel jus novum nunquam postulavit, vel eo saltem non usa est *L. 3. pr. D. h. t.*

§. 265. Quumque hic pœna talionis obtineat ( §. 253. 2. ) consequens est ( 1. Ut jus novum statuentes, vel impetrantes, adversario quocumque postulante, eodem jure uti teneantur *L. 3. §. 2. D. h. t.* ( 2. Ut, si is, contra quem jus novum statutum, ipse tale quid fecerit, edictum cesset *L. ult. D. h. t.* ( 3. Ut, quod ex jure hujusmodi novo solutum est, repeti ex hoc edicto non possit. *L. 4. §. ult. D. h. t.*

§. 266. Ex quibus omnibus patet, dari ex hoc edicto actionem adversario cuicumque ( §. 265. 1. ) adversus eum, qui in magistratu jus novum dolose statuerat, vel eum, qui illud postulando impetraverat, eoque usus fuerat ( §. 264. ) vel eorum heredes *l. 3. §. 5. D. h. t.* ad id, ut eodem jure utantur *l. 1. §. 1. D. h. t.*

§. 267. Quemadmodum vero inde, quod magistratus nostri jus novum statuere nequeant, satis patet, hujus edicti hodie nullum plane usum esse; ita quod contra abusum jurisdictionis sancitum est ( §. 283. 1. ) satis incommode a doctoribus duplicatur JURE RETORSIONIS, quo inter se uti solent provinciæ, diversis jurebus utentes. ( Quamvis enim hoc justam rationem habeat, & receptissimum sit, STRUV. de vindict. privat. aphorism. 2. seq. ad hunc tamen titulum non pertinet ). Hic sane non est jurisdictionis abusus, nec dolo malo jus novum statuitur, nec

retorsio juris fit in pœnam, sed ad obtinendam æqualitatem. Æquissimum enim est, ut quo jure cives nostri apud vicinos uti teneantur, eo & vicini apud nos utantur. Quod variis exemplis illustrarunt SAND. *Decis.* 1. 17. 3. STRYK. *Us. hod. D. h. t.* §. 4. *seq.* HUBER. *h. t.*

## TITULUS III.

## SI QUIS JUDICENTI NON OBTEMPERAVERIT.

§. 268. *Edictum adversus eos, qui jus dicenti non obtemperaverint.* §. 269. *De ejus natura axiomata.* §. 270. *Qui in edictum incidant?* §. 271. *Quæ pœna eo proponatur?* §. 272. *Qualis inde actio nascatur?* §. 273. *Usus-hodiernus.*

§. 268. **A**d tuendam jurisdictionem (§. 248. 3.) etiam pertinet hoc edictum. Quum enim extremum in jurisdictione sit sententia (§. 244. 6.) eique non æsemper obtemperent cives, prætor permittente lege veteri (a) edixerat, ut qui jus dicenti non obtemperaverit, is intra annum in id, quanti ea res est, condemnaretur. *L. un. §. 1. seq. D. h. t.*

§. 269. Ex quo fiunt axiomata 1. Hoc edictum persequitur illos, qui, quod extremum est in jurisdictione, non faciunt, *L. un. §. 1. D. h. t.* II. Pœna est, quanti res est *d. l. un. §. ult. D. h. t.* III. Judicium hoc pœnale annuale est *d. l. un. §. ult. D. h. t.*

§. 270. Quum itaque hoc edictum persequatur eos, qui, quod extremum est in jurisdictione, non faciunt (§. 269. 1.) extremum autem in jurisdictione sit sententia (§. 244. 6.) consequens est (1. Ut non solum, qui consequntioni resistit, in edictum incidat (uti vulgo tradunt) sed & qui in causa est, ut exsequi-

(a) DIONYS. HALIC. *l. 10. cap. 46. p. 674.* antiquissimam hanc legem esse ait. τὰς ἀρχαίαις πάσαις ἐξ τῆς ἀνομιᾶς, ἢ παρανομίας εἰς τῶν ἐνυτῶν ἐξουσίαν ζυγίσιν, ut magistratibus omnibus insolentes, & jurisdictioni suæ hand obtemperantes, mulbare liceret.

lio decernatur, e. g. qui rem mobilem a se vindicare passus non est, sed duci eam, vel ferri passus est *L. un. §. 1. D. h. t.* ( 2. Ut nihil intersit, sive reus non obtemperet, sive actor, sive alterutrius tutor, curator, procurator; modo id non suo, sed dominorum periculo faciant, *L. un. §. 2. 3. D. h. t.* ( Ut hoc edictum ad heredes non pertineat *d. L. un. §. ult. D. h. t.*

§. 271. Quinque pœna sit, quanti res est ( §. 269. 2. ) sequitur ( 4. Ut non obtemperans, præter rem, quæ in iudicium deducta est, etiam ejusdem pretium, vel æstimationem præstare debuerit; adeoque pœna vere in eo constiterit, quod quum alioquin, si obtemperasset, simplici rei præstatione defungi potuisset, jam ob contumaciam duplici teneretur, & rei, etiam nullo jure petitæ, æstimationem præstare juberetur.

§. 272. Datur itaque ex hoc edicto actio adversario (a) adversus non obtemperantem ( §. 270. 2. ) non adversus ejus hæredes ( §. 270. 3. ) ad id, quanti res est, intra annum ( §. 269. 3. ) consequendum.

§. 273. Hodie magistratus in immorigeros, & proceres ex officio animadvertit pignoris capione, mandata pœnalia decernit, quin & armata manu sententias suas exsequitur. Id quod & juri Romano consentaneum esse, ex *l. 68. D. de rei vind.* patet. BYNKERSH. *Observ.* 14.

## T I T U L U S IV.

### DE IN JUS VOCANDO.

§. 274. *Ratio ordinis.* §. 275. *In jus vocatio quomodo facta ex legibus 12. tabularum?* §. 276. *Quid fuerit?* §. 277. *Ubi quis vocari possit?* §. 278. *An*

(a) Dupliciter ergo falli videtur vir summus JAC. CUIACIUS in *Parat. ad h. t.* quod & popularem hanc actionem fuisse existimat, & pœnam inter fiscum, & actorem divisam censet. Vid. EM. MERILL. *Variant. ex Cujac. l. 6.*

omnes vocari potuerint? §. 279. Qui vel non, vel tantum certo modo vocari potuerint? §. 280. Actio contra vocantes sine venia. §. 281. Vetus in jus vocatio tempore Justiniani jam evanuerat. §. 282. Ab ea quomodo differat citatio? §. 283. Quid sit? §. 284. Vel viva voce fit, vel per scripturam, vel modo ordinario, vel per edictum, vocemve præonis. §. 285. Citationis materia. §. 286. Ejus insinuatio. §. 287. Et effecta.

§. 274. **H**æc de jurisdictione. Quam vero, quæ apud magistratum, jus dicentem, sunt, in jure fieri dicantur ( §. 244. ) de iis jam titulis in sequentibus agitur; immo in tota, quæ restat, prima parte. Vocantur hæc alia a Justiniano *πρῶτα* qualia sunt ( 1. In jus vocatio ( 2. Edictio actionis ( 3. Advocatorum, & procuratorum constitutio ( 4. Restitutio in integrum, & ( 5. Compromissum. Ita fere A. PAGENSTECHERUS in *Admonitor. ad Pand. I.* 68. p. 48.

§. 275. IN JUS VOCATIO, quæ omnium actionum instituendarum principium erat §. ult. *Inst. de pœn. temer. litig. ex legibus 12. tab.* ita fiebat privata auctoritate, ut acturus adversarium, in publico deprehensum inclamaret: *ambula in jus*: si hic tergiversaretur, pedemve strueret, præsentem antestaretur, eoque facto manum injicere, & invitum ob torto collo ad tribunal rapere posset. Quin tantus erat juris antiqui rigor, ut nec senectus, nec valetudo reum plane eximeret, sed is jumento injectus ad prætorem abriperetur (a) FEST. vocibus *pedem struit, & struere* GELL. XX. 1.

(a) Ita generatim lex 12. tabularum, de qua JAC. GOTHOFRED. *tab. I.* Quamvis vero BACHOV. *ad Trevil. Vol. 1. disput. 4. thes. 1. litt. B.* tantum de personis vilibus latitantibus, tergiversantibus, aut vadi-  
monium deserentibus, eam legem intelligendam putet; nullo tamen idoneo argumento sententiam probavit. Nec honestioribus personis, parentibus, patronis, matronis opus fuisset privilegio, si lex tantum ad viliores personas pertinuisset.

§. 276. Erat itaque in jus vocatio vetus actus privatus, quo acturus adversarium, in publico obvium, juris experiundi caussa ad magistratum qui juri dicundo præerat, vocabat, nolentemque manu injecta ducebat *L. 1. D. h. t. l. 2. D. si quis in jus voc. non jet.* Unde eam in jus vocandi rationem quodammodo ignominiosam, & cultioribus insequentium temporum moribus indignam fuisse facile colligitur.

§. 277. Quum itaque fieret in publico (§. 276.) consequens est (1. Ut nullam licuerit de domo sua in jus vocare *L. 18. D. h. t.* multoque minus extrahere *L. 21. D. eod. l. 1. C. de offi. divers. jud. nisi* α) criminis publici reum *Novell. 134. cap. 5.* vel β) fisci, reive publicæ debitorem *L. 2. C. de exact. trib. l. 31. C. de decur.* (2. Ut, si adversarius nec sui copiam faceret, nec defenderetur, acturus in ejus bona mitti posset post triginta dies distrahenda *L. 19. D. h. t. l. 21. §. 2. D. ex quib. caus. mai.* CUJAC. *Observ. X. 10.* (3. Ut in publico conspectus, si adiutus ad se præberet, recte in jus vocaretur *d. l. 19. D. h. t.*

§. 278. Quumque ignominiosa esset in jus vocatio (§. 276.) non abs re inferebat prætor, quasdam personas plane non posse vocari, quasdam impetrata demum a se venia, quasdam sine omni vi vocandas esse.

§. 279. Vocari plane non poterant I. quibus ob dignitatem reverentia debebatur, quales magistratus, qui cum potestate erant *l. 2. D. h. t.* II. rationis sui destituti, veluti furiosi, infantes, impuberes *l. 4. pr. l. 22. D. h. t.* III. publica solemnitate occupati, ut sacra facientes, equo publico in caussa publica transvecti, judicantes, nuptias celebrantes, funus ducentes, *L. 2. l. 3. l. 4. D. h. t.* Sine impetrata venia vocari non poterant I. parentes cujuscunque sexus, & gradus, etiam adoptivi *l. 4. §. 2. 3. l. 5. l. 6. l. 7. D. h. t.* II. patroni, patronæ cujuscunque generis *l. 8. §. 1. l. 9. l. 10. D. h. t.* III. patroni, patronæ parentes, & liberi cujuscunque sexus, & gradus *L. 10. §. 5. & 9. D. h. t.* Denique sine vi vocandæ erant matronæ, quarum pudicitie is habitus honor, ut eas attingere nefas esset adversario.

VALER. MAX. II. 1. 5. Cujus juris vestigium superesse videtur in l. 1. *C. de offic. divers. jud.*

§. 280. De iis, qui sine venia vocari non poterant, edixerat prætor, ut si quis has personas sine permissu suo in jus vocasset, in eum quinquaginta aureorum iudicium daretur L. 4. §. 1. *penult. D. h. t.* Unde dabatur actio personis, sine venia vocatis, non earum heredibus, adversus in jus vocantem, non ejus heredem, ad pœnam quinquaginta aureorum L. *penult. D. h. t.* aut si solvendo non esset, ad castigationem, præfecti urbi arbitrio sustinendam L. *ult. D. h. t.*

§. 281. Quamvis vero verius illa in jus vocatio sensim evanuerit, & tempore Justiniani in jus vocatio per adparitores fieret (a) §. 24. *Inst. de AR. Nov. 53. cap. 3. §. 1. 2. Nov. 79. cap. 3. Nov. 69. Nov. 112. cap. 2.* jura tamen, proximis paragraphis exposita, adhuc observari consuevisse, vel inde colligas, quod ea tam fusc in Pandectis explicari passus est imperator.

§. 282. Diversa ab hac in jus vocatione est CITATIO, cujus jus nostrum meminit. Illa enim initio litis & semel fiebat; ac eo die, quo reus se adfuturum promiserit, & repetebatur, quotiescumque partes, vel in jure, vel in iudicio adesse oportebat L.

(a) Historiam hujus mutationis accurate tradit NOTDIUS *ad h. t. Tom. 2. Opp. p. 35.* Nimirum primum sub Græcis imperatoribus rei vocari cœperunt privata quidem auctoritate, sed tamen per apparitores L. 3. l. 7. *C. de præscript. 30. vel 40. ann. l. 3. C. de ann. except.* Postea Justinianus sanxit, ut primum actor libellum ad acta offerret, eumque reo exhiberet adparitor; reus autem huic libello conventionali subscriberet, ac fateretur, se illum eo die accepisse, simulque solutis sportulis de iudicio sisti caveret; quemadmodum & ab actore præstanda erat cautio de lite intra duos menses contestanda sub pœna duplici; item de permanendo in iudicio usque ad finem litis, nec non de decima parte summæ libello comprehensa impensarum nomine adversario præstanda, si litem temere movisse judicaretur. Quo facto, reo indulgebatur spatium viginti dierum, a momento oblatis libelli computandum, ad deliberandum, utrum cedere, an contendere malit *Nov. 53. ga. 96.*

7. *D. de integr. rest. l. 10. D. de publ. jud.* Illa privata auctoritate ab ipso actore fiebat; hæc jussu judicis per vocem præconis, vel per edictum. Vid. FR. DUAREN. *Disp. anniv. l. 7. NOODT. h. tit. pag. 53.*

§. 283. Est itaque CITATIO (quæ hodie sola obtinet) legitima, rei vocatio, jussu judicis, rogatu actoris facta, & ad rei notitiam rite perducta. Eaque a doctoribus vulgo in VERBALEM, & REALEM dividitur, quarum illam verbis, vel scriptura; hanc personæ, vel rerum ejus adprehensione, quam ARRESTUM vocant, fieri tradunt (a).

§. 284. Verbalis, quæ sola citationis nomen tenetur I. vel fit VIVA VOCE per adparitorem vel PER SCRIPTURAM, cui simul inserendus libellus conventionalis, ut deliberare reus possit, cedere, an contendere satius sit. *Auth. Offeratur. C. de lit. contest. ll. Eadem vel ORDINARIA est, quæ fit per scripturam reo insinuandam, vel EXTRAORDINARIA (b) quæ fit per EDICTUM publice propositum l. 1. §. 1. D. de agn. & alend. lib. 1. l. 68. seq. D. de jud. vel per VOCEM PRÆCONIS. l. 7. D. de in int. rest. l. 10. D. de public. judic. Nov. 122. cap. 3.*

§. 285. Quum itaque citatio sit vocatio legitima (§. 283.) res ipsa docet, eam complecti debere I. Nomen judicis, actoris, rei. II. Causam, ob quam reus se sistere debeat (quem in finem vel libelli exemplum citationis includi, vel ejus summa in ipsa

(a) Sed quum arresto illi non quadret definitio citationis, eique tantum in criminali persecutione, vel adversus suspectos de fuga, vel contra contumaces locus sit *l. 58. D. de re jud. l. 3. D. de custodi. & exhib. reor. l. 10. §. 16. D. qua in fraud. cred. l. 8. C. quomod. & quand. facile patet, illud non esse citationem, sed remedium, quo tuendum, ne citatio fiat inutilis. ANT. SCHULTING. *spær. h. t. §. 4.**

(b) Sed vel inde, quod *extraordinaria* est hæc citatio, colligitur, ei ordinarie locum non esse, nisi vel lateat reus, vel ipsius citati intersit, rem ad ejus notitiam pertingere. Qualis est edictalis citatio creditorum, in concursu creditorum proponi solita. Vid. BRUNEMANN. *de concurs. cred. c. 2.*

citatione repeti solet) III. Locum, ubi jus dicendum sit. IV. Diem, quo reus adesse debeat, quem nec nimis propinquum esse (pragmatici terminum justo angustiores vocant) nec in diem seriatum incidere oportet. V. Actum in judicio suscipiendum.

§. 286. Quamque rite ad rei notitiam perducere debeat (§. 283.) consequens est 1. Ut insinuanda sit vel in faciem, vel ad domum L. 13. §. 1. D. de excuss. l. 1. §. 1. D. de agn. & alend. liber. vel, si nemo recipiat, ædibus adfigenda L. 4. §. 5. D. de damn. inf. (2. Ut, si quis extra territorium citandus sit, judex alterius subsidio uti debeat (§. 254.) 5. L. 15. §. 1. D. de re jud.) Unde divisio citationis novissima in MEDIATAM, & IMMEDIATAM.

§. 287. Ceterum citationis effecta sunt varia, veluti I. Quod citatum semper obstringit, cogitque sistere in judicio L. 2. D. si quis in jus voc. non per. quavis non semper judex procedat in contumaciam; sed reum, in expensas damnatum, iterum, ac tertium citare soleat (a) II. Quod interrumpit præscriptionem L. 2. t. 3. C. de ann. exc. l. 3. l. 7. C. de præsc. trigint. vel quadr. ann. III. Quod inducit præventionem, & litis pendentiam, modo non fuerit circumducta l. 5. l. 53. §. 1. D. de judic. l. ult. C. h. t. IV. Quod in actionibus in rem, rem facit litigiosam Auth. litigiosa C. de lit. V. (Quod continuationem judicii delegari inducit cap. 20. X. de offic. & potest. judic. deleg.

(a) Et inde divisio citationis in DILATORIAM, & PEREMPTORIAM, quam doctores ex L. 68. seqq. D. de judic. exsculpunt; in qua tamen lege de citatione, quæ cœpta lito, & jam sententia matura, per edictum fieri possit, agitur. CUJAC. Obs. X. 10. Sed quatenus judex non statim ad primas citationes in causa procedit, eatenus recte se habet hæc divisio. L. 70. l. 71. l. 72. de jud. Procedit tamen judex post primam citationem, si actus explicandus in judicio, qui & absente citato commode explicari potest. Quod est fundamentum distinctionis in citationem MONITORIAM & ARCTATORIAM STRYK. Introduct. ad prax. fer. 4. 5.



## TITULUS V.

SI QUIS IN JUS VOCATUS NON IERIT, SIVE QUI  
EUM VOCAVERIT, QUEM EX EDICTO  
NON DEBUERIT.

§. 288. *Edita hoc titulo explicata.* §. 289. *Ad quem vocati ire teneantur?* §. 290. *Qui vocati non teneantur ire?* §. 291. *Quando, & quæ multa irrogetur.*

§. 288. Sequuntur bina edita, itidem ad in jus vocationem pertinentia. Priore caverat prætor, ut si quis in jus vocatus non ierit, quum ire eum oporteret, in multam pro jurisdictione magistratus condemnaretur (a) L. 2. pr. §. 1. D. h. t. Posteriore autem, ut si quis vocatus fuerit, qui ex edito non debuerit, is neque sequeretur, neque duceretur. Arg. rubr. h. t. l. 48. D. de verb. sign. & ibi GOEDD. num. 1.

§. 289. Quum itaque in jus vocato eundem esse dicitur (§. 288.) res ipsa docet (1. Id. intelligi debere de magistratu, cui in jus vocatum sit jurisdictio l. ult. D. de jurisd. (2. Si dubia videatur jurisdictio, vocato nihilominus eundem esse, ut hoc sciatur, an ejus sit jurisdictio l. 2. pr. D. h. t. (§. 248. 4.) (3. Edictum hoc ad citationem ad judicem pedaneum plane non pertinere l. 2. pr. D. h. t.

§. 290. Quumque eos tantum coerceat edictum quos ire oportebat (§. 288.) sequitur (1. Ut non sit mulcandus, qui die feriato vocatus non ierit l. 2. §. 1. D. h. t. Nec (2. qui vel plane non, vel non sine venia prætoris, erat vocandus (§. 216. sequ.) quo in numero etiam sunt, qui in vinculis vel privatis, vel publicis, habentur, l. 48. D. de verb. sign. CUJAC. Obs. VII. 16.

(a) Quum enim 12. tab. cautum fuisset: IN JUS VOCATUS ATQUEAT, JAC. GOTHOFRED. ad leg. 12. tab. l. & cuivis magistratui liceret jurisdictionem suam pœnali judicio tuorl (§. 148. 3.) & majestatem suam contemnentes mulcare l. 5. D. de jud. facile patet, edictum hoc juris Romani principiis satis esse consentaneum.

§. 291. Quumque contemptus Magistratus hoc edicto vindicetur ( §. 288. \* ) consequens est ( 1. Ut multa sine dolo irrogari nequeat; adeoque excusetur, qui ex rusticitate non ierit *l. 2. §. 1. D. h. t.* ( Ut quo major sit magistratus dignitas, eo major multa irroganda sit ei, qui vocatus non ierit (a) *l. 2. §. 1. D. h. t.* ( 3. Ut, cessante hodie edicti ratione, ipsius edicti non magnus usus sit; sed contumacia reorum plane aliis remediis coerceatur, de quibus paullo post erit agendum *lib. 2. tit. 11.*

## TITULUS VI.

IN IUS VOCATI UT RANT, AUT SATIS,  
VEL CAUTUM DENT.

§. 291. *Edictum hoc titulo explicatum.* §. 293. *Quomodo satis dandum?* §. 294. *Usus hodiernus.*

§. 292. **Q**uamvis in ius vocato esset enudum ( §. 288. ) leges tamen 12. tabularum simul sanxerant, ut si satisdaret, dimitteretur. GELL. 16. 10. *l. 22. §. 1. D. de in iur. voc.* In eandem sententiam edixerat prætor, in ius vocatus ut iret, vel satis, aut cautum daret; fidejussor autem pro persona qualitate locuples daretur. Rubr. & *l. 1. D. h. t.*

§. 293. Liberabat itaque hoc edictum vocatos si satisdarent pro personæ qualitate. Ex quo sequitur ( 1. Ut requirantur fidejussores locupletes, id est, tales qui & solvendo sint, & facile possint conveniri *l. 1. D. si quis in ius. voc. non ier.* ( 2. Ut pro personis necessariis, parentibus, patronis fidejussor, qualiscunque accipiendus sit *l. 1. D. h. t.* ( 3. Ut, qui fidejussores locupletes accipere recusat, cum eo injuriarum agi possit ( §. 100. ) *l. 5. §. 1. D. qui satisd.* ( 4. Ut in quinquaginta aureorum mulctam

(a) Legibus enim antiquis fuisse definitum, quantum cuique magistratui pignus capere, quantam mulctam irrogare liceret, patet ex *t. 24. fin. D. de verb. sign.* TAC. *Annal.* 24. 28.

( §. 280. ) incidat, qui personam necessariam, oblato qualicumque fidejussore, non statim dimiserit l. 2. l. 3. D. h. t.

§. 294. Enimvero, cessante hodie in jus vocatione, cessante etiam obligatione, vocantem e vestigio sequendi, facile patet, ipsum quoque edictum hoc moribus nostris haud quadrare.

## TITULUS VII.

NE QUIS EUM, QUI IN JUS VOCABITUR  
VI EXIMAT.

§. 295. *Edictum contra vi eximenes.* §. 296. *Qui in hoc edictum incidant, vel non incidant?* §. 297. *Actionis ex hoc edicto orta descriptio.* §. 298. *An aliquis illius usus?*

§. 295. Quum ignominiosa quodammodo esset vetus in jus vocatio ( §. 276. ) non sane mirandum est, aliquando evenisse, ut ductus, raptusque ad judicem ab amicis vi eximeretur. ( Quale quid Charmidam hospitem rogat in jus raptus leno apud PLAUT. in Rudent. 3. 6. 29. seqq. ). Et perinde prætor edixerat ut qui in jus vocatum vi eximerit, vel fecerit dolo malo, quo magis eximeretur, adversus eum in factum judicium daretur L. 3. §. 2. l. 4. §. 2. l. 5. §. 1. D. h. t.

§. 296. Ex quibus verbis Icti intulerunt, in edictum incidere etiam eos ( 1. Qui per alios eximerint, sive præsentibus ipsi fuerint, sive absentes l. 5. pr. D. h. t. ( 2. Qui eximerint etiam per calumniam vocatum l. 5. pr. D. h. t. Non autem ( 3. Qui eximerint eum, qui ex edicto vocari non potest l. 1. §. 2. l. 2. D. h. t. nec ( 4. Qui eximerint servum l. 4. pr. D. h. t. vel ( 5. Ad judicem pedaneum, vel ad magistratum incompetentem vocatum l. 3. §. 1. l. 2. D. h. t. nec ( Qui eximere irritum conatu voluit l. 5. §. 2. D. h. t.

§. 297. Dabatur itaque ex hoc edicto intra annum actio IN FACTUM ei, qui in jus vocaverat, ejusque,

si intersit, heredi l. 5. §. 4. D. h. t. contra eximientem; vel, si plures exemerint, contra singulos in solidum l. 5. §. 3. D. h. t. non contra eorum heredes l. 5. §. 4. D. eod. in id, quanti res, de qua lis est, ab actore fuerit aestimata (a) l. 5. §. 1. D. h. t.

§. 298. Ceterum ex ipsa citationis hodiernæ natura, & indole satis patet, usum hujus edicti nullum in foris nostris superesse.

## TITULUS VIII.

QUI SATISDARE COGANTUR, VEL JURATO  
PROMITTANT, VEL SUÆ PROMISSIONI  
COMMITTANTUR.

§. 296. Cautio quid, & quotuplex? §. 300. De cautionibus axiomata. §. 301. Cautio fidejussoria. §. 302. Qui jurato promittant? §. 303. Quinam possessores rerum immobilium habeantur. §. 304. Qui suæ promissioni committantur? §. 305. Usus hodiernus..

§. 299. **Q**uam in jus vocatum aut ire, aut de iudicio sisti satis, cautumve dare oporteret (§. 292.) jam de modo hujus cautionis agitur. CAVERE est securum reddere adversarium l. 1. D. h. t. Quamque securitas illa præstetur, vel datis fidejussoribus, quæ proprie SATISDATIO dicitur d. l. 1. vel depositis pignoribus l. 1. §. 6. D. de coll. bon. vel præstito jurejurando l. 17. C. de dignit. vel nuda repromissione §. 2. Inst. de satisd. facile patet, cur cautio a doctoribus in FIDEJUSSORIAM, PIGNORATITIAM, & NUDE PROMISSORIAM, (b) dividi soleat.

(a) Nihil itaque in hoc textu mutandum; quod ausus est ANT. FAB. *Ration. ad h. t.* Petebat enim actor summam, quam libello fuerat complexus, ac pro ut ipse rem ab initio aestimaverat. Vid. JAC. GOTHOFRED. *Animad. cap. I.*

(b) In jure nostro aliquando omnes hæc species promiscue dicuntur SATISDACTIONES l. 6. D. verb. sign. l. 21. §. 2. D. de pecun. constit. l. 49. D. de solut. Dux

§. 300. De his omnibus tenenda axiomata. I. Prætor semper exigit satisfactionem, seu cautionem per fidejussores l. 7. *D. de prat. stipul.* II. Pignoratitia admittitur, si cautio non est prætorica, vel de re certæ æstimationis litigatur, vel pars adversa in ea adquiescat Arg. l. 61. *D. de verb. sign.* III. Juratoria, & unde promissoria solo privilegio nituntur.

§. 301. Quum itaque cautione securus reddatur adversarius ( §. 299. ) idque ordinarie fiat per satisfactionem ( §. 300. 1. ) consequens est ( 1. Ut dandi sint fidejussores, qui se possint obligare; non mulieres, minores, servi l. 8. §. 1. 2. *D. h. t.* nec privilegio fori gaudentes, nisi illi renuncient l. 7. *D. h. t. l. 1. D. si quis in jus voc. non ier.* ( 2. Ut iidem debeant esse locupletes (a) præterquam si a personis conjunctis dentur, quo casu qualescunque accipiendi sunt ( §. 293. 1. ) l. 2. §. 2. *seq. D. h. t.* ( 3. Ut, si fidejussores vel obligati, vel locupletes esse desierint, novæ, causa cognita, exigì possint l. 8. §. 3. l. 10. §. 1. *D. hoc tit.* ( 4. Ut semel dati in omnem causam teneantur l. 2. §. 5. l. 3. *D. hoc tit.* ( 5. Ut cesset obligatio fidejussorum, si vel stipulatori nullum jus agendi esse adpareat l. 2. §. 1. *D. h. t.* vel is, qui dedit, antequam iudicio sistendus esset, rebus humanis excesserit l. 4. l. 5. *D. h. t.*

§. 302. Quemadmodum cautio juratoria privilegio nititur ( §. 300. 3. ) ita eo gaudere animadvertimus ( 1. Viros illustres, quibus ipsa dignitas fidem conciliat l. 17. *C. de dign.* ( 2. Possessores rerum immobilium ( quos vulgo suæ promissioni committi docent, qui error etiam in foro dominatur ) l. 26. §. 6. *C. de episc. audient. l. ult. §. 1. de sportul. l. ult. C. de princip. agent. in reb.* Add. GUJAC. *Ob-serv. XII. 22. & ad Nov. LIII. NOODT. ad h. t. p. 59. SCHULTIN. πρῶτ. h. t.*

priores etiam CAUTIONES IDONEÆ vocantur lib. 59. §. ult. *D. mand. l. 4. §. 8. de fideic. libert.* quarta in specie CAUTIO adpellatur l. 3. *C. de verb. & rer. sign.* Vid BARN. BRISSON. *de verb. sign. voce cautio.*

(a) Sintne locupletes, nec ne, arbitri æstiment l. 9.

§. 303. Ut quis possessor rerum immobilium dicatur ( §. 302. 2. ) sufficit ( 1. Possessio rerum sub ejusdem judicis jurisdictione sitarum etiam pro parte l. 15. §. 1. *D. h. tit.* ( 2. Dominium etiam utile, revocabile, naturale, quod vocant, adeo ut & emphyteuta ob fundi emphyteuticarii, & uterque conjux ob fundum dotalem a satisfactione liberentur l. 16. §. 3. *D. h. t.* etiamsi de illis bonis lis mota sit l. 15. §. 6. *D. h. t.* non autem ( 3. ususfructus, spes domini, actio personalis l. 15. §. 4. *D. h. t.*

§. 304. Denique ex privilegio etiam est, quod quidem suæ promissioni committuntur ( §. 300. 3. ) Eo in numero sunt ( 1. Fiscus, & res publica, quæ semper censentur locupletes l. 1. §. 18. l. 6. §. 1. *D. ut legat. vel fideic. caus. cav.* ( 2. Clerici l. 25. §. 1. l. 33. §. 3. *C. de episc. & cler.* & hodie, ex errore praguaticorum, usi fori probato ( 3. omnes rerum immobilium possessores ( §. 302. 2. ) ob male intellectam l. 15. *pr. D. h. t.*

§. 305. Hodie communi fori usu cautio de iudicio sisti, non nisi certis casibus ( in primis si de fuga suspectus sit ) exigitur; multaque alia passim recepta sunt genera cautionum, quæ Romani fere ignorarunt ( veluti de conventionione, & expensis ) & de quibus infra lib. 46. quædam monebimus.

## TITULUS IX.

SI EX NOXALI CAUSSA AGATUR,  
QUEMADMODUM CAVEATUR.

§. 306. *Edictum de cautione noxaliter agenti præstanda*, §. 307. *Qualem; & in qua causa seruum exhibere teneatur fidejussor?* §. 308. *An aliquis hujus cautionis usus sit?*

§. 306. **S**uperiore titulo generatim de cautione iudicio sisti actum; jam de specie singulari. Nam

§. 16. *D. h. t.* Add. GUJAC. *Opp. posthum. Thom. 2. p. 911.* SCULTING. *πρότ. h. t.*

singulare qui obtinet in judiciis noxalibus ( *Inst. §. 1228. seq.* ) de quibus prætor edixerat, ut, si quis eum, de quo noxalis actio esset, iudicio sisti promiserit, is in eadem causa, in qua tunc esset, eum exhibere teneretur, donec acceptum esset iudicium *L. 1. pr. D. h. t.*

§. 307. Quum vero in eadem causa exhibere sit ita exhibere, ut jus actoris non fiat deterius ( *L. 1. §. 1. D. h. t.* ) consequens est ( 1. Ut exhibendus sit servus non alienatus *L. 1. §. 1. l. 2. pr. D. h. t.* ( 2. Ut non recte exhibeat, quod ad criminalem animadversionem, qui exhibet manumissum, quippe tunc leniore pœna adficiendum (a) *L. penult. D. h. t.* ( 3. Ut cesset fidejussoris obligatio lite contestata, ex qua quasi ex contractu securus est actor *L. 1. pr. D. h. t.* ( 4. Ut non committatur stipulatio, capite, antequam exhiberetur, noxæ dato, vel casu interveniente *L. 1. l. 2. D. h. t. l. 69. D. de verb. oblig.*

§. 308. Enimvero, quum homines proprii in vicinia passim obvii, hodie ipsi ex delictis suis conveniantur, adeoque actiones noxales ex foris nostris exsulent, hujus quoque edicti nullum usum esse, res ipsa docet.

## TITULUS X.

DE EO, PER QUEM FACTUM ERIT, QUO MINUS  
QUIS IN JUDICIO SISTAT.

§. 309. *Edictum hoc titulo explicandum. §. 310. Quinam in illud edictum incidunt? §. 311. Actionis ex illo orta descriptio.*

§. 309. **N**on solum vi aliquando eximebatur in jus vocatus ( §. 295. ) verum etiam DOLO aliorum

(a) At idem ULPIANUS, cujus est *l. penult. D. h. t.* in *l. 1. pr. §. 1. D. pœn.* scribit, servum, crimine admissio libertatem consequutum, eam pœnam sustinere debere, quam sustineret, si tunc sententiam esset pœ-

fiabat, quo minus quis iudicio sisteret. Contra hos prætor proposuerat edictum, minatusque erat, se adversus eos, quanti actoris interfuerit (a) iudicium daturum l. 1. pr. §. 1. l. 3. D. h. t.

§. 310. Ex quo patet (1. Incidere in edictum, qui venienti triste quid nunciant l. 1. §. 2. D. h. t. sive ipsi fecerint, sive per alios l. 1. §. 1. D. eod. sive ob actorem in ius iturum hoc modo morati sint, sive ob rem, modo eorum intersit l. 1. §. 3. l. 3. §. 2. D. h. t. (2. Actionem hanc esse pœnalem l. 1. §. 4. D. h. t. & contra plures impediētes dari in solidum, ita tamen, ut, uno solvente, reliqui liberentur d. l. 1. §. 4. (3. Eam cessare, si ipse adversarius in dolo fuerit l. 1. §. 3. l. 3. D. h. t.

§. 311. Fluit ergo ex hoc edicto actio IN FACTUM pœnalis (§. 310. 2.) competens tum in ius vocanti, tum vocato, si intersit (§. 310. 1.) eorumve heredibus l. 1. §. ult. D. h. t. adversus eos, per quos factum est, quo minus iudicio sisterent, non adversus eorum heredes, nisi quatenus ad hos aliquid pervenit d. l. 1. §. ult. D. h. t. ad id, quanti interest (§. 309. \*). Cujus actionis hodie non magnus usus esse potest. STRYK. Us. hod. h. t. §. 2.

## TITULUS XI.

SI QUIS CAUTIONIBUS, IN JUDICIO SISTENDI  
CAUSSA FACTIS, NON OBTEMPERAVERIT.

§. 312. Quid sit vadimonium deserere? §. 313. Quid eremodiciū? §. 314. De vadimonio deserto edictum prætoris. §. 315. A contumacia excusant ju-

sus, quum deliquisset. Sed posterior lex intelligenda de casu, quando servus post litis contestationem libertatem sequutus est; prior de manumissione ante litis contestationem facta. Add. CUJAC. Observ. X. 22. & NOODT. & SCHULTING. h. t.

(a) Intererat autem vocantis, si interea actio expirasset, vel dominium usucapione esset sublatum t. 3. pr. D. h. t. Id damnum resarciendum erat ab eo, per quem factum erat, quo minus quis in iudicio sisteret. Si ab hoc nihil consequencebatur actor, actio restitutoria dabatur adversus peum d. l. 3. §. 1. D. h. t.



*stæ causæ.* §. 316. *Quenam illæ sint?* §. 317. *Quid si actor absit, vel eremodiciū contrahatur?* §. 319. *Usus hodiernus.*

§. 312. **D**iximus paullo ante, quo pacto de iudicio sisti cavendum fuerit reo. Itio in ius a vadendo dicebatur VADIMONIUM. SALMAS. de modo usur. cap. 16. p. 692. eoque nomine & ipsa cautio in iudicio sistendi caussa facta, veniebat. Qui itaque cautionibus illis obtemperabat, is vadimonium obire, vadimonium sistere; ad vadimonium venire; qui non obtemperabat, vadimonium deserere dicebatur. SCHULTING. *ωπατ. h. t. §. 7.*

§. 313. Quemadmodum ergo vadimonium deserebat, qui in ius non veniebat constituto die; ita, si alteruter litigantium, lite jam contestata, ad iudicem pedaneum non veniret, EREMODICIUM contrahere dicebatur l. 7. §. ult. D. de min. l. 13. pr. D. iudic. solv. l. 13. §. 3. 4. C. de iudic. Unde PAPINIANUS vocat desertam litem; que in iudicium deducta L. 31. §. 2. D. de negot. gest. PAULUS vero litem desertam, que contestata erat. l. 11. D. iudic. solv. Hic de vadimonio deserto (a) agitur.

§. 314. De eo, qui cautioni in sistendi caussa factæ non obtemperaverit, edixerat prætor, ut, si neque potestatem sui faceret, neque defenderetur, in bona ejus iretur (b) i. 2. D. ex quib. caus. in poss. eat. l. 10. 11. 12. D. de verb. sign.

§. 315. Attamen ab hac contumaciæ pœna liberabant justæ causæ, modo nec affectatæ, nec iis

(a) Quamvis hoc vocabulum in Pandectis ubique expunxerit Tribonianus (ceu vel ex l. 7. D. de injur. comparata cum Farat. legum Mos. & Romanar. c. 6. satis patet). Vid. SALMAS. de mod. usur. cap. XV.

(b) Non ergo in contumacia ferabatur sententia, si ante litis contestationem abesset reus, neque id patiebatur ius vetus l. 2. fn. C. ubi in rem. act. Sed si reus vadimonium non obiret, adversus fidejussorem dabatur conditio certi, vel ex stipulatu, prout certa, vel incerta pœna promissa fuerat l. ult. D. si quis in ius voc. non ier. vel si reus latitaret, nec defenderetur, in ejus bona ibatur.

specialiter renunciatum esset *l. 2. §. 8. g. l. 4. §. 4. D. h. t.* Omnis autem justa videtur causa, quæ reum a suspitione doli, contemptæque prætoris majestatis liberat. Arg. *l. 2. §. 9. D. h. t.*

§. 316. Ex quo patet, excusare I. Casum, & infirmitatem, veluti valetudinem, tempestatem, vim fluminis, furorem, languorem ex partu *l. 2. §. 3. 4. 5. D. h. t.* II. Vim majorem, veluti captivitatem, vincula, moram a magistratu objectam, capitalem sententiam (eatenus scilicet, ut fidejussor liberetur) *L. 4. pr. §. 1. 3. l. 2. g. l. 3. D. eod.* III. Officii rationem, veluti munus municipale, testimonii dictionem, funus domesticum *l. 2. §. 1. 2. l. 4. §. 2. D. h. t.* IV. Absentiam innoxiam, veluti si jam de lite transactum, vel si jus actoris factum non sit de terius *l. 2. pr. l. 8. D. h. t. l. 23. D. de obl. & aff.* V. Purgationem moræ intra breve tempus *l. 8. D. h. t.* VI. Ferias *l. 1. l. 6. D. de fer. l. 2. §. 1. D. si quis in jus voc. non ier.*

§. 317. Si actor tribus citatus edictis, quorum unumquodque triginta dierum spatium complectitur, se non sistit, reus anno elapso sententiam impetrare potest *Nov. 112. cap. 3.* Eremodicium contrahens in litis impensas condemnatur, eoque absente causa peragitur in contumaciam *l. 73. D. l. 13. §. 2. seq. C. de jud. Nov. 69. cap. 3. 112. cap. 3. §. ult.*

§. 318. Hodie quoque actoris, & rei contumaciam puniri, si accusetur ab adversario, palam est. Sed praxis admodum varia. Plerumque actor, circumducens citationem, in impensas condemnatur, reusque ab instantia absolutus non tenetur prius respondere, quam actor satisdederit, se litem prosequenturum. Reus, si citationi dilatoris non paruerit, in expensas condemnari; sin peremptoriam insuper habuerit, (litem negative contestatus esse fingitur, adeoque exceptionibus dilatoriis, & peremptoriis privari solet). Quamvis hæc magis ex jure canonico esse videantur *Tit. X. de dol. & contum. tit. eod. in 6. Add. BOHEMERI Jus Ecclesiast. Protest. II. 14. p. 1 36.*

## TITULUS XII.

DE FERIIS, ET DILATIONIBUS, ET DIVERSIS  
TEMPORIBUS.

§. 319. *Feriae quid?* §. 320. *Quotuplices?* §. 321. *Varia feriarum hujusmodi exempla.* §. 322. *Quis ferias indicat?* §. 323. *Quid feriis divinis liceat?* §. 324. *Quid humanis?* §. 325. *Dilationes quid, & quotuplices?* §. 326. *Legales.* §. 327. *Conventionales, & judiciales.* §. 328. *De quibus diversis temporibus, rubrica loquatur?* §. 329. *Dies quotuplex?* §. 330. *Mensis.* §. 331. *Annus continuus, & utilis.*

§. 319. **I**nter iustas causas, quæ a contumacia excusant, referuntur etiam FERIÆ, & DILATIONES ( §. 316. 6. ) de quibus hoc titulo. Sunt autem FERIÆ dies (a) qui a forensibus negotiis dant vacationem l. penult. D. h. t.

§. 320. Ex his aliæ sunt DIVINÆ, quæ religioni, & cultui divino dicantur l. ult. C. h. t. aliæ HUMANÆ, quæ hominum, negotiorumque humanorum causa institutæ. Utræque iterum dividuntur in SOLEMNES, quæ stato tempore recurrunt; & REPENTINAS, quæ urgente aliqua causa extra ordinem indicuntur l. 26. §. 7. D. ex quib. caus. maj.

§. 321. DIVINÆ solemnes potissimum sunt, quæ in fastis, vel calendariis signantur, veluti Nātalis Domini, Pascha, Pentecostes, anni sæculares; re-

(a) Olim dies dividebantur in FASTOS, quibus prætor tria verba: DO, DICO, ADDICO fari poterat ( §. 215. ) NEFASTOS, per quos tria verba silebantur. OVID. *Fast.* 1. v. 47. VARRO *de lingua Lat.* V. 4. & INTERCISOS, quibus per aliquam diei partem forum fervebat, altera parte a litibus vacua. MACROB. *Saturn.* l. 16. *Nefasti* iterum non erant unius generis. Alii enim erant *Allienses*, alii *atri*, alii *quibus rex comitiavit fas*. VARR. V. 5. GELL. IV. 9. Add. RAD. FORNER. *Rer. quatid.* II. 21. alii *feriati*, qui, abolita superstitione paganica, soli nefasti manserunt. Unde de his præcipue agitur hoc titulo.

rentinae supplicationes ob res prospere gestas, vel calamitatem publicam. HUMANÆ solennes præcipuæ feriæ inessium, ab 8. Kal. Jul. ad Kal. Aug. vindemiarum a X. Kal. Sept. ad Id. Octob. l. 1. pr. l. 4. D. l. 2. l. 7. C. h. t. *Antiq. nostr. Rom.* 3. 6. 11. mundinarum l. un. C. de nund. & olim Kalendarum Januariarum, quæ hodie divinarum numero sunt. *Repentinae* variæ esse possunt ob lætitiā aliquam publicam, adventum principis, vel præsidis, cladem, vel luctum publicum, &c. BYNKERSH. *Observ.* 2. 6.

§. 322. Quum itaque feriæ vacationem dent a negotiis forensibus (§. 319.) sequitur (1. Ut eæ a solo principe, vel summa potestate sint indicendæ L. 4. C. h. t. quamvis libera republica magistratibus ea potestas competeret, MACROB. *Saturn.* 1. 16. ipsique imperatores præsidibus id indulgerent, ut feriis inessium, ac vindemiarum, ob climatum diversitatem, certa tempora possent adsignare l. 4. D. h. t. l. 7. de off. procos.

§. 323. Quumque feriæ divinæ cultui divino sint dicatæ (§. 320.) consequens est (2. Ut tunc silere debeat strepitus forensis, omnesque actus judiciales, iis diebus explicati, ipso jure nulli sint L. 2. l. 7. l. 8. l. ult. §. 1. C. h. t. (3. Ut & artium officia, negotiationes, operæ, iis diebus merito interquiescant l. 3. l. ult. pr. §. 1. C. eod. (4. Ut his feriis recte expediantur, quæ vel cultum divinum non turbant, veluti actus voluntariæ jurisdictionis l. 2. l. 8. C. h. t. vel moram non ferunt, ut persecutio facinorosorum l. penult. C. eod. l. 3. C. de episc. aud. disciplina militaris l. pen. D. h. t. & agricultura necessaria L. 3. C. h. t. .

§. 324. Quumque feriæ humanæ tantum hominum causa sint institutæ (§. 230.) facile patet (1. Eas quoque conjunctas esse cum justitia l. 2. l. 7. C. eod. (2. Speciatim feriæ inessium, & vindemiarum omnibus prodesse l. 1. pr. l. 6. D. h. t. attamen multo minus dubitandum esse, quin quæ moram non ferunt, his diebus possint expediri L. 1. §. 2. l. 2. l. 3. D. h. t. l. 1. §. 4. D. de nov. oper. nunc. (3. Cognitiones, & sententias, tempore feriarum publi-

catas, nullius momenti esse, nisi partes ultro suo jure renunciarint *L. 1. §. 1. D. h. t.*

§. 325. **DILATIONES**, de quibus altera pars tituli agit, sunt dierum, rei in judicio peragendæ præfinitorum, prorogationes *L. 3. C. de temp. in integr. rest.* eæque, si a partibus sibi invicem conceduntur, **CONVENTIONALIS**; si ab ipsa lege, **LEGALES**; si denique a judice, **JUDICIALES** a doctoribus vocantur.

§. 326. **LEGALIUM** permultæ sunt, veluti ( 1. Decem dierum a citatione dilatoria *L. 68. D. de judic.* ( 2. viginti dierum, ab in jus vocatione reo ad deliberandum concessarum (§. 281.): *Auth. generaliter C. de lit. cont.* ( 3. Trium mensium, si probatio in eadem provincia, sex mensium, si extra provinciam; in continenti tamen, novem, si in transmarina provincia suscipienda *L. 1. C. de dilat. Auth. jubemus C. de judic. Auth. at qui C. de prob.* ( 4. Quatuor mensium a re judicata &c. *L. ult. D. de usur. rei jud.*

§. 327. Quia autem concessio dilationis pertinet ad jura litigantium, consequens est ( 1. Ut ipsæ partes conventionem sibi invicem possint dilationes in infinitum indulgere. ( 2. Ut iudicis potestas sit restrictior; adeo ut rationibus reddendis reo unam, vel alteram, actori nullam *L. 1. C. de dilat. l. 5. fin. de dol. & met. exc.* in causis pecuniariis, nisi quid improvisum emergerit, tantum unam *L. ult. l. 7. D. h. t.* in criminalibus reo tres, accusatori duas, sed nonnisi causa cognita, concedere possit *L. 41. D. ad leg. Jul. de adult.* ( 3. Ut alterutri concessa dilatio utrique sit communis *L. 3. l. 6. C. de temp. in int. rest.* ( 4. Ut omne tempus dilationis sit continuum *L. 3. C. h. tit. l. 2. vers. penult. C. de temp. adpell.*

§. 328. Tertia pars rubricæ est **DE DIVERSIS TEMPORIBUS**. At quænam illa? **CUJACIUS** in *Parat. h. t.* suspicatur, Pandectarum compilatores intellexisse ipsas dilationes a lege concessas. **JAC. GOTHOFREDUS** in *Manuali ser. d. p. 26.* huc refert dies messium, vindemiarum, prid. Kal. Jan. & similes. **ULR. HUBERUS** *h. t. de temporibus*, in-

tra quæ lites finiendæ ( de quibus *l. 13. h. ult. D. de jud. l. 54. C. de decurion.* ) agi debuisse existimat. Nobis, quid promittat Tribonianus non liquet, id liquet, enim, quod promisit, non præstitisse. Addeamus quædam de tempore generationis, cujus potiores periodi sunt DIES, MENSIS, ANNUS.

§. 329. DIES est vel NATURALIS, qui a solis ortu ad occasum porrigitur, & cui opponitur *tempus nocturnum l. 2. §. 1. l. 124. l. 134. D. de verbor. sign. vel CIVILIS*, qui complectitur totum *ροχδδυσπος* viginti quatuor horarum, apud Romanos a media nocte ad median noctem computatum *L. 8. D. h. t. l. 5. D. qui test. fac. potest. L. 6. l. 7. D. de usticap.* Hic inceptus præ completo habetur, non ille; hic in iis, quæ ad jus, & leges pertinent, potissimum consideratur; ille in his, quæ ad factum naturalemque actionem pertinent (a) Vid. JO. GOEDD. *ad l. 2. §. 1. de verb. sign.*

§. 330. MENSIS spatium, quamvis non semper ejusdem quantitatis sit, a JCtīs tamen fere accipitur pro triginta diebus *L. 40. D. de reb. cred. l. 101. D. de reg. jur.* adeo ut nec diem intercalarem connumerarent *L. 96. D. de verb. sign. l. 2. D. de divers. & temp. præscr. BYNKERSH. Obs. 4. 8. p. 368.*

§. 331. ANNUS vel est CONTINUUS 365. dierum civilium *l. 4. §. 5. D. de statu lib. vel UTILIS*, totidem dierum naturalium; in quem tamen numerum nonnisi illi, quibus experiundi potestas est; referuntur; id est, quibus vel notitiam rei habuimus, vel prætor sui faciebat copiam (b) *L. 1. D. de div. & temp. præscr. l. 55. D. de adil. edict.* Ex quo facile etiam intelliges, qui dies, & menses dicantur utiles. Add. RAD. FORNER. *Rer. quotid. 2. 14.*

(a) E. g. in jure reddendo solis occasus suprema tempestas erat ex lege 12. tabularum. Vid. GELL. *Noct. Attic. XVII. 2. PLIN. Hist. Nat. VII. 50. VARR. de ling. Lat. V. 2. VI. 3.*

(b) Quum autem difficilis sit hujus anni computatio, Justinianus in restitutionibus in integrum, annum utilem in quadriennium continuum mutavit. *L. 7. D. de temp. in tot. rest.*

## TITULUS XIII.

## DE EDENDO.

§. 332. *Ratio ordinis*. §. 333. *Quid sit edere, & quid editum fuerit*. §. 334. *Quid actio? quid libellus?* §. 335. *Libelli materia*. §. 336. *An plures actiones possint cumulari*. §. 337. *Virtutes libelli*. §. 338. *Varia libellorum clausula*. §. 339. *Editio instrumentorum*. §. 340. *Quid cedere debeat*. §. 341. *Quomodo fiat editio*. §. 342. *Quid si edere quis nolit*. §. 343. *Argentarii qui*. §. 344. *De iis prætor quid edixerit*. §. 345. *Quomodo rationes edere debuerit*. §. 346. *Quo loco*. §. 347. *Quæ actio ad id prodita?*

§. 332. **H**actenus de in jus vocatione: sequitur doctrina de EDENDO, quam ita cum superiore coherere fingunt, quod & hæc fuerit iusta causa non eundi, si in jus vocans edere noluerit actionem. CUIJAC. *Obs. X. 10.* JAC. GOTHOF. *Manud. jur. in ser. D. p. 27.* Sed quum actionem in jure demum edendam fuisse, ex l. 1. §. D. h. t. PLAUT. *Pers. 4. 9. v. 9.* & *Aulul. 4. 10. v. 30.* manifestum sit; veriore ordinis rationem dixeris, partim, quod si non ederetur actio, iusta hæc esset dilationem petendi causa NOODT. *h. t. p. 64.* partim quod EDITIO actionis esset alterum, quod supra inter prætores sen ea, quæ in jure sunt, retulimus (§. 274.)

§. 333. EDERE est copiam describendi facere, vel in libello complecti, & dare vel dictare, vel adversarium ducere ad album, & demonstrare, quid dictaturus sit ex edicto L. 1. §. 1. D. h. t. Et his modis edebantur ACTIO, INSTRUMENTA, & ab argentariis RATIONES, nisi quod postremus modus ad actiones solas pertinebat.

§. 334. DE ACTIONE edixerat prætor, ut qua quæque actione agere vellet, eam edere cogeretur L. 1. pr. D. h. t. Erat autem actio formula agendi (§. 34. 1.) vel ex alio prætoris recitata (§. 333.) vel libello comprehensa. Sed quum formulæ jam prædem

evanuerint ( *l. 1. 2. C. de form. sabb.* ) adhuc in usu est LIBELLUS, per quem intelligimus scripturam, intentionem actoris complexam *L. 1. §. 1. l. 6. §. 7. D. h. t. §. 24. Inst. de act. l. 7. D. de inoff. test.*

§. 335. Fit itaque hodie actionis editio vel viva voce, vel quod magis receptum, per oblationem libelli. Quumque libellus intentionem actoris complecti debeat ( §. 334. ) consequens est ( 1. Ut is constet facti narratione, causa petendi (a) & conclusione, seu petitione, facto congrua (b) §. 1. & 14. *Inst. de act. l. 6. D. de rei vind.* Unde hujus materiam doctores vulgo ad formam syllogismi reducere solent.

§. 336. Ex eodem sequitur ( 2. Ut plures actiones, quæ ad idem tendunt, non sint cumulandæ, arg. *L. 6. D. de exc. rei jud. l. 76. §. penult. D. d. legat. 2. l. 43. §. 1. D. de reg. jur.* nisi ita cumulentur, ut unam postea, qua uti velis, eligas §. 4. *Instit. quod cum eo, qui in al. potest. L. 1. §. 4. D. quod legat. l. 17. D. de præs. verb. l. 1. De publ. in rem act. SENEC. de clem. 2. 3.* ( 3. Ut tamen recte cu-

(a) Causa petendi in actionibus personalibus adferenda, & quidem specialis, adeoque non sufficit ita egisse: *ajo, te mihi centum dare debere ex contractu*; sed exprimendum est genus contractus, veluti *ex empto, mutuo, locato*. In actionibus realibus generalis sufficit petendi causa; id est, jus in re, ex quo agitur, quamvis non exprimatur modus, acquirendi, e. gr. *ajo hunc fundum meum esse jure domini* *L. 14. §. 2. juncta l. 11. §. 2. D. de exc. rei jud. l. 3. C. h. t.* Attamen & hic præstat adjunxisse causam specialem, ut, si causa ceciderim, possim ex alio fundamento agere, nec mihi obest exceptio rei judicata. *GAIL. Observ. I. 19. SCHO-TAN. h. t.*

(b) Petitio certa esse debet, non vaga. §. 52. *Inst. de act.* Admittitur tamen aliquando petitio generalis ( 1. In judiciis universalibus *l. 7. D. si pars her. per.* ( 2. In causis criminalibus *l. 1. §. 4. D. ad SC. Turpill.* ( 3. In actionibus, in quibus ex post facto demum fieri potest æstimatio *l. 77. §. 1. D. de rei vind. l. 24. D. de reg. jur. lib. ult. D. de præst. stipul.* Aliquando & disjunctiva est repetitio, si talis est obligatio rei *l. 16. §. 3. D. de pign. lib. 75. §. 8. D. de verb. oblig.* adduntur actiones ex *l. 2. C. de resc. vend.* Sed ea tantum ad rescissionem, agendum, quamvis rei deinde sit electio.



mulentur actiones de rebus diversis, & ad diversa tendentes, modo non sint sibi invicem contrariæ *L. ult. C. de annal. exc. Ital. contr. toll. l. 11. pr. D. de jurisd.*

§. 337. Porro inde patet ( 1. Libellum requiri BREVE, & qui nihil supervacuum contineat *l. ult. §. 1. C. de appell.* ( 2. CLARUM, ex quo & factum, & intentio actoris facile intelligatur, arg. *Auth. generaliter C. de episc. & cler.* ( 3. APTUM, ut congrua sit factis, & causæ petitio ( 4. CERTUM denique, ut reus, quid, quantumque a se petatur, intelligat. Quamvis iudex, pro re nata, defectum sanabilem ex officio nobili supplere possit (a) Arg. *L. 12. D. de reb. dub.*

§. 338. Denique inde patet ( 5. Plerasque formulas, & clausulas, quas commendat acuta pragmatiorum notio, esse supervacuas, immo aliquando ridiculas. (Nec eo numero eximendam esse formulam petendi restitutionem impensarum, a iudice quippe ex officio decernendam *L. 79. pr. D. l. 13. §. 6. C. de judic.* quamvis in foro aliquando asiter sentire soleant.

§. 339. Præter actionem, etiam INSTRUMENTA eduntur, una cum libello, ut adversario eo proclivius sit deliberare, cedere, an contendere malit (§. 333.). Unde ea in re plus reo indulgent leges, quam actori, in primis, quum non ferendum videatur, ut quis tela, in jugulum suum defigenda, subministret adversario.

§. 340. Ex quo intulerunt JCTi ( 1. Actorem debere reo edere instrumenta, quibus usus sit, omnia *l. 1. §. 3. l. 2. h. t. L. 7. C. de test.* non ea, quibus usus non est; nisi sint communia *L. 2. l. 7. C. h. t. l. 5. D. fam. ero. vel reus iis ad excipiendum usus sit L. 4. C. h. t.* ( 2. Reum ad editio-

(a) Alioquin ipse actor libellum EMENDARE potest, tam ante litem contestatam, quam iudicio jam accepto §. 33. 34. *Inst. de Aft.* Nec genere actionis MUTATO, nova opus est instantia *d. §. 34. 35. Inst. de aft.* ex quibus textibus etiam patet, non licuisse olim vel emendare, vel actionem lite jam contestata, nisi impetrata in integrum restitutione. Vid. NOODT. *de jurisd. l. 15, Hein. Pand. Tom. I.*

nem non obstringi, nisi ( α iis actor usurus sit ad probandam replicationem, *l. fin. C. h. l. t.* ( β vel instrumenta sint communia *γ. C. h. tit.* ( γ publica auctoritate confecta *l. 2. C. l. 3. l. 4. D. h. t.* vel ( δ nisi causa sit fiscalis *l. 3. h. t. l. 2. §. 1. D. de jur. fisc.* vel ( ε alia justa ratio id suadeat *L. 1. C. t. l. 95. §. ult. D. ad leg. Falc. l. 5. D. de jur. delib. l. 4. D. de act. empt.* ( 3. Ut & tertius ad edenda instrumenta compelli queat. *CUJAC. Obs. X. 8. (4. Nec fiscus editionem detrectet, modo quis editis contra eum vel civitatem non utatur. L. 45. §. 6. D. de jur. fisc.*

§. 341. Quinque editio instrumentorum non probationis causa fiat, sed ut eo proclivius alteri sit deliberare ( §. 339. ) consequens est ( 1. Ut edenda tantum sint instrumentorum exempla, etiam non subscripta *L. 11. D. h. t.* ( 2. Ut tamen integra edenda sint necessario, nec sufficiat, si locus, qui ad rem instruendum pertinet, inde excubatur *L. 1. §. 4. D. h. t.* ( 3. Ut sine die, & consule possint edi *L. 1. §. 2. D. h. t. ne quid excogitetur ex die, & consule, & praelato die fiat.* Quæ verba explicat *CUJAC. Observ. 3. 7.*

§. 342. Quum denique plerumque editio molesta videatur hominibus, & ideo sæpe illam detrectent; consequens est, ut proditum esse debeat medium hanc tantum rationem excendi. Hinc, si actor edere nolit, compellitur, ut colligitur ex *l. 1. §. ult. D. h. t.* Procul dubio, ut iis postea instrumentum possit; adeoque, aliis destitutus probatio sua cadat, non nisi ex justa causa re-  
*l. ult. D. h. t. SCULT. ep̄t h. tit.* detrectans pro confesso habitus videtur. *Gesenth. h. t.* Tertius denique in omne, qui editionem petit, tenebatur. Hodie, ut se possidere, etur ei iuramentum, possideat instrumentum, nec dolo possideat, modo quod ius juret de calu-

( 3. Denique *RII* tenentur edere  
ex ( §. 33 *argentarii*, qui pen-  
in fœnor *habebant*, aliis sol-

vebant, pro aliis constituiebant, rationes conficiebant, pecuniam suo periculo trajici patiebantur, & c. l.

(a) CIC. *pro Flacc. c. 19.* CUJAC. *Obs. 10. 14.* SALMAS. *de usur. c. 17. p. 499.*

§. 344. Quum itaque argentariorum negotiatio publicam causam habere videretur (§. 343. \*) non iniquum erat edictum prætoris ut *rationem cuilibet, quantum ad eum pertineat, edant, adjecto die, & consule L. 4. pr. D. h. t.*

§. 345. Ex quo sequitur (1. Ut non totum librum inspiciendi, describendique copiam facere teneatur argentarius; sed eam tantum rationis partem, quæ ad instruendum alterum pertinet L. 10. §. D. h. t. (2. Ut edere debeat cum die, & consule, sine quibus accepta, & data haud intelliguntur L. 1. §. 2. l. 6. D. h. t. (3. Ut & hæredes argentarii edere debeant L. 4. §. 2. seq. l. 6. §. 1. l. 9. §. 1. D. eod. (4. Ut non immerito editionem petens prius præstare debeat iurjurandum calumniæ L. 6. §. 2. l. 9. §. 3. D. h. t.

§. 346. Recte etiam ex ipsa hujus negotiationis indole collegerunt veteres (5. Editionem fieri debere in loco, ubi argentaria exercetur, alio autem loco, descriptum dumtaxat sumptibus petentis dari oportere L. ult. l. 5. D. h. t.

§. 347. Datur ergo hoc nomine intra annum actio in factum ei, cujus interest, ejusve heredi L. ult. D. h. t. contra argentarium, ejusve heredem (§. 345. 3.) dolo malo non edentem ad id, quod intererat actoris, quum rationes edere argentarius juberetur L. 8. pr. §. 1. D. h. t.

(a) Differunt itaque a *nummulariis*, quia argentariorum negotiatio publicam causam habebat l. 10. §. 1. D. h. t. Unde & mensæ argentariorum in foro positæ erant, CUJAC. *ibid.* hi autem privatim collybisticam exercebant. Ad hos tamen edictum fuisse prelatum, ex l. 9. §. 2. D. h. t. colligas.

## TITULUS XIV.

## DE PACTIS.

§. 348. Ratio ordinis. §. 349. Quid pactum, & quotaplex consensus? §. 350. Cur Romanum jus non omnibus pactis adsistat? §. 351. Certe tantum causæ obligant jure civili. §. 352. Quid pactum? Quid contractus? §. 353. Pacta vel publica, vel privata. §. 354. Privata vel nuda, vel non nuda. §. 355. Non nuda, vel legitima, vel prætoria, vel adjecta. §. 356. Adjecta quæ producant actionem? §. 357. Pacta in rem, & personam. §. 358. Pacta expressa, & tacita. §. 359. Contractus veri, & quasi contractus. §. 360. Veri vel nominati, vel innominati. §. 361. Vel reales, vel verbales, vel litterales, vel consensuales. §. 362. Quid quasi contractus? §. 363. Contractus juris gentium, & civilis. §. 364. Unilaterales, & bilaterales. §. 365. Bonæ fidei, & stricti juris. §. 366. De natura conventionum axiomata. §. 367. Qui pascisci possint? §. 368. An & impuberes, & minores? §. 369. An filii familias, & servi? §. 370. Pacta cur tertio nec prosint, nec obsint? §. 371. Edictum prætoris de pactis servandis. §. 372. Quæ pacta non servant? §. 373. Quomodo pacta servantur? §. 374. Usus hodiernus.

§. 348. **R**edit Tribonianus ad causas, quæ in jus vocatum ab eundo liberabant. Quo præcipue etiam ex lege 12. tabularum pertinebant PACTA, & TRANSACTIONES. Unde hoc titulo de pactis; sequente de transactionibus agitur.

§. 349. PACTUM, vel CONVENTIO, est duorum pluriumve in idem placitum de dando aliquo, faciendove consensus L. 1. §. 2. D. h. t. CONSENSUS vel verus est, vel PRÆSUMPTUS. VERUS, vel signis ordinariis, veluti verbis, litteris, immo nutu L. 52. §. penult. D. de oblig. & ass. exprimitur, vel ex factis colligitur, unde ille EXPRESSUS, hic TACITUS adpellari solet. PRÆSUMPTUS est, qui a

legislatore fingitur intercessisse ob æquitatem, quum intercesserit numquam.

§. 350. Quamvis autem omnia omnino pacta, de- liberato animo inita; obligent jure naturali; & gen- tium; Romanum tamen jus non omnibus conventio- nibus adsistit, non quod perfidiam probassent Ro- mani, vel eum non improbum credidissent, qui fidem non liberaret. (SENEC. *de benef.* 5. 21.) sed quod negotiorum fidem in contractibus sanxissent, GELL. 20. 1. adeoque perlusorie eum egisse judicarent, qui modum fidem adstringendi legitimum, stipulationem puta, neglexisset. MERILL. *Observ.* 7. 39.

§. 351. Ex quo consequitur, ut Romani certis tan- tum CAUSSIS vim obligandi civiliter attribuerint (quarum quibusdam, in vita frequentibus obviis, singulare NOMEN, & actionem ejusdem nominis da- bant.) extra has vero causas, ex nulla pactioe, vel conventionione actionem nasci voluerint.

§. 352. Quæ quum ita sint, pactum, vel conven- tio, late accepta, & supra definita (§. 349.) dividi- tur in PACTUM striete dictum, & CONTRACTUM, quorum illud est *conventio sine nomine, & causa*, adeoque nuda in futurum promissio; hic contra con- ventio, *quæ habet vel nomen, vel saltem causam ci- vilitèr obligantem* (§. 352.) l. 7. §. 1. 2. D. h. t.

§. 353. PACTUM vel PUBLICUM est, vel PRI- VATUM. Illud ex causa publica; hoc ex causa, & de re privata initur l. 5. D. h. tit. Quum itaque discrimen inter pacta, & contractus ex jure civili sit (§. 350.) jus vero naturale, & gentium, quo inter se liberi populi utuntur, illud plane ignoret, GROTIUS. *de jur. bell. & pac.* 2. 11. §. seq. publica pacta quælibet obligare, palam est l. 84. §. 1. D. de reg. jur. L. ult. D. de legat.

§. 354. PRIVATA, quum jus iis non semper ad- sistat, dividi solent in NUDA, & NON NUDA, vul- go *vestita*. Illa in nudis placiti, vel conventionis fi- nibus subsistunt, nec actionem producunt; hæc vel a lege, vel a prætore, vel ex contractu, cui adjecta sunt, virtutem civiliter obligandi accipiunt.

§. 355. Itaque NON NUDA vel LEGITIMA sunt, quibus lex, vel SC. vel constitutio principis adsistit

*L. 6. D. h. t.* vel PRÆTORIA, quæ prætoris editio, vel jure honorario adjuvantur *l. 17. §. 2. eod.* vel ADJECTA, quæ contractibus in continenti addita, pro parte contractuum habentur (a) *l. 7. §. 5. D. l. 13. C. h. t.*

§. 356. PACTUM ADJECTUM vel contractui bonæ fidei accedit, vel stricti juris. Contractui b. f. adjectum pro ejus parte habetur, si in continenti adjectum sit, *L. 7. §. 5. D. h. t.* nec naturæ contractus adversetur *l. 23. D. de reg. jur.* adeoque & actionem, quæ ex illo contractui est produeit *L. 7. §. 5. 6. D. l. 13. C. h. t.* Sin ex intervallo accessit, non nisi ad exceptionem prodest, neque ac si contractui stricti juris adjectum sit *l. 7. §. 5. 6. L. 13. C. h. t. L. 11. §. D. de reb. cred.* Naturæ contractus repugnans plane inutilis est, & nec actionem, nec exceptionem producit *L. 14. L. 29. §. 2. D. pro soc. l. 17. pr. D. h. t.* Pactum contractui stricti juris adjectum quomodoque, nec contractui inest, nec actionem producit, sed exceptionem *l. 7. §. 5. 6. D. l. 13. C. h. t.*

§. 357. Deinde pacta quædam IN REM sunt, si generaliter paciscar, ne petam: quædam IN PERSONAM, quoties, ne a certa persona petam, paciscor *L. 7. §. 8. D. h. t.* Ex quo sequitur, ut pacta in rem & heredibus, & fidejussoribus prosint: pacta in personam non item, *l. 21. pr. §. ult. L. 40. pr. L. ult. l. 25. pr. §. 1. D. b. t.*

§. 358. Denique pacta quædam EXPRESSA sunt, quæ expresso consensu (§. 349.) quædam TACITA, quæ tacito ineuntur *L. 2. pr. D. h. t.* Sic tacite remissum videtur debitum, reddito chirographo *l. 2.*

(a) Sic LEGITIMA sunt varia pacta usuraria *l. 30. D. de usur. l. 7. l. 5. §. 2. D. de fan. naut. l. 12. C. de usur. Nov. 136. cap. 4.* pactum donationis *l. 35. 6. de don. pacta dotalia l. 6. C. de dot. promiss.* Pacta PRÆTORIA hypotheca *l. 17. §. 2. D. h. t.* & constituta pecunia *L. 1. D. de pec. const.* ADJECTA additio in diem, lex commissoria, pactum *ὑπομνησας* de retrovendendo, *ἁπλῆς πώσης*, & similia. Ex legitimis *condictio ex lege*; ex prætoris singulares *actiones*: ex adjecto actiones ex contractu illo, cui adjectæ, nascuntur.

§. 1. *D. h. t. jus pignoris remissum, reddito pignore*  
*l. 1. §. 1. D. de lib. leg. l. 9. C. de remiss. pign.*

§. 359. Pacto stricto accepto opponitur **CONTRACTUS**, qui quum sit conventio (§. 352.) conventio autem in idem placitum consensus (§. 349.) consensus denique in *verum & præsumptum* dividatur (*d. §. 349.*) hinc & **contractus**, qui vero consensu ineuntur, **CONTRACTUS VERI**; qui ex consensu præsumpto, & propter æquitatem ficto nascuntur, **OBLIGATIONES QUASI EX CONTRACTU** adpellantur.

§. 360. Quumque contractus habeant vel *nomen*, & *causam* simul, vel *causam tantum* (§. 332.) priores **NOMINATI**, posteriores **INNOMINATI**, adpellantur; (a) quales sunt illi quatuor: *do*, ut *des*: *do*, ut *facias*: *facio*, ut *des*: *facio*, ut *facias* *L. 7. §. 1. 2. D. h. t. l. 1. §. 2. D. de rer. permut.* Quumque hi innominati contractus ex una saltem parte causam habeant, sequitur, ut ex parte ejus qui nondum satisfecit contractui, sint instar pacti nudi; & hinc alteri, qui jam dedit, vel fecit, jus sit pœnitendi, quœndiu alter non adimplevit contractum *l. 3. §. 2. l. 5. pr. seq. D. de cond. caus. dat. l. 5. §. 1. D. de præs. verb.* Quod hodie secus se habet (§. 374.)

§. 361. **CAUSSA**, quam & nominati, & innominati contractus habent (§. 360.) vel est **REI traditio**, vel **VERBORUM solemnitas**, vel **SCRIPTURA**, vel nudus **CONSENSUS**. Et hinc contractus, qui rei traditione substantiam capiunt, **REALES** (b); qui verbis solemnibus perficiuntur, **VERBORUM OBLIGATIONES**; qui *litteris* constant, **LITTERALES**, qui solo denique consensu ineuntur, **SENSUALES** dicuntur §. 2. *Inst. de oblig.*

(a) Ex quibus definitionibus consequitur, ut contractus *nominati* etiam actiones sui nominis producant (§. 351.) ex *innominatis* autem actio generalis *præscriptis verbis*, vel *in factum* nascantur *L. 17. §. ult. l. 22. D. de præs. verb.*

(b) **REALES**, præter *innominatos*, omnes sunt *mutuum*, *commodum*, *depositum*, *pignus*: **VERBALIS** jure novo, sola *stipulatio* (*Inst. §. 828.*) **LITTERALIS**, contractus *chirographarius* a Justiniano inventus; **SENSUALIS**, *emptio*, *venditio*, *locatio*, *conductio*, *emphyteusis*, *societas*, *mandatum*.

§. 362. OBLIGATIONES QUASI EX CONTRACTU sunt, quæ ex consensu præsumto, vel a legislatore ob æquitatem ficto, oriuntur (a) (§. 359.) Inducitur autem consensus ex regulis æquitati vel maxime consentaneis: I. Nemo cum alterius damno sine ratione debet locupletior fieri L. 14. D. de cond. ind. II. Qui vult, quod antecedit, non debet nolle, quod consequitur. III. Quisque videtur prohare id, quod sibi adferat utilitatem. x. γ. λ.

§. 363. Dividuntur porro contractus ratione originis in eos, qui sunt JURIS GENTIUM; ut *emptio*, *venditio*, & plerique omnes; & eos, qui JURIS CIVILIS, quales sunt *stipulatio*, & *obligatio litterarum*. L. 3. D. de just. & jur.

§. 364. Præterea ratione obligationis, quam gignunt, vel sunt ΜΟΝΟΡΑΕΥΟΙ, seu UNILATERALES, vel ΑΙΠΑΕΥΟΙ, seu BILATERALES. Quemadmodum enim in illis unus tantum contrahentium obligatur, veluti in *mutuo*, *stipulatione*, *obligatione litterarum*, *solutione indebiti*; ita in his, uterque obligatur (b) ut in *emptione*, *venditione*, *locatione*, *conditione*, &c.

§. 365. Denique, quod ad effectum, alii BONÆ FIDEI sunt, uti bilaterales omnes; alii STRICTI JURIS, uti unilaterales, quorum de discrimine alio loco egimus (Inst. §. 781.) quamvis ejus hodie non sunt fere nullum superesse plerique ingenue fateantur.

§. 366. Hactenus de variis conventionum speciebus. Jam, ut ad pacta latius accepta (§. 349.) redeamus, ex eorum definitione fluunt axiomata: I. Pacta sine consensu non intelliguntur. II. Inveniuntur

(a) Talia negotia sunt, *negotiorum gestio*, *tutela*, *hereditatis aditio*, *hereditatis*, *vel rei communio*, *indebiti solutio*, & alia complura. Hæc enim in tit. Inst. de obl. qua quasi ex contr. tantum exempli causa adferuntur.

(b) Vel statim ab *initio*, ut in *emptione*, *venditione*, *locatione*, vel ex *post facto*, si alter impensas facit, vel damnum passus est. Priore casu actio utraque est DIRECTA; posteriore altera DIRECTA, altera CONTRARIA dicitur, quæ semper datur ad indemnitatem consequendam.



inter personas. III. lis promittunt paciscentes, se aliquid daturus, aut facturus.

§. 367. Quum pacta sine consensu non intelligantur (§. 266. 1.) consequens est (1. Ut, qui consentire possunt, & pacisci possint, si aliud non obstat: adeoque & cæci, surdi, muti l. 2. §. 1. *D. h. t.* (2. Ut pacta inire nequeant furiosi, mente capti §. 8. *Inst. de inut. stipulat.* l. 5. l. 40. *D. de reg. jur.* infantes §. 9. *Inst. de inut. stipul.* & qui furiosis comparantur, prodigi l. 1. *D. de cur. furios.* l. 40. *D. de reg. jur.* l. 6. *D. de verb. obl.*

§. 368. Ex eodem patet. (3. Impuberes, licet consentire, aliosque sibi obligatos habere possint, tamen, quia nondum perfectum eorum est animi iudicium, sua promissione tantum naturaliter obligari §. 9. *Inst. de inutil. stipul.* l. 25. §. 1. *D. quando dies leg. eod.* l. 111. *D. de reg. jur.* non civiliter sine auctoritate tutorum l. 6. *D. de verb. obl.* l. 9. pr. *D. de auct. tut.* (4. Minorem contra & sine curatoris consensu, civiliter se obligare (a) l. 101. *D. de verb. obl.* l. 73. *D. de oblig. & auct.*

§. 369. Deinde quum pacta ineant personæ (§. 366. 2.) consequens est (1. Ut pacisci inter se non possint pater & filius (§. 348. 1. 2.) l. 7. *D. de obl. & auct.* §. 6. *Inst. de inut. stip.* l. 2. pr. *D. de contr. emt.* nisi de rebus castrensibus, & quasi castrensibus, l. 2. *C. ad SG. Maced.* (2. Ut nec duo filii familias, in ejusdem patris potestate constituti, pactum inire queant l. 38. *D. de cond. ind.* (3. Ut nec servi se obstringere possint, nisi naturaliter (§. 132.) l. 14. *D. de obl. & auct.* l. 21. §. 1. *D. h. t.*

§. 370. Inde etiam est (4. Quod pacta tantum valent inter paciscentes, adeoque tertio nec prosunt,

(a) Vulgo aliter sentiunt, sed sola fere confisi l. 3. *C. de in int. test. min.* ubi tamen non dicitur, contractum a minore initum esse nullum: sed cum non servari, & minorem implorare in integrum restitutionem, si necdum tempora prefinita excesserint, causa cognita non prohiberi. Si vero contractus restitutione in integrum rescinditur, valet procul dubio ipso jure: si valet ipso jure, minor obligatur civiliter. Vid. ZACH. HUBERT. *Diss. lib. 3. p. 504. edit. nov.*

tra quæ lites finiendæ ( de quibus *l. 13. l. ult. D. de jud. l. 54. C. de decurion.* ) agi debuisse existimat. Nobis, quid promittat Tribonianus non liquet, id liquet, enim, quod promisit, non præstitisse. Addeamus quædam de tempore generationis, cujus potiores periodi sunt DIES, MENSIS, ANNUS.

§. 329. DIES est vel NATURALIS, qui a solis ortu ad occasum porrigitur, & cui opponitur tempus nocturnum *l. 2. §. 1. l. 124. l. 134. D. de verbor. sign. vel CIVILIS, qui complectitur totum *ροχδῆμα* per viginti quatuor horarum, apud Romanos a media nocte ad median noctem computatum *L. 8. D. h. t. l. 5. D. qui test. fac. potest. L. 6. l. 7. D. de usucap.* Hic inceptus præ completo habetur, non ille; hic in iis, quæ ad jus, & leges pertinent, potissimum consideratur; ille in his, quæ ad factum naturalemque actionem pertinent (a) Vid. JO. GOEDD. ad *l. 2. §. 1. de verbor. sign.**

§. 330. MENSIS spatium, quamvis non semper ejusdem quantitatis sit, a JCTis tamen fere accipitur pro triginta diebus *L. 40. D. de reb. cred. l. 101. D. de reg. jur.* adeo ut nec diem intercalarem connumerarent *L. 96. D. de verbor. sign. l. 2. D. de divers. & temp. præscr. BYNKERSH. Obs. 4. §. p. 368.*

§. 331. ANNUS vel est CONTINUUS 365. dierum civilium *l. 4. §. 5. D. de statu lib. vel UTILIS, totidem dierum naturalium; in quem tamen numerum nonnisi illi, quibus experiendi potestas est; referuntur; id est, quibus vel notitiam rei habuimus, vel prætor sui faciebat copiam (b) *L. 1. D. de div. & temp. præscr. l. 55. D. de adil. edict.* Ex quo facile etiam intelliges, qui dies, & utenses dicantur utiles. Add. RAD. FORNER. *Rér. quotid. 2. 14.**

(a) E. g. in jure reddendo solis occasus suprema tempestas erat ex lege 12. tabularum. Vid. GELL. *Noct. Attic. XVII. 2. PLIN. Hist. Nat. VII. 50. VARR. de ling. Lat. V. 2. VI. 3.*

(b) Quum autem difficilis sit hujus anni computatio, Justinianus in restitutionibus in integrum, annum utilem in quadriemium continuum mutavit. *L. 7. D. de temp. in tot. rest.*

## TITULUS XIII.

## DE EDENDO.

§. 332. Ratio ordinis. §. 333. Quid sit edere, & quid editum fuerit. §. 334. Quid actio? quid libellus? §. 335. Libelli materia. §. 336. An plures actiones possint cumulari? §. 337. Virtutes libelli. §. 338. Varia libellorum clausulae. §. 339. Editio instrumentorum. §. 340. Quid cedere debeat? §. 341. Quomodo fiat editio? §. 342. Quid si edere quis uolit? §. 343. Argentarii qui? §. 344. De iis prætor quid edixerit? §. 345. Quomodo rationes edere debuerit? §. 346. Quo loco? §. 347. Quæ actio ad id prodita?

§. 332. **H**actenus de in jus vocatione: sequitur doctrina de EDENDO, quam ita cum superiore coherere fingunt, quod & hæc fuerit justa causa non eundi, si in jus vocans edere noluerit actionem. CUIAC. Obs. X. 10. JAC. GOTHOF. Manut. jur. in ser. D. p. 27. Sed quum actionem in jure denuin edendam fuisse, ex l. 1. §. D. h. t. PLAUT. Pers. 4. §. v. §. & Aulul. 4. 10. v. 30. manifestum sit; veriolem ordinis rationem dixeris, partim, quod si non ederetur actio, justa hæc esset dilationem petendi causa NOODT. h. t. p. 64. partim quod EDITIO actionis esset alterum, quod supra inter *ἁρῶτα* seu ea, quæ in jure fiunt, retulimus (§. 274.)

§. 333. EDERE est copiam describendi facere, vel in libello complecti, & dare vel dictare, vel adversarium ducere ad album, & demonstrare, quid dictaturus sit ex edicto L. 1. §. 1. D. h. t. Et his modis edebantur ACTIO, INSTRUMENTA, & ab argentariis RATIONES, nisi quod postremus modus ad actiones solas pertinebat.

§. 334. DE ACTIONE edixerat prætor, ut quæ quisque actione agere vellet, eam edere cogeretur L. 1. pr. D. h. t. Erat autem actio formula agendi (§. 34. 1.) vel ex albo prætoris recitata (§. 333.) vel libello comprehensa. Sed quum formulæ jam prædem

evanuerint ( l. 1. 2. C. de form. stbl. ) adhuc in usu est LIBELLUS, per quem intelligitur scripturam, intentionem actoris complexam l. 1. §. 1. l. 6. §. 7. D. h. 7. §. 24. Inst. de act. l. 7. D. de inoff. test.

§. 335. Fit itaque hodie actionis editio vel viva voce, vel quod magis receptum, per oblationem libelli. Quumque libellus intentionem actoris complecti debeat ( §. 334. ) consequens est ( 1. Ut is constet facti narratione, causa petendi (a) & conclusionem, seu petitionem, facto congrua (b) §. 1. & 14. Inst. de act. l. 6. D. de rei vind. Unde hujus materiam doctores vulgo ad formam syllogismi reducere solent.

§. 336. Ex eodem sequitur ( 2. Ut plures actiones, quæ ad idem tendunt, non sint cumulandæ, arg. l. 6. D. de exc. rei jud. l. 76. §. penult. D. d. legat. 2. l. 43. §. 1. D. de reg. jur. nisi ita cumulentur, ut unam postea, qua uti velis, eligas §. 4. Instit. quod cum eo, qui in al. potest. l. 1. §. 4. D. quod legat. l. 17. D. de præsc. verb. l. 1. De publ. in rem act. SENEC. de clem. 2. 3. ( 3. Ut tamen recte cu-

(a) Causa petendi in actionibus personalibus adferenda, & quidem specialis, adeoque non sufficit ita egisse: ajo, te mihi centum dare debere ex contractu; sed exprimendum est genus contractus, veluti ex empto, mutuo, locato. In actionibus realibus generalis sufficit petendi causa; id est, jus in re, ex quo agitur, quamvis non exprimatur modus, acquirendi, e. gr. ajo hunc fundum meum esse jure domini l. 14. §. 2. juncta l. 11. §. 2. D. de exc. rei jud. l. 3. C. h. t. Attamen & hic præstat adjunxisse causam specialem, ut, si causa ceciderim, possim ex alio fundamento agere, nec mihi obest exceptio rei judicatæ. GAIL. Observ. I. 19. SCHO-TAN. h. t.

(b) Petitio certa esse debet, non vaga. §. 52. Inst. de act. Admittitur tamen aliquando petitio generalis ( 1. In judiciis universalibus l. 7. D. si pars her. pet. ( 2. In causis criminalibus l. 1. §. 4. D. ad SC. Turpilli ( 3. In actionibus, in quibus ex post facto demum fieri potest æstimatio l. 77. §. 1. D. de rei vind. l. 24. D. de reg. jur. lib. ult. D. de præsc. stipul. Aliquando & disjunctiva est repetitio, si talis est obligatio rei l. 16. §. 3. D. de pign. lib. 75. §. 8. D. de verb. oblig. adduntur actiones ex l. 2. C. de resc. vend. Sed ea tantum ad rescissionem, agendum, quamvis rei deinde sit electio.

mulentur actiones de rebus diversis, & ad diversa tendentes, modo non sint sibi invicem contrariæ *L. ult. C. de annal. exc. Ital. contr. toll. l. 11. pr. D. de jurisd.*

§. 337. Porro inde patet ( 1. Libellum requiri BRE-  
VEM, & qui nihil supervacuum contineat *l. ult. §. 1. C. de appell.* ( 2. CLARUM, ex quo & factum, & intentio actoris facile intelligatur, arg. *Auth. generaliter C. de episc. & cler.* ( 3. APTUM, ut congrua sit factio, & causæ petitio ( 4. CERTUM denique, ut reus, quid, quantumque a se petatur, intelligat. Quamvis iudex, pro re nata, defectum sanabilem ex officio nobili supplere possit (a) Arg. *L. 12. D. de reb. dub.*

§. 338. Denique inde patet ( 5. Plerasque formulas, & clausulas, quas commendat acuta pragmatice-  
corum notio, esse supervacuas, immo aliquando ridiculas. (Nec eo numero eximendam esse formulam petendi restitutionem impensarum, a iudice quippe ex officio decernendam *L. 79. pr. D. l. 13. §. 6. C. de judic.* quamvis in foro aliquando asiter sentire soleant.

§. 339. Præter actionem, etiam INSTRUMENTA eduntur, una cum libello, ut adversario eo proclivius sit deliberare, cedere, an contendere malit (§. 333.). Unde ea in re plus reo indulgent leges, quam actori, in primis, quum non ferendum videatur, ut quis tela, in jugulum suum defigenda, subministret adversario.

§. 340. Ex quo intulerunt Jcti ( 1. Actorem debere reo edere instrumenta, quibus usus sit, omnia *l. 1. §. 3. l. 2. h. t. L. 7. C. de test.* non ea, quibus usus non est; nisi sint communia *L. 2. l. 7. C. h. t. l. 5. D. fam. ero. vel reus iis ad excipiendum usus sit L. 4. C. h. t.* ( 2. Reum ad editio-

(a) Alioquin ipse actor libellum EMENDARE potest, tam ante litem contestatam, quam iudicio jam accepto §. 53. 34. *Inst. de A&F.* Nec genere actionis MUTATO, nova opus est instantia *d. §. 54. 35. Inst. de a&F.* ex quibus textibus etiam patet, non licuisse olim vel emendare, vel actionem lite jam contestata, nisi impetrata in integrum restitutione. Vid. NOODT. *de jurisd. l. 13.*

nem non obstringi, nisi ( α iis actor usurus sit ad probandam replicationem, *l. fin. C. h. l. c.* ( β vel instrumenta sint communia *7. C. h. tit.* ( γ publica auctoritate confecta *l. 2. C. l. 3. l. 4. D. h. t.* vel ( δ nisi causa sit fiscalis *l. 3. h. t. l. 2. §. 1. D. de jur. fisc.* vel ( ε alia justa ratio id snadeat *L. 1. C. t. l. 95. §. ult. D. ad leg. Falc. l. 5. D. de jur. delib. l. 4. D. de act. empt.* ( 3. Ut & tertius ad edenda instrumenta compelli queat. *CUJAC. Obs. X. 8. (4. Nec fiscus editionem detrectet, modo quis editis contra eum vel civitatem non utatur. L. 45. §. 6. D. de jur. fisc.*

§. 341. Quinque editio instrumentorum non probationis causa fiat, sed ut eo proclivius alteri sit deliberare ( §. 339. ) consequens est ( 1. Ut edenda tantum sint instrumentorum exempla, etiam non subscripta *L. 11. D. h. t.* ( 2. Ut tamen integra edenda sint necessario, nec sufficiat, si locus, qui ad rem instruendum pertinet, inde excribatur *L. 1. §. 4. D. h. t.* ( 3. Ut sine die, & consule possint edi *L. 1. §. 2. D. h. t. ne quid excogitetur ex die, & consule, & prelato die fiat.* Quæ verba explicat *CUJAC. Observ. 3. 7.*

§. 342. Quin denique plerumque editio molesta videatur hominibus, & ideo sæpe illam detrectent; consequens est; ut proditum esse debeat medium hanc contumaciam coercendi. Hinc, si actor edere nolit, incommodo afficitur, ceu colligitur ex *l. 1. §. ult. D. h. t.* sed quali? Procul dubio, ut iis postea instrumentis uti non possit; adeoque, aliis destitutus probationibus causa cadat, non nisi ex justa causa restituendus *L. 1. ult. D. h. t. SCULT. ep̄t h. tit.* Reus edere detrectans pro confesso habitus videtur. *HANN. ad Wesenth. h. t.* Tertius denique in omne damnum ei, qui editionem petit, tenebatur. Hodie si quis neget, se possidere, defertur ei iurjurandum, quod nec possideat instrumentum, nec dolo possidere desierit, modo qui petit, prius juret de calumnia.

§. 343. Denique & ARGENTARIJ tenentur edere rationes ( §. 333. ). Erant autem argentarii, qui pecuniam fœnori dabant. Actiones habebant, aliis sol-

vebant, pro aliis constituiebant, rationes conficiebant, pecuniam suo periculo trajici patiebantur, &c. τ. λ.  
(a) CIC. *pro Flacc. c. 19.* CUJAC. *Obs. 10. 14.* SALMAS. *de usur. c. 17. p. 499.*

§. 344. Quum itaque argentariorum negotiatio publicam causam habere videretur ( §. 343. \* ) non iniquum erat edictum prætoris ut rationem cuilibet, quantum ad eam pertineat, edant, adjecto die, & consule L. 4. *pr. D. h. t.*

§. 345. Ex quo sequitur ( 1. Ut non totum librum inspiciendi, describendique copiam facere teneatur argentarius; sed eam tantum rationis partem, quæ ad instruendum alterum pertinet L. 10. §. D. h. t. ( 2. Ut edere debeat cum die, & consule, sine quibus accepta, & data haud intelliguntur L. 1. §. 2. l. 6. D. h. t. ( 3. Ut & hæredes argentarii edere debeant L. 4. §. 2. *seq. l. 6. §. 1. l. 9. §. 1. D. eod.* ( 4. Ut non immerito editionem petens prius præstare debeat iurjurandum calumniæ L. 6. §. 2. l. 9. §. 3. D. h. t.

§. 346. Recte etiam ex ipsa hujus negotiationis indole collegerunt veteres ( 5. Editionem fieri debere in loco, ubi argentaria exercetur, alio autem loco, descriptum insinuat sumptibus petentis ilari oportere L. ult. l. 5. D. h. t.

§. 347. Datur ergo hoc nomine intra annum actio in factum ei, cujus interest, ejusve heredi L. ult. D. h. t. contra argentarium, ejusve heredem ( §. 345. 3. ) dolo malo non edentem aut id, quod intererat actoris, quum rationes edere argentarius iuberetur L. 8. *pr. §. 1. D. h. t.*

(a) Differunt itaque a *nummulariis*, quia argentariorum negotiatio publicam causam habebat l. 10. §. 1. D. h. t. Unde & mensæ argentariorum in foro positæ erant, CUJAC. *ibid.* hi autem privatim collybisticam exercebant. Ad hos tamen edictum fuisse prolatum, ex l. 9. §. 2. D. h. t. colligas.

## TITULUS XIV.

## DE PACTIS.

§. 348. *Ratio ordinis.* §. 349. *Quid pactum, & quotuplex consensus?* §. 350. *Cur Romanum jus non omnibus pactis adsistat?* §. 351. *Certe tantum causæ obligant jure civili.* §. 352. *Quid pactum? Quid contractus?* §. 353. *Pacta vel publica, vel privata.* §. 354. *Privata vel nuda, vel non nuda.* §. 355. *Non nuda, vel legitima, vel prætoria, vel adjecta.* §. 356. *Adjecta quæ producant actionem?* §. 357. *Pacta in rem, & personam.* §. 358. *Pacta expressa, & tacita.* §. 359. *Contractus veri, & quasi contractus.* §. 360. *Veri vel nominati, vel innominati.* §. 361. *Vel reales, vel verbales, vel litterales, vel consensuales.* §. 362. *Quid quasi contractus?* §. 363. *Contractus juris gentium, & civilis.* §. 364. *Unilaterales, & bilaterales.* §. 365. *Bonæ fidei, & stricti juris.* §. 366. *De natura conventionum axiomata.* §. 367. *Qui pascisci possint?* §. 368. *An & impuberes, & minores?* §. 369. *An filii familias, & servi?* §. 370. *Pacta cur tertio nec prosint, nec obsint?* §. 371. *Editum prætoris de pactis servandis.* §. 372. *Quæ pacta non servant?* §. 373. *Quomodo pacta servantur?* §. 374. *Usus hodiernus.*

§. 348. **R**edit Tribonianus ad causas, quæ in jus vocatum ab eundo liberabant. Quo præcipue etiam ex lege 12. tabularum pertinebant PACTA, & TRANSACTIONES. Unde hoc titulo de pactis; sequente de transactionibus agitur.

§. 349. PACTUM, vel CONVENTIO, est duorum pluriumve in idem placitum de dando aliquo, faciendove consensus L. 1. §. 2. D. h. t. CONSENSUS vel verus est, vel PRÆSUMPTUS. VERUS, vel signis ordinariis, veluti verbis, litteris, immo nutu L. 52. §. penult. D. de oblig. & act. exprimitur, vel ex factis colligitur, unde ille EXPRESSUS, hic TACITUS appellari solet. PRÆSUMPTUS est, qui a



legislatore fingitur intercessisse ob æquitatem, quum intercesserit numquam.

§. 350. Quamvis autem omnia omnino pacta, deliberato animo inita, obligent jure naturali; & gentium; Romanum tamen jus non omnibus conventionibus adsistit, non quod perfidiam probassent Romani, vel eum non improbum credidissent, qui fidem non liberaret (SENEC. *de benef.* 5. 21.) sed quod negotiorum fidem in contractibus sanxissent, GELL. 20. 1. adeoque perjurorie eum egisse judicarent, qui modum fidem adstringendi legitimum, stipulationem puta, neglexisset. MERILL. *Observ.* 7. 39.

§. 351. Ex quo consequitur, ut Romani certis tantum CAUSSIS vim obligandi civiliter attribuerint (quarum quibusdam, in vita frequentibus obviis, singulare NOMEN, & actionem ejusdem nominis dabant.) extra has vero causas, ex nulla pactioe, vel conventionione actionem nasci voluerint.

§. 352. Quæ quum ita sint, pactum, vel conventio, late accepta, & supra definita (§. 349.) dividitur in PACTUM strictè dictum, & CONTRACTUM, quorum illud est conventio sine nomine, & causa, adeoque nuda in futurum promissio; hic contra conventio, quæ habet vel nomen, vel saltim causam civiliter obligantem (§. 352.) l. 7. §. 1. D. h. t.

§. 353. PACTUM vel PUBLICUM est, vel PRIVATUM. Illud ex causa publica; hoc ex causa, & de re privata initur l. 5. D. h. tit. Quum itaque discrimen inter pacta, & contractus ex jure civili sit (§. 350.) jus vero naturale, & gentium, quo inter se liberi populi utuntur, illud plane ignoret, GROT. *de jur. bell. & pac.* 2. 11. §. seq. publica pacta quælibet obligare, palam est l. 84. §. 1. D. de reg. jur. L. ult. D. de legat.

§. 354. PRIVATA, quum jus iis non semper adsistat, dividi solent in NUDA, & NON NUDA, vulgo vestita. Illa in nudis placiti, vel conventionis finibus subsistunt, nec actionem produciunt; hæc vel a lege, vel a prætore, vel ex contractu, cui adjecta sunt, virtutem civiliter obligandi accipiunt.

§. 355. Itaque NON NUDA vel LEGITIMA sunt, quibus lex, vel SC. vel constitutio principis adsistit.

*L. 6. D. h. t. vel PRÆTORIA*, quæ prætoris edicto, vel jure honorario adjuvantur *l. 17. §. 2. eod. vel ADJECTA*, quæ contractibus in continenti addita, pro parte contractuum habentur (a) *l. 7. §. 5. D. l. 13. C. h. t.*

§. 356. *PACTUM ADJECTUM* vel contractui bonæ fidei accedit, vel stricti juris. Contractui b. f. adjectum pro ejus parte habetur, si in continenti adjectum sit, *L. 7. §. 5. D. h. t.* nec naturæ contractus adversetur *l. 23. D. de reg. jur.* adeoque & actionem, quæ ex illo contractui est producit *L. 7. §. 5. 6. D. l. 13. C. h. t.* Sin ex intervallo accessit, non nisi ad exceptionem prodest, æque ac si contractui stricti juris adjectum sit *l. 7. §. 5. 6. l. 13. C. h. t. l. 11. §. D. de reb. cred.* Naturæ contractus repugnans plane inutilis est, & nec actionem, nec exceptionem producit *L. 14. l. 29. §. 2. D. pro soc. l. 17. pr. D. h. t.* Pactum contractui stricti juris adjectum quomodocumque, nec contractui inest, nec actionem producit, sed exceptionem *l. 7. §. 5. 6. D. l. 13. C. h. t.*

§. 357. Deinde pacta quædam *IN REM* sunt, si generaliter paciscar, ne petam: quædam *IN PERSONAM*, quoties, ne a certa persona petam, paciscor *L. 7. §. 8. D. h. t.* Ex quo sequitur, ut pacta in rem & heredibus, & fidejussoribus prosint: pacta in personam non item, *l. 21. pr. §. ult. l. 40. pr. l. ult. l. 25. pr. §. 1. D. b. t.*

§. 358. Denique pacta quædam *EXPRESSA* sunt, quæ expresso consensu (§. 349.) quædam *TACITA*, quæ tacito ineuntur *L. 2. pr. D. h. t.* Sic tacite remissum videtur debitum, reddito chirographo *l. 2.*

(a) Sic *LEGITIMA* sunt varia pacta usuraria *l. 30. D. de usur. l. 7. l. 5. §. 2. D. de fæn. naut. l. 12. C. de usur. Nov. 136. cap. 4.* pactum donationis *l. 35. 6. de don. pacta dotalia l. 6. C. de dot. promiss.* Pacta *PRÆTORIA* hypotheca *l. 17. §. 2. D. h. c.* & constituta pecunia *L. 1. D. de pec. const.* *ADJECTA* additio in diem, lex commissoria, pactum *πρωτὶ μέρους* de retrovendo, *ἀντίχρησις*, & similia. Ex legitimis *condictio ex lege*; ex prætoriiis singulares *actiones*: ex adjecto actiones ex contractu illo, cui adjectæ, nascuntur.

§. 1. *D. h. t. jus pignoris remissum, reddito pignore*  
*l. 1. §. 1. D. de lib. leg. l. 9. C. de remiss. pign.*

§. 359. Pacto stricto accepto opponitur **CONTRACTUS**, qui quin sit conventio (§. 352.) conventio autem in idem placitum consensus (§. 349.) consensus denique in *verum & præsumptum* dividatur (*d. §. 349.*) hinc & **contractus**, qui vero consensu ineuntur, **CONTRACTUS VERI**; qui ex consensu præsumpto, & propter æquitatem ficto nascuntur, **OBLIGATIONES QUASI EX CONTRACTU** adpellantur.

§. 360. Quinque **contractus** habeant vel *nomen*, & *causam* simul, vel *causam* tantum (§. 332.) **priores NOMINATI**, **posteriores INNOMINATI**, adpellantur; (a) quales sunt illi quatuor: *do, ut des: do, ut facias: facio, ut des: facio, ut facias* *L. 7. §. 1. 2. D. h. t. l. 1. §. 2. D. de rer. perm. Quinque hi innominati contractus ex una saltem parte causam habeant, sequitur, ut ex parte ejus qui nondum satisfecit contractui, sint instar pacti nudi; & hinc alteri, qui jam dedit, vel fecit, jus sit pœnitendi, quādiu alter non adimplevit contractum l. 3. §. 2. l. 5. pr. seq. D. de cond. caus. dat. l. 5. §. 1. D. de præs. verb. Quod hodie secus se habet (§. 374.)*

§. 361. **CAUSSA**, quam & **nominati**, & **innominati contractus** habent (§. 360.) vel est **REI traditio**, vel **VERBORUM solemnitas**, vel **SCRIPTURA**, vel nudus **CONSENSUS**. Et hinc **contractus**, qui rei traditione substantiam capiunt, **REALES** (b); qui verbis solemnibus perficiuntur, **VERBORUM OBLIGATIONES**; qui *litteris* constant, **LITTERALES**, qui solo denique *consensu* ineuntur, **CONSENSUALES** dicuntur §. 2. *Inst. de oblig.*

(a) Ex quibus definitionibus consequitur, ut **contractus nominati** etiam actiones sui nominis producant (§. 351.) ex **innominatis** autem actio generalis *præscriptis verbis*, vel *in factum* nascamur *L. 17. §. ult. l. 22. D. de præs. verb.*

(b) **REALES**, præter *innominatos*, omnes sunt *mutuum, commodum, depositum, pignus*: **VERBALIS** jure novo, sola *stipulatio* (*Inst. §. 828.*) **LITTERALIS**, **contractus chirographarius** a Justiniano inventus; **CONSENSUALIS**, *emptio, venditio, locatio, conductio, emphyteusis, societas, mandatum.*

§. 362. OBLIGATIONES QUASI EX CONTRACTU sunt, quæ ex consensu præsumuntur, vel a legislatore ob æquitatem fictio, oriuntur (a) (§. 359.) Inducitur autem consensus ex regulis æquitati vel maxime consentaneis: I. Nemo cum alterius damno sine ratione debet locupletior fieri L. 14. D. de cond. ind. II. Qui vult, quod antecedit, non debet nolle, quod consequitur. III. Quisque videtur probare id, quod sibi adferat utilitatem. x. τ. λ.

§. 363. Dividuntur porro contractus ratione originis in eos, qui sunt JURIS GENTIUM; ut *emptio*, *venditio*, & plerique omnes; & eos, qui JURIS CIVILIS, quales sunt *stipulatio*, & *obligatio litterarum*. L. 3. D. de just. & jur.

§. 364. Præterea ratione obligationis, quam gignunt, vel sunt ΜΟΝΟΡΑΕΥΟΙ, seu UNILATERALES, vel ΑΙΡΑΕΥΟΙ, seu BILATERALES. Quemadmodum enim in illis unus tantum contrahentium obligatur, veluti in *mutuo*, *stipulatione*, *obligatione litterarum*, *solutione indebiti*; ita in his, uterque obligatur (b) ut in *emptione*, *venditione*, *locatione*, *conditione*, &c.

§. 365. Denique, quod ad effectum, alii BONÆ FIDEI sunt, uti bilaterales omnes; alii STRICTI JURIS, uti unilaterales, quorum de discrimine alio loco egimus (Inst. §. 781.) quamvis ejus hodie usum fere nullum superesse plerique ingenue fateantur.

§. 366. Hactenus de variis conventionum speciebus. Jam, ut ad pacta latius accepta (§. 349.) redeamus, ex eorum definitione fluunt axiomata: I. Pacta sine consensu non intelliguntur. II. Ineuntur

(a) Talia negotia sunt, *negotiorum gestio*, *tutela*, *hereditatis aditio*, *hereditatis*, *vel rei communio*, *indebiti solutio*, & alia complura. Hæc enim in tit. Inst. de obl. quæ quasi ex contr. tantum exempli causa adferuntur.

(b) Vel statim ab *initio*, ut in *emptione*, *venditione*, *locatione*, vel ex *post facto*, si alter impensas facit, vel damnum passus est. Priore casu actio utraque est DIRECTA; posteriore altera DIRECTA, altera CONTRARIA dicitur, quæ semper datur ad indemnitatem consequendam.

inter personas. III. his promittunt paciscentes, se aliquid daturos, aut facturos.

§. 367. Quum pacta sine consensu non intelligantur (§. 266. 1.) consequens est (1. Ut, qui consentire possunt, & pacisci possint, si aliud non obstat: adeoque & cæci, surdi, inuti l. 2. §. 1. *D. h. t.* (2. Ut pacta inire nequeant furiosi, mente capti §. 8. *Inst. de inut. stipulat. l. 5. l. 40. D. de reg. jur.* infantes §. 9. *Inst. de inut. stipul.* &, qui furiosis comparantur, prodigi L. 1. *D. de cur. furios. l. 40. D. de reg. jur. l. 6. D. de verb. obl.*

§. 368. Ex eodem patet. (3. Impuberes, licet consentire, aliosque sibi obligatos habere possint, tamen, quia nondum perfectum eorum est animi iudiciu, sua promissione tantum naturaliter obligari §. 9. *Inst. de inutil. stipul. l. 25. §. 1. D. quando dies leg. eod. l. 111. D. de reg. jur.* non civiliter sine auctoritate tutorum L. 6. *D. de verb. obl. l. 9. pr. D. de auct. tut.* (4. Minorem contra & sine curatoris consensu, civiliter se obligare (a) L. 101. *D. de verb. obl. l. 73. D. de oblig. & aff.*

§. 369. Deinde quum pacta ineamt personæ (§. 366. 2.) consequens est (1. Ut pacisci inter se non possint pater & filius (§. 348. 1. 2.) L. 7. *D. de obl. & aff. §. 6. Inst. de inut. stip. l. 2. pr. D. de contr. emt.* nisi de rebus castrensibus, & quasi castrensibus, l. 2. *C. ad SG. Maced.* (2. Ut nec duo filii familias, in ejusdem patris potestate constituti, pactum inire queant l. 38. *D. de cond. ind.* (3. Ut nec servi se obstringere possint, nisi naturaliter (§. 132.) l. 14. *D. de obl. & aff. l. 21. §. 1. D. h. t.*

§. 370. Inde etiam est (4. Quod pacta tantum valent inter paciscentes, adeoque tertio nec prosunt,

(a) Vulgo aliter sentiunt, sed sola fere confisi l. 3. *C. de in. int. test. min.* ubi tamen non dicitur, contractum a minore initum esse nullum: sed cum non servari, & minorem implorare in integrum restitutionem, si necdum tempora præfinita excesserint, causa cognita non prohiberi. Si vero contractus restitutione in integrum rescinditur, valet procul dubio ipso jure: si valet ipso jure, minor obligatur civiliter. Vid. ZACH. HUBERT. *Diss. lib. 3. p. 504. edit. nov.*

nec obsunt §. 19. *Inst. de inut. stipul. l. 11. D. de oblig. & aff. l. 17. §. perult. l. 27. §. 4. l. 73. §. ult. l. 74. D. h. t. nisi sint pacta in rem (§. 357.) vel ipsius stipulantis intersit, id quod tertio promissum præstari §. 22. *Inst. de inutil. stipul.**

§. 371. Quamvis vero pactis non omnibus adsistat jus civile (§. 350.) ea tamen se servaturum pollicetur prætor edito illo pulcherrimo: *pacta conventa, quæ neque dolo malo; neque adversus leges, plebiscita, Scta, edicta principum, neque quo fraus cui eorum fiat, facta erunt, servabo l. §. 7. D. h. t.*

§. 372. Non itaque servat prætor pacta (1. Dolo malo, vel vi inita t. 116. *D. de reg. jur. l. 2. §. D. de vi bon. rapt. nec* (2. Pacta juri contraria, qualia sunt α) pacta de quota litis l. 53. *D. h. t. β*) pactum inofficiosum medici cum ægroto (l. 3. *D. de extraord. cognit.*) l. 9. *C. de prof. & med. γ*) pacta successoria l. 15. *l. ult. C. h. t. l. ult. D. de suis, & leg. her. & δ*) quæcumque bonis moribus adversantur *L. 7. §. 3. 13. seq. l. 27. §. 4. l. 28. D. h. t.*

§. 373. Reliqua pacta servat prætor, & quidem vel ACTIONEM dando, vel EXCEPTIONEM l. 44. §. 1. *D. fam. erc. Actionem* dat, si pactum est non nudum (§. 355.) exceptionem, si pactum est nudum (§. 354.) l. 7. §. 4. *D. h. t.*

§. 374. At hodie omnia pacta, animo deliberato inita, & legibus, bonisque moribus haud repugnantia, & obligationem & actionem producere, non ambigitur (*Inst. §. 777. \**). Vid. *Elem. jur. Germ. l. 2. tit. 12. part. 1. §. 340. seq.*

## T I T U L U S XV.

### DE TRANSACTIONIBUS.

§. 375. Quid transactio? §. 376. Est vel generalis, vel specialis. §. 377. De natura transactionis axiomata. §. 378. Transactio ponit causam dubiam. §. 379. An etiam valeat de testamento, relictis tabulis non inspectis? §. 380. Qui transigere possint? §. 381. An & super delicto privato transactio valeat? §. 382. An super publico? §. 383. An de alimentis? §. 384.

*Transactionis effectus*. §. 385. *Quæ juris remedia ex transactione nascentur.*

§. 375. **A** pactis, ut a genere species, differt **TRANSACTIO**, quæ nihil aliud est, quam conventio (a) quæ res dubia, dato aliquo, vel retento, vel promisso, deciditur *L. 1. D. l. 28. C. h. t.*

§. 376. Quia autem vel de omnibus rebus dubiis transigimus *L. 11. D. l. 29. C. h. t.* vel de causa aliqua speciali *l. 9. l. 12. D. l. 31. C. h. t.* hinc transactio in **GENERALEM**, & **SPECIALEM** dividitur; quamvis & generalis ad ignorata non trahenda sit *L. 30. D. de pact.*

§. 377. Ex definitione transactionis (§. 375.) fluunt axiomata: I. Transigitur tantum de re dubia *L. 1. D. h. t.* II. Transactio fit dato aliquo, vel retento, vel promisso *L. 38. C. h. t.* adeoque est species alienationis. III. Transactione lites deciduntur ab ipsis partibus.

§. 378. Quum itaque transigamus de re dubia (§. 377. 1.) consequens est. (1. Ut transactio non sit confundenda cum aliis pactis, quæ & de re certa ineuntur *l. 1. D. h. t.* (2. Ut sufficiat metus litis imminantis *l. 1. D. l. 2. C. h. t.* (3. Ut frustra transactiones impugnentur ob læsionem enormem *L. 10. l. 16. l. 19. l. 23. l. 25. C. h. t. l. 78. §. ult. D. ad SC. Trebell. l. 63. §. 1. D. de cond. indeb.*

§. 379. Ex quo axioma etiam colligimus (4. Nullam esse rationem pro illicita habendi transactionem de controversia testamentaria; tabulis nondum inspectis. Illa sane probare videntur *l. 12. D. h. t. l. ult. C. de reb. cred. l. junct. l. 2. D. de jurejur.* Nec aliud evincit, *l. 6. D. h. tit.* quippe cum *l. 1. D. testam. quemadm. aper. conjungenda (a).*

(a) Potest itaque iniri pacto nudo *l. 2. l. 15. D. l. 28. C. h. t.* contractu innominato *l. 6. l. 33. C. eod.* stipulatione, tam simplici, quam Aquiliana *l. 2. l. 15. D. l. 4. l. 32. C. h. t.* accedente modo pœna conventionali *l. 15. D. l. 37. C. h. t.* modo jurejurando *l. 41. l. 42. C. h. t.* modo scripta *L. 28. C. h. t.* Nec interest, in judicio ineatur, ac intra privatos parietes *L. 28. C. h.*

(a) Manifestum enim est, non esse hanc legem ali-

§. 380. Quum deinde transactio fiat dato aliquo, vel retento, vel promisso; adeoque sit species alienationis (§. 377. 2.) consequens est (1. Ut transigere possint, qui possunt pacisci, & alienare; adeoque (2. Nec procuratori ea potestas concedenda sit, nisi vel speciali mandato instructo l. 60. *D. de procur.* vel generaliter ad universa bona dato, & in domini utilitatem transigenti l. 17. §. ult. *D. de jurejur.* l. 12. *D. de pact.* nec (3. Syndicis, & administratoribus civitatum l. 12. *C. h. t.* nec (4. Tutoribus, & curatoribus, nisi jus pupilli admodum dubium sit, vel prætor super transactione de bonis immobilibus decretum interponat l. 54. l. 56. *D. de furt.* l. 32. *C. l.* 22. *D. de admin. tut.* immo nec (5. Patri in bonis filii adventitiis, nisi ex justa causa, adhibitoque filii, si justæ ætatis sit, consensu *L. ult. §. 3. C. de bon. qua lib.*

§. 381. Ex eodem principio colligimus (6. De rebus quemque suis recte transigere; adeoque (7. Et de delictis privatis, ex quibus civiliter agitur; ejusque transactionis quidem hunc esse effectum, ut actio extinguatur l. 54. §. ult. *D. l.* 13. *C. de furt.* reum tamen, tamquam confessum, infamia notari, si de famoso delicto transegerit *L. 4. §. ult. D. de his, qui not. inf.* (8. Non esse ferendum, qui super persecutione criminali ex his delictis transegerit l. 7. §. 1. *D. ad SC. Turpill.*

§. 382. Ex quo porro inferimus (9. Multo minus transigere licere super criminibus publicis, & transigentes semper pro prævaricatoribus, & corruptoribus habendos; si tamen (10. Quærat, an qui super crimine publico transegit, pro confesso & infami habendus sit? Distinguiendum esse inter crimina CAPITALIA, & NON CAPITALIA, respondendumque, ei, qui de capitalibus transegit, esse igroscendum (a) tamquam sanguinem suum qualiter re-

quam prohibitivam, sed consilium. Vid. A. A. PAGENSTECH. *Sicilim. manip.* 4. p. 60. & *Admonitor. ad Pand. Pars. I.* §. 161. p. 100. SCHULTING. & GUNDLILG. *Dissertationibus singularibus.*

(a) Exceptum tamen adulterium, super quo, quam-



dimenti *L. 1. D. de bon. eor., qui ante sent. nec eum pro confesso, vel infami habendum; vigorem tamen disciplinæ publicæ ea transactione non impediri; de non capitalibus autem transigentem, & falsi reum esse, & pro confesso, & infami reputari, & a pœna nequiquam liberari L. ult. D. de prævar. l. 28. C. h. t. Conf. NOODT. Dioclet. & Maximian. cap. 5. seq.*

§. 383. Denique inde patet ( 11. Analogiæ juris hand quidem refragari transactionem de alimentis ( 12. Ob insigne tamen damnum, cum hac transactione plerumque conjunctum, recte Marcum Antonium imp. oratione, vel SC. cavisset, ut de alimentis futuris ( *L. 8. C. h. t.* ) non aliter rata sit transactio, quam si auctore prætoris, & prævia causæ cognitione facta sit, vel alimentarius ea meliorem reddat conditionem suam *l. 8. D. h. t. l. 14. D. de cond. ind.*

§. 384. Quum denique lis decidatur transactione ( §. 377. ) sequitur ( 1. Ut illa iurijurando, vel rei judicatæ æquiparanda sit *L. 20. C. h. t. l. 31. D. de jurejur.* adeoque ( 2. Nec per indebiti conditionem *L. 32. C. h. t. l. 65. §. 1. D. de cond. indeb.* nec ob læsionem enormem ( §. 378. 3. ) nec ob instrumenta noviter reperta *L. 20. C. h. t. ( nisi in causa pupillari, & rei publicæ l. 35. D. de re jud. )* nec per rescriptum principis impugnari, rescindi que possit *L. 16. C. h. t. ( 4. Ut tamen omnino rescindatur ob metum, dolum; errorem calculi, falsaque instrumenta L. 13. l. 4. l. 19. l. 29. l. 42. C. h. t. l. un. C. de err. calc. l. 1. C. si ex fals. instr. ( 4. Ut sit strictæ interpretationis, & nec ad alias causas, quam de quibus propalatum contractum, nec ad alias personas, quæ non transegerunt, proferri debeat L. 5. l. 9. §. 1. l. 3. D. hoc. tit. junct. l. 29. §. 2. de inoff. test. BYNKERSK. Obs. 3. 2.*

vis capitali, transactio non initur sine infamia *l. 18. C. h. t.* idque ob lenocinii turpitudinem, qua se polluit transigens cum adultero. Ob gravitatem criminis etiam persecutio reorum majestatis læsæ excipiuntur *L. 5. C. ad. leg. Jul. majest. CUJAC. Obs. 6. 11.*

§. 385. Ceterum quemadmodum variis modis transigitur ( §. 373. \* ) ita & varia inde nascuntur remedia juris. Si enim ( 1. per *passum nudum* inita transactio, tantum ad EXCEPTIONEM prodest ( §. 374. ) L. 12. C. h. t. Si ( 2. per *stipulationem*, conditionem CERTI, vel EX STIPULATU. PRODUCIT L. 6. l. 33, l. 37. l. 40. D. h. t. Si ( 3. per *contractum innominatum*, transigenti dabitur actio PRÆSCRIPTIS VERBIS ( §. 360. \* ) L. 6. l. 33. C. h. t. Moribus tamen etiam ex pacto nudo actionem dari, jam supra monuimus ( §. 374. )

## LIBER III.

### TITULUS PRIMUS

#### DE POSTULANDO.

§. 386. *Ratio ordinis*. §. 387. *Quid postulare?* §. 388. *Cur quidam postulare prohibiti?* §. 389. *Prætor tres ordines fecit*. §. 390. *Alios nec pro se, nec pro aliis admisit*. §. 391. *Alios pro se, non pro aliis*. §. 392. *Alios pro se, & certis personis tantum*. §. 393. *Qui legibus, & constitutionibus prohibeantur*. §. 394. *Quid si quis sententia judicis prohibeatur?* §. 395. *Advocatorum munus honorificum*. §. 396. *Honorarium iis debitum*. §. 397. *Eorundem privilegia*.

§. 386. **H**actenus duos, ad τὰ πρῶτα pertinentia, vidimus, nimirum in *jus vocationem*, & *editionem actionis*. Sequitur ADVOCATORUM, & PROCURATORUM CONSTITUTIO ( §. 274. ) de qua hoc libro agitur. Advocatorum autem quem sit POSTULARE, de hoc advocatorum officio hoc titulo primo disseritur.

§. 387. Nimirum POSTULARE est *desiderium sum*, vel *amici*, vel *jure apud eum*, qui *iurisdictioni præst*, *exponere*, vel *alterius desiderio contradicere* L. 1. §. 2. D. h. t. Id qui faciebant, officio ei-

vili defungi videbantur (a) *L. 2. pr. D. de reg. jur.*  
Unde JUVENAL. *Sat. 7. v. 107.*

*Dic igitur, quid cōsuecudinis CIVILIA præstent  
OFFICIA.*

Add. SUET. *Tiber. cap. 8.* SENECA. *de tranquill. a-*  
*nimi l. 3.* PLIN. *Ep. 8. 63.* QUINCTILLIAN. *Inst.*  
*orat. 2. 4. 3. 10.*

§. 388. Pro se itaque postulabant ACTOR & REUS;  
pro aliis ADVOCATI, vel *causarum patroni*. Quam  
autem postulare esset *officium civile* (§. 387.) a de-  
coro alienum videbatur prætori; promiscue omnes  
admitti ad postulandum *l. 1. pr. D. h. t.* Cujus ex-  
emplum quum & principes imitaretur, factum est,  
ut alii PRÆTORIS EDICTO, alii LEGIBUS, vel  
CONSTITUTIONIBUS PRINCIPUM a postulando  
arcerentur. Quibus & per SENTENTIAM remotos  
addere licebit.

§. 389. Et PRÆTOR quidem tres fecit ordines.  
Nam I. quosdam, natura incapaces officii civilis, in  
universum postulare vetuit. Quosdam moraliter inha-  
biles, vel parum idoneos tantum, pro aliis postula-  
re non passus est. III. Quosdam levioris notæ homi-  
nes tantum pro se, & certis personis admisit.

§. 390. Quum itaque natura incapaces in univer-  
sum postulare vetuerit (§. 389. 1.) non obscurum  
est, cur non admisit (1. Minores annis septemde-  
cim, quippe vix posita prætexta viris adscriptos) (b)  
*l. 1. §. 3. D. h. t.* BYNKERSH. *Obs. 4. 17.* (2.  
Nec surdos, qui decretum prætoris exaudire nequeunt  
*L. 1. §. 3. D. eod.* Ne tamen hi indefensi essent,  
iis non habentibus advocatos se daturum esse; præ-  
tor edicto promiserat *L. 1. §. 4. D. h. t.*

(a) Alia enim erant *officia PUBLICA*, cum dignitate  
conjuncta, publicaue auctoritate collata; alia CIVI-  
LIA, quæ quis privato quidem arbitrio obibat, nec ta-  
men nisi in conspectu civium poterant peragi. JAC-  
GOTHOFR. *Comment. ad l. 2. D. de reg. jur. p. 25.*

(b) Verum quidem est, quod demonstravit HENR.  
NORIS. *Canes. Plin. 2. 4. p. 114.* ordinariæ adolescen-

§. 391. Et quia quosdam moraliter inhabiles tantum pro aliis postulare passus non est (§. 389. 2.) facile reddideris rationem (1. Cur feminas non admiserit, postulaturas pro aliis (a) l. 1. §. 5. D. h. t. l. 1. D. de reg. jur. (2. Cur & cæcos pro aliis postulare vetuerit; quippe qui insignia magistratum venerari non possent l. 1. §. 5. D. h. t. BINKERSH. Obs. 4. 12. (3. Cur & nefanda corpore passos, capitali sententia damnatos, & arenarios foro abess iusserit l. 1. §. 6. D. h. t.

§. 392. Denique quum in tertio ordine levioris notæ homines tantum pro se, certisque personis admiserit (§. 389. 3.) in proclivi est judicare, in hoc ordine censeri omnes infamia notatos l. 1. §. 8. D. h. t. qui tantum pro se, proximisque cognatis, & adfinibus, nec non pro fatuis, & furiosis, quibus curatores dari solent, postulare poterant l. 1. §. 8. l. 3. §. 4. l. 4. l. 5. D. h. t.

§. 393. Hos prætor postulare prohibuit. Leges & constitutiones autem postulare vetant l. ob officii rationem (1. Patronos fisci, quibus non licet adversus fiscum, nisi in causa propria, liberorum, & parentum, & pupillorum suorum, postulare l. 10. pr. D. h. t. (2. Decuriones, quibus nefas adversus patriam postulare, exceptis iisdem casibus l. 10. §. 1. D.

tes ineunte anno ætatis 16. togam virilem sumsisse; aliquando tamen id serius factum esse, facile potest probari.

(a) Hic edito an C. Afrania impudentia dederit occasionem, ceu in d. l. 1. §. 5. D. h. t. traditur, non adeo expeditum est. Sane illa C. Afrania non pro aliis, sed pro se, tanto cum latratu postulavit, nec occasionem dedit, foro arcendi feminas, sed tantum muliebris calumnie evasis exemplum, ut pro improbis feminarum moribus Afrania nomen objiceretur, VALER. MAX. VIII. 3. Refert potius PLUTARCHUS in Num. p. 77. Numam ne de rebus quidem necessariis dicere passum esse sine viro mulierem; additque, quum femina aliquando in foro causam pro se ipsa dixisset, senatum consuluisse deos ἀπὸ τῆς τοῦ ἀνδρὸς εἰς τὸ γυναικῶνος, ecquid hoc exemplum urbi portenderet? Verosimile itaque est, feminis numquam licuisse Romæ postulare, nec pro se, nec pro aliis; & Ulpianum ejus rei originem non satis perspectam habuisse.

1. t. ( 3. Indices in causis, quas ipsi cognoscunt  
 2. 6. pr. C. h. t. II. Ob religionem ( 4. Hæreticos  
 3. ult. C. h. t. III. Ob incommodum adversario im-  
 minens ( 5. Potentiores Tit. C. ne lic. potentior. li-  
 gat. patroc. præst. IV. Ob suspicionem ( 6. Pactos  
 7. e quota litis ( §. 372. 2. a. ) L. 3. C. h. t. & ( 7.  
 Qui a iudice dati patrociniū sine causa detrecta-  
 unt L. penult. C. h. t.

§. 394. Aliquando & in pœnam ob delictum qui-  
 lam prohibentur postulare, vel ad tempus, vel in  
 perpetuum L. 8. pr. §. 1. D. h. t. Ejusque interdi-  
 ti is est effectus, ut coram eo magistratum postu-  
 laturus repellatur, extra territorium autem non pro-  
 hibetur aliis patrociniū præstare, nisi ob causam  
 amosam sit prohibitus L. 9. D. eod.

§. 395. Ceterum ex hac prætoris, ipsorumque prin-  
 cipum severitate patet, honorificum, atque utile rei-  
 publicæ esse ADVOCATORUM officium, & quod non  
 debeant malis tabularum artibus dehonestari L. 4. l.  
 4. C. de adv. div. jud. Quo æquiores fuere legisla-  
 tores, qui & de salario iis prospexerunt, & eodem  
 privilegio non uno ornarunt.

§. 396. Debetur itaque advocatis jure novo (a) ho-  
 norarium, idque promissum conditione certi, vel ex  
 stipulatu; non promissum extraordinaria persequutio-  
 ne petitur L. 1. §. 10. 12. D. de extr. cogn. l. 9. C.  
 de judic. Si annuum salariū promissum, integrum  
 debetur, etiamsi advocatus initio anni decesserit l.  
 §. 13. D. de extr. cogn. l. 15. §. 1. l. 3. §. ult.  
 §. 5. §. ult. C. de adv. div. jud. adeoque hoc casu  
 nullo minus id, quod prænumeratum est, repeti po-  
 test L. ult. C. de cond. caus. dat. caus. non sequit.  
 l. 1. §. 13. D. de extr. cogn.

§. 397. Privilegia potissimum in hoc consistunt  
 1. Quod a muneribus, & functionibus sordidis ex-  
 sententur L. 3. l. 6. C. de adv. divers. judic. ( 2.

(a) Aliud jure veteri, ob legem *Cintiam*, quæ ne  
 quidem dona, ac munera causarum patronos accipere  
 satiebatur. Historiam hujus legis, & quomodo sensim  
 evanuerit, erudite docuit JO. FRID. BRUMERUS, de  
 lege *Cintia*.

Quod licet sint filii familias, tamen opera hac foren-  
si omnia sibi adquirant, tamquam peculium quasi  
castrense *L. 8. C. eod.* ( 3. Quod eorum liberi idem  
ambientes officium aliis præferantur *L. 3. §. 5. l. 5.*  
*§. 5. C. eod.* ( 4. Quod gaudeant privilegio fori.  
STRYK. *Us. mod. Pand. h. tit. §. 11.* Addunt ( 5.  
Privilegium, seu beneficium incompetentiæ CARPZOV.  
*Part. I. Const. 32. def. 18.*

## TITULUS II.

## DE HIS, QUI NOTANTUR INFAMIA.

§. 398. Quid infamia? §. 399. Ea est vel juris,  
vel facti. §. 400. Infamia quatuorplex? §. 401. Editto  
prætoris notantur quidam ob vita genus. §. 402. Alii  
ob violatam pietatem, & turbationem sanguinis. §.  
403. Alii ob perfidiam. §. 404. Constitutionibus princ.  
quidam notantur ob vita genus, & improbitatem. §.  
405. Alii ob perfidiam & dolum. §. 406. Alii ob fla-  
gitium paternum. §. 407. Qui infames fiant per sen-  
tentiam judicis, ex editto prætoris? §. 408. Quinam  
per jus civile? §. 409. Infamia facti qui laborent?  
§. 410. Infamia effectus in rep. & foro. §. 411. Ra-  
tione hereditatis. §. 412. Infamia immerito notati.  
§. 413. Infamia quomodo evitetur? §. 414. Quomodo  
aboleatur?

§. 398. Quia prætor in tertio ordine postulari pro-  
hibuerat infames ( §. 392. ) hi qui sint, hoc proxi-  
mo titulo docetur. Est autem INFAMIA privatio es-  
timationis ob violatam turpibus factis honestatem  
(a) *L. 17. D. h. t. l. 3. C. de re mil. l. 3. pr. D.*  
*de test. l. 31. C. de decur.*

(a) Ex qua definitione consequitur, LEVIS NOTÆ  
MACULAM, quam ex statu, & vitæ genere contem-  
ptiore nasci ajunt, non esse infamiam, sed falsam vul-  
gi opinionem; immo eam ne præsidium quidem reperi-  
re in *l. 27. C. de inoff. test.* ostendimus in *Sill. op. nostr.*  
*Exerc. 7. de levis notæ macula.*

§. 399. Dividitur in infamiam JURIS, & FACTI. Quamvis enim omnis infamia ex turpibus factis oriatur (§. 398.) alia tamen hujusmodi facinora ipso jure notantur, unde nascitur infamia JURIS; alia tantum honorum, gravimque virorum judicio turpissima censentur; unde infamia FACTI L. 2. C. de dign. l. 13. C. h. t. §. ult. D. de furt. l. 2. D. de obseq. par.

§. 400. Infamia juris, vel ἀμείστος a LEGE, vel ἐμείστος per JUDICIS sententiam infligitur L. 1. D. h. t. Quam lex inurit, ea vel ex EDICTO prætoris, vel ex LEGE aliqua CIVILI, aut CONSTITUTIONE PRINCIPIS descendit.

§. 401. PRÆTOR ea de re longum instituit tractatum L. 3. D. h. t. notatque quosdam l. ob turpæ vitæ genus, veluti (1. Lucri causa prodentes in scenam l. 1. pr. D. h. t. modo revera eant l. 3. D. h. t. non qui virtutis causa exercentur, quales thymelici, athletæ, xystici, agitadores, qui aquam equis spargunt, σπαρδαί, designatores. De iis vid. GER. NOODT h. t. (2. Lenones & lenas; sive palam haberent lupanaria, sive quæstui illo turpissimo tamquam alterius negotiationis accessione uterentur L. 4. §. 2. D. h. t. l. 43. §. D. de rit. nupt.

§. 402. Notat etiam prætor II. ob violatam pietatem, turbatumque sanguinem (Eum, qui filiam familias, mortuo genero, intra annum luctus (a) elo-

(a) Tempus luctus olim erat decem mensium. SENECA, Consul. ad Alb. cap. 15. Quum vero Hadriani temporibus dubitari cœpisset, possitne & undecimo mense parvus legitimus nasci? GELL. III. 16. duodecim menses lugere jussæ sunt viduæ. Add. L. 2. C. de secund. nupt. EM. MERIL. Obs. 5. 30. Principua itaque causa hujus sanctionis est periculum turbandi sanguinis l. 11. §. 1. D. h. t. ex eoque patet, cessare infamiam (1. Si femina citius fuso partu nupserit, l. 11. §. 2. D. eod. (2. Si intra annum luctus sponsalia tantum fecerit L. 10. §. 1. D. eod. (3. Si viduus, vel sponsus, mortua sponsa, statim nuptias fecerit l. 9. D. eod. (4. Si filia, antequam eluxerit parentes, vel liberos, nupserit l. 23. D. h. t. quacum tamen jungendus locus PAULI Sent. rec. Lib. I. tit. ult. §. 13. ex quo patet, Tribonianum lo-

cavit l. 8. *D. h. t. l. 1. 2. C. de sec. nupt.* ( 2. Eum, qui sui juris quum esset, eam sciens uxorem duxit l. 1. l. 11. §. 4. *D. h. t. l. 9. D. de jur. & fact. ign.* ( 3. patrem, qui filium familias hujusmodi viduam ducere jussit l. 1. l. 11. §. 4. *D. h. t.* ( 4. ipsam mulierem, quæ, quum sui juris esset, infra annum luctus nupsit l. 1. pr. *D. h. t. l. 1. 2. C. de sec. nuptiis*, nisi his omnibus casibus princeps mulieri jus citius nubendi indulserit l. 10. pr. *D. h. t.*

§. 403. Denique III. *ob perfidiam* prætor notat ( 1. Eos, qui sua sponte, non jussu patris, binas nuptias, binave sponsalia eodem tempore constituta habuerunt ( 2. Patrem, qui nomine filij, filiæve suæ simile quid eodem tempore constituerit l. 13. §. 1. 2. *D. h. t.*

§. 404. Hos prætor notavit. **PRINCIPES** infamiæ notam inusserunt l. *ob turpe vitæ genus* ( 1. Mulieribus quæstuariis l. penult. *D. h. t. l. 41. l. 43. §. 4. D. de rit. nupt.* ( 2. Improbis sœneratoribus l. 20. *C. h. t. II. Ob improbitatem* ( 3. In adulterio deprehensis l. 43. §. penult. *D. de rit. nupt.* ( 4. Advocatis de quota litis pactis ( §. 372. 3. a. ) l. 5. l. 6. §. 1. *C. de postul.* ( 5. Mulieribus sui juris intra annum luctus nuptis l. 2. *C. de sec. nupt.* ( 6. Professorem, vel studiosum juris injuria adficiantibus *Auth. Habita C. de fil. pro patrib.*

§. 405. Nec minus III. *ob perfidiam, & dolum* constitutionibus notantur ( 7. Majorennēs juratam transactionem violantes l. 41. *C. de transact.* ( 8. Tutorēs, vel curatores, rationibus nondum redditis, pupillarum, vel adularum matrimonium sive pro se, sive pro filio adfectantes, l. 7. *C. de interd. matr. inter pupill.* ( 9. Milites, aliena prædia conducentes l. ult. *C. locat.* ( 10. Mulieres, per calumniam ventris nomine in possessionem euntes l. 15. *seq. D. h. t.*

§. 4. Denique IV. *ob parentum flagitium* principalis constitutio notat ( 11. Liberos perduellium l. 5. §. 1. *C. ad leg. Jul. majest.* Id quod eo iniquius

gem 23. interpolasse ( Conf. WYBO in *Triboniano ab emblemasibus Wissembachii liberato* p. 238. 239.



videtur, quod hic nulla in liberis est turpitudine, ob quam fama, & existimatione privari debeant (§. 398.).

§. 407. Quemadmodum autem hos omnes ea lex *impius* notat (§. 400.) ita *impious* & per SENTENTIAM judicis notantur (1. Milites ab exercitu in nominis causa dimissos l. 1. pr. l. 2. D. h. t. (2. Qui calumniae, vel praevaricationis causa aliquid fecerint in judicio publico l. 1. l. 4. §. 4. D. h. t. (3. Furti, vi honorum raptorum, injuriarum, ex dolo nalo suo nomine damnati pactive §. 381. 7. l. 1. l. 1. §. ult. l. 6. §. 1. seq. D. h. t. (4. Judicio inter, depositi, pro socio, mandati (a) directo, ob dolum, vel culpam latam damnati, non de his actionibus transigentes l. 1. l. 6. §. ult. l. 7. h. t. CIG. ro Sex. Rosc. c. 38. pro Q. Rosc. c. 6.

§. 408. Jus autem CIVILE praeterea notat (5. Omnes judicio publico damnatos l. 7. D. §. 2. Inst. de pub. jud. itemque (6. Ob crimina extraordinaria expilatæ hereditatis l. 12. C. h. t. sepulcri violati l. 1. D. de sep. viol. stellionatus, cum actione umosa cumulati, sententiam passos l. 13. §. ult. hoc it. l. 2. D. de stellionat.

§. 409. Denique quum infamia FACTI ex vita dissoluta, & quovis facto turpi lege haud notato, prociscatur (§. 399.) non est, quod exempla hic ex legibus accumulare velimus.

§. 410. Ceterum quum infamia sit privatio existimationis (§. 398.) consequens est (1. Ut infames non sint capaces honorum (quamvis infamia facti magis ambientibus impedimento esse; infamia juris tiam eos, qui jam honore funguntur, dignitate privare soleat) l. 2. l. 12. C. de dign. l. 3. C. de re

(a) Soli hi contractus infamant, quia eos non nisi cum o inimus, ejus in amicitia maximam collocavimus fiduciam. Turpissimum autem est amicitia, & fidei oblutu fidem fallere. Et hinc facile patet, cur & culpa ita pro dolo hic habeatur §. 6. Inst. l. 7. §. 1. D. de asp. tut. l. 42. l. 226. D. de verb. sign. l. 1. §. 5. D. de obl. & aff. Aque enim turpe, doloque proximum est, amici spem supina negligentia destituere, quam infidia.

*mil.* ( 2. Ut infamia elevet fidem testimonii *L. 3. l. 13. l. 21. D. de test.* ( 3. ut nec postulare possint, nisi pro se, & certis personis ( §. 392. ) *L. 1. §. 5. seq. D. de postul.*

§. 411. Singulare est ( 4. Quod infames in hereditate quidem semper digni habeantur. Sane nec querelam inofficiosi ipsi instituere possunt *l. 11. l. 19. C. de inoffic. test.* & instituti heredes, etiam a fratribus, & sororibus testatoris germanis, & consanguineis hac querela reinventur *L. 27. C. eod. Add. Syllog. opusc. Exerc. 7. de levis nota macula.*

§. 412. Præterea quum infamia ob violatam turpibus factis honestatem innratur ( §. 398. ) merito inferimus ( 1. Non idem fustum infamare, sed causam *L. 22. D. l. 14. C. h. t.* ( 2. Facultatibus a fortuna evolutum, postquam bonis cessit, non ideo existimationis, famæque jacturam facere *L. 11. C. h. t.* ( 3. Injuriam facere spuris *l. 26. D. de pœn. l. 3. §. 2. D. de decur. carnificibus, lictoribus, castratoribus sumi, qui iis infamiae labem adspargunt.*

§. 413. Ceterum infamiam & evitari, & aboleri posse, non ambigitur. Quum enim infamia juris *imposita* nascatur ex sententia judicis ( §. 400. ) consequens est, ut evitetur ( 1. Si lis per procuratorem fuerit suscepta (a) *l. 1. l. 4. §. ult. l. 6. §. 1. 2. D. h. t.* ( 2. Si de contractu infamante transactum sit ante sententiam ( §. 407. ) 3. Si sententia sit injusta, & veluti si major pœna irrogata, quam leges sanciunt *L. 13. pr. h. t. l. 10. §. 2. D. de pœn.*

§. 414. Ex ipsa juris infamiae natura fluit, eam aboleri ( 1. Restitutione a principe impetrata *L. 7. C. de sent. pass. l. ult. C. de gen. abol. l. 2. §. 9. 10. D. de postul.* ( 2. Tempore elapso, si quis damnatus ob causam in se non famosam *L. 3. l. 6. C. h. t. l. 5. D. de decurion. l. 8. D. de postul.* Denique

(a) Ratio hujus juris ex dominio litis fluit, de quo titulo insequente. Quum enim sententia ferretur in procuratorem, tanquam dominum litis, ipse reus non fiebat infamis. Et quia procurator factis turpibus non laeserat honestatem ( §. 398. ) nec ipse poterat notari *L. 6. §. 2. l. 14. D. h. t.* Proinde in universum hoc modo evitabatur infamia. Q. E. D.

(3. Infamiam *facti* virtute, vitæque emendatione e-  
lui, res ipsa docet. Vid. CORN. NEP. *Vit. Themis-*  
*toel.* c. 1. Quod secus se habet in infamia juris *l.*  
43. §. 4. *D. de tit. nupt.*

## TITULUS III.

## DE PROCURATORIBUS, ET DEFENSORIBUS.

§. 415: Quid procurator? §. 416. Est vel judicia-  
lis, vel extrajudicialis. §. 417. Vel universalis, vel  
singularis. §. 418. Vel in rem suam, vel in alienam.  
§. 419. Vel privatorum, vel universitatis, vel prin-  
cipis. §. 420. Procuratores cur olim non admissi?  
§. 421. Cur demum admissi, tanquam domini litis?  
§. 422. Axiomata de procuratoribus. §. 423. Quinam  
procuratores constituent? §. 424. An furiosi, infan-  
tes, prodigi, patres? §. 425. Qui procuratores esse  
non possint? §. 426. An potentiores, & infames?  
§. 427. Procuratores veri. §. 428. Procuratores præ-  
sumti. §. 429. Procuratores falsi. §. 430. Procura-  
toris potestas. §. 431. De natura domini litis con-  
seclarium. §. 432. In quibus causis procurator ad-  
mittatur? §. 433. Domini litis effecta. §. 434. Quo-  
modo cesset procuratoris officium? §. 435. Usus ho-  
diernus. §. 436. Defensores qui, & quotuplices. §.  
437. Cur, & quinam admittantur defensores? §. 438.  
Forum conditio.

§. 415. Ab advocatis, de quibus titulo I., diffi-  
runt PROCURATORES. Illi enim personæ aderant;  
hi causam suscipiebant. CUJAC. *Paratitl. C. h. t.*  
Sunt vero generatim accepti PROCURATORES, qui  
aliena negotia mandato domini administrant (a) *L.*  
*pr. D. h. t.*

§. 416. Quam vero negotia aliena vel in iudicio,

(a) Unde non obscurum est, quomodo differant a DE-  
FENSORIBUS, & NEGOTIORUM GESTORIBUS, qui i-  
tident aliena negotia, sed sine mandato domini, procu-  
rant *l.* 43, §. ult. *l.* 46. §. 2. *l.* 70. *D. h. t.* §. 1. *Inst.*  
*de oblig. qua quasi ex contr.*

vel extra illud peragantur; procuratores etiam in JUDICIALES, & EXTRAJUDICIALES dividi solent. Hic de prioribus potissimum agitur, qui negotia in judicio, dominorum mandato, peragunt L. 33. pr. §. 1. l. 35. §. 3. l. 43. pr. D. h. t.

§. 417. Et quia non ambigitur, vel omnium negotiorum, bonorumve administrationem, vel unius rei, mandari posse; procuratores etiam in UNIVERSALES, & SINGULARES dividuntur L. 1. §. 1. l. 58. D. h. t. l. 17. §. ult. D. de jurejur.

§. 418. Si ad finem mandati respicias, alii mandantis gratia, & in ejus utilitatem, negotia aliena administrant; alii in utilitatem suam. Unde illi procuratores IN REM ALIENAM; hi IN REM SUAM adpellantur, quales sunt cessionarii t. 4. D. de re jud. l. 4. h. t. l. 17. §. ult. de jurejur. qui pro dominiis sunt L. 55. D. de procurat.

§. 419. Si mandantis habemus rationem, is vel privatus est, qui negotia sua alteri committit; vel universitas, vel princeps. Isto casu mandataris strictiore sensu PROCURATOR; illo ACTOR, vel SYNDICUS, HOC PROCURATOR PRINCIPIS, vel RATIONALIS, (§. 231. seq.) vocantur.

§. 420. Procuratores judiciales, de quibus hic agitur, sero admissi a Romanis (a) (Inst. §. 1244.) nec olim iis locus erat, nisi pro populo, pro libertate LIV. 3. 45. pro pupillo, & ex lege Hostilia in actione furti, pro eo, qui apud hostes esset, vel rei publicae causa abesset, vel eorum, in cujus potestate esset pr. Inst. de iis, per quos ag. poss.

§. 421. Quum vero id molestissimum esset, procuratores demum admitti quidem coeperunt ex edicto praetoris; sed ita, ut domini litis fieri fingerentur L. 4. §. 3. D. de alienat. jud. mut. caus. fact. l. 4. §.

(a) Quum enim omnes agendi formulae essent actiones legis §. 34. 1. (illarum autem ea natura, ut per alium explicari non possent §. 35. 2.) facile patet, procuratores in jure, & judicio admitti non potuisse. Hinc primum admissi COGNITORES, qui litem alienam procurabant altero praesente. Eorum passim meminit Cicero, nusquam autem jus nostrum. Vid. GER. NOODT. & ANT. SCHULT. h. r.

*ult. D. de adpell. l. 23. l. 23. C. de procurat. AL-  
TESSER. de fidei. jur. 2. 13. Hujus dominii veluti  
caussa, vel titulus erat domini mandatum L. 1. pr.  
D. h. t. modus acquirendi litis contestatio l. 4. §.  
ult. D. de adpell. qua procurator hoc dominium ve-  
luti occupabat ( *Inst. §. 1247.* )*

§. 422. Ex quibus omnibus fluunt axiomata. I. Procurator constituitur a domino. II. Constituitur intercedente mandato. III. Rite constitutus, fit dominus litis per litis contestationem.

§. 423. Quum itaque procurator constituitur a domino ( §. 422. 1. ) consequens est ( 1. Ut tutor, & curator ante litis contestationem non procuratorem, sed actorem periculo suo, & decreto magistratus constituent §. *ult. Inst. de curat. l. 11. C. h. t.* ( 2. Ut pupillus infantia major, & minor litem procuratori recte committant, auctore, vel curatore consentiente *L. 11. C. h. t.* )

§. 424. Quumque constituatur intercedente mandato ( §. 422. 2. ) sequitur 1. Ut ii deum procuratorem constituent, qui & mandare, & res suas libere administrare possunt, adeoque ( 2. Non furiosi, mente capti, infantes, surdi, muti, prodigi *L. 5. l. 40. D. de reg. jur.* ( 3. Ut recte tamen procuratori mandet pater ratione peculii adventitij ordinarii liberorum; quia pater, & filius pro una persona habentur §. 148. 2. ) *L. 1. C. de bono mat.*

§. 425. Ex eodem inferimus ( 4. Natura inhabiles ad negotia aliorum gerenda, procuratores esse non posse; veluti furiosos, mente captos, infantes, surdos, & mutos, minores 17. annis ( §. 390. 1. ) §. 5. *Inst. ex quib. caus. man. non poss.* ( 5. Nec magis constituendos, qui ab officiis civilibus ( §. 387. ) removentur, veluti feminas *l. 54. D. l. 18. l. 21. C. h. t. l. 2. D. de reg. jur.* quæ tamen procuratrices recte fiunt in rem suam *l. 4. C. h. t. vel pro parentibus L. 41. D. h. t. nec* ( 6. Qui vitæ genere, & officio prohibentur, ut absentes rei publicæ causa *l. 54. D. h. t. decuriones l. 34. C. de decur. milites, nisi in causa cohortis l. 8. §. 2. l. 54. D. h. t. l. 7. l. 13. C. h. t. clerici Nov. 123. cap. 6.*

*Hein. Pand. Tom. I.*

§. 426. Nec ob aliam rationem rejiciuntur ( 7. Potentiores, qui terrori esse possent adversario *tot. tit. C. ne liceat potent. nec non* ( 8. Infames si manifesta sit infamia §. ult. *Instit. de exc. junct. L. 6. C. h. t. PAULL. Sent. recept. 1. 2. 1.*

§. 427. Quum vero mandatum vel *verum* sit, vel *præsumptum*; sequitur ( 1. Ut VERUS sit PROCURATOR, qui vero mandato instructus litigat, sive expresso, sive tacito; adeoque ( 2. Nihil intersit, sive dominus præsens, sive absens per epistolam mandet *l. 1. §. ult. D. h. t. sive præsens; & sciens alterum negotia gerere patiatur l. 18. D. de mand. gestave rata habuerit L. 66. D. h. t.*

§. 428. Quumque & PRÆSUMPTUM mandatum sufficiat ( §. 437. ) facile redditur ratio, cur admittantur ( 1. Personæ cōnatione, vel adfinitate junctæ *l. 35. pr. D. h. t. ( 2. Litis consortes post litis contestationem l. 2. C. de Consort. ejusd. lit. ( 3. Mariti ratione bonorum uxorum l. 21. C. h. t. ( 4. Mandato quidem, sed non satis idoneo, instructi, l. 1. C. h. t. ( 5. Cur hi tamen de rato cavere teneantur ) L. 35. L. 40. §. ult. D. L. 1. Ch. ti.*

§. 429. Porro ex secundo hoc axiōmate ( §. 422. 2. ) consequitur ( 1. Eum, qui nec vero, nec præsumpto mandato instructus pro alio litigat, esse PROCURATOREM FALSUM, nec ( 2. Admittendum, si vel maxime cavere velit, rem ratam haberi *L. 24. C. h. t. ( 3. Omnia ab eo gesta, nulla, atque inutilia esse, nisi ea rata habuerit dominus L. 27. pr. D. L. 24. C. h. t. l. 56. D. de judic.*

§. 430. Denique ex eodem colligimus ( 4. Procuratoris non esse, excedere fines mandati *L. 5. D. de mand. ( 5. Eundem sine speciali mandato explicare non posse, quæcumque in præjudicium mandantis vergere possent; adeoque ( 6. Ei non licere alienare L. 63. D. h. t. transigere l. 60. D. h. t. jursjurandum deferre, referre, præstare l. 17. D. de jurejur. restitutionem in integrum petere l. 25. §. 1. D. de min. hereditatem adire L. 25. §. 5. D. de adq. vel omitt. her. ( 7. Distinctionem inter procuratorem CUM LIBERA, & SINE LIBERA esse otiosam, &*

inane (a) ( 8. Inter dominum , & procuratorem nati-  
ci actionem mandati directam , & contrariam L. 42.  
§. 2. l. 46. §. 5. 6. D. h. t.

§. 431. Quandoquidem porro procurator per litem  
contestationem fit dominus litis ( §. 422. 3. ) non  
obscurum est consecrarium : in iis tantum causis lo-  
cus est procuratori , in quibus alius personam domini  
sustinere potest.

§. 432. Ex quo consecrario colligimus\* ( 1. Posse  
procuratorem constitui in causis civilibus omnibus,  
etiam famosis ( §. 413. 1. \* ) L. 1. §. penult. D. h.  
t. l. 6. §. 2. D. de his , qui not. inf. ( 2. Non pos-  
se autem in criminalibus , vel ex parte accusatoris ,  
propter inscriptionem in crimen ( nisi vir illustris  
injuriam criminaliter agere velit ) vel ex parte rei ,  
nisi ( α vir illustris injuriarum conveniatur L. ult.  
C. de injur. ( β Vel rei absentia excusanda sit l. 71.  
D. h. t. l. pen. §. 1. D. de publ. jud. vel ( γ Nisi  
causa sit talis , ut & absentis pœna irrogari possit  
L. 33. §. 3. D. h. t.

§. 433. Ex eo autem dominio litis semel suscepto  
non difficile erit reddere rationem ( 1. Cur procura-  
tor cogi possit , ut mandantem defendat L. 33. seq.  
D. h. t. ( 2. Cur & procurator rei cogatur litem sus-  
cipere L. 8. §. 3. seq. D. h. t. ( 3. Cur procura-  
toris culpa domino noceat (b) L. 10. C. h. t. ( 5.  
Cur & substituere possit, l. 23. C. h. t. ( 5. Cur in  
eum feratur sententia L. 1. C. de sentent. & inter-  
loquit. ( 6. Cur denique procuratori , & contra eum,  
æque actio judicati competat , ac mandati , & contra  
mandantem L. 28. D. h. t.

§. 434. Quemadmodum vero dominium , ita & pro-  
curatoris officium non finitur ( 1. Nuda revocatione  
domini , lite jam contestata ( §. 422. 2. ) nisi co-

(b) Nec enim procuratori cum libera plus licere , quam  
procuratori sine libera , patet ex l. 20. D. de pass. §.  
ult. D. de jurejur. l. 12. D. de dign. act. l. 20. §. 1. D.  
de novat.

(b) Potest tamen hic , si actio mandati adversus pro-  
curatorem instituta inanis sit , a pignore consequi re-  
stitutionem in integrum L. 8. §. 1. D. mand. l. 13. §.  
ult. C. de judic.

gnita causa l. 16. l. 17. D. L. 22. C. h. t. nec ( 1. Morte mandantis L. 23. C. h. t. Finitur tamen ( 3. Renunciatione procuratoris, modo non intempestiva §. 11. *Inst. de mand.* l. 8. §. 3. seq. D. h. t. item ( 4. Mutuo dissensu L. 58. D. de pass. & ( 5. Morte mandatarii §. 10. *Inst. de mand.*

§. 435. Quamvis autem pleraque hodie eodem modo se habeant; effecta tamen domini litis omnia in plerisque foris evanuisse, singulari *de dominio litis* dissertatione evincit BOHEMERUS.

§. 436. Hæc de PROCURATORIBUS, a quibus differre diximus DEFENSORES, sine mandato reorum causam suscipientes ( §. 415. \* ). Ex quo patet, de VOLUNTARIIS defensoribus hic agi; id est, de iis, qui se ipsi obtulerunt L. 61. D. h. t. & NECESSARIOS, qui alium defendere coguntur, huc plane non pertinere (a).

§. 437. Quamvis enim sine mandato sive vero, sive præsumpto, procurator non admittatur ( §. 427. ) tam favorabilis tamen est reorum defensio ( 1. Ut quilibet pro iis admittatur, etiam extraneus l. 2. C. h. t. ( 2. Ut defensor eorum ne de rato quidem caveat, nisi in actionibus in rem l. 45. §. 2. l. 40. §. 2. D. h. t. )

§. 438. Ne tamen elusorium fiat iudicium, oportet defensorem ( 1. Vicem rei in omnibus subire, atque id, quod ipse reus debet, præstare L. 35. §. 3. L. 51. D. h. t. adeoque & ( 2. Satisdare iudicatum solvi L. 46. §. 2. D. h. t. l. 5. §. 3. L. 6. D. de judic. solv. §. 4. *Instit. de satisd.* Ex quo ( 3. consequitur, ut actio iudicati non in rem, sed adversus defensorem detur L. 28. l. 61. D. h. t. ( 4. Ut rei beneficia & defensori prosint L. 51. §. 1. D. h. t. )

(a) Tales sunt ipsi *procuratores*, semel litis domini facti ( §. 433. 1. ) quippe qui a prætore coguntur dominum defendere l. 33. D. h. t. itemque *venditores*, obstricti ad defendendos emptores, si quis ab iis rem venditam evincere velit l. 51. §. 1. l. 74. §. pen. D. d. *evict.*



## TITULUS IV.

QUOD CUIJUSCUMQUE UNIVERSITATIS NOMINE,  
VEL CONTRA EAM AGATUR.

§. 439. Quid, & quotuplex universitas? §. 440. Ea contrahere, delinquere, & conveniri potest. §. 441. Et hinc opus est actoribus & syndicis. §. 442. Quomodo constituantur? §. 443. Eorum officium.

§. 439. **P**rocuratores universitatis SYNDICOS, vel AGTORES vocari diximus (§. 419.). De his hoc titulo agitur. Est autem UNIVERSITAS multitudo hominum certo sub regimine communis commodi gratia consociata. ULR. HUBER. *Posit. Pand. h. t. §. 1. seq.* Quod si illa permissu summæ potestatis coacta LICITA; sin clam, & privata auctoritate, ILLICITA vocatur. Hac in criminis notam incidit *tit. de colleg. & corp.* Illa personæ vice fungitur *L. 12. D. de fidejuss.*

§. 440. Quum itaque licitæ universitatis personæ vice fungantur (§. 439.) sequitur (1. Ut contrahendo obligent pariter, ac obligentur *L. 7. §. 1. D. h. t.* (2. Ut & delinquant; adeoque & ex delicto obligentur *L. 9. §. 1. D. quod met. caus.* (3. Ut res suas habeant, & patrimonium (§. 190. *seq.*) itemque (4. Communem arcam *L. 1. §. 1. D. h. t.* (5. Ut & agant in rem æque, ac personam, & ab aliis conveniantur.

§. 441. Quandoquidem itaque & agunt, & conveniuntur universitates (§. 440. 5.) nec tamen tota multitudo commode in jus ire potest; omnino opus est procuratoribus universitatum, qui, si ad singulas causas dantur, ACTORES; si ad universas, SYNDICI adpellantur *L. 1. §. 2. L. 6. §. 1. 3. L. ult. D. h. t.*

§. 442. Quumque actor, vel syndicus sit procurator universitatis (§. 441. 1.) consequens est (1. Ut ab universitate, vel iis; quibus ea id negotii dedit, eligatur *L. 6. §. 1. D. h. t.* (2. Ut, si uni-

versitas eum constituat, pluribus suffragiis eligatur, quia in re id legibus cautum, α) ut vel duæ saltim partes rite convocatæ adsint L. 3. l. 4. D. h. t. l. 2. 3. D. de decret. ab ord. fac. β) ut hunc numerum ipsa eligenda persona supplere possit L. 4. D. h. t. γ) ut patris suffragium filio, & filii parenti prosit ( §. 145. 3. ) l. 5. D. h. t.

§. 443. Ex eodem principio fuit ( 3. Idem esse procuratoris, & syndici officium L. 6. §. 3. D. h. t. 4. Illum agere posse nomine universitatis l. 3. D. h. t. quum contra unicuique ex universitate, immo & extraneo, universitatem defendere liceat exemplo defensoris privati l. 1. §. ult. D. h. t.

## T I T U L U S V.

### DE NEGOTIIS GESTIS.

§. 444. Ratio ordinis. §. 445. Quid negotiorum gestio? §. 446. De ejus natura axiomata. §. 447. Quis negotia gerere possit? §. 448. Cujusnam? §. 449. Quæ negotia, & quando gerenda? §. 450. Actio negotiorum gestorum. §. 451. Directa. §. 452. Contraria. §. 453. Quando cesset actio contraria?

§. 444. **D**iximus partim de procuratoribus, assessoribus, syndicis, mandato instructis, partim de defensoribus, qui sine mandato rem defendunt. Illi mandati cum domino agunt ( §. 440. 3. ) hi actione negotiorum gestorum in contrarium indemnitatem consequuntur. Ea propter hic de NEGOTIIS GESTIS agitur.

§. 445. NEGOTIORUM GESTIO est quasi contractus ( §. 362. \* ) quo quis negotia alterius ignorantis gratis, & sponte suscipit (a) §. 1. Inst. de obl. quæ

(a) Quemadmodum vero procurator vel judicialia, vel extrajudicialia negotia alterius mandato gerit ( §. 416. ) ita & negotiorum gestor utraque sponte suscipit l. 41. D. h. tit. Invaluit tamen, ut, qui in judicio si-

quasi ex contr. Ergo & negotiorum gestor recte vocatur procurator voluntarius. CIC. in Brut. cap. 3. PAULL. Sent. recept. l. 3. 3.

§. 446. Inde axiomata. I. Negotiorum gestio speciatim ita dicta in negotiis, extra iudicium curandis, versatur. II. Obligatio ignorantis nascitur ex consensu ob utilitatem illi adlatam, præsumpto (§. 362. 3.)

§. 447. Quum itaque in negotiis, extra iudicium curandis, versetur negotiorum gestio (§. 446. 1.) consequens est (1. Ut unusquisque negotia gerere, & ignorantem obligare possit, modo gerat utiliter L. 3. pr. D. h. t. adeoque (2. Nec femina L. 3. §. 1. l. 31. §. 6. D. h. t. nec (3. Pupillus excipiat L. 3. §. 4. D. h. t. (a).

§. 448. Quumque hæc obligatio ex consensu ob utilitatem ignorantem adlatam præsumpto, nascatur (§. 446. 2.) consequens est (1. Ut negotia uniuscujusque utiliter geri queant L. 3. §. 3. D. h. tit. adeoque (2. Etiam ejus, qui consentire vere non potest, veluti furiosi L. 3. §. 5. D. h. tit. (3. Etiam pupilli (qui tamen eatenus tantum tenetur, quatenus factus est locupletior) l. 6. pr. D. l. 2. C. h. t. (4. Etiam ejus, qui apud hostes est L. 19. §. ult. D. h. t. itemque (5. Nascituri l. 29. D. h. t. (6. Mortui l. 3. pr. l. 21. §. 1. D. h. t. l. 1. D. de relig. & sunt. fun. & (7. Ejus denique, cujus in persona erratum est L. 5. §. 1. D. h. t.

§. 449. Ex eodem axioma colligimus (8. Negotiorum gestorem utiliter gerendo obligare ignorantem, quamvis utilitas postea intercepta sit l. 10. §. 1. l. 12. §. 2. l. 21. D. h. t. (9. Eundem teneri ad diligentiam exactissimam (b) Inst. §. 788. 3. §. 1.

ne mandato negotia rel gerit, DEFENSOR, qui extra iudicium aliena negotia suscipit, NEGOTIORUM GESTOR audiat.

(a) In qua lege pro verbis: *pupillus sane si negotia gesserit*, frustra vir summus JAC. CUJAC. Obs. 13. 7. rescribi jubet: *pupilli sane si negotia gesserit*. Vid. BACHOV. epōt. p. 896. & SCHULT. h. t.

(b) Adde tamen exceptiones (1. Si quis a prætore jussus, vel (2. affectione ductus, ne bona alterius distra-

*Instit. de obl. quæ quasi ex contr. l. 23. D. de reg. jur. ( 10. Neminem obligari, ut omnia negotia gerat, nisi adsit, qui omnia suscipere velit L. 6. §. 12. l. 15. l. 16. l. 21. §. 2. D. h. t. ( 11. Eum qui inchoata dereliquit, etiam de non gestis teneri. L. 21. §. 2. D. h. t.*

§. 450. Itaque, quum ex hoc quasi contractu utrinque nascatur obligatio, facile patet ( 1. Et duplicem NEGOTIORUM GESTORUM actionem, DIRECTAM alteram, alteram CONTRARIAM inde oriri §. 364. \* ) §. 1. *Instit. de oblig. quæ quasi ex contr. ( 2. Utramque esse bonæ fidei ( §. 365. ) §. 28. Instit. de action.*

§. 451. DIRECTA nimirum datur domino, ejusve heredi, nec non ei, cujus interest l. 2. l. 3. §. 7. l. 47. *D. h. t. adversus negotiorum gestorem, ejusve heredem, ad reddendas rationes, restituenda reliqua l. 2. l. 23. D. h. t. & usuras, si pecunia aliena usus est, etiam centesimas l. 38. D. h. t. præstandas, omne denique damnum, quacumque culpa datum ( §. 448. g. ) resarciendum.*

§. 452. CONTRARIA autem competit negotiorum gestori, ejusve heredi, adversus dominum heredemve ejus, ad indemnitatem §. 1. *Instit. eod. id est, ad impensas necessarias, & utiles l. 2. l. 27. l. 45. D. l. 10. C. h. tit. imino & usuras pecuniæ, quam pro domino solvit, vel quas ex pecunia sua consequi potuisset restituendas L. 19. §. 4. D. l. 18. C. h. t.*

§. 453. Ceterum ex natura negotiorum gestionis hæcenus descripta consequitur ( 1. Cessare contrariam actionem, si quis inutiliter gesserit ( §. 447. ) l. 10. §. 1. *D. h. t. veluti voluptatis tantum causa impensas faciendo l. 25. l. 27. D. h. t. vel proprium potius, quam domini lucrum quærendo L. 6. §. 3. D. h. t. ( 2. Cessare eandem, si quis inviti, & prohi-*

*hantur, vel ( 3. negotia alioquin peritura gesserit, quibus casibus lata tantum culpa præstat L. 1. §. 8. 9. D. h. t. Item ( 4. si quis insoliti quid, & novi non ex more boni patris familias gesserit. Siquidem tunc & casum præstat, lucro tamen cum damno pensato L. 11. D. h. t.*

gentis negotia susceperit, nisi utilitati publicæ prohibitio illa refragetur *l. ult. C. l. 8. §. ult. D. h. t.* (3. Cessare denique, si quis pietatis causa, donandique animo gesserit *L. 27. §. 1. l. 44. D. l. 1. l. 11. l. 13. l. 15. C. h. t.* quamvis id, præterquam de matre, vel avia, vix videatur præsumendum *L. 34. D. h. t.*

## T I T U L U S VI.

## DE CALUMNIATORIBUS.

§. 454. *Quis calumniator?* §. 455. *Quid sit accipere pecuniam?* §. 456. *Prætoris edictum de calumniatoribus.* §. 457. *Actionis de calumniatoribus descriptio.*

§. 454. **P**ROCURATOR, DEFENSOR; SYNDICUS, NEGOTIORUM GESTOR alterius causam b. f. suscipiunt; CALUMNIATOR, pecunia accepta, dolose, & calumniæ causa alteri facessit negotium. Quamvis enim variis modis accipiat calunnia, *l. 233. D. de verb. sign.* ibique Jo GOEDD. & DES HERALD. *Animadv. ad jus Att. & Rom. ll. 15.* hic tamen CALUMNIATOR vocatur, *quisquis ut calunnia causa negotium faceret, vel non faceret, pecuniam accepit, vel depectus est. l. 1. pr. l. 3. §. 2. l. penult. D. h. t.*

§. 455. Quum itaque pecuniam aliquem accepisse, vel depectum esse, ponatur (§. 454.) pecunia autem sit, quidquid in patrimonio est (§. 183.) consequens est (1. Ut perinde sit sive pecuniam, sive aliud quid, acceperit *L. 1. §. ult. D. h. t.* (2. Ut & accepisse quid videatur, qui obligatione fuit liberatus, vel (3. Pecuniam gratis utendam accepit, vel aliter impetravit *l. 2. D. h. t.* vel (4. Ullum aliud propter hoc sensit compendium *l. 3. pr. D. eod.* (5. Ut nihil denique intersit, sive quis a tertio pecuniam acceperit, ut mihi facesset negotium, sive a me, quo minus facesset *l. 3. §. ult. l. 6. D. h. t.* (5. Ut & turpia pacta, & transactionem eum in finem ineuntes, calumniatores sint *l. 3. §. 2. D. h. t.*

§. 456. Quamvis autem contra accipientem, & con-

dictio ob turpem causam L. 5. §. 1. D. h. t. & persequentio ex lege Julia repetundarum l. 1. §. 1. D. h. t. locum habeat; prætor tamen edixerat, se intra annum in quadruplum ejus pecuniæ, quam accepisse, depectusque quis esse dicatur; post annum simpli in factum actionem daturam l. 1. pr. l. 3. §. 2. l. penult. D. h. t.

§. 457. Ex quo edicto finit actio IN FACTUM DE CALUMNIATORIBUS, competens ei, qui dedit pecuniam, ne sibi negotium fieret, vel ei, propter quem data est, l. 3. §. ult. l. 6. D. h. tit. non ejus heredi l. 4. D. eod. nec ei, qui calumniæ causa dedit l. 3. §. ult. D. eod. contra accipientem (§. 455.) non contra ejus heredem, nisi quatenus a eum lucrum pervenit L. 5. pr. D. h. t. intra annum (a) in quadruplum, post annum in simplum l. 1. pr. D. h. t.

## LIBER IV.

### TITULUS I.

#### DE IN INTEGRUM RESTITUTIONIBUS.

§. 458. Quid restitutio in integrum? §. 459. De ejus natura axiomata. §. 460. Quando opus sit in integrum restitutione? §. 461. Ob quam lesionem datur? §. 462. Ob quas causas? §. 463. A quo magistratu? §. 464. Ubi, & quando petenda? §. 465. Ejus effecta. §. 466. Quomodo petatur?

§. 458. **I**nter τὰς τρεῖς, de quibus hæcenus agitur, quartum est RESTITUTIO IN INTEGRUM (§. 274.) quæ quatenus a prætore petitur, est redintegrandæ rei, vel causæ affio. PAULL. Sentent. recept. 1. 7.

(a) Annus hic in persona ejus, qui dedit, ne sibi negotium fieret, ab ipso momento, quo dedit, in persona ejus, propter quam data pecunia, a die notitiæ incipit L. 6. D. h. t.

1. quatenus datur, causæ jure stricto amissæ, ob læsionem redintegratio (a) l. 3. *D. h. t. C. in quib. causis in integr. rest. necess.*

§. 459. Inde axiomata. I. Restitutio in integrum pertinet tantum ad actus summo jure validos l. 16. pr. *D. de min.* II. Locus habet ob læsionem, eamque hand nullius momenti l. 4. *D. h. t.* III. Ob justam dumtaxat causam conceditur l. 1. seq. *D. h. t.* IV. Nec nisi a magistratu l. ult. *C. ubi, & apud quem cogn.* V. Restitutione omnia reducuntur ad pristinam causam l. 24. §. 4. *D. de minor.*

§. 460. Quum itaque restitutio in integrum pertineat tantum ad negotia, ipso jure valida ( §. 459. 1. ) consequens est, ut ea non opus sit, si ( 1. Vel actus ipso jure non subsistit *L. 16. pr. D. de min. l. 2. C. de filiof. min.* vel ( 2. Læsis in mundo est remedium civile ordinarium (b) d. l. 16. *D. de min.*

§. 461. Quum deinde restitutio detur ob læsionem alicujus momenti ( §. 459. 2. ) consequens est ( 1. Ut minima non curæt prætor, nec audiat in integrum restitutionem petentes propter rem, vel summam minimam l. 4. *D. h. t.* ( 2. Ut læsio facta non præsumatur a parente, vel patrono, nec ob eam detur restitutio in integrum *L. 2. C. qui, & advers. quos* ( 3. Ut probatione læsionis, causæque cognitione opus sit (c) *L. 3. D. h. t.*

§. 462. Quum porro ob justam dumtaxat causam

(a) Non ergo huc pertinent rescissiones, quæ per ipsas leges fiunt *L. 33. D. de rejud. l. 31. D. de jurejur. l. 2. C. de resc. vendit.* nec restitutio sententiam passorum, quæ fiat a principe *L. 31. §. 10. l. 27. D. de pan. l. 1. l. 6. seq. D. de sent. pass. & restit.* Hic enim agitur de restitutione, quam prætores contra jus civile strictum æquitatis obtentu dare solebant ( §. 40. 3. ).

(b) Nisi forte pinguius, faciliusve eo remedio sit beneficium prætoris; veluti si restitui minor malit, ob faciliorem læsionis qualiscunque probationem, quam uti remedio l. 2. *C. de resc. vend.* in quo ei probanda læsio enormis, vel ultra dimidiam.

(c) Eam cognitionem prætor extra ordinem in se suscipiebat in caussis minorum l. 24. §. ult. *D. de minor.* in aliis restitutionibus judex a prætore dabatur *L. c. §. 3. D. quod. met. caus. l. 1. §. 1. D. de dol. mal. l. 1. ex quib. caus. maj.*

concedatur restitutio (§. 459. 3.) prætori talis sufficere videbatur causa, cui adstebat æquitas, quamvis nullum lædenti delictum concurret. Et tales causæ justæ, ac æquissimæ videbantur I. METUS. II. DOLUS. III. ÆTAS. IV. STATUS MUTATIO. V. ABSENTIA REI PUBLICÆ CAUSSA, & VI. ALIENATIO *judicii causâ facta* (a).

§. 463. Quandoquidem præterea restitutio datur a magistratu (§. 459. 4.) facile patet (1. Eam potestatem non competisse magistratibus, arbitris, iudicibus pedaneis l. 2. D. ad municip. l. ult. C. ubi, & apud quem cogn. (2. Restituere posse magistratum contra suam, vel decessorum, magistratumque inferiorum, non adversus superiorum sententiam (b) l. 16. §. ult. l. 17. seq. l. 42. D. de min. l. 18. C. ubi, & apud quem cogn.

§. 464. Ex eodem colligunt veteres (3. Restitutionem in integrum vel in foro domicilii, vel in foro rei sitæ esse petendam l. 2. ult. C. ubi, & ap. quem cogn. (4. Eandem petendam intra annum (c) l. 35. D. de oblig. & act. vel hodie intra quadriennium a tempore remoti impedimenti (§. 331. \*) l. ult. C. de temp. in integ. rest. excepta restitutione ob capitis diminutionem, quæ perpetua est l. 1. §. ult. D. de

(a) PAULLUS *Sent. recept.* l. 6. 2. omitta alienatione *judicii mutandi causâ factâ*, addit JUSTUM ERROREM. Eoque vulgo referunt generalem illam clausulam prætoris l. 1. §. 1. D. quib. ex causa major. Sed omnino in mente PAULLUS habet restitutionem ejus, qui cum pupillo, falso tutore auctore, contraxit ex errore justo. De hac enim restitutione prætorem inter reliquas restitutiones egisse, ex inscriptionibus fragmentorum patet l. 1. sept. D. quod fals. tut.

(b) De singulari præfectorum prætorio privilegio, ut ab eorum sententia restituere nemo posset, præter ipsos præfectos, supra diximus (§. 208. ).

(c) Annum enim erat magistratum officium, nec diutius durabant actiones prætoris rescissoriæ (Inst. §. 1270. 5. ). Justinianus vero eum annum utilem in quadriennium mutavit in restitutionibus in integrum, non tamen in actione doli, ubi non erat questio de anno utilis, de quo solo agit l. ult. C. de temp. in integ. rest. Vid. A. A. PAGENST. *Sicilim. manip.* III. §. 21.



*cap. min. & actione doli, quæ biennio expirat* l. ult. *C. de dol.*

§. 465. Denique quum restitutione in integrum omnia reducantur ad statum priorem ( §. 459. 5. ) consequens est ( 1. Ut, ea petita, nihil innovandum sit, omniaque manere debeant in statu pristino *L. 4a. D. de min. l. un. C. in integr. restit. post. ne quid nov. fiat* ( 2. Ut, ea impetrata, omnia in priorem statum redeant, & sic læsio plane aboleatur l. 24. §. 4. *D. de min.*

§. 466. Ceterum quamvis restitutio in integrum, vel per modum EXCEPTIONIS, vel per modum ACTIONIS petatur l. 9. §. 3. l. 14. §. 6. *D. quod met. caus. l. 9. §. 4. D. de jure jur. l. ult. D. de dol.* tamen & exceptionem vim actionis habere, recte observat JOS. AVERAN. *Interpr. jur.* 2. 19. 4. Utraque enim datur læsionis l. 1. *D. h. t. eorumve procuratoribus, speciali mandato instructis* ( §. 430. 5. ) tit. *C. etiam pro proc. caus. in int. rest. ag. poss. itemque successoribus* l. 6. *D. h. t. l. 14. §. 2. D. quod met. caus. l. 18. §. ult. l. 19. D. de min. ad versus lædentes, & aliquando contra tertios possessores* l. 14. §. 3. *D. quod met. caus. l. 13. §. 1. l. 14. D. de min. ad rem, rescisso negotio, in pristinum statum reducendam* (a).

## TITULUS II.

### QUOD METUS CAUSSA GESTUM ERIT.

§. 467. *JCTi Rom. actum metu vitari non existimabant.* §. 468. *Contractus tamen b. f. ob metum erant nulli.* §. 469. *Contractus stricti juris subsistebant.* §. 470. *Historia edicti de restitutione ob dolum.* §. 471. *Quid metus, & vis?* §. 472. *De restitutione hac axiomata.* §. 473. *An omnis vis, & metus sufficiat ad restitutionem?* §. 474. *Cuinam illa de-*

(a) Idque uno eodemque judicio petitur; & una eademque sententia a prætore indulgetur, ut non opus sit pervulgata illa divisione judicii in *rescindens*, & *resistorium*. BACHOF. *spur.* p. 498.

tur? §. 475. *Adversus quem?* §. 476. *Quotuplex ex hoc edicto detur remedium?* §. 477. *Actionis quod metus causa descriptio.* §. 478. *Exceptio quod metus causa.*

§. 467. **C**ausarum, ob quas in integrum restituit prætor, prima est METUS (§. 462.) Quamvis enim, quod metus causa gestum, jure naturali, & gentium non subsistat; Jctis tamen Romanis, Stoæ fere adscriptis (a) (§. 85.) & consensus vi, & metu exortus obligare, & coactus etiam velle censebatur, L. 21. §. 5. D. h. t.

§. 468. Attamen Jcti, Stoicis paullo benigniores, distinguebant inter contractus BONÆ FIDEI, & STRICTI JURIS. Quum illos consensus & b. f. sustineat, cui nihil tam contrarium, quam vis, & metus l. 136. D. de reg. jur. consequi videbatur, ut exceptio vis, metus & doli iis insit pro jure l. 3. D. de resc. vend. l. 21. §. 10. D. sol. matr. l. 84. §. 1. D. de legat. 1. nec læsis opus sit restitutione in integrum (b) SYMMACH. Epist. 2. 87. l. 1. C. de res. vend.

§. 469. At contractus, negotiaque stricti juris subsistebant: etiamsi metu adactus quis contraxisset, veluti stipulationes, & acceptilationes l. 9. C. de contr. & comitt. stip. quibus simile videbatur negotium, si quis metu coactus ab emtione, vel locatione, discesserit l. 21. §. 4. D. h. tit. Excepta tamen erat promissio dotis, quæ ob vim, metumque ipsa jure

(a) Ita enim Stoici, qui quum sapientem suum negarent ullo metu perturbari, non poterant sane favere ex metu aliquid agentibus, tamquam stolidis, & affectuum suorum intemperie agitatiss. Vid. CUJAC. Obs. 16. 40.

(b) At aliquando tamen in negotiis b. f. locus est restitutioni in integrum L. 3. 4. 5. 7. & ult. C. h. t. l. 21. §. 5. l. ult. §. 1. D. h. t. l. 85. D. de adqu. vel omitt. her. Verum id dicendum est, si alia actio non sit, qua nostrum consequamur, veluti si, qui coegit vendere, non sit solvendo, & res jam a tertio possideatur. Vid. GER. NOOT. de form. emend. dol. mal. cap. 16. p. 382a. Tom. I. Opp.

nulla habetur l. 21. §. 3. D. h. t. itemque nuptiæ l. 22. D. de rit. nupt. & auctoritas tutoris L. 1. D. de auct. tut. (a).

§. 470. Quum tamen hæc philosophia parum at-  
temperata videretur vitæ civili, primum Cn. Octa-  
vius prætor temporibus Sullanis (CIC. ad Q. Fratr.  
Ep. l. 1. 7.) edicto suo actionem, & exceptionem  
metus dedisse videtur vi, & metu coactis; sed non  
nisi contra illos, qui vi, & metu aliquid abstulerant.  
CIC. Verrin. III. c. 65. Postea Cassius metus actio-  
nem (non tamen exceptionem) dedit non solum iis,  
quibus aliquid vi ablatum; sed & in omni casu, quo  
quid metus causa gestum fuerat L. 5. §. 33. D. de  
dol. & met. except. Denique interpretatio, & exce-  
ptio admissa. Et hinc edictum: quod vi, & metus  
causa gestum erit, ratum non habeo L. 1. D. h. t.

§. 471. Est autem METUS instantis, vel futuri  
periculi causa mentis trepidatio L. 1. D. h. t. Vis  
contra majoris rei impetus, qui repelli non potest.  
L. 2. D. eod.

§. 472. Ex quibus definitionibus, ipsoque prætoris  
edicto fluunt axiomata. I. Ob vim tantum injustam,  
& atrociorē datur restitutio in integrum L. 3. §. 1.  
D. h. t. II. Ea vis movet prætorem, quæ quis læsus  
est (§. 459. 2.) III. Prætor rescindit, quidquid me-  
tus causa gestum est (§. 470.).

§. 473. Ex primo axioma (§. 472. 1.) inferi-  
mus (1. Non hic sufficere vim justam, quæ magi-  
stratus immorigeros coercet L. 3. §. 1. D. h. t. (2.  
Nec restitutionem dari ob metum reverentialem. Arg.  
l. 2. D. de rit. nupt. l. 26. §. 1. D. h. t. D. de pign.  
act. (3. Nec attendendum vanum timorem vel te-  
rorem panicum, l. 5. 6. D. hoc tit. l. 148. D. de  
reg. jur. qualis vana mali imminentis, accusatio-  
nis, infamiæ, suspicio l. 9. pr. D. l. 10. C. h. tit.

(a) Addunt alii manumissionem metu extortam. Sed  
id verum tantum, si vel ipse servus libertatem vi ex-  
torserit l. 4. §. 17. D. qui, & a quib. manum. lib. non  
fiunt: vel populus L. 17. pr. D. eod. Alioquin non præ-  
torem, sed principem, adversus libertatem restituere  
patet ex l. 9. fin. l. 10. de minor. Vid. SCULTING.  
xpvi r h. t.

(4. Merito autem prætorem moveri, si quid gestum metu mortis, servitutis, exsilii, dolorum, vinculo-  
rum, stupri l. 3. §. 1. l. 4. l. 7. l. 8. §. 1. l. 2. l.  
23. l. ult. §. 1. D. l. 4. C. h. t. vel ob minas capi-  
tales & ab homine sævo profectas l. 7. C. junct. l. 7.  
l. 9. pr. D. l. 9. C. h. t.

§. 474. Quinque vi læsum aliquem esse oporteat  
(§. 472. 2.) consequens est (1. Ut læsio probanda sit  
l. 12. §. ult. h. tit. Ut, si, quis debitori extorsit,  
quod debebat, jus quidem crediti amittat, & vini-  
fecisse videatur l. 13. D. h. t. l. ult. C. ad leg. Jul.  
de vi priv. nec tamen debitor ideo restituendus sit  
in integrum l. 12. fin. D. h. t.

§. 475. Quumque denique quidquid metus causa  
gestum, prætor rescindat (§. 572.) 3. nullamque  
personam edicto exprimat, intulerunt veteres (1.  
Non modo adversus eum, qui metum intulit, præ-  
torem succurrere læso, sive exstet res, sive pla-  
ne perierit l. 9. §. 8. l. 14. §. 5. l. 1. C. h. tit.  
verum etiam (2. Adversus quemcumque rei extor-  
tæ possessorem l. 9. ult. l. 14. §. 3. 5. D. h. t. a-  
deoque (3. Actionem ex hoc edicto in rem scriptam  
esse.

§. 476. Restituitur itaque prætor, dando vel A-  
CTIONEM quod metus causa, si res jam ab alio  
possideatur: vel EXCEPTIONEM, si ipse, cui vis  
facta est, vel ejus heredes possideant (§. 470.) l.  
9. §. D. h. t.

§. 477. ACTIO QUOD METUS CAUSSA est præ-  
toria, in rem scripta (§. 475.) arbitraria (Instit.  
§. 1174.) competens per vim injustam; & atrocem  
læso (§. 474. seq.) ejusve heredi, & omnibus, quo-  
rum interest l. 16. §. 2. l. 24. §. 2. 6. 8. D. h. t.  
adversus eum, qui metum intulit, & omnem rei vi  
extortæ possessorem (§. 475.) adversus plures, in  
solidum; ita tamen, ut uno solvente reliqui liberentur  
l. 14. §. ult. (non autem contra heredes, nisi  
quatenus ad eos pervenit l. 16. §. ult. l. 17. D. h.  
t.) ad rem cum omni causa restituendam (a) vel

(a) Si res metu extorta casu perierit: tunc distingui-  
tur, perieritne apud eum, qui metum incussit, vel ma-

nisi arbitrio judicis restituatur, intra annum utilem, vel hodiè quadriennium (§. 464. 4.) in quadruplum, post annum in simplum (a). L. 14. §. 1. seq. §. 11. D. h. t. §. 25. Inst. de aff.

§. 478. EXCEPTIO quod metus causa competit metu ad promittendum adactis, eorumve heredibus, & quorumcumque interest, contra omnes ex eo promisso agentes l. 14. §. 6. h. t. l. 7. §. 1. D. de except. De eo infra Lib. 44. tit. 4. erit agendum.

## T I T U L U S III.

## DE DOLO MALO.

§. 479. Quid dolus, quidve dolus bonus, & malus? §. 480. Dolus negotia non omnia reddebat nulla. §. 481. In contractibus b. f. distinguebatur inter dolum, qui dat causam contractui, & incidentem. §. 482. Contractus stricti juris ob dolum non infirmati. §. 483. Edictum prætoris de restitutione ob dolum malum. §. 484. Axiomata de hac restitutione. §. 485. Ob quem dolum detur? §. 486. Quibus in negotiis? §. 487. Causæ cognitio præmittenda. §. 488. Restitutionis hujus effectus. §. 489. Petitur vel actione, vel exceptione. §. 490. Actio de dolo malo. §. 491. Exceptio doli.

1. de fidei possessorem, an apud b. f. possessorem? Si apud illos periit, tunc aut ante condemnationem, aut post condemnationem intra quatuor menses, seu tempus judicati, aut post judicati tempus intercidit; & sic primo casu eorum periculo perit: secundo rei non rem, sed triplum tamen præstant, si res apud dominum æque fuisset peritura. Tertio casu & in triplum tenentur. Sin apud tertium b. f. possessorem ante sententiam res periit, damnum erit domini; post sententiam, & tempus judicati, possessoris L. 14. §. 5. 11. D. L. 1. C. h. t. l. 18. §. 1. D. de dol. mal. L. 40. pr. D. de her. pet.

(a) Durat enim hæc actio, quatenus ob contumaciam in quadruplum datur, quatuor annos l. ult. D. de temp. in tot. rest. quatenus simplum petitur, ut reliquæ in rem scriptæ, imitantur actiones in rem, & non nisi longi temporis præscriptione excluditur (Instit. §. 1269.) L. 3. C. de his, quæ vi met. caus.

§. 479. Altera causa restitutionis est DOLUS ( §. 462. ) & quidem MALUS (a). Ut enim DOLUS generatim est, quum aliud agitur, aliud simulatur ( sic C. Gallus Aquillius parum accurate dolum malum definit apud CIC. *de offic.* III. 14. ita DOLUS BONUS est solertia, quæ simulatione quadam, non ad alterum lædendum, sed ad justitiam, utilitatemque utitur. EV. OTT. *diss. de dolo bono* c. 2. DOLUS MALUS denique quævis calliditas, fallacia, machinatio, ad circumveniendum, fallendum, decipiendum alterum adhibita L. 1. §. 2. D. h. t.

§. 480. Quamvis autem dolus æque, ac metus adverteretur consensui; denuo tamen JCTi, Stomæ addicti, non omnem contractuum dolo nullum fieri, existimabant. Nec leges dolum antiquissimis temporibus vindicabant, præterquam in tutela ex 12. tabulis, & in circumscriptione adolescentium ex lege Lætoria. CIC. *de offic.* III. 13.

§. 481. Bonæ fidæi contractibus, quorum formulis continebantur: Ex FIDE BONA, vel QUANTUM ÆQUIUS, MELIUS, vel UT INTER BONOS BENE AGIER OPORTET ( *Inst.* §. 1183. ) nihil quidem magis contrarium est dolo malo, nec hi tamen semper nulli erant; sed tantum, si dolus CAUSSAM dedisset contractui. Si enim dolus INCIDERAT, actione ordinaria ex contractu purgabatur (b) l. 7. pr.

(a) Fuit itaque hoc vocabulum ἐκ τῶν μίσθων, non modo apud Romanos, verum etiam apud Græcos, quibus etiam alius δόλος κακός, alius δόλος ἀγαθός. EUSTACH. *ad Illud.* δ. Add. MURET. *Leß.* var. 18. 4. OTT. *Dissert. tit. cap.* 1.

(b) Rejiciunt hanc distinctionem NOODT. *de form. doli mali emend.* c. 3. & 7. & SUMMERMANN. in *παρὰ* h. s. quorum ille acute conjicit omnes contractus b. f. fuisse ipso jure nullos, sive inciderit dolus, sive lis causam dederit; hic vero omnes contractus, tum b. f. cum stricti juris, ob quemcumque dolum ipso jure valuisse contendit. Posterior tamen sententia diserte repugnat L. 16. §. 1. *de min.* & l. 3. §. D. *pro soc.* Prior admodum probabilis esset, modo non repugnarent L. 7. pr. D. h. t. & L. 12. D. *de jur. dot.* ex illa autem

*D. h. tit. l. 12. D. de jur. dot. l. 13. §. 4. 5. D. h. t. de act. emt.*

§. 482. At stricti juris negotia, sive inciderit dolus, sive causam contrahendo dederit, ipso jure subsistebant, eeu docet exemplum Canni apud CIG. *de offic. III. 14.* Unde hanc adhibebant cautionem contrahentes, ut seorsum, **DOLUM ABESSE**, vel **ABFUTURUM**, sibi stipularentur *L. 1. §. 4. D. h. t. l. 124. pr. D. de verb. oblig.*

§. 483. Demum C. AQUILLIUS GALLUS; Ciceroni æqualis ( CIG. *Pop. cap. 7.* ) qui nunquam solebat juris civilis rationem ab æquitate sejungere ( *Id. pro Cæcina t. 18.* ) formulas de dolo malo, *omnis malitia everricula*, proposuit, CIG. *de nat. deor. tit. 30.* Unde natum edictum: *quæ dolo malo facta esse dicentur, si de his rebus alia actio non erit, & iusta causa esse videbitur, judicium dabo* *L. 1. §. 1. D. h. t.*

§. 484. Inde axiomata. I. Causa hujus restitutionis est dolus malus. II. Datur illa in subsidium. III. Præmittenda omnino causæ cognitio. IV. Ea impetrata, omnia ad priorem statum reducuntur, & aliter dolose egisse judicatur.

§. 485. Quam itaque hujus restitutionis causa sit dolus malus ( §. 484. 1. ) consequens est ( 1. Ut ob dolum bonum non detur restitutio *l. 37. D. h. t. l. 16. §. 4. D. de min. junet. l. 2. C. de resc. vend.* ( 2. Ut detur contra, si & pubertati proximus alium dolo malo circumvenere *l. 13. §. 1. D. h. t. l. 111. pr. D. de reg. jur.*

§. 486. Quinque in subsidium detur, hæc restitutio ( §. 484. 2. ) sequitur ( 1. Ut ea opus non sit, si dolus causam dederit contractui bonæ fidei; quippe qui tunc ipso jure nullus est ( §. 481. ) ( 2. Ut, si dolus in hujusmodi contractum inciderit, ne tunc quidem locus sit restitutioni, quam vel ex contractu agi, vel, re adhuc integra, exceptio doli opponi possit ( §. eod. ) *l. 7. pr. §. 3. l. 9. pr. D. h. t. 21.*

duo commata extrudere cum viro celeberrimo *de jurisd. l. 1. 14. & de form. dol. mal. c. 14.* ego quidem non ausim.

*D. solut. matr.* (3. Ut contractus tantum stricti juris hoc modo rescindendi sint *l. 36. D. de verb. oblig. ult. D. h. t. l. 5. C. de inut. stip. sive alia actio non detur, sive, an alia sit, dubitetur l. 7. §. 3. D. h. t.*

§. 487. Quum porro præmittenda sit causæ cognitio (§. 484. 3.) sequitur (1. Ut dispiciendum sit, an alia actione rem consequi possit deceptus (§. 486.) *l. 3. §. 4. D. h. t.* (2. Ut & dolus sit probandus (§. 461. 2.) *l. 16. D. h. t.* (3. Ut æstimare doceat prætorem, an calliditas sit magna, & evidens, & duos saltem aureos excedat (a) *L. 7. §. ult. l. 10. 11. pr. D. h. t.*

§. 488. Denique ex quarto axioma (§. 484. 4.) consequitur (1. Ut omnis amissa causa restituatur *L. 35. D. de verb. sign.* (2. Ut, si res ipsa restitui nequeat, decipiens teneatur in id, quod interest *L. 18. pr. D. h. tit.* (Ut condemnatus infamis fiat (§. 407. 3.) *l. 1. §. 4. D. h. t. l. D. de his, qui not. infam. adeoque* (4. Hæc actio non danda sit adversus eos, quibus actor debet reverentiam; sed contra hos in factum agere debeat *L. 11. §. 1. D. h. tit.*

§. 489. Restituit autem & hic prætor, & ACTIONEM de dolo malo dando, & re adhuc integra EXCEPTIONEM (§. 446.) *L. 1. §. 4. 5. l. 7. pr. §. 1. 8. D. h. t.* Illa binos annos durat, a die admissi doli computandos *l. ult. C.* (§. 464. 4.) quamvis, eo elapso, adhuc actioni in factum locus sit *l. 28. D. h. t. §. 35. D. de obl. & aff.* Hæc perpetua est *L. 5. §. fin. D. de dol. & met. ext.*

§. 490. ACTIO DE DOLO MALO prætoriam (§. 483.) personalis, arbitraria (*Instit. §. 1285.*) competit dolo deceptis in contractu stricti juris (§. 486. 3.) nullaque alia actione tutis (§. 487. 1.) eorumve heredibus *l. 1. pr. §. 13. D. h. t.* adversus decipientes, & eorum quidem plures in solidum; ita tamen, ut

(a) Quia enim, ut mox adparebit, actio hæc erat famosa, non videbatur operæ pretium, ob minimam læsionem actionem dari, qua reo infamia irrogetur (§. 461. 1.).



uno solvente, reliqui liberentur l. 17. pr. D. h. t. non adversus tertium possessorem, Arg. l. 15. §. ult. l. 1. §. 4. D. h. t. nec adversus heredes, nisi quatenus ad eos pervenit, l. 18. §. 1. l. 26. seq. D. h. tit. ad rem dolo amissam cum omni causa restituendam (§. 488. 1.) vel, nisi restituatur, aut perierit, in id, quanti rem esse actor juraverit (§. 848. 2.) l. 18. pr. §. 1. D. h. t.

§. 491. EXCEPTIO DOLI MALI itidem competit circumventis, eorumve heredibus; vel iis, quorum interest l. 2. §. 2. D. de dol. mal. & met. exc. l. 7. §. 1. D. de except. contra circumvenientes (a) si hi illos ex contractu hujusmodi conveniant L. ult. D. h. t. l. 36. D. de verb. obl. l. 5. C. de inupt. stipul. D. hac quoque exceptione infra l. 44. tit. 4.

## TITULUS IV.

## DE MINORIBUS XXV. ANNIS.

§. 492. Lex Latoria ut prospexerit minoribus? §. 493. Pratoris de iis editum, ex eoque axiomata. §. 494. Petunt illam minores. §. 495. Sive cum, sive sine tutore, vel curatore, gesserint? §. 496. Qui minores non restituantur? §. 497. Ob quam lesionem datur restitutio? §. 498. Ob quam non datur? §. 499. Quae causa cognitio precedere debeat? §. 500. Quando non datur hac restitutio? §. 501. Ejus effecta. §. 502. Non datur restitutio, si negotium rescindi nequit. §. 503. An actione ordinaria petatur hac restitutio? §. 504. Minoribus equiparantur resp. civitates, ecclesia.

§. 492. **T**ertia in integrum restitutionis causa est lubricum ÆTATIS. (§. 462.) Quum enim inter omnes constaret, fragile esse juventutis consi-

(a) Quia & hæc exceptio famam sugillat, adversus eos, quibus debetur reverentia, potius *exceptione factum* utendum est (§. 488. 4.) L. 4. §. 15. D. de dol. mal. & met. exc.

linum, multisque suppositum captivis; primum lex LÆTORIA & minorennitatis annos finivit ( §. 129. \* ) & minoribus nolentibus curatores dari jussit. JUL. CAPIT. Marc. c. 10. ( Inst. 271. \* ) & læsis minoribus auxilium pollicita est, sed non nisi dolo circumventis, maxime per stipulationem. PLAUT. Rad. V. 3. v. 25. PRISCIAN. VIII. pag. 794. XVIII. pag. 1164.

§. 493. At prætor & sine dolo læsis subveniendum putavit, edixitque: *quod cum minore, quam 25. annis natu, gestum esse dicatur, uti quæque res sit, se animadversurum* L. 1. §. 1. D. h. t. Ex quo edicto fluunt axiomata. I. Prætor succurrit minoribus. II. Ob læsionem qualemcunque. III. Causa tamen cognita. IV. Hoc quoque remedium in subsidium petendum. V. Impetrati vero is effectus est, ut omnia ad pristinam causam reducantur.

§. 494. Quum itaque minoribus succurrat prætor ( §. 493. ) consequens est ( 1. Ut id beneficium pertineat ad ea, quæ anno ætatis 25. nondum adimpleto, gesta sunt L. 1. §. 1. l. 3. §. 3. D. h. t. ( 2. Ut si bis sexto, sive priore, sive posteriore, nati sint, in iis id biduum pro uno die habeatur ( §. 330. ) l. 3. §. 3. D. h. t. ( 3. Ut nihil intersit, sive eo tempore, quo lædebantur, nati, sive in utero, sive puberes, sive impuberes, sive patresfamilias, sive filiifamilias fuerint L. 3. §. 4. D. h. t. C. de filiof. minor. ( 5. Ut nec doctrina, nec munus decurionatus, obstat minoribus in facto errantibus, quo minus petere possint in integrum restitutionem; Arg. l. 5. §. ult. D. h. t. l. 41. D. de recept. l. 1. C. qui, & adv. quos. l. 2. D. de jur. & fact. ign.

§. 495. Nec minus inde colligas. ( 5. Nihil referre, tutoris, curatorisve auctoritate, & consensu aliquid gestum, an his non intervenientibus l. ult. C. si adv. rem jud. tit. C. si tut. vel curat. inter, quum ( 6. Ne quidem, si decretum magistratus intervenierit, hoc beneficium cesset l. 11. C. de præd. & al. reb. min. sing. decret. non alien.

§. 497. Contra ex eodem axioma patet ( 7. Cesare hoc beneficium, si major factus adolescens rem ratam habuerit l. 2. §. 1. 2. D. h. tit. C. si maj.

*fact.* ( 8. Cessare etiam, si minor cum minore habuerit negotium ( §. 119. 2. ) *L. 11. §. pen. l. 34. D. h. t.* Nec non ( 9. Si pubes jurejurando, quod gestum est, confirmarit *Auth. sacramenta pubertatis C. si adv. vendit.* vel ( 10. Si veniam ætatis impetrarit a principe, modo non læsus sit alienando immobilia. *L. 3. C. de his, qui vend. ætat.*

§. 497. Quum porro ob qualemcumque læsionem detur restitutio ( §. 492. 2. ) consequens est ut nihil intersit ( 1. Sive dolo læsus sit minor, sive sine dolo *L. 11. §. 3. D. l. 5. pr. C. h. t.* ( 2. Sive contraxerit, sive aliud gesserit negotium *l. 7. §. 1. C. h. t. C. si advers. rem. jud. & seqq. §. 3.* Sive in judicio, sive privatim quid gesserit *l. 7. §. 4. 11. 12. l. 8. sequ. l. 16. §. ult. D. h. t.* ( 4. Sive cum privato intercesserit negotium *tit. C. si adv. fisc.* ( 5. Sive pauperior factus sit, sive aliud senserit incommodum *L. 6. l. 7. §. 6. seq. l. 44. seqq. D. h. t.*

§. 498. Ex eodem vero patet, non dari restitutionem ( 1. Si minor se ipsum læserit, veluti delinquendo *l. 9. §. 2. l. 37. §. 1. D. h. t. l. 7. C. de pæn. majorem se dolose dicendo tit. C. si min. se major.* persecutionem pœnalem omittendo *l. 37. pr. D. h. t. l. 2.* Si læsio fato, vel vi divina contigerit *l. 11. §. 4. 5. D. h. t.* ( Si solum ex decreto judicis *l. 25. C. de admin. tut.* ( 4. Si non a possidente læsus sit, sed a tertio (a) *l. 13. §. 1. l. 14. D. h. t.* ( 5. Si læsus dicatur a parente, vel patrono, quorum pudor non est sugillandus *L. ult. C. qui, & adv. quos.*

§. 499. Quum præterea & hic causæ cognitione opus sit ( §. 493. 3. ) consequens est ( 1. Ut probari oporteat ætatem minorem *l. 43. D. l. 4. C. h. t.* ( 2. Et læsionem *l. 7. §. 3. D. l. 5. pr. C. h. t. l. 9. §. 4. D. de jurejur.* ( 3. Ut non nisi semel peti possit *tit. C. si sape rest. pet.* ( 4. Ut, si semel

(a) Nec enim contra tertium datur possessorem, nisi is vel mala fide possideat *L. 13. §. 1. l. 14. D. h. t.* vel minor alio modo rem, quam habere ejus interest, consequi non possit *d. l. 13. §. 1. l. 14. l. 9. pr. D. h. t.*

denegata, frustra deinde petatur *l. 1. t. 3. C. codi* ( 5. Ut & in eo vertatur cognitio, an petatur *justo* tempore; id est, intra quadriennium a primo die majorennitatis, quippe quo primum experiundi fuit potestas ( §. 464. 4. ) *l. ult. pr. C. de temp. in integ. rest.*

§. 500. Quumque & hæc restitutio tantum detur in subsidium ( §. 493. 4. ) consequens est ( 1. Ut ea opus non sit, si quod gestum, nullum est ipso jure *L. 16. §. 1. D. l. 3. C. h. t.* ( 2. Ut nec eadem locus sit, si alia minori in promptu sit actio ordinaria *l. 16. pr. D. h. t.*

§. 501. Denique quum impetrata hac actione omnia ad pristinam causam reducantur ( §. 493. 5. ) consequens est ( 1. Ut minor omnia recipiat in ea causa, qualis tempore gesti negotii fuit *l. 27. §. 2. D. h. t.* ( 2. Ut idem alteri debeat restituere, quod factus est locupletior *L. 7. §. 5. l. 24. §. 4. l. 40. §. 1. l. 47. §. 1. D. h. t. l. un. C. de reput.* ( 3. Ut & heredibus minoris detur *l. 18. §. ult. l. 19. D. h. t. l. un. C. si adv. dot.* non autem minori data prosit aliis majoribus, nisi res sit individua *L. un. C. si in comm. ead. caus.* *l. 10. pr. D. quemadm. serv. amitt.* immo ne quidem fidejussoribus, & mandatoribus *L. 13. pr. l. 23. D. h. tit.* nisi dolo læsus sit minor *l. 7. §. 1. D. de except. l. 2. C. de fidei min. vel illi debitorem minorem esse ignoraverint l. 48. §. 1. D. de fidejuss. Arg. l. 3. pr. D. ad 3C. Mac.*

§. 502. Unde simul patet ( 1. Cur non detur, si negotium rescindi non possit; adeoque ( 2. Nec hodie in nuptiis ei sit locus. *STRUV. Exerc. VIII. §. 57. nec* ( 3. Adversus libertatem *L. 2. C. si adv. libert. l. 9. §. ult. l. 31. D. h. t.* nisi hoc casu a principe ex magna causa impetretur *l. 10. D. h. t. nec* ( 4. Adversus præscriptionem longissimi temporis *l. ult. C. in quib. caus. in int. restit.*

§. 503. Ceterum ex hoc titulo prodita non est actio ordinaria; sed prætor imploratus extra ordinem, cognita causa ( §. 461. 3. \* ) restituit in integrum *L. 24. §. ult. D. h. t.*

§. 504. Corollarii loco addimus, quod & respa-

blicæ, civitates, ecclesiæ, quia sub aliorum cura sunt, in hac saltem causa restitutionis, minoribus æquiparentur, l. 3. de jur. reip. l. 4. C. ex quib. caus. maj. l. 1. C. de off. ejus, qui vic. alic. c. 3. D. de in int. restit. hisque quadriennium vel a tempore gesti negotii, vel scientiæ currat cap. 1. 2. de restit. in 6.

## TITULUS V.

## DE CAPITIS DEMINUTIONE.

§. 505. *Capitis deminutio quid?* §. 506. *Quotuplex?*  
 §. 507. *An ob maximam, & mediam data restitutio?*  
 §. 508. *Cur ea opus fuerit ob minimam?* §. 509. *Restitutionis hujus natura, & effecta.* §. 510. *An hodie aliquis ejus usus?*

§. 505. Sequitur quarta in integrum restitutionis causa, CAPITIS DEMINUTIO ( §. 462. ). Quum CAPUT idem sit, ac status civilis, secundum quem homines Romæ in tabulas censuales referebantur ( Inst. §. 223. ) capitis deminutio nihil aliud erit, quam prioris status mutatio lib. 3. D. pr. Inst. h. t.

§. 506. Quandoquidem vero status civilis in juri-  
 bus LIBERTATIS, CIVITATIS, & FAMILIÆ consistit ( §. 131. ) statu mutatio, qua libertas aufertur, capitis deminutio MAXIMA; qua civitas, MEDIA, qua jura familiæ, MINIMA (a) adpellatur L. ult. D. h. t. Priores, quia efficiunt, ut homines personæ civiles esse desinant ( §. 122. ) morti æquiparantur, MORTISQUE CIVILIS nomine veniunt §. 1. Instit. quib. mod. jus patr. pot. solv. lib. 209. D. de reg. jur.

§. 507. *Maximam, mediamque capitis deminutio-*

(a) Aliquando bimembris tantum occurrit divisio; veluti l. 1. §. 4. D. de suis, & legit. hered. l. 1. §. 8. D. ad SC. Tertull. Rationem reddidit NOODT. Probab. l. 12. & Observ. II. 21.

nem passi, quia pro mortuis erant (§. 506.) omnia jura amittebant. Quumque non magis, quam mortui, conveniri, aut convenire alios possent, ob eam non dabatur restitutio in integrum *l. 2. præ l. 7. D. h. t.* sed, si qui capite ita minutos obligatos haberent, iis actio utilis adversus fiscum, eosve, ad quos bona eorum pervenerant, competeat *d. l. 2. & 7. D. h. t.*

§. 508. At *minimam* passi deminutionem capitis veluti adoptivi, & emancipati, quia, ob venditionis intervenientis ritum, in imaginariam servilem causam deducebantur (§. 173. 1. 178.) *L. 3. §. 1. D. h. t.* eo ipso momento & civiliter obligati esse, & alios habere obligatos desinebant *L. 2. §. 2. D. h. t.* nisi quod salvæ essent (1. Obligationes ex criminibus admissis *l. 2. §. 3. l. 7. §. 1. D. h. t.* (2. Ex jure publico descendentes *l. 3. §. 2. l. 6. l. 7. præ D. h. t.* & (3. Quæ naturalem habent præstationem, & in facto consistere intelliguntur *L. 8. seq. D. h. t.*

§. 509. Quum vero æquitatis causa edixisset prætor: *qui quæve, posteaquam quid cum his actum, contractumque sit, capite deminuti, deminutave esse dicantur, in eos, easve perinde, quasi id factum non sit, se judicium daturum* *L. 2. §. 1. D. h. t.* inferbant veteres (1. Impetrata hac restitutione, jura, & actiones omnes iis, & in eos competere incipere *L. 2. §. 1. & ult. D. h. t.* (2. Non prodesse hanc restitutionem arrogatorii debitoris *L. 2. §. 4. D. h. t.* nec (3. iis, qui postea cum capite minutis contraxerint *L. 2. §. 2. D. h. tit.* (4. Eam, quia nec pœnalis, ne rescissoria proprie sit, merito esse perpetuam (§. 464. 4.) *L. 2. §. ult. D. h. t.*

§. 510. Enimvero, quum imaginaria illa servilis causa jam pridem evanuerit *L. ult. C. de emanc. l. ult. C. de adopt.* immo apud originis Germanicæ gentes numquam audita sit, dubitari profecto nequit, quin & hujus restitutionis nullus hodie sit usus.

## TITULUS VI.

EX QUIBUS CAUSSIIS MAJORES XXV. ANNIS  
IN INTEGRUM RESTITUUNTUR.

§. 511. *Restitutio propter absentiam.* §. 512. *Prima pars edicti, qua absentibus contra præsentes subvenitur.* §. 513. *Alter, qua præsentibus contra absentes.* §. 514. *Tertia de restitutione ob quantumque justam causam.* §. 515. *De hac restitutione axiomata.* §. 516. *Ex prima edicti parte restituuntur metus causa absentes.* §. 517. *Absentes reipublicæ causa.* §. 518. *Vel ob necessitatem.* §. 519. *An his detur restitutio procuratore relicto?* §. 520. *Quinam ex secunda edicti parte restituuntur?* §. 521. *Contra quos, & quibus casibus?* §. 522. *Ex tertia edicti parte qui restituuntur.* §. 523. *Restitutio hæc petitur vel actione, vel exceptione.* §. 524. *Actionis rescissoria descriptio.* §. 525. *Exceptio rescissoria.* §. 526. *An actionem rescissoriam tollat. L. 2. C. de ann. excepti?*

§. 511. **Q**uinta restitutionis in integrum causa est ABSENTIA ( §. 462. ) ex loco domicilii æstimanda (a) l. 31. D. h. t. l. 137. §. 1. l. 199. D. de verb. sig. Quum enim absente altero, dum non est conveniendi copia, jus alterius per usucapionem, vel præscriptionem facile posset expirare; hinc æquissimum prætori visum, & absentibus contra præsentes, & his contra illos restitutione in integrum subvenire l. 1. pr. l. 21. pr. D. h. t.

§. 512. Tres itaque prætor edicti partes fecit, PRIMA, absentibus contra præsentes subveniens, promisit: *si cujus quid de bonis fuerit deminutum, quum is metu, aut sine dolo malo rei publicæ caus-*

(a) Non ergo huc pertinet absentia a loco, ubi quis domicilium non habet, vel morari non solet. Quamvis propter hanc anni usucapionis soleant publicari *pr. Inst. de usucap.*

sa abesset, inve vinculis, servitute, hostiumve potestate esset, postea cujus actionis eorum, cui dies exisse dicatur, se earum rerum actionem intra annum, quo primum experiendi potestas fuerit, in integrum restitutum L. 1. §. 1. D. h. t.

§. 513. ALTERA ediſſi parte præsentibus subveniens contra absentes, monuit: si quis quid usu suum fecisset, aut, quod non utendo amissum esset, consequutus, actione, qua solutus ob id, quod dies ejus exierit, quam absens non defenderetur, inve vinculis esset, secumque agendi potestatem non fecisset; aut, quum eum invitum in jus vocare non liceret, neque defenderetur, quumque magistratus ea de re appellatus esset, sive cui per magistratum, sine dolo ipsius, actio exempta esse diceretur, se earum rerum actionem intra annum, quo primum ea de re experiendi potestas futura sit, in integrum restitutum d. l. 1. §. 1. D. h. t.

§. 514. Tertia denique ediſſi parte generalem hanc subjecit formulam: item, si qua alia mihi justa causa esse videbitur, in integrum restituam, quod ejus per leges, plebiscita, senatusconsulta, ediſſa, decreta principum, licebit L. 1. D. h. t.

§. 515. Inde ergo axiomata: I. Qui ob metum, rem publicam, vel necessitatem sine dolo absunt, ii adversus præsentem restituntur. II. In prima parte ediſſi non distinguitur, defendaturne quis, an non. III. Præsens adversus absentem semper restituitur, nisi hic defendatur. IV. Quotiescunque iusta absentiae, vel restitutionis causa est, prætor in integrum restituit. V. Impetrata hac restitutione, usucapio, vel præscriptio rescinditur, fingiturque, eum, qui usucepit, non usucepisse §. 3. 5. *Instit. de actio.*

• §. 516. Quum itaque, qui ob metum sine dolo malo absunt, adversus præsentem restituantur (§. 515. 1. sequitur) (1. Ut prætor non moveatur absentia ob quemlibet terrorem panicum; sed si quis, justo timore mortis, vel cruciatus corporis conterritus absit L. 2. §. 1. l. 3. D. h. t. (2. Ut ejus rei disquisitio sit iudicis, an justo metu conterritus quis absit d. l. 3. fin. D. h. t.



§. 517. Quinque & rei publicæ causa sine dolo malo absentibus succurratur (§. 515. 1.) consequens est ( 1. Ut hoc privilegium non pertineat ad magistratus, qui in urbe jus dicunt *l. 5. §. 1. l. 6. D. h. t.* ( quanvis milites, Romæ militantes, rei publicæ causa abesse censeantur ex privilegio Antonini Pii (*L. 7. junct. L. 35. §. 4. D. h. t.*) ( 2. Ut nec rei publicæ causa videantur abesse, qui data opera hoc adfectant, ut absint, vel qui litis causa absunt, vel maturius proficiscuntur, vel tardius revertuntur, vel sui commodi causa, vel ob privatum negotium, alio divertunt *L. 4. l. 5. l. 35. §. 9. l. 36. l. 37. l. 38. §. 1. D. h. t.* ( 3. Ut, qui publica auctoritate, & publici commodi causa absunt, iis tantum hoc beneficium prosit *L. 35. seq. D. h. t.*

§. 518. Quum porro ob necessitatem sine dolo malo absentes restituantur (§. 515. 1.) sequitur, ut eo beneficio fruantur ( 1. Qui vel in publicis, vel privatis vinculis habiti absuerunt *L. 9. D. h. t.* sive custodia militari, sive vinculis, & compedibus coerciti fuerint *L. 10. D. h. t.* ( 2. Qui sine bona fide servierunt, sive detenti fuerunt (a) *L. 11. D. h. t.* ( 3. Ab hostibus capti, vel ibi nati *L. 14. l. 5. D. h. t.* non autem ( 4. Transfugæ *d. l. 14. D. h. t.*

§. 519. Et quia hic non distinguitur, defensio sit absens, nec ne (§. 515. 2.) sequitur ( 1. Ut indistincte restituatur absens *l. 15. pr. D. l. 1. C. h. t.* ( 2. Nisi procuratorem reliquerit, ab eoque rem salvam habere possit *L. 18. pr. L. 39. D. h. t.* ( 3. Ut nec illi competat hoc beneficium, quo jam reverso nuncupio adimpleta est, nisi id intra modicum tempus, postquam rediit, veluti dum hospitium conducit, sarcinas componit, advocatum quærit, contingat, nec negligentia concurrat *L. 15. §. 3. l. 16. D. h. t.*

§. 520. Quandoquidem etiam præsens adversus absentem, nisi defendatur, semper restituitur (§. 515. 3.) consequens est ( 1. Ut hic certæ personæ non

(a) Non qui de statu litigantes in libertate morantur, quippe quibus negligentia nocet; quia hi possent, si vellent, rerum suarum satagere. *L. 12. D. hoc top.*

sint enumerandæ, contra quas prætor restituit *L. 21. §. 1. D. h. t.* ( 2. Ut detur restitutio, si nemo defendat absentem: id est, si nec procurator sit, nec sponte quis sese offerat ad iudicium pro eo accipiendum, satisfaciendumque iudicatum solvi *L. 21. §. 2. 3. l. 22. D. h. t.* ( 3. Ut præsentem etiam tunc succurratur, si in vinculis fuit, nec ideo agere potuit. *L. 26. §. 4. 5. 6. D. h. t.*

§. 521. Ex eodem sequitur, ut locus etiam sit restitutioni ( 4. Si reus non quidem absit, sed secum agendi potestatem non faciat (a) *L. 23. §. 4. l. 24. D. h. t.* ( 5. Si reus more majorum sine fraude in ius vocari non possit ( §. 279. ) *L. 26. §. 2. D. h. t.* non si vocari nequeat sine venia a prætore impetrata ( §. 279. ) *l. 26. §. 2. D. h. t.* ( 6. Si præsentem per magistratum sine dolo malo ipsius actio exempta sit, veluti dilationibus concessis, vel non facta sui copia *L. 26. §. 4. 5. 6. D. h. t.*

§. 522. Quumque ex generali clausula prætoris restitutio concedatur ob quamcumque justam absentie causam ( §. 515. 4. ) consequens est, ut ex ea formula subveniatur ( 1. Legatione pro municipio functis *l. 26. §. 9. D. h. t.* quamvis proprie non absint rei publicæ causæ; Arg. *L. 16. D. de verb. sign.* ( 2. Testimonii, cognitionis, vel adpellationis causa evocatis *L. 26. §. 9. D. h. t.* ( 3. Studiorum, vel ex alia probabili causa absentibus *L. 28. pr. D. h. t.* ( 4. Sub fidejussorum satisfactione captis *l. 28. §. 1. D. h. t.* ( 5. Non ex errore, vel ignorantia quid agentibus, ad quos hæc clausula non pertinet, nisi ob quasdam causas *l. 2. D. de in int. rest. l. 15. §. 5. D. quod vi, aut clam. §. 35. Inst. de off. l. 1. §. ult. l. 2. D. quod fals. tut.* Saltem non petenda restitutio contra præscriptionem longissimi temporis *l. ult.*

(6) At quum restitutiones tantum dentur in subsidium ( §. 460. 2. ) contra latitantem autem proditum sit remedium ordinarium, ut si copiam sui non faciat, in ejus bona eatur ( §. 277. 2. ) : videri posset hæc restitutio supervacua. Sed jam ULPIANUS respondit, neo semper latitare, qui sui copiam non facit, nec missionem illam, præcipue ex secundo decreto, tam facile impetrari *L. 21. §. 2. l. 23. §. 4. D. h. t.*

*C. de præs. long. temp. l. 3. l. 4. C. de præs. 30. vel 40. ann. junct. l. 1. C. si adv. vend.]*

§. 523. Quum denique impetrata hac restitutione usucapio rescindatur, fingaturque, eum, qui usucepit, non usucepisse ( §. 515. 5. ) facile patet, cur & ACTIO, & EXCEPTIO ex hoc ediçto fluat, quæ utraque dicitur RESCISSORIA (a).

§. 524. Et ACTIO quidem RESCISSORIA prætoriam modo in rem, modo in personam (b) competit, tum absenti, qui jus suum per usucapionem, vel præscriptionem amisit ( §. 516. seq. 522. ) tum præsentem, cujus jus ab absente exclusum ( §. 520. seq. ) eorumve heredibus l. 35. §. 6. *D. h. t.* contra eum, qui usucepit, ejusve heredem l. 30. *pr. D. eod.* ut res cum omni causa, vel actio amissa, rescissa usucapione, vel præscriptione, restituatur *L. 23. §. 2. l. 27. l. 28. §. ult. D. l. ult. C. h. t. §. Inst. de act.*

§. 525. EXCEPTIO, quæ & ipsa rescissoria dici potest, datur absenti rei publicæ causa, a quo, possessionem post usucapionem nactus, res vindicatur l. 28. §. 6. *D. h. t.* Vid. NOODT. *h. t. Tom. 2. Opp. p. 129.*

§. 526. Dubitari posset, an actioni rescissoriæ lo-

(a) Vocatur etiam actio hæc PUBLICIANA, *L. 35. D. de oblig. & act. l. 57. D. mand.* Ex eoque recte colligere nobis videtur, eam Publicio prætori deberi, æque ac alteram Publicianam in rem actionem, maxime quum sibi sint admodum similes, & utraque simili fictione nitatur §. 3. *Inst. de act.* Non tamen tribuenda Publicio, Ciceronis æquali, de quo *CIC. pro Cluent. cap. 45.* quamvis ita conjecerit BERTRAND. *Vit. jurisperit. II. 16.* sed alteri antiquiori. Nam TERENTIUS jam hujus restitutionis meminisse videtur in *Phorm. II. 4. v. 9.* ubi Cratinus, advocatus, ad patrem, quo absente, filius nuptias fecerat:

*Mihi, inquit,*

*Sic hoc videtur: quod TE ABSENTE hic filius  
Egit, restitui in integrum æquum est, & bonum;  
Et id impetrabis. Dixi.*

(b) Quando enim ex dominio prætorio seu ficto, vel ex alio jure in re nascitur, est realis §. 5. *Inst. de act.* si actio personalis amissa restitui petitur, personalis est *L. 3. C. h. t.* Vid. PAGENSTECH. *Aphorism. IV. 50. p. 420.*

eus hodie sit, invento faciliore remedio, ut adversus absentem per denunciationem, vel libellum iudici, rive absente, episcopo, vel defensori loci porrectum fiat interruptio usucapionis l. 1. C. de ann. excep. Vid. BACHOV. ad Treult. Vol. I. Disp. XI. h. t. 17. Sed quum hoc remedium rescissoria actione non sit pinguius, eoque casu alterum ab altero tolli non soleat; arg. l. 3. §. 1. D. naut. cap. stab. nec nova hac lege Justinianus vetus remedium sustulerit, nihil videtur obstare, quo minus rescissoria actione etiam hodie presentibus contra absentes succurri censeamus.

## TITULUS VII.

### DE ALIENATIONE JUDICII MUTANDI CAUSSA FACTA.

§. 527. *Edictum de alienatione iudicii mutandi causa facta.* §. 528. *Ob quam alienationem prator subveniat?* §. 529. *Ob quem dolum?* §. 530. *Que actio ex hoc edicto datur?*

§. 527. **U**ltima in integrum restitutionis causa est ALIENATIO JUDICII MUTANDI CAUSSA FACTA (§. 462.). Quamvis enim, qui dolo possidere desiit, pro possessore habeatur l. 131. l. 150. D. de reg. jur. tamen, quia rei vindicatio ob dominii probationem in se est difficilior, prætori visum promptius dare remedium (a) & edicto cavere: si dolo malo alienatio iudicii mutandi causa facta fuerit, neque arbitrio iudicii pristina iudicii causa restituatur, se intra annum in integrum restitutum, ut actor, quanti interest ejus, alium adversarium non habuisse, consequatur l. ult. l. 4. §. 1. 3. l. 8. §. 1. l. 6. l. 3. §. 4. l. 4. §. 5. D. h. t.

(a) Falluntur itaque, qui hanc restitutionem putant supervacuam. Falluntur, qui eam ob hanc causam hodie cessare autumant. Nec falluntur tamen, qui eam proprie restitutionem esse negant; siquidem nec alienatio rescinditur, nec ullum jus amissum restituitur.

§. 528. Quum itaque prætor contra alienantem judicii mutandi causa auxilium promittat ( §. 527. ) sequitur, ut locus sit huic remedio ( 1. Si quis vel dominium, vel possessionem in alium transtulit l. 4. §. 2. D. h. t. ( 2. Si quis vendidit rem alienam judicii mutandi causa l. 8. §. 2. D. h. t. ( 3. Si alienatio facta inter vivos l. 8. §. 3. D. h. t. ( 4. & quidem ante litis contestationem; arg. l. 2. C. de litigios. l. 8. §. 1. D. h. t.

§. 529. Quumque dolo malo alienationem factam esse oporteat ( §. 527. ) consequens est, ut in edictum incidat ( 1. Qui eo consilio alienavit, ut causam nostram redderet duriores l. 1. pr. §. 1. l. 2. l. 8. pr. l. 8. §. 1. D. h. t. non autem ( 2. Qui insolutum dedit l. 10. pr. D. h. t. rem vitiosam reddidit l. 8. §. ult. 9. D. h. tit. ob verecundiam, & odium litis, vel valetudinem, senectutem, vel occupationes, in alium transtulit l. 4. §. 1. D. h. t. nec ( 3. Qui jus nostrum alienando non reddidit deterius l. 3. §. ult. l. 4. §. 5. l. 8. §. 4. D. h. t.

§. 530. Datur ergo intra annum utilem (a), vel hodie intra quadriennium ( §. 464. 4. ) ACTIO IN FACTUM l. 1. pr. D. h. t. personalis l. 7. D. h. t. rei persecutoria l. 4. §. ult. l. 7. D. h. t. ei, cujus causa per alienationem deterior facta est, ejusve heredi l. 4. §. ult. D. h. t. adversus alienantem dolo malo; & judicii mutandi causa ( §. 528. seq. ) non adversus ejus heredes l. 4. §. ult. l. 7. D. h. t. ad id, quod interest auctoris, alium adversarium se non habuisse, consequendum. l. 3. §. 4. l. 1. pr. D. hoc tit.

(a) Ita in *Accursiana* editione est; & sic idoneum sensum habet rubrica. Vid. RAD. FORNER. *Rer. quotid.* II. 1. NOODT. h. e. Tom. II. *Opp.* p. 135.

## TITULUS VIII.

DE RECEPTIS ( arbitris, \* ) ET QUI ARBITRIUM  
RECEPERUNT, UT SENTENTIAM  
DICANT.

. §. 531. *Quid arbiter?* §. 532. *De arbitris axiomata.* §. 533. *Qui eligi non possint?* §. 534. *Qui possint?* §. 535. *A quibus, & quomodo eligantur?* §. 536. *De quibus causis?* §. 537. *Quis recepisse dicatur arbitrium?* §. 538. *Arbitri officium.* §. 539. *In primis in publicanda sententia.* §. 540. *Quomodo cogatur arbiter ferre sententiam?* §. 541. *Partes stare debent sententiae arbitri.* §. 542. *Quomodo stare cogantur?* §. 543. *Quomodo finiatur arbitri officium?*

§. 531. **U**ltimum ex τῶν ἐπιτέρ est. COMPROMISSUM in ARBITROS . §. 274. 5. ) quo saepe fit, ut non eatur ad iudicem, GIG. pro Cæcin. cap. 2. Est autem ARBITER hoc loco (a) vir bonus, qui partium compromisso, vel constipulatione electus, officium causam cognoscendi, definiendique recepit L. 1. l. 13. §. 2. D. l. penult. C. h. t.

§. 532. Inde fluunt axiomata: I. Arbiter loco iudicis est, nec index tamen. II. Ut quis arbiter sit, ex parte litigantium compromissum, ex parte electi receptio requiritur. III. Arbitri est, causam cognoscere, & definire. IV. Partium autem, stare ejus sententiae.

§. 533. Quum itaque arbiter sit loco iudicis ( §. 532. 1. ) consequens est ( 1. Ut, qui causam cognoscere, ac definire non posse intelliguntur, nec arbitri esse possint; adeoque ( 2. Nec furiosi, mentesque capti, nec ( 3. Impuberes, nec ( 4. Surdi, &

(a) Alias enim, & iudices a prætore, in b. f. & arbitrariis judiciis dati, ARBITRI vocabantur ( Inst. §. 1181. ) item, qui conciliandis partibus sine compromisso operam dabant l. 13. §. 2. D. *hæc sit.* nec non, qui in contractibus aliquid definiunt L. 76. D. *pro soc.*

mti. l. 9. §. 1. *D. h. t. l. 5. D. de reg. jur. nec* ( 5. *Minores viginti annis l. 41. D. h. tit. nec* ( 6. *Feminæ (a) l. ult. C. h. t. nec* ( 7. *Servi hoc officio fungi possint l. 7. pr. §. 1. D. h. t. l. 68. D. verb. sign.*

§. 534. Quia tamen iudices non sunt ( §. 532. 1. ) facile patet ( 8. *Rem maxime ad compromittentium voluntatem redire ; & hinc* ( 9. *& Filium in causa patris l. 5. l. 6. D. h. t. itemque* ( 10. *Infantem l. 7. pr. D. h. t. &* ( 11. *Minorem, modo viginti annorum sit l. 41. D. h. t. eligi posse ; non autem* ( 12. *iudicem ordinarium l. 9. §. 2. D. h. t. quod & ipsum tamen jus canonicum concedit c. 7. & 10. X. de arbitr.*

§. 535. Quumque, ut quis arbitretur sit, ex parte litigantium compromissum requiratur ( §. 532. 2. ) consequens est ( 1. *Ut compromittere possint, qui possunt transigere* ( §. 380. ( 2. *Ut compromittatur vel stipulatione interposita, vel nudo pacto (b) l. 11. §. 3. l. 13. §. 2. 3. l. 27. §. 7. D. l. 5. C. h. tit.* ( 3. *Ut compromisso utilissime accedat stipulatio pœnæ conventionalis, l. 11. §. 2. l. 27. §. ult. D. l. 5. C. h. t. non, quod olim frequentissime, accessit, iurjurandum. Auth. Decernit C. h. t. Nov. 82. cap. 11. §. 1. DES HERALD. Jus Att. & Rom. V. 14. 12.*

§. 536. Ex eodem axioma sequitur ( 4. *Ut compromissum valeat de quacumque causa privati arbitrii, non* ( 5. *De delictis publicis, causisve famosis l. 32. §. 6. D. h. t. nec* ( 6. *De actionibus popularibus, vel* ( 7. *Causis status de libertate, & ingenuitate l. 32. §. 7. D. h. t. nec* ( 8. *De restitutionibus in integrum, & si qua alia sine jurisdictione, & publica auctoritate explicari nequeunt l. C. ubi, & apud quos.*

§. 537. Quia præterea ex parte arbitri receptio re-

(a) Aliud tamen jure canonico per c. 4. X. h. t. ubi quum ratio addatur, quod in Gallia feminæ jurisdictionis capaces babeantur ; non inepte hoc capitulum applicatur iis omnibus locis, ubi & feminæ feudorum, & jurisdictionis patrimonialis sunt participes.

(b) Idque jure Romano dat tantum exceptionem ; si e. g. qui arbitrio non stetit, a me petat l. 5. C. h. t. Hodie stipulatio, & pactum pari passu ambulant ( §. 574. )

quiritur ( §. 532. 2. ) recte inferes ( 9. Arbitrium recipere esse rem liberam, & solutam, & extra necessitatem jurisdictionis positam; adeoque neminem cogi, ut arbitrium recipiat *L. 3. §. 1. D. h. t.* ( 10. Eum, qui ad partes tantum conciliandas operam promisit, non esse arbitrium *L. 13. §. 2. D. h. t.* ( 11. Illum, qui semel arbitrium recepit, ad cognoscendum, ferendamque sententiam cogi posse *L. 3. §. 1. D. h. t.*

§. 538. Quum porro arbitri sit causam cognoscere, & ferre sententiam ( §. 532. 3. ) consequens est ( 1. Ut is procedere debeat servato juris ordine *I. 1. D. h. t.* ( 2. Ut sententiam ferre debeat de causa, de qua compromissum, non de alia. *L. 32. §. 15. 17. 21. l. 21. §. 4. sequ. l. 25. pr. D. hoc tit.* ( 3. Ut non dicant sententiam plures arbitri, quibusdam absentibus, nisi in hunc casum litigantes diserte compromiserint *L. 17. §. ult. l. 27. §. 4. D. h. t.* ( 4. Ut, si plures arbitri in re ipsa dissentiant, id, quod pars major judicavit, præferatur; si in quantitate omnes dissentiant, sequendum sit id, quod minimum est *L. 17. §. 6. l. 18. l. 27. §. 3. D. h. t.* ( 5. Ut, si pares numero arbitri dissentiant, tertia persona eligenda sit, cujus auctoritati pareatur, & quæ in Germania vocatur *ein Obmann. l. 17. §. 5. 6. D. h. t.*

§. 539. Ex eodem axioma colligitur ( 6. Arbitros sententiam concipere debere secundum leges, & jura recepta; *Arg. pr. Inst. de offic. jud.* ( 7. Eosdem illam publicare debere præsentibus partibus, si rem intelligant *l. 27. §. 4. 5. l. 40. l. 47. D. h. t.* nec non ( 8. Loco, in quem compromissum, *l. 21. §. 10. D. h. t.* ( 9. Die non feriato *l. 2. l. 7. C. l. 5. D. de fer.* ( 10. Tempore convento, nisi vel tempus nullam partes expresserint, vel temporis prorogandi arbitris fecerint potestatem, vel jurare velint arbitri, sibi nondum liquere. *L. 14. l. 27. pr. l. 32. §. 11. l. 21. §. 5. l. 13. §. ult. D. h. t.*

§. 540. Quumque, qui arbitrium receperunt, cogi possint ad ferendam sententiam ( §. 537. 3. ) non inique sane edixerat prætor, qui arbitrium receperit, eam re sententiam dicere coacturum *L. 3. §. 2. D. h. t.* Ex quo colligebant JCTi ( 1. Posse arbitrum, sea-



tentiam dicere rennientem, mulctæ dictione, aliisque remediis prætoriiis, coerceri *L. 32. §. 12. D. h. tit.* ( 2. Eundem tamen excusari, si justa ipsi causa suppetat recusandi arbitrium (a).

§. 541. Denique quum partium sit, stare sententiæ arbitri ( §. 532. 4. ) consequens est ( 1. Ut stare ei debeant, sive æqua, sive iniqua sit sententia, *l. 27. §. 2. D. h. t.* ( 2. Ut arbiter ipse sententiam mutare nequeat *l. 19. §. 2. D. h. t.* ( 3. Ut non detur appellatio *l. 32. §. 14. D. h. t.* ( 4. Tantum exceptio doli mali, si inhonestum quid jusserit arbiter, *l. 21. §. 7. D. h. t.* vel ex gratia, aut odio male judicavit, *L. 31. l. 32. §. 14. D. l. 3. C. h. t.* ( 5. Ut, si arbitri omnes & singuli in ipsa re dissentiant, partes stare sententiæ non teneantur *L. 27. §. 3. D. eod.*

§. 542. Attamen, quum arbitro non ob potestatem publicam, sed tantum ex compromisso pareatur, facile patet ( 1. Ex ejus sententia non dari actionem judicati, sed tantum ( 2. Actionem vel ad pœnam conventionalem consequendam *l. 2. l. 21. §. 4. D. l. 1. l. 2. C. h. t.* vel ( 3. Ad id, quod interest *l. 27. §. ult. D. h. t.* nec non ( 4. Exceptio, si sententia a partibus subscripta, vel decennii silentio firmata sit *l. 5. C. h. t.* id quod *laudem homologatum* vocant.

§. 543. Ceterum ex arbitri natura & indole hæcenus exposita per se patet, finiri arbitri officium, ( 1. Morte alterutrius compromittentis, nisi & heredum nomine compromissum sit *L. 27. §. 1. l. 32. §. 19. l. 49. §. 2. D. h. t.* ( 2. Tempore, in quod compro-

(a) Quales justæ causæ sunt ( 1. Litigantium protervia, & inconstantia *L. 9. §. 4. 5. l. 11. l. 12. pr. l. 15. l. 17. §. 1. D. h. t.* ( 2. Vitium in compromisso *l. 11. §. 4. 5. l. 12. l. 13. pr. D. eod.* ( 3. Inimicitia capitalis inter arbitrum, & alterutrum litigantium subnata ( 4. Senectus ( 5. Valetudo ( 6. Munus in republica suscipiendum. *L. 15. l. 16. pr. §. 1. D. eod.* ( 7. Cessio honorum, ab alterutro litigantium facta *l. 17. pr. D. h. t.* ( 8. Pœna commissa *L. 32. §. 1. l. 34. §. 1. D. h. t.* ( 9. Transactio: ( 10. Interitus hominis, vel rei, de quibus litigatur *l. 32. §. 5. D. h. t.* ( 11. mors, vel furor compromittentis *L. 27. pr. §. 1. D. h. t.*

missum, elapso *L. 21. §. 8. l. 32. §. 3. D. h. t.* (3. Mutua remissione *L. 13. pr. l. 32. §. 3. D. h. t.* (4. Pœna semel commissæ *L. 32. §. 1. l. 34. §. 1. D. eod.* (5. Novo compromisso *L. 9. §. ult. l. 10. D. eod.* (6. Adito iudice *L. 9. §. ult. l. 30. D. h. tit.* (7. Inita transactione: (8. Rei, de qua litigatur, interitu *L. 32. §. 5. D. eod.* (9. Dicta, publicataque sententia *L. 19. §. ult. D. h. t.*

## TITULUS IX.

NAUTÆ, CAUPONES, STABULARII UT  
RECEPTA RESTITUANT.

§. 544. *Ratio ordinis.* §. 445. *Cur de receptis caverit prætor?* §. 546. *Quotuplex obligatio ex recepto nascatur?* §. 547. *Fundamentum obligationis ex quasi contractu.* §. 548. *De eo axiomata.* §. 549. *Qui dicantur recepisse?* §. 550. *Quid receptum restituendum?* §. 551. *Ad quid ex receptione obligentur?* §. 552. *Actio de recepto ex quasi contractu descriptio.* §. 553. *Obligatio nautarum, cauponum, stabulariorum ex quasi delicto.* §. 554. *Actio hujus, & superioris differentia.* §. 555. *Usus hodiernus.*

§. 554. **H**unc titulum fugitivum esse puto cum **CUJACIO**: quia ad *res pœnæ* judiciorum, vel ea, quæ in jure fiunt, nihil facit *actio de receptis*. **TRIBONIANUS** tamen eam huc rejecit, sive occasione vocabuli **RECEPTA**, sive quod **JULIANUS**, in edicto perpetuo, edicta de receptis arbitris, & de receptis nautis, cauponibus, stabulariis conjunxerat.

§. 545. *Nautæ, caupones, & stabulorum excoitores, levissimæ fidei homines videbantur Romanis, & hinc famosum forum Appi.*

*Differtur NAUTIS CAUPONIBUS atque MALIGNIS, apud HORAT. Serm. 5. v. 4. Quia tamen necesse erat, homines fidem eorum sequi, resque illorum custodiæ committere l. 1. §. 1. D. h. t. æquum videbatur prætori, eos ad recepta restituenda cogere.*

§. 546. *Quia vero vel ipsi nautæ, caupones, & sta-*

*bularii* damnum nobis dant; vel *eorum homines*, quorum opera, & ministerio utuntur, vel *veffores*, & *viatores*; primo casu ex *vero delicto*; altero *quasi ex delicto*; postremo *quasi ex contractu* obligantur *nautæ*, *caupones*, *stabularii*.

§. 547. QUASI CONTRACTUS fundamentum est RECEPTIO, ex qua præsumtio nascitur, eos se ad custodiam exactissimam obstrinxisse *l. 1. §. 8. l. 2. D. h. t.* Quemadmodum enim in ipsorum arbitrio erat, ne quem, ejusve res, reciperent *l. 1. §. 1. D. h. t.* (a) ita recepta exactissime custodire, & restituere merito tenentur, ne dum volunt, quod antecedit, id quod consequitur, nolle videantur ( §. 362. 2. ).

§. 548. Quæ quum ita sint, æquissimum sane est edictum prætoris: *nautæ, caupones, stabularii, quod cujusque saluum fore receperunt, nisi restituant, in eos judicium dabo; l. 1. pr. D. h. tit.* Ex quo fiunt axiomata: I. Fundamentum hujus judicii est receptio. II. Ex ea nascitur obligatio ad custodiam exactissimam.

§. 549. Quum itaque receptio sit hujus judicii fundamentum ( §. 548. 1. ) sequitur ( 1. Ut, sive per se receperint, sive per magistrum navis, aut institorem, aut aliam, cui id negotii dederunt, obligentur, non autem si quid ab iis receptum, quorum opera ad id uti non solent. *L. 1. §. 2. 4. 5. D. h. t. l. 1. §. 6. D. de exerc. act.* ( 2. Ut nihil referat, sive res iis adsignatæ sint, sive non sint, sive jam in navem illatæ, sive in littore perierint, *l. 1. §. 6. 7. 8. l. 2. D. h. t.* ( 3. Ut quoque perinde sit, sive mercede conducti, sive gratis receperint *L. 6. pr. D. hoc tit.*

§. 550. Ex eodem patet ( 4. Nihil omnino interesse, sive nostras res receperint, sive alienas, modo nostra intersit, eas non periisse, *L. 1. §. 6. 7. D. h. t.* quum non ex rerum, quas receperunt, qualitate, sed ex receptione nascatur obligatio.

(a) Atqui in *l. un. §. 6. De furt. adv. naut. caup.* dicitur, *eos viatores repellere non posse*. Utrumque verum. Recipere an velint, in eorum arbitrio est: semel receptos repellere nequeunt.

missum, elapso *L. 21. §. 8. l. 32. §. 3. D. h. t.* (3. Mutua remissione *L. 13. pr. l. 32. §. 3. D. h. t.* (4. Pœna semel commissâ *L. 32. §. 1. l. 34. §. 1. D. eod.* (5. Novo compromisso *L. 9. §. ult. l. 10. D. eod.* (6. Adito iudice *L. 9. §. ult. l. 30. D. h. tit.* (7. Inita transactione: (8. Rei, de qua litigatur, interitu *L. 32. §. 5. D. eod.* (9. Dicta, publicataque sententia *L. 19. §. ult. D. h. t.*

## TITULUS IX.

NAUTÆ, CAUPONES, STABULARII UT  
RECEPTA RESTITUANT.

§. 544. *Ratio ordinis.* §. 445. *Cur de receptis caverit prator?* §. 546. *Quotuplex obligatio ex recepto nascatur?* §. 547. *Fundamentum obligationis ex quasi contractu.* §. 548. *De eo axiomata.* §. 549. *Qui dicantur recepisse?* §. 550. *Quid receptum restituendum?* §. 551. *Ad quid ex receptione obligentur?* §. 552. *Actio de recepto ex quasi contractu descriptio.* §. 553. *Obligatio nautarum, cauponum, stabulariorum ex quasi delicto.* §. 554. *Actio hujus, & superioris differentia.* §. 555. *Usus hodiernus.*

§. 554. **H**unc titulum fugitivum esse puto cum CUIACIO: quia ad *res pœnæ* judiciorum, vel ea, quæ in jure fiunt, nihil facit *actio de receptis*. Tribonianus tamen eam huc rejecit, sive occasione vocabuli RECEPTA, sive quod Julianus, in edicto perpetuo, edicta de receptis arbitris, & de receptis nautis, cauponibus, stabulariis conjunxerat.

§. 545. Nautæ, caupones, & stabulorum exorcitores, levissimæ fidei homines videbantur Romanis, & hinc famosum forum Appi.

*Differtur* NAUTIS CAUPONIBUS atque MALIGNIS, apud HORAT. *Serm. 5. v. 4.* Quia tamen necesse erat, homines fidem eorum sequi, resque illorum custodiæ committere *l. 1. §. 1. D. h. t.* æquum videbatur prætori, eos ad recepta restituenda cogere.

§. 546. Quia vero vel ipsi nautæ, caupones, & sta-

*bularii* damnum nobis dant; vel eorum homines; quorum opera, & ministerio utuntur, vel *rectores*, & *viatores*; primo casu ex vero delicto; altero quasi ex delicto; postremo quasi ex contractu obligantur *nautæ*, *canpones*, *stabularii*.

§. 547. QUASI CONTRACTUS fundamentum est RECEPTIO, ex qua præsumtio nascitur, eos se ad custodiam exactissimam obstrinxisse *l. 1. §. 8. l. 2. D. h. t.* Quemadmodum enim in ipsorum arbitrio erat, ne quem, ejusve res, reciperent *l. 1. §. 1. D. h. t.* (a) ita recepta exactissime custodire, & restituere merito tenentur, ne dum volunt, quod antecedit, id quod consequitur, nolle videantur ( §. 362. 2. ).

§. 548. Quæ quum ita sint, æquissimum sane est edictum prætoris: *nautæ, canpones, stabularii, quod cujusque saluum fore receperunt, nisi restituant, in eos judicium dabo; l. 1. pr. D. h. tit.* Ex quo fiunt axiomata: I. Fundamentum hujus judicii est receptio. II. Ex ea nascitur obligatio ad custodiam exactissimam.

§. 549. Quum itaque receptio sit hujus judicii fundamentum ( §. 548. 1. ) sequitur ( 1. Ut, sive per se receperint, sive per magistrum navis, aut institutorem, aut aliam, cui id negotii dederunt, obligentur, non autem si quid ab iis receptum, quorum opera ad id uti non solent. *L. 1. §. 2. 4. 5. D. h. t. l. 1. §. 6. D. de exerc. act.* ( 2. Ut nihil referat, sive res iis adsignatæ sint, sive non sint, sive jam in navem illatæ, sive in littore perierint, *l. 1. §. 6. 7. 8. l. 2. D. h. t.* ( 3. Ut quoque perinde sit, sive mercede conducti, sive gratis receperint *L. 6. pr. D. hoc tit.*

§. 550. Ex eodem patet ( 4. Nihil omnino interesse, sive nostras res receperint, sive alienas, modo nostra intersit, eas non periisse, *L. 1. §. 6. 7. D. h. t.* quum non ex rerum, quas receperunt, qualitate, sed ex receptione nascatur obligatio.

(a) Atqui in *l. un. §. 6. De furt. adv. naut. camp.* dicitur, eos *viatores repellere non posse*. Utrumque verum. Recipere an velint, in eorum arbitrio est: semel receptos repellere nequeunt.

§. 551. Quumque ex receptione nascatur obligatio ad custodiam exactissimam ( §. 548. 2. ) consequens est ( 1. Ut omne damnum teneantur resarcire, etiam a vectoribus, & viatoribus datum, l. 7. pr. D. D. h. t. ( 2. Ut non præstent casum fortuitum, seu damnum fatale, quod extra navem, cauponam, stabulum accidit; L. 3. §. 1. l. 4. pr. D. h. t. ( 3. Ut liberentur, si prædixerint, ut quisque res suas custodiat, & navigantes, vel viatores in eo adquieverint, l. 7. pr. D. h. t.

§. 552. Ex hoc itaque quasi contractu nascitur ACTIO IN FACTUM de recepto personalis rei persecutoria (a) competens vectoribus, & viatoribus, quorum res in navem, cauponam, stabulum receptæ sunt ( §. 550. ) eorumve heredibus adversus nautas, caupones, stabularios, qui receperunt ( §. 549. ) eorumve heredes, l. 3. §. 4. D. h. t. ut recepta restituant, damnumque omne, præterquam fatale, resarciant ( §. 551. ).

§. 553. Datur etiam QUASI EX DELICTO actio, cuius fundamentum est culpa nautarum, cauponum, stabulariorum, qua se alligant, dum malorum hominum ministerio utuntur, l. 5. §. ult. D. de oblig. & action. §. ult. Inst. de oblig. quæ quasi ex del. L. ult. pr. §. 4. D. h. t. Si ergo ab his damnum datum sit, promittit prætor: se in factum, in exereitores, caupones, & stabularios in duplum iudicium daturum, l. 5. §. ult. D. de obl. & act. §. ult. Inst. de oblig. quæ quasi ex del. l. un. D. furt. adv. naut.

§. 554. Datur ergo & hoc casu ACTIO IN FACTUM, quæ a superiore ita differt ( 1. Quod illa sit rei persecutoria ex quasi contractu ( §. 552. ) hæc pœnalis ex quasi delicto ( 2. Quod illa detur ob damnum a vectoribus, & a viatoribus ( §. 551. 1. ) hæc ob damnum a ministris, & familia datum, l. 4. l. 6. §. 3. D. h. t. ( 3. Quod illa in simplum ( §. 552. ) hæc in duplum detur, l. ult. §. 1. D. h. tit. §. ult.

(a) Unde facile patet, hanc actionem esse perpetuam: deque ea re tanto minus dubitandum, quod & altera actio ex quasi delicto, contra naturam harum actionum perpetua est, L. 7. §. 6. D. h. t.

*Inst. de obl. quæ quasi ex del.* ( 4. Quod illa competat contra heredes ( §. 552. ) hæc minime *l. ult. §. ult. D. h. t.*

§. 555. Ceterum tantum abest, ut actiones hæc ( præterquam quod in duplum non facile agitur ) hodie extra usum sint, ut eas & tunc utiliter in foro institui videamus, si res ab exercitoribus cursus publici receptæ, vel viatorum, vel aurigarum culpa perierint STRYK *de aff. invest.* 1. 9. 35. *Consil. Marburg.* II. 9. 20. 6.

# PANDECTARUM

## P A R S   S E C U N D A

QUÆ

DE JUDICIIS INSCRIBITUR



### L I B E R   V.

#### TITULUS I.

DE JUDICIIS , ET UBI QUISQUE AGERE , VEL  
CONVENIRI DEBEAT .

§. 1. *Ratio ordinis.* §. 2. *Quid judicium?* §. 3. *Judicium civile, & criminale.* §. 4. *Publicum, privatum, ordinarium, extraordinarium.* §. 5. *Quænam judicia sint popularia?* §. 6. *Civilia vel realia, vel personalia.* §. 7. *Petitoria, & possessoria.* §. 8. *Universalia, generalia, singularia.* §. 10. *Ordinaria, extraordinaria.* §. 11. *Ordinaria, & summaria.* §. 12. *Axiomata de judiciis.* §. 13. *Quid actor, & judex.* §. 14. *An agere possint inter se pater, & filius, nec non servus?* §. 15. *An infantes, furiosi, prodigi, pupilli, minores?* §. 16. *An filius familias recte agat contra tertium?* §. 17. *An quis agere cogatur?* §. 18. *Provocatio ex lege, Diffamari, & lege, Si contendat.* §. 19. *Olim & magistratus agere, & convenire non poterant.* §. 20. *Quis reus esse possit?* §. 21. *An & alius pro alio conveniri queat?* §. 22. *Judices, quinam esse nequeant?* §. 23. *Quinam suspecti?* §. 24. *Quinam incompetentes?* §. 25. *Forum quotuplex?* §. 26. *Forum domicilii communis.* §. 27. *Qui ibi conveniri poterint.* §. 28. *Domicilium proprium quotuplex.* §. 29. *Voluntarium ubi sit?* §. 30. *Ubi necessarium?* §. 31. *Quæ actiones in foro domicilii institui possint?* §. 32. *Forum originis?* §. 33. *Ad quas causas pertinuerit?* §. 34. *Forum*



*contractus*. §. 35. *Forum delicti*. §. 36. *Forum rei sitæ*. §. 37. *Forum continentie caussarum*, & *prorogata jurisdictionis*. §. 38. *Forum privilegiatum quotuplex*. §. 39. *Privilegia causæ*. §. 40. *Privilegia actorum*, & *reorum*. §. 41. *Quid olim litis contestatio*. §. 42. *Quotuplex sit*. §. 43. *Ejus effectus*.

§. 1. **I**n prima Pandectarum parte de *πρωτοις* seu de iis, quæ IN JURE fiunt, actum (P. I. §. 244. \*) sequuntur jam, quæ IN JUDICIO, vel apud judicem pedanent, fiunt. Qua occasione, de præcipuis judiciis, vel actionibus, in foro instituendis agitur. Unde facile etiam patet, cur hæc secunda pars inscribatnr DE JUDICIIS.

§. 2. **J**UDEX in vetere illo sensu erat *vir bonus, a prætore datus, ad cognoscendum de facto, ferendamque ex formula præscripta sententiam*. Quidquid ergo tunc coram eo judice pedaneo fiebat, id JUDICIUM dicebatur. Enimvero, quum id magistratum, & *judicum* discrimen jam Justiniani temporibus fere exoleverit (Inst. §. 1327.) hodie JUDICIUM est *legitima causæ disceptatio, & decisio, a judice competente facta*.

§. 3. Ratione itaque tam *caussarum*, quam *personarum* litigantium, ipsiusque *modi litigandi* judicia varie dividi posse facile patet. Quod enim ad CAUSAS, de quibus litigatur, attinet, alia judicia sunt CIVILIA, quibus de causis civilibus, vel de rebus ad singulorum patrimonium pertinentibus, disceptatur; alia CRIMINALIA, quibus de severitate publicæ disciplinæ, in delinquentes, & facinorosos exercenda, agitur: L. 5. §. 1. C. de *jurisdic.* l. 1. pr. D. de *quest.* l. 13. C. h. tit. l. 1. §. ult. D. de *pæn.*

§. 4. Criminalia judicia, vel ob delicta privata instituntur, quæ dicuntur PRIVATA; vel ob crimina publica, quæ PUBLICA adpellantur, L. 1. D. de *publ. jud.* PUBLICA, si ex legibus quibusdam specialibus publicorum judiciorum descendant, dicuntur ORDINARIA, vel PUBLICA; sin, nulla lata lege

speciali, extra ordinem vindicantur, EXTRAORDINARIA (a).

§. 5. In publicis ordinariis, & quibusdam extraordinariis (l. 3. pr. §. ult. l. 6. D. de sepulcr. viol.) unicuique e populo jus erat accusandi. Idein vero etiam in quibusdam actionibus pœnalibus, vel jurisdictionis, vel publicæ securitatis tuendæ causa proditis, observamus. Et hæc speciatim dicuntur POPULARIA (b), quippe quæ tuendi juris publici causa cuius e populo dantur, L. 43. §. 2. D. de proc. t. 1. D. de popul. act.

§. 6. Deinde cum judicia CIVILIA de singulorum patrimonio instituantur (§. 3.) & hinc dici etiam soleant PECUNIARIA, jus autem nostrum vel sit

(a) Recte Jot. GEORG. GRÆVIUS in *Præf. Tom. II. Thesaur. antiq. Rom.* pagina, mihi numero 30. PUBLICA, inquit, crimina erant de criminibus, de quibus lex certa lata erat, & finita illa lege pena, secundum quam legem postulabatur a quocumque, qui publici criminis aliquem volebat accusare, nisi esset, quibus jure id licebat: Publica dicebantur, & quia pertinebant ad statum publicum, sive rei publica, non ad privatorum statum, ut judicia privata: & quia ex legibus publicis oriebantur. EXTRAORDINARIA erant, quæ ex legibus publicis non oriebantur, sed in quibus quærebatur de criminibus, de quibus aut nulla leges erant, aut, si leges essent, tam crimen atrocius duceretur, quam ut secundum leges judicaretur puniendum esse. In judiciis PUBLICIS sortiebantur inter se prætores, quam quisque deberet exercere questionem de vi, de adulterio; in EXTRAORDINARIIS agnoscebant aut coss. aut totus senatus, aut præfectus urbi, aut præfectus prætorio ultra centesimum lapidem, aut in provinciis imperatoris legati augusti pro prætore, in populi vero procoss. In judiciis EXTRAORDINARIIS non poterat quilibet civium accusare, ut IN JUDICIIS PUBLICIS, sed cujus intererat. Non itaque erant extraordinaria judicia privata, quamvis publicis opponantur; sæpe enim agebatur ad animadversionem publicam. Privata quidem vocantur in L. 1. §. ult. D. de pan. Sed rationem reddimus jam alibi (*Inst. §. 1036. \**).

(b) Unde non confundenda cum JUDICIIS POPULI, quando populus de capite civis Romani in comitiis suffragia ferebat; de quibus nos in *Antiq. Rom. IV. 18. §4. seq. p. 325. seq.*

IN RE, vel AD REM ( P. I. §. 196. ) judicia, quæ ex illo nascuntur, IN REM, vel REALIA; quæ ex hoc, PERSONALIA adpellantur §. 1. *Inst. de act.* Illis rem a quocunque possessore vindicamus; hæc adversus illos instituimus, quibuscum nobis fuit negotium, L. 25. pr. D. de oblig. & act. non adversus tertium possessorem, nisi sint ex actionibus in rem scriptis ( *Inst. §. 1146.* ).

§. 7. Eadem judicia civilia vel de ipsa proprietate instituuntur, vel de possessione tantum. Illa PETITORIA, hæc POSSESSORIA adpellantur, l. 14. §. ult. D. de except. rei jud. Hæc illi præmittenda sunt, ut constet, unde petendum sit, quemque petitoris partibus fungi oporteat l. 35. D. de adquir. vel amitt. poss.

§. 8. Præterea; quia vel de universitate juris agitur, v. gr. de hereditate; vel de certo bonorum genere, veluti in societate, tutela, &c. vel de re singulari, e. c. de fundo, equo, & similibus; hinc judicia etiam in UNIVERSALIA, GENERALIA, & SINGULARIA dispesci solent, l. 1. pr. D. de rei vind. l. 18. §. ult. D. de pet. her. L. 38. D. pro soc. Ceterum judicia universalia id singulare habent ( 1. Quod petitio sufficiat generalis ( 2. Quod pretium succedat in locum rei lib. 22. D. de her. petit. immo & ( 3. Res in locum pretii; non quidem, si ex hereditariis nummis comparata, l. 20. §. 1. l. 25. §. 1. D. eod. sed hæreditati causa empti sit l. 20. pr. §. ult. D. eod. Quod secus in judiciis singularibus.

§. 9. Hæ divisiones omnes causarum diversitate nituntur. Ratione PERSONARUM LITIGANTIUM ( §. 3. ) quædam judicia ita sunt comparata, ut ob dubiam, vel communem possessionem uterque aëoris partibus fungi posset (a) qualia sunt judicia finium regundorum, familiæ eriscundæ, communi dividundo, indiæa uti possidetis, & utrobi: in aliis unus

(a) Dico *posset*; nec enim actu uterque agere potest. Hinc pro aëore habetur, qui primus ad iudicium provocavit; si uterque simul provocavit, qui prior petit; si per conviciu uterque petit, quem sors elegerit. L. 2. §. 1. D. comm. div. l. 13. D. h. t.

tantum agere potest. *Illa* DUPLICIA, *hæc* SIMPLICIA vocantur l. 44. §. 4. D. fam. erc. l. 13. 14. D. h. t. §. ult. Instit. de interd.

§. 10. Denique ratione MODI LITIGANDI (§. 3.) ita differebant judicia, ut in aliis prætor daret judicem pedaneum, vel arbitrum, de facto cogniturum in aliis ipse extra ordinem cognosceret. *Illa* ORDINARIA, *hæc* EXTRAORDINARIA, vel COGNITIONES, vocabantur, L. 178. §. penult. D. de verb. signif. L. 4. §. 1. De deneg. gest. GER. NOOD. de jurisdict. L. 7. Unde abolito magistratuum, & iudicium discrimine, omnia judicia extraordinaria esse dicantur §. ult. Instit. de interd.

§. 11. Quumque alia judicia solemnii juris ordine, alia sine ambagibus breviter expediantur; hinc alio sensu *illa* ORDINARIA, *hæc* SUMMARIA vocantur: quo pertinent omnes causæ moram non ferentes, veluti alimentorum, L. 5. §. 8. D. de agn. & alend. lib. L. 9. D. de jur. delib. de mortuo inferendo, L. 1. D. de extr. cogn. momentaneæ possessionis, l. un. C. de mom. poss.

§. 12. Hæc de variis judiciorum generibus. Cæterum ex ipsa definitione iudicii (§. 2.) fluunt axiomata: I. Iudicium constituunt ACTOR, REUS, JUDEX. II. Iudicem oportet esse competentem, quotiescumque causæ cognitione opus est (P. I. §. 249. seq.) III. Iudicium initium capit a litis contestatione.

§. 13. Per ACTOREM intelligimus eum, qui in iudicio sibi vel jus in re esse, vel ab aliquo dari fieri oportere, intendit, L. 6. l. 13. l. 14. D. h. tit. REUS nobis est is, unde petitur. Iudex denique hodie (§. 2.) quilibet magistratus, vel vir bonus, & habilis publica auctoritate juris dicendi causa, constitutus §. 137. 2. D. de verb. oblig. l. 4. §. 1. D. fam. ercisc.

§. 14. Quum itaque actor, & reus sint personæ diversæ (P. I. §. 145. 2.) consequens est (1. Ut inter patrem, & filium familias, ob unitatem personæ nullum iudicium subsistat (P. I. §. 148. 2.) l. 4. l. 11. D. h. t. l. 3. C. de in jus voc. (2. Ut aliter se res habeat in peculio castrensi, vel quasi ca-

strensi ( *Inst.* §. 488. 1. ) l. 4. *D. h. t. l. 4. §. 1. D. de castr. pecul.* ( 3. Ut nec servus, qui persona plane non est ( *P. l. §. 132. agere possit, l. 44. §. 1. L. 53. D. l. 6. C. h. t.*

§. 15. Quumque actor aliquid intendat ( §. 13. ) sequitur, ut agere non possint ( 1. Rationis usu destituti, v. g. infantes, furiosi, mente capti, *L. 5. D. de reg. jur. nec* ( 2. Qui se obligare nequeunt (a) Unde ( 3. Nec pupilli, minores, prodigi, sine tutorum, curatorumve auctoritate, & consensu, agere possint, *L. 3. §. 11. D. de pecul. l. 1. D. de curat. fur. L. 1. 2. C. qui legit. pers. stand. in iud. nisi veniam ætatis impetrarint minores, l. 10. de adpell. l. 1. l. 3. C. de his, qui vent. æt. causa sit momentaneæ possessionis, L. ult. C. qui legit. pers. stand.*

§. 16. Quumque actor vel ius sibi in re esse, vel aliquid dari fieri oportere intendat ( §. 13. ) merito inferitur ( 1. Ratione peculii profecticii patrem agere debere, non filium ( *Inst.* §. 479. \* ) nisi absente patre, *l. 9. l. 13. de oblig. & act. l. 18. §. 1. D. h. t.* ( 2. Eundem agere de peculio adventitio ordinario, filio tamen, si justæ ætatis sit, consentiente ( *Inst.* §. 480. ) l. ult. §. 3. *C. de bon. que lib.* ( 3. De extraordinario filium agere consentiente patre (b) *d. l. ult. pr. fin. §. 1. C. eod.* ( 4. De castrensi, & quasi castrensi eo etiam non consentiente, *l. 4. D. h. t.*

§. 17. Ex eodem sequitur ( 5. Ut invitus agere nemo cogatur, *l. nn. C. ut nem. inv. ag. cog. nisi aut expresse, vel tacite quis obligatus sit ad agendum; uti in casibus L. 13. §. penult. D. de act. emt. l. 15.*

(a) Qui enim aliquid intendunt, cum lis sit litis contestatio. Per litis contestationem quasi contrahitur. Ex quasi contractu mutua obligatio nascitur. Qui ergo se obligare nequeunt sine tutore, vel curatore, illi nec agere sine illis possunt. Q. E. D.

(b) Quamvis enim hoc peculium pleno jure sit filii ( *Inst.* §. 481. ) sine patris tamen consensu agere non debet, quia in eo pro patre familias non habetur, *l. 2. D. de SC. Maced.* Videtur tamen id quodammodo mutatum per *Nov. 117. c. 1.* quæ filio familias plenam indulget facultatem, *quæcumque modo de hujusmodi peculio inter vivos disponendi.*

§. ult. *D. de legat.* 1. l. 8. §. ult. *D. de opt. leg.* l. 2. pr. §. 2. *D. ad leg. Rhod. de jast.* l. 5. §. 12. 17. commod. l. 1. *C. de his, quib. vi indign.* l. 9. *D. ad SC. Silan.* aut ad agendum quis ex *Lege, Diffamari* 5. *C. de ingen. manum. vel ex lege, Si contendat* 28. *D. de fidejuss. provocetur.*

§. 18. Ex *LEGE DIFFAMARI* fieri dicitur provocatio, si diffamatio præcessit, vel alter sibi adversus me, sive in re mea, jus esse jactavit (a). Ex *LEGE SI CONTENDAT*, quoties ex dilata actione periculum mihi imminet amittendæ exceptionis. Utroque casu provocatur alter, ut aut actionem, si juri suo confidit, instituat; aut perpetuum sibi silentium imponi patiatur. *STRYKIUS* in *Not. ad Laureth.* p. 98.

§. 19. Olim ob singularem rationem (P. I. §. 279. 4.) agere, & conveniri prohibebantur magistratus, quamvis erant cum imperio *L. 48. D. h. tit.* Quod hodie, vel ipsa illa lege teste, non semper observatur, quia ratio apud nos annuum esse solet magistratum, judiciumque imperium.

§. 20. Quum porro *REUS* sit, unde petitur (§. 13.) facile patet (1. Eum rem esse posse qui res suas libere administrat; adeoque (2. Nec furiosum, prodigum, infantem, (nec 3. Pupillum, vel minorem sine tutoris, curatorisve auctoritate, & consensu, nec (4. Filium familias actione peculii profectitii, & adventitii ordinarii, actione reali pulsandum esse, *L. 1. 2. C. qui legit. pers. stand.* l. 54. *D. de re jud.* §. 1. *Inst. per quas pers. cuiq. adquir.* (5. Recte conveniri filium familias actione personali, & ex judicato tunc agi adversus patrem de peculio, *L. 39. D. de oblig. & act.* l. 3. §. 11. *D. de pecul.* (6. Servos quoque judicium pecuniarium suscipere non posse, *L. 3. §. 8. D. de pecul.*

§. 21. Ex eodem inferitur (7. Nec alium pro alio

(a) Sed hujus provocationis fundamentum frustra queras in *l. 5. C. de ingen. manum.* Vid. *ANT. MATTHÆI Colleg. Cod. Disp.* 14. *NOODT. ad h. t. p. 147. Tom. 2. Opp.* ubi hoc remedium ad solam diffamationem status ingenuitatis pertinere docet. Sed usus fori illud protulit ad omnes diffamationes.

conveniri posse tituli C. ne uxor pro mar. & ne fil. pro patre, nec ( 8. Unum ex universitate de universitatis debito tit. C. ut null. ex vican. pro al. vican. ( 9. Represalias etiam, quas vocant, non esse juri Romano consentaneas: Auth. Habita C. ne fil. pro patr. quamvis nonnunquam concedi hodie soleant. GROTI. de jar. bell. & pac. 3. 2.

§. 22. Ad JUDICEM denique quod attinet, quum illum habilem esse oporteat ( §. 13. ) consequens est ( 1. Ut furiosus, mente captus, impubes, surdus, & mutus ei officio adinovendi non sint, L. 12. §. 2. D. h. t. ( 2. Ut idem dicendum sit de minoribus octodecim annis, l. 57. pr. D. de re jud. ( 3. De mulieribus, & servis l. 12. §. 2. D. h. t. nec non ( 4. De juris imperitis, Nov. 82. pr. & c. 1. FRANC. HOTOM. Qu. 24. ( 5. De senatu motis l. 12. §. 2. D. h. t. & ( Ex cleri ἀπιστικο μασιγῶς principiis, de hæticis Auth. Credentes C. de heret.

§. 23. Deinde, quia & virum bonum esse decet judicem ( §. 13. ) non sane personam judicis sustinere debent, qui vel ob effectum L. 10. D. de jurisd. vel ob spem commodi, aut ob detrimentum iniunens, l. 17. D. h. t. l. un. C. ne quis in sua caus. vel ob patrocinium alterutri litigantium præstitutum, l. 6. C. de postul. vel ob aliam justam causam suspicionem incurrunt. Adeoque ( 7. Recte hi repelluntur ob exceptionem suspecti judicis (a) L. 16. l. 18. C. h. t.

§. 24. Denique, quum & competentem esse oporteat judicem ( §. 32. 2. ) is vero sit competens, qui reum cogere, & coercere potest, consequens est ( 1. Ut actoris sit, sequi forum rei L. 2. C. de jurisd. own. jud. l. ult. C. ubi rem act. ( 2. Ut reo, ad competentem judicem vocato, vel impune liceat non parere, si manifesta sit fori incompetencia l. ult. D. de jurisd. vel ( 3. Si quodammodo dubia, ei in mundo

(a) Enimvero, quum probanda sit hæc exceptio, l. 9. pr. D. de liber. caus. expeditius remedium introductum est per c. 11. de resc. in 6. puta *jusjurandum perhorrescentiæ*, ad quod se litigans etiam nulla allegata suspicionis causa, offerre potest. Vid. BOHEMERI *jus Ecclesiast. Prot.* 2. 1 14. seq.

Hein. Pund. Tom. I.

sit exceptio incompetentis iudicis, vel p̄scriptio fori, *L. ult. C. de except.*

§. 25. Quandoquidem itaque auctor sequitur forum rei, (§. 24. 1.) sciendum est, forum quemque sorti-  
turi aut ex JURE COMMUNI, aut ex JURE SINGULARI, vel privilegio. Quod ex jure communi quis habet, id vel GENERALE est, ad omnes perinde causas pertinens; vel SPECIALE, certis causis proprium. Generalia sunt fora DOMICILII, & ORDINIS, specialia fora CONTRACTUS, DELICTI, REI SITÆ, CONTINENTIÆ CAUSSARUM, & PROROGATÆ JURISDICTIONIS.

§. 26. Primum forum generale in DOMICILII loco agnoscimus. Id ex juris Romani principiis vel COMUNE est, vel PROPRIUM. Commune omnium civium Romanorum domicilium erat Roma, *l. 33. D. ad munic. l. ult. de interd. & releg. l. 6. §. 11. D. de excus.* quam omnes tamquam majorem patriam venerabantur. *CIC. de leg. 2. 1. EZ. SPANHEM. Orb. Rom. 1. 2. 7. Ant. nostr. Rom. App. l. 1. 5.*

§. 27. Inde ergo est ( 1. Quod civis, ubicumque lares posuisset, Romæ tamen deprehensus, forum ibi agnoscere teneretur, *l. 17. §. 3. l. 24. l. 26. D. h. t.* ( 2. Quamvis ex privilegio jus domum revocandi haberent legati, & testimonii, adpellationisve causa Romam evocati, nisi ibi simul forum contractus esset, *L. 2. §. 3. 4. l. 8. l. 24. seq. l. 36. §. 1. l. 42. D. h. t.*

§. 28. Domicilium proprium est vel VOLUNTARIUM, ubi quis lares, & fortunarum sedem constituit, non inde discessurus, si nihil revocet, *l. 7. C. de incol. §. 203. D. de verb. sign.* vel NECESSARIUM, quod quis alicubi, urgente necessitate, constituit.

§. 29. Ex priora definitione sequitur ( 1. Ut nec habitatio sine animi destinatione, nec contestatio animi sine habitatione faciat domicilium, *l. 17. §. 13. l. 20. l. 27. §. 2. D. ad munic.* ( 2. Ut si quis duobus locis hoc modo elegerit domicilium, auctor arbitrari possit, utro in loco eum velit convenire, *L. 6. §. 2. l. 27. §. 2. D. eod.* ( 3. Ut, qui nusquam, & ubique habitat, ibi recte conveniatur, ubi deprehen-



ditur *L. 27. §. 2. D. eod. l. 1. C. ubi quis de curial. vel cohort.*

§. 30. Ex posteriore colligimus ( 1. Relegatum, vel in loco, unde relegatus est, vel in loco ubi commoratur, conveniendum, *L. 27. §. ult. l. 22. §. 3. D. ad munic.* ( 2. Uxorem sequi domicilium mariti, *L. 5. D. de rit. nupt. l. ult. §. 3. D. ad municip. l. un. C. de mulier. in quo loco 65. l. fin. D. h. t.* ( 3. Senatores & in patria, & Romæ, tamquam dignitatis suæ domicilio, esse conveniendos, *L. 11. D. de senator. l. 7. C. de incol.*

§. 31. Quam autem hoc forum DOMICILII sit generale ( §. 25. ) sequitur ( 1. Ut ibi institui possint omnes actiones personales, ac reales, nisi ( quod quædam, quæ in foro hoc commode excipi nequeant, speciatim exceptæ sunt ) (a) *L. 7. C. ubi ut rem. l. 2. C. de jurid.* ( 2. Ut & heredes, in foro defuncti, respondere teneantur, accepto jam a defuncto iudicio *L. 19. pr. l. 34. D. h. t.* )

§. 32. Alterum forum generale est ORIGINIS ( §. 25. ) Ita enim se habebat jus Romanorum publicum, ut municipes, tametsi Romam, vel alio migrassent, in municipio tamen non ipsi modo jura omnia retinerent, sed & eorum liberi, & liberti ibidem forum agnoscere tenerentur; unde pater (b) vel patronus essent oriundi *L. 1. §. 1. 2. l. 6. pr. §.*

(a) Sic speciatim cautum ( 1. Ut administrator rationes reddere cogatur in loco, ubi administravit, *L. 1. C. ubi de ration.* ( 2. Ut domicilium, quod quis tempore contractus habuit, translato domicilio daret, *L. 2. C. de jurid.* ( 3. Ut iudicium possessorium hæreditarium remittatur ad forum rei sitæ, *L. un. C. ubi de hered.*

(b) Maternæ originis ratio non habebatur, nisi in illegitimis liberis ( *P. I. §. 154. 8.* ) Apud Ilienses tamen, Delphicos, & Ponticos ex legitimo quoque nati matrimonio domicilium maternæ originis sequebantur *L. 1. §. 2. D. ad munic.* Cujus privilegii originem ratione Ponticorum ab Amazonibus, ratione Iliensium a Veneris, & Minervæ Iliensis veneratione; & denique ratione Delphicorum a Pythia non inscite arcessit JAC. GOTHOFR. *ad l. 51. C. Th. de decurion. l. 12. tit. 1.* ex qua & 61. lege ejusdem tituli discimus, etiam Antiochenis simile fuisse privilegium. Vid. ZÖZIM. *Hist.* 3. 11.

1. seq. L. 22. l. 23. l. 27. pr. l. 29. D. ad munie. Antiq. nost. Rom. Adpend. l. 1. 5.

§. 33. Si generale fuit hoc forum, quod plerisque hactenus visum, illud ad omnes causas pertinuisse oportuit (§. 25.) Sed JO. GOEDD. ad L. 190. D. de verb. signif. n. 4. p. 1062. jam olim suspicatus est, hoc forum tantum ad munera ibi subeunda pertinere, idque probat NOODT. ad. h. t. p. 153. Mihi nondum liquet. Id vero certissimum, hujus fori hodie usum plane nullum esse.

§. 34. Iter fora specialia primum est forum CONTRACTUS (§. 25.) quod ibi quisque sortitur, ubi daturum, facturumque se promisit, vel si id non expressum, ubi contrahens perfectus, L. 19. §. 2. l. 45. pr. D. h. t. l. 21. l. 55. D. de oblig. & act. Ex quo facile patet, eligi posse hoc forum, quoties lis de contractu oriatur (1. Si rem ibi citatio deprehendat, non transeuntem quidem, vel παραλλήλα, sed negotii causa eo loci commorantem; vel (2. Si ibi habeat bona, quorum in possessionem actor mitti possit, L. 19. §. 1. 2. D. h. t. (3. Modo id fiat salvo privilegio nundinarum L. un. C. de nund.

§. 35. Forum DELICTI eo loci est, ubi quis delictum vel inchoavit, vel perfecit, lib. 1. C. ult. de crim. vel eo perpetrato deprehenditur L. 3. l. 13. de off. præs. Ex quo sequitur (1. Ut fugiens, nulla habita ratione dignitatis, & edicti citari, & investigari possit, L. 1. C. ubi senat. (2. Ut, quamvis olim rei remittendi essent ad præsidem, cujus in provincia crimen admissum fuerat l. 7. §. 4. 5. D. de custod. lib. ult. D. de accus. ea remissio tamen hodie non tam necessitatis sit, quam voluntatis, & officii.

§. 36. In foro REI SITÆ institui possunt actiones omnes in rem sive corporalem, sive incorporalem, sive mobilem, sive immobilem, l. 1. l. ult. C. ubi in rem. excepta hereditatis petitione, in foro domicilii (secus ac si de possessione hereditariarum rerum litigetur (§. 31. 3.) instituenda L. 1. C. ubi de hered.

§. 37. Forum CONTINENTIÆ CAUSSARUM locum habet, si causæ sint ita connexæ, ut commode separari nequeant, L. 10. C. h. t. Forum denique

PROROGATÆ JURISDICTIONIS, quod, tametsi incompetens, reus tamen vel ultro agnoscit, vel reconventus ob actionem, adversus alium ibi institutam, agnoscere tenetur *L. 1. C. de jurisd.* De posteriore diximus supra (P. I. §. 255. seq.) de priorē infra *L. 11. tit. 2.* erit agendum.

§. 38. Reliqua sunt fora ex JURE SINGULARI orta, sen *ex privilegio* (§. 25.). Privilegia autem hæc vel ad CAUSSAM, de qua litigatur, vel ad PERSONAS LITIGANTES pertinent.

§. 39. Quod ad CAUSSÆ privilegia attinet, tali foro gaudent (1. Causæ status, *L. 3. l. 4. l. ult. C. ubi caus. stat. & hodie* (2. Causæ ecclesiasticæ, *c. 3. X. de judic. tit. 10. de for. comp.* (3. Fendales *1. F. 18. 2. F. 55. §. 2.* Immo (4. Et passim causæ mercatorum, metallicæ, nanticæ, silvestres, academicæ, &c. *Conf. Elem. jur. Germ. l. 3. t. 2. §. 89.*

§. 40. Privilegio etiam gaudent PERSONÆ litigantes; & quidem (1. Inter ACTORES personæ miserrabiles, & evolutæ, ut statim reum possint trahere ad tribunal superius, *L. un. C. quand. imp. int. pupill. vid. vel al. pers. miser.* (2. Inter REOS clerici, *L. 33. C. de episc. & cler. Nov. 123. c. 21.* senatores, illisque sublimiores, *t. C. ubi senat. vel clariss. professores, & studiosi, Auth. Habitu C. ne fil. pro patr. milites l. pen. C. de jurisdic. quamvis hi ob delicta communia, & a iudice ordinario puniri queant, L. 2. pr. D. de re milit.*

§. 41. Pergimus ad LITIS CONTESTATIONEM, a qua initium capit iudicium (§. 12. 3.) Ea olim fiebat, ubi iudex datus erat, adhibitis testibus (a). Unde definitur, quod sit iudicii suscepti utrimque

(a) Nimis edicta coram prætore actione reus excipiebat, actor replicabat, reus duplicabat. Eo facto spon- sione se invicem provocabant, & præter iudicem da- bat, eumque, si placebat litigantibus, addicebat, ex formula laturum sententiam. Ne itaque a statu quæstio- dis abiretur, dicebant, quam in causam sponde- rint, quod hunc iudicem susceperint, & præsentibus acclamabant: TESTES ESTOTE, FKST. voce contesta- tio. CUJAC. Obs. 21. JU. HOEDD. ad *L. 36. D. de verb. sign. n. 6. seq. p. 445. seq.*

*facta professio, super petitione actoris, & rei contradictione* L. un. C. de lit. cont. l. 14. §. 1. C. h. t.

§. 42. Quæ definitio & hodie tolerari potest; ex eaque patet ( 1. Rem semper contradicere intentioni actoris; adeoque ( 2. Litis contestationum semper esse negativam, & hinc ( 3. Divisionem ejus in AFFIRMATIVAM & NEGATIVAM hodiernis quidem moribus non incongruam (a) non magis tamen Romanam esse quam alias in compendiis obvia, in litis contestationem PURAM, & EVENTUALEM, EXPLICITAM, vel SPECIALEM, & IMPLICITAM, seu GENERALEM.

§. 43. Quum itaque sit judicii suscepti utrimque facta professio ( §. 41. ) consequens est ( 1. Ut excludat exceptiones declinatorias, & dilatorias, L. 10. C. de prob. ( 2. Ut in actionibus personalibus rem faciat litigiosam, L. 2. C. de litigios. ( 3. Ut sit quasi contractus inter actorem, & rem, l. 3. §. 11. D. de pecul. adeoque ( 4. Novationem inducat necessariam, l. 11. fin. l. 29. D. de novat. l. ult. C. de usur. rei jud. & ( 5. Efficiat, ut actiones & perpetue fiant, & ad heredes transeant, l. 139. pr. l. 87. l. 164. D. de reg. jur. l. 1. §. 1. C. de ann. except. ( 6. Ut possessorem constituat in mala fide l. 10. C. de adju. poss. efficiatque, ut & ad fructus quosvis, & ex eo tempore restituendos, teneatur L. 24. C. de re vind. Ut & ( 7. ipsam usucapionem interrumpat, L. 26. C. de rei vind. l. ult. C. un. exc.

(a) Postquam enim litis contestatio *explicita*, & *specialis* ad singula capita libelli in foro passim penetravit; fieri non potuit, quin reus vel narrationem facti veram esse concederet, petitionem tamen actoris exceptione peremptoria elideret, vel facto, & petitioni pure contradiceret. Priore casu litis contestationem *affirmativam* esse dicunt, quum tamen revera semper reus contradicat actoris intentioni.

## TITULUS II.

## DE INOFFICIOSO TESTAMENTO.

§. 44. *Ratio ordinis*. §. 45. *Quid testamentum inofficiosum*? §. 46. *Hujus querelæ origo*. §. 47. *Ejusdem fundamentum*. §. 48. *Quibus ea competat*? §. 49. *Quid portio legitima*? §. 50. *De natura hujus querelæ axiomata*. §. 51. *Qui illam instituant*? §. 52. *Quibus casibus ea opus sit*? §. 53. *Ejus effectus*. §. 54. *Quatenus res redeat ad causam intestati*? §. 55. *Querela hæc in subsidium datur*. §. 56. *Non si institui possit actio expletoria*. §. 57. *Quamdiu duret hæc querela, & an ad heredes transeat*? §. 58. *Quomodo cesset*? §. 59. *Querela inofficiosa descriptio*.

§. 44. **P**ostquam de judiciis dictum est generatim, agi jam incipit de variis causis, quæ in judicium deduci solent; & quidem primo de judiciis IN REM, tam UNIVERSALIBUS, quam SINGULARIBUS ( §. 8. ) Inter universalia est HEREDITATIS PETITIO, cujus non prætoria actio, sed species, est QUERELA INOFFICIOSI TESTAMENTI, l. 8. 5. 8. l. 20. l. 21. §. 2. l. 27. §. 3. D. l. 34. C. h. t. VINN. *Quæst. select.* 1. 19. AVERAN. *Interpr. jur.* 1. 8. 5. quæ hic præmittitur.

§. 45. Dicitur testamentum INOFFICIOSUM, quod recte quidem, sed non ex officio pietatis factum est l. 2. l. 3. D. h. t. OFFICIUM autem proprie est, quod sibi invicem debent propinqui, quos necessitudo suscitatur, & opem ferre jubet. SENECA. *de benefic.* 3. 18. Cujusmodi officium est, quod propinqui propinquis, non nisi ex sontica causa, spem hereditatis debent intervertere.

§. 46. Quum autem, quæ officii sunt aptitudinem quidem, at non facultatem agendi, cogendique alterum, producant ( P. I. §. 4. ) nullum olim erat remedium proditum rescindendi testamentum, quo liberi, & propinqui, injuste licet exheredati, præteritive, uterentur, L. 11. D. de lib. & post. LIV. 1.

34. CIC. *de Orat.* 1. 38. At postea JCti (a) excogitarunt remedium, quo in justa hereditate exclusis subveniretur, idque *ἀφαιΐας ἔνεκα* non actionem vocarunt, sed QUERELAM, quia cognati non accusare, agere, litigare, sed conqueri inter se dicebantur. VOSS. *Instr. or.* 1. 6. 2.

§. 47. Nimirum, quem animadverterent furiosum etiam ex principiis legum 12. tab. condere non posse testamentum, fingeant, eum qui propinquos contra officium pietatis sine causa hereditate excluderet, non fuisse sanæ mentis, *pr. Inst. l. 17. §. 1. D. h. t.* idque inde inferebant, quod de illis, nihil tale meritis, iudicium tam malignum intulisset. Eleganter THEOPHILUS; *ἐμυλῶν διὰ τῆς, ἢ τὰ δαυτῶ φύσιν λόγου ἐμπέσσειν* ideo insanisse existimandus est, quod naturam sine causa odisset (b).

§. 48. Dabatur itaque hæc querela initio omnibus cognatis proximis, etiam matri, nondum lato SC. Tertulliano, quibus homines leves, & indigni fuissent prælati. VALER. MAX. VII. 7. 8. 10. *van de WATER Obs.* 1. 12. Enimvero, introducta ex rationibus legis Falcidie portione legitima (*Inst. §. 581.\**). iis tantum competere cæpit hoc remedium, quibus portio illa legitima debetur, §. 1. & 3. *Inst. L. ult. C. h. t.*

§. 49. Est autem PORTIO LEGITIMA pars bonarum lege definita, liberis, parentibus, & certo casu fratribus, & sororibus a testatore sine onere relinquenda. Nov. 1. *præf. §. 1. Nov. 89. §. 3. l. 8. §. 8. D. l. 29. C. h. t.* Ea initio fuit quarta portionis

(a) Non itaque hæc querela ex lege quadam Glicia est, quod visum CUJAC. *Obs.* 2. 21. 17. nec ex edicto prætoris, uti existimat P. PITÆUS ad *Parat. legg. Mos. & Rom.* 16. 3. non ex constitutionibus principum, quod suspicatus est DUAREN. *ad h. t. c. 2.* sed ex interpretatione prudentum, ceu probavimus in *Antiq. Rom.* 2. 18. 5. *edict. nov.* ubi ex VALERIO MAX. VII. 8. 7 ostendimus, eam jam ante a. u. c. 682, fuisse usu receptam. Addatur BYNKERSH. *Obs.* 2. 22.

(b) Eodem fere modo Græci Basil. 59. §. 1. *πῶ γὰρ καὶ εἴτις εἰτὶν κατὰ τὴν, τὸ χαλεπαίνειν ὥτως κατὰ τῆς φύσεως*: cur furorem non diceremus, ita naturam succensere? FABROTT. ad *Theoph. h. t. p. 298.*

ab intestato debite PAUL. *Sent. recept.* IV. 5. 5. PLIN. *Ep.* V. 1. d. l. 8. §. 8. 9. C. h. t. l. 21. C. *fam. ere.* at postea Justinianus constituit, ut si liberi (vel parentes, fratresve, vel sorores, sint quatuor, vel pauciores) connumeratis etiam exhereditatis, Arg. l. 8. §. 8. D. h. t. tunc portio legitima sit triens; sin quinque, vel plures, semis bonorum. Nov. 18. c. 1. Nov. 39. & 92.

§. 50. Ex hac origine, & fundamento istius querelæ fiunt axiomata: I. Querela inofficiosi datur tantum iis, quibus legitima debetur (§. 48.) II. Ea rescinduntur testamenta jure facta, sed non ex officio pietatis (§. 45.) III. Quia color dementiæ suprema propinquorum judicia subvertit (§. 47.) odiosa habetur.

§. 51. Quum itaque is tantum detur hæc querela, quibus debetur portio legitima (§. 50. 1.) sequitur, ut competat (1. Liberis (§. 49.) §. 1. *Instit.* L. 1. l. 15. §. 2. D. h. t. & quidem ratione patris legitimis, suis, & emancipatis, l. 7. l. 25. D. h. t. ratione matris etiam naturalibus, & vulgo quæsitis, (P. l. §. 152. §. 154.) L. 8. D. unde cogn. l. 29. §. 1. D. h. t. natis pariter, ac posthumis, L. 6. pr. D. §. 2. *Instit.* h. t. (2. Parentibus utriusque sexus, & cujuscumque gradus, si liberi non existent, L. 1. l. 30. D. l. 28. L. h. t. (Nec his superstitionibus, fratribus, & sororibus, germanis, & consanguineis (a) quibus turpis persona antelata, modo ipsi sint integre existimationis, (P. l. §. 441.) l. 27. C. h. t.

§. 52. Quumque hac querela testamenta jure facta rescindantur (§. 50. 2.) consequens est (1. Ut quoties testamentum injustum est, hac querela non sit opus; adeoque (2. Liberi sui a patre præteriti potius querela nullitatis utantur, L. 1. D. de injust. rupt. irr. test. (3. Ut a matre, avove materno sive

(a) Ita CONSTANTINUS M. in l. 27. D. h. t. Sed posse tamen hodie & uterinos hanc querelam instituere, ducto ex Nov. 118. c. 4. argumento, merito existimamus, id quod & Græci videntur observasse. BASIL. XXXIX. 56. THEOPH. ad. §. 1. *Instit.* h. t. HARMENOP. *Promt.* V. 6. 2.

exheredati, sive præteriti, recte hoc remedium adhibeant §. 1. & ult. *Inst. de exher. lib.* ( 4. Ut parentes sive exheredati, sive præteriti, testamentum inofficiosum dicant, *L. 14. D. h. t.*

§. 53. Ex eodem patet ( 5. Querela hac cum effectu instituta, olim rem redaxisse ad causam intestati; adeoque ( 6. Legata, & fideicommissa, coneidisse, *L. 8. §. pen. l. 28. fin. D. h. t.* At ( 7. Justinianus tamen id ratione parentum, & liberorum mutavit *Nov. 115. c. 3. & 4.* (ratione fratrum enim, & sororum nihil mutatum videmus *Nov. 22. c. 47.*) sanxitque, ut sola rescissa heredis institutione, reliqua testamenti capita subsistant.

§. 54. Quia itaque hodiernum res, saltem quod ad heredis institutionem attinet, ad causam intestati redit ( §. 53. 7. ) Icti non abs re inferebant ( 8. Locum in hac querela esse edicto successorio ( *Inst. §. 724.* ) adeoque, propiore omittente, remotiores admitti, *L. penult. pr. D. h. t.* ( 9. in eadem obtinere jus adcrendi; adeoque utroque fratre injuste exheredato, si alter non agat, ejus portionem alteri agenti adcrecere, non autem si, uno exheredato, alteri relicta sit portio legitima *L. 23. §. ult. l. 16. l. D. h. t.*

§. 55. Quia denique odiosa hæc querela habetur ( §. 50. 3. ) facile reddi poterit ratio ( 1. Cur non nisi in subsidium detur, & tamquam ultimum adjutorium §. 2. *Inst. l. ult. C. h. t.* ( 2. Cur nec a patre præteritis hæc querela opus sit ( §. 52. 2. ) nec iis, qui testamentum agnascendo rumpunt, §. 2. *Inst. h. tit. l. ult. C. de lib. præt.* nec emancipatis præteritis, qui honorum possessionem contra tabulas possunt impetrare, *L. 23. D. h. t.* nec impuberibus arrogatis, qui quartam divi Piæ judicio familiæ erciseundæ consequuntur ( *Inst. §. 181. \** ) *L. 8. 15. D. h. t.*

§. 56. Porto jam non obscurum est ( 3. Cur liberi, & parentes, in quacumque parte instituti heredes *Nov. 113. c. 3.* vel fratres, & sorores, quibus aliquid quocumque titulo relictum, non hac querela ntantur: sed conditione ex *l. 30. C. h. t.* & *Nov. 115. c. 3.* ( quam EXPLETORIAM vocant doctores ( quæ



datum liberis, parentibusve: in quacumque re institutis, fratribus, & sororibus, aliquid quocumque titulo ex testamento consequutis, eorumve heredibus, adversus heredes institutos, ad supplendum, quod deest legitimæ portioni.

§. 57. Porro ex eodem hujus querelæ odio reddenda ratio (4. Cur illa tantum quinquennium duret ab adita hereditate, nisi quis justa, gravissimæque causa, quo minus ageret, impeditus sit, *L. 8. §. ult. D. l. 34. fin. C. h. t.* (5. Cur nec ad heredes transmittatur, nisi præparata. *L. 5. §. ult. C. h. t.* (6. Cur victoria auctori tantum, non tertio, prosit. *L. 2. C. quib. res jud. non noc. l. 63. D. de re jud.*

§. 58. Denique jam facile patet (7. Cur tot casibus cesset hæc querela, veluti  $\alpha$ ) in testamento militis, *L. 8. §. 4. D. l. 9. C. h. t. §*) in substitutione pupillari, si e. gr. mater præterita, *L. 8. §. 5. D. h. t. 7)* propter transactionem, vel remissionem sive expressam, sive tacitam, *l. 6. C. l. 6. 17. pr. l. pen. l. 10. §. 1. l. 12. pr. l. 23. §. 1. l. pen. D. h. t.* inodo non vivo patre, vel cogente officio, pro alio factam, §. 4. 1. *Inst. l. 10. §. 1. D. l. 35. §. 1. C. h. t. d*) ob exheredationem bona mente factam *L. 18. de l. & posthum.*

§. 59. Est itaque querela actio in rem (§. 44.) competens liberis suis injuste exhereditatis, vel a matre, aove materno præteritis (5. 63. 1. 2.) itemque parentibus, sive exhereditatis, sive præteritis (§. 52. 3.) nec non fratribus, sororibusque integræ existimationis, quibus turpis persona prælata (§. 51. 3.) non tamen horum omnium heredibus, nisi jam sit præparata (§. 17. 5.) contra heredes testamento institutos, qui hereditatem jam adierunt, vel quibus illa ex fideicommisso jam restituta est, *L. 1. C. h. t.* immo & contra fiscum, qui bona vel heredis, vel defuncti occupavit, *L. 10. C. h. t.* ad rescindendam heredis institutionem (§. 53. 7.) querentemque ab intestato ad successionem admittendum.

## T I T U L U S III.

## DE HEREDITATIS PETITIONE.

§. 60. *Ratio ordinis.* §. 61. *Quid jus hereditarium.* §. 62. *De petitione hereditatis axiomata.* §. 63. *Est illa actio in rem.* §. 64. *Cui detur?* §. 65. *Contra quos?* §. 66. *Qui fingantur possidere?* §. 67. *Quid restituendum heredi?* §. 68. *Quid fructus?* §. 69. *Quod damnum præstandum.* §. 70. *Quæ impensa restituenda?* §. 71. *Actiois hujus descriptio.* §. 72. *Est bonæ fidei, & perpetuæ.*

§. 60. Sequitur jam propriè sic dicta HEREDITATIS PETITIO, cujus fundamentum est JUS HEREDITARIUM. Quin vero jus hereditarium vel ex jure civili descendat, vel ex edicto prætoris; ex illo autem vel directa, vel fideicommissaria hereditas petatur, rectè quoque hereditatis petitio in CIVILEM, & PRÆTORIAM; & illa iterum in DIRECTAM, & FIDEICOMMISSARIAM dividitur. Jam de civili & directa, & quidem illa, qua tota hereditas petitur, agendum est.

§. 61. JUS HEREDITARIUM, ex quo hereditatis petitio nascitur (§. 60.) est jus in re (P. I. §. 196.) nimirum jus succedendi in universum jus defuncti, vel testamento, vel ex lege natum.

§. 62. Ex qua definitione fluunt axiomata: I. Hereditatem petere tantum possunt heredes. II. Ea petitur universitas juris. III. Adeoque & omnis causa a possessore præstanda est, & accessio. IV. Bonæ fidei possessoris melior merito conditio est, quam ejus, qui, m. f. jus alterius hereditarium intervertente conatur.

§. 63. Quin itaque fundamentum hujus actionis sit jus in re (§. 61.) sequitur, ut sit actio in rem, vel realis, L. 25. §. 18. l. 49. D. h. t. l. 27. §. 3. D. de rei vind. sed talis tamen, quæ mixtam quodammodo causam habet (a) L. 7. C. h. t.

(a) Ostendi in Institutionibus, posse & sine mixtis

§. 64. Quumque ea petitio heredibus datur (§. 62. 1.) sequitur (1. Ut directe agere nequeant, nisi heredes testamentarii, & legitimi (a), l. 1. l. 3. D. h. t. (2. Ut & pater, & dominus recte agant, quorum jussu hereditas a filio familias, vel servo adita, l. 2. l. 3. D. h. t. (3. Ut heres heredis, etiam extranei, qui jam adiit, vel pro herede gessit, hac actione directam uti possit, l. 3. D. h. t. l. 194. C. de reg. jur. (4. Contra autem hereditatis emptor utili tantum hereditatis petitione hereditatem a se emptam persequatur l. 54. pr. D. h. t.

§. 65. Quia porro hereditatis petitio est judicium de universitate juris (§. 62. 2.) consequens est (1. ut non institunda sit adversus possessorem, titulo singulari subnixum, l. 7. C. h. t. a quo vindicanda potius erit res hereditaria; sed (2. Adversus eum, qui pro herede, vel pro possessore, possidet (b), l. 9. l.

actionibus exponi divisiones actionum. Sed non tamen ideo dicam scripserim iis, qui mixtas ex personalibus, & realibus admittunt actiones. Nam e. g. hereditatis petitio vere habet duplex *fundamentum*, jus hereditarium, & administrationem alienae hereditatis, quamvis illud primum, hoc secundarium sit. Vere habet duplex *objectum*, quum & hereditas petatur, & praestationes personales. Refert etiam vere personalium aequae ac realium actionum *naturam*. Harum, dum datur adversus quemvis possessorem; *illarum*, dum triginta annorum praescriptione excluditur. Vinum, qui guttula aquae accessit, mixtum est, quamvis denominationem vini retineat. Et sunt sane actiones, quibus aliquid admixtum est ex diverso genere, quae tamen a principali fundamento, vel *reales*, vel *personales* recte dicuntur.

(a) Quia autem viventis nulla est hereditas; hinc facile patet, eum, qui absentis petit hereditatem, mortem ejus probare debere. Nec enim mortuus quis praesumitur, nisi excesserit longissimam hominis aetatem, seu centum annos (P. I. §. 130.). At MENOCH. de praesumptionibus 6. 49. 11. CARPZOV. P. III. const. 15. def. 57. annos septuaginta sufficere existimant ob effectum MOÏS Psalm. 90. 11. quae sententia fere in foris Germanicis excepta est. Interea hereditas proximis cognatis committi solet, si satisdant, eam absenti forsam redituro restitutum iri.

(b) PRO HEREDE autem possidere, est putare, se

11. *D. l. 6. C. h. t.* adeoque (3. Possessor, vel reus in hac actione edere debet titulum *L. 11. C. h. t.*

§. 66. Ex quo porro sequitur (4. Ut qui dolo possidere desiit, & hic pro possessore habeatur (*P. l. §. 527. l. 131. D. de reg. jur. l. 13. §. 2. & 14. l. 25. §. 8. D. h. t.*) (5. Ut idem dicendum sit de eo, qui liti se obtulit, aut ignorante auctore, calumnie causa dixit, se possidere, *L. 13. §. 13. l. 45. D. h. t.* (6. Ut utrique possessores, quamvis tantum fideione juris tales sint; æstimationem tamen, in pœnam præstare teneantur. Ex quo porro inferendum (7. Æstimationem hanc, ab illis præstitam, verum possessorem non liberare, *L. 13. §. 14. D. h. t. l. 95. §. 9. D. de solut.* (8. Emptorem hereditatis a vero heredem superveniente utili hereditatis petitione conveniri posse, & quidem, si mala fide possideat; indistincte, si bona, quum res aliter salva esse heredi nequeat, *L. 13. §. 4. 8. 9. D. h. t.*

§. 67. Quemadmodum porro hereditas petitur cum omni causa, & accessione (§. 62. 3.); ita facile intelligitur, restituenda esse (1. Omnia corpora, & jura, tam ad hereditatem pertinentia, *l. 18. §. ult. D. h. t.* quam (2. Quæ non fuere in dominio defuncti, & quorum periculum ad heredem pertinet, e. g. res oppignoratas, depositas, commendatas, *L. 19. pr. D. h. t.* (3. Pretia rerum distraharum (a) *L. 18. §. 1. l. 20. §. 6. 12. 16. D. h. t.* (4. Lucrum ex hereditate perceptum *L. 27. §. 1. l. 52. l. 56. D. h. t.* (5. Omnes accessiones *L. 20. pr. & §. 3. l. 15. seq. D. h. t.* & denique (6. Fructus, quos possessor ex hereditate, vel ejus occasione percepit *l. 20. §. 1. D. h. t.*

§. 68. Quia tamen merito melior esse debet bonæ,

tamquam heredem habere, *L. 11. pr. D. l. 11. C. h. t.* sive bona fide quis ita putet, sive mala, *L. 13. §. 8. l. 20. §. 13. l. 25. §. 6. D. h. t.* PRO POSSESSORE possidera est, nullo jure detinere, scientem, hereditatem ad se non pertinere §. 1. *Inst. de interd.* Unde hic & PRÆDO vocatur, §. 11. §. 1. *L. 22. l. 13. pr. D. h. t.*

(a) Hæc enim in judiciis universalibus succedunt in locum rei (§. 8. 2.) *L. 12. fin. D. h. t.* secus ac in judiciis singularibus. CUJAC. in *African. ad l. 25. D. de reb. cred.* MOLIER. *Semestr. 3. 41. 10.*

quam malæ fidei possessoris conditio (§. 62. 4.) de fructibus receptæ sunt regulæ; I. Fructus a litis contestatione præstandi sunt indistincte (§. 43. 6.) (L. 40. D. h. t. II. Malæ fidei possessor & exstantes, & perceptos, & percipiendos restituit, L. 20. §. 6. l. 25. §. 2. D. h. t. III. Bonæ fidei possessor restituit tantum exstantes, & ex consumptis illos, quibus factus est locupletior, L. 22. l. 25. §. 11. & 15. l. 26. §. 4. l. 40. §. 1. D. h. t.

§. 69. Ex quo principio & regulæ fluunt de culpa & casus præstatione: I. Bonæ fidei possessor non præstat culpam, sed malæ fidei possessor, L. 48. pr. D. de acqu. rer. dom. l. 25. §. 2. 11. l. 18. l. 30. l. 31. §. 3. D. h. t. II. Casum fortuitum prædo (§. 65. \*) præstat, L. 7. §. ult. l. 8. l. ult. D. de condiç. fort. itemque malæ fidei possessor, apud quem res post litis contestationem periit L. 40. D. h. t. Quæ fere omnia sunt ex SCTO. P. Juventio Celso, & Q. Julio Balbo cons. facto a. u. c. 982. cujus verba recitantur, explicanturque in l. 20. §. 6. seq. l. 21. seq. D. h. t.

§. 70. Quia tamen iniquum est, alterum cum alterius damno fieri locupletiores (P. I. §. 462. 1.); reo etiam eatenus prospexerunt leges (1. Ut bonæ fidei possessor impensas, tum necessarias, tum utiles, tum voluptarias, in rem hereditariam factas, indistincte deducat, L. 38. l. 39. D. h. t. (Ut malæ fidei possessor impensas necessarias semper deducat, utiles non nisi eo casu, si existent, voluptarias tantum tollat, si id re salva possit fieri, L. 39. §. 1. D. h. t.

§. 71. Est itaque HEREDITATIS PETITIO actio universalis (§. 8.), realis, sed mixtam quodammodo causam habens (§. 63.) competens directe heredi, utiliter hereditatis emptori (§. 64.) adversus eum, qui pro herede, vel pro possessore possidet, vel dolo possideret desiit, vel non possidens liti se obtulit (§. 65. seq.) in id, ut actor pro herede declaretur, & hereditas ei cum omni causa, & accessione, fructibus, & indemnitate, restitatur (§. 67. seq.)

§. 72. Ceterum ex ea ratione, quod mixtam quodammodo causam habet hereditatis petitio, videtur invaluisse (1. Ut haberetur pro actione bonæ fidei §. 28. Inst. de act. l. ult. §. ult. C. h. t. (2. Ut dures

triginta annos (§. 63. \*) *L. 7. D. h. t. sive liberi petant, sive extranei.* Eorum enim ratione obtinere præscriptionem nonagenariam, error est doctorum, ex male intellecta *l. 1. §. 11. D. de succes. edict.* conceptus STRUV. *Syntag. jur. civ. Exerc. X. 68.*

## TITULUS IV.

### SI PARS HEREDITATIS PETATUR.

§. 73. *Hujus hereditatis petitionis a superiore differentia.*

§. 73. Aliquando non tota hereditas, sed ejus PARS, vel ex testamento, vel ex lege debita, petitur. Tunc eadem obtinent, nisi quod ( 1. Hic non æstinatur, quantum res possideat, sed quantum actori debetur, tantum & petere possit, *L. 1. §. 1. D. h. t.* ( 2. Quod si tot sint possessores, quot heredes, non singuli heredes a singulis possessoribus, sed omnes ab omnibus petant, *L. 1. §. 2. D. h. t.* ( 3. Quod vel certam partem petant singuli, si de ea satis constet, vel incertam, si in ventre sit coheres, *L. 1. §. 5. D. h. t.* De quo casu in favorem, uti opinor, tergeminarum, qui Romæ ob Horationum tergeminarum fortitudinem erat maximus ( *P. l. §. 29. \** ) cautum fuerat, ut ventri tres portiones seponerentur, *l. 3. D. h. t. l. 28. §. ult. D. de judic.* &, si forte plures nati fuerint, singulis heredibus pro rata decresceret, sin. pauciores, ad cresceret, *L. 3. l. 4. D. h. t.*

## TITULUS V.

### DE POSSESSORIA HEREDITATIS PETITIONE.

§. 74. *Hujus petitionis a civili differentia.*

§. 74. Quum & prætor iis aliquando det bonorum possessionem, quorum vel testatores, vel leges

nullam habuerunt rationem; his quoque contra possessores datur hereditatis petitio PRÆTORIA, vel POSSESSORIA (a) ( §. 60. ) quæ civilem imitatur per omnia, nisi quod hic non heres institutus, vel legitimus, agit; sed bonorum possessor, L. 1. l. 2. D. h. t.

## TITULUS VI.

DE FIDEICOMMISSARIA HEREDITATIS  
PETITIONE.

§. 75. Cur fideicommissaria hereditatis petitio inventa? §. 76. Ejus descriptio: §. 77. An & adversus fiduciarium detur?

§. 75. Quia etiam fideicommissarii consequuntur hereditatem ( Inst. §. 66. seq. ) eorum commodo FIDEICOMMISSARIA hereditatis petitio prodita est ( §. 60. ). Quum enim heres fiduciarius stricto jure, etiam post restitutam hereditatem, heres maneat ( Inst. §. 657. 2. ) §. 3. Inst. de fideic. her. l. 88. D. de her. inst. non poterat sane heres fideicommissarius, cui verbis tantum, & nuda declaratione hereditas fuerat restituta, actione directa hereditatem a possessore petere; sed prætoris beneficio (b) ei dabatur hæc utilis FIDEICOMMISSARIA.

§. 76. Competit itaque hæc actio fideicommissario, cui hereditas, ejusve pars, a fiduciario solis verbis restituta, ejusve heredi, adversus eum, qui pro herede, vel pro possessore possidet, ad hereditatem cum omni causa, accessione, fructibus, indemnitate, pro qualitate possessionis restituendam, L. 1. l. 3. D. h. t.

§. 77. Non itaque hæc actio comparata est ad he-

(a) Ita dicitur, non quod possessorium sit hoc iudicium ( §. 7. ), quod enim magis petitorium vocabis, quam quo hereditas petitur? Sed quia hic agit bonorum possessor?

(b) Est itaque vere actio prætoris, ut ex pr. Inst. de perp. & temp. aff. patet. Dissentit ARN. VINNIUS ad

reditatem a fiduciario herede consequendam L. 3. §. 1. D. h. t. Quis enim hereditatem peteret a vero herede ( §. 65. ) ? At si fiduciarius restituere ex fideicommisso nollet, fideicommissarius cum illo, si jam adierit hereditatem, aget ex testamento, §. 5. Inst. de obl. quæ quasi ex contr. vel si adire nolit, ex Novella 1. c. 1.

## LIBER VI.

### TITULUS PRIMUS

#### DE REI VINDICATIONE.

§. 78. Quid dominium ? §. 79. Est vel plenum, vel minus plenum. §. 80. Civile, & naturale. §. 81. Verum, & fictum. §. 82. Ex dominio oritur rei vindicatio. §. 83. Cui illa non detur ? §. 84. Cui detur ? §. 85. Quid vindicetur ? §. 86. Vindicatur tum a possessore vero. §. 87. Tum a ficto. §. 88. Ad quid sibi invicem teneantur possessor, & dominus ? §. 89. Quid circa fructus, & impensas observandum ? §. 90. Actionis hujus descriptio.

§. 78. **T**ransimus jam ad actiones IN REM singulares, & quidem ex specie secunda juris in re, puta ex DOMINIO, ortas, per quod hic intelligimus jus in re corporali, ex quo facultas de re, ejusque fructibus disponendi, eamque vindicandi, nascitur, nisi vel lex, vel conventio, vel testatoris voluntas obsistat ( Inst. §. 335. ) L. 21. C. mand. l. ult. C. de reb. alien. non alien.

§. 79. Quum autem illa de re disponendi facultas aut tota penes unum sit, aut ita divisa inter duos, ut unus partem juris de re disponenti sibi reservarit, alteri & dispositionis parte, & omni utilitate concessa: priore casu dominium a doctoribus PLE-

a. pr. Inst. eod. Sed vide tu, sis, quæ notavimus in Additamentis nostris ad Vinnium.



NUM; posteriore MINUS PLENUM vocatur. Et tunc ei, qui facultatem aliquam disponendi sibi reservavit, DOMINIUM DIRECTUM; alteri, qui omnem utilitatem suam facit, UTILE tribuitur, cuius species numerant ex jure Romano JUS EMPHYTEUSEOS, & SUPERFICIEI, quibus ex moribus addendum JUS VASSALLI in fendo (a).

§. 80. Dividunt etiam dominium in CIVILE; quale marito in dote immobili competere putant; & NATURALE, quod uxori in eadem tribunt constante matrimonio. Sed quum hæc divisio non sit domini in genere, sed in specie domini dotis, & Jctis olim dominium *φυσικόν*, seu *naturale*, plane aliud quid significarit ( Inst. §. 336. ) rectius forte dominium mariti in re dotali referas ad species domini utilis. Vid. A. A. PAGENSTECH. *Aphorism. lib. II. §. 22.*

§. 81. Utilior erit divisio domini in VERUM, & FICTUM. Uti enim illud competit in re corporali reapse acquisita; ita hoc vocamus, quando prætor aliquem nuncupasse fingit, qui non nuncupavit ( P. I. §. 42. 5. ) §. 3. *Inst. de act.*

§. 82. Quum autem domini omnis effectus sit fa-

(a) Ne expecta hic leges. Doctorum hæc divisio est, toleranda sane, quamvis vocabula non admodum sint concinna. Et vassalli quidem jus utrum dominium sit, an usufructus, disquirere, non est hujus loci. *Emphyteuta* dominus vocatur in *l. 12. fin. C. de fund. patr. l. ult. C. de cens. & censit. l. 1. l. 8. l. 31. C. de omni agr. desert.* At Idem dominus esse negatur in *l. 1. §. 1. D. si ager vestig. superficiario* leges nostræ tribuunt *jus in re*, *l. 19. D. de damno inf.* & tale quidem, ex quo rei vindicatio; sed tamen dumtaxat utilis competit, *l. 73. §. ult. l. 74. l. 75. D. h. t.* Quum ergo hæc jura & sint dominium, & non sint; non male aliud dominium doctores vocarunt PLENUM, quo vocabulo, quamvis alio sensu, & MODESTINUM usum videas, *l. 4. pr. D. de alim. vel cib. leg. & JUSTINIANUM §. ult. Inst. de usufr.* alium MINUS PLENUM. Quumque in hoc porro unus partem facultatis disponendi retineat, alter omnem utilitatem capiat, illum vocarunt DIRECTUM dominium ( *den rechten Herrn.* ) hunc UTILEM, barbare quidem, sed non absurde tamen. Justinianus forte hunc *usu dominum* vocasset, uti in *Novell. 2. cap. 4.* Nos sane hic circulos doctorum turbare nolumus.

cultas rem vindicandi ( §. 78. ) ad hanc comparata est actio, quæ REI VINDICATIO (a) adpellatur, quam actionem in rem esse, ex dominio pleno ortam, facile patet.

§. 83. Quam itaque ex dominio pleno oriatur hæc actio ( §. 82. ) : sequitur ( 1. Titulum nemini tribuere jus vindicandi, sed tantum actionem in personam *L. 1. pr. D. de obl. & act.* adeoque ( 2. Emptorem non vindicare rem sibi venditam, necdum traditam ( 3. Rem, duobus venditam, non vindicare eum, qui prior emit, sed cui priori tradita est, *L. 72. D. l. 15. C. h. t.* ( 4. Rem in singularibus non succedere in locum pretii, *l. 8. C. si quis alt. vel sibi sub alt. nom.* adeoque nec eum, cujus pecunia emptum, rem emptam vindicare ( §. 8. 3. ) exceptis pupillo, minore, milite, *L. 8. C. h. t. l. 2. D. quando ex fact. tut. & uxore*, si maritus pecunia non dotali, sed ab ea donata, rem compararit, *l. 55. D. de donat. int. vir. & ux. junct. L. 12 C. de jure dot.* His enim rei vindicatio utilis conceditur *leg. 8. C. hoc tit.*

§. 84. Ex eodem sequitur ( 5. Ut directæ rei vindicatio non nisi ex pleno dominio detur, ex minus pleno tantum utilis, *l. 33. l. 66. D. l. 9. C. h. t. l. 30. C. de jur. dot.* ) 6. Ut actor teneatur dominium, ab auctore suo in se translatum, aut usucapione adquisitum, rite probare, *l. 20. pr. D. de adq. rer. dom.*

§. 85. Ex eodem principio colligimus, vindicari tantum posse ( 7. Res corporales §. 1. *Inst. de act.* ) 8. Singulares, sive per individuum, sive collective, *L. 1. §. 3. l. 2. l. 3. pr. l. 16. D. h. t.* ( 9. Commercio non exemptas (b) *l. 1. §. 2. l. 23. §. 1. D.*

(a) VINDICATIO, inquit CICERO *de invent. 2. 33. est, per quam vis, & injuria, & omnino omne quod obfuturum est, defendendo, aut ulciscendo propulsatur.* In primis autem, si jus in rem alicui interverteretur ab alio, ea vis videbatur vindice digna. Unde omnes in rem actiones *vindicationes* dicebantur §. 15. *Instit. de act.* Strictissime rei vindicatio dicitur actio realis ex dominio orta.

(b) Singulare quid observamus in tigno juncto, quod, quamvis in commercio sit, vindicari tamen nequit pro-

*h. t.* ( 10. Quæ supersunt ex re nostra , quæ periit, modo alii rei junctæ non sint : siquidem hoc casu , si separari possunt , actione ad exhibendum ; si non possunt , actione in factum petuntur , *L. 49. §. 1. L. 23. §. 5. D. h. t. l. 6. D. ad exhib.* ( 11. Non autem universitates juris , *L. 56. D. h. t.*

§. 86. Quum porro rei vindicatio sit actio in rem

§. 82. ) facile patet ( 1. Eam competere adversus quemcumque possessorem , vel detentorem , modo ante sententiam possideat (a) , *L. 9. l. 27. §. 1. 36. pr. D. h. t.* ( 2. Possessionem ab actore esse probandam *L. 2. l. 18. C. de probat. l. 24. l. ult. C. h. t.* ( 3. Res , quæ vindicantur , ab eodem speciatim esse designandas , ut , an possideat reus , adpareat , *l. 5. §. ult. 6. D. h. t.* ( 4. Detentores pndos auctorem nominando liberari , *l. 2. C. ubi in rem act.* ( 5. Non autem possessorem hic , ut in hereditatis petitione ( §. 65. 3. ) edere debere titulum possessionis , *l. 73. D. L. ult. C. h. t.*

§. 87. Quemadmodum autem hereditatis petitio & adversus quosdam fictos possessores datur ( §. 71. ) , ita & in rei vindicatione pro possessoribus habentur ( 1. Qui dolo desierunt possidere , id quod post Hadriani tempora per interpretationem SCti , de hereditatis petitione facti ( §. 69. ) invecum esse , manifesto patet ex *L. 27. §. 3. D. h. t.* ( 2. Liti se offerentes , ex gr. detentores , non laudantes aucto-

hibente lege 12. tabularum . *l. 23. §. 6. D. h. t. l. 1. D. de tigno junct.* Rationem reddidimus jam alibi ( *Instit. §. 365.* ) .

(a) At ex veteris juris Germanici principiis vindicare quis rem suam non poterat , si ipse eam alteri commodasset , locasset , vel apud alterum deposuisset , illaque postea ad tertium pervenisset . Unde vetus patroemia juris : *Hand muss. Hand wahren* : id est , *rem quisque suam reposcere debet ab eo , cui dedit . Jus provinc. Sax. 2. 60.* Retinent hoc principium jus Lubecense , MEV. *Lib. III. 2. 1.* Hamburgense , *Stat. Hamb. II. 2. 4. seq.* Clumense in Prussia , *Jus Culm. III. 4. V. 6.* Suevicum . LOCCEN. *Synops. jur. Suec. XII. 5.* immo & Belgicum , GRONWEG. *ad §. 16. inst. de obl. quæ ex del. n. 5.* Addatur HERT. *Paræm. jur. Germ. I. 18. p. 426.* ( *Conf. Elem. jur. Germ. L. 2. tit. 13. §. 369. 370.* )

rem ( §. 86. 3. ) non autem ( 3. Possessorum heredes , nisi vere possideant, l. 42. l. 55. D. h. t. vel aliquid ex persona defuncti commiserint (a) L. 42. D. h. t.

§. 88. Nec minus rei vindicatio, quia est actio in rem, datur ad consequendam rem nostram cum omni causa & accessionibus l. 13. l. 17. §. 1. l. 34. l. 68. D. h. t. Ex quo sequitur ( 1. Ut & fructus pro qualitate possessionis sint restituendi. L. 17. §. 1. l. 20. l. 34. D. h. t. ( 2. Ut & dominus possessorem secundum hanc possessionis qualitatem indemnem debeat præstare rationem impensarum, in rem suam facturum l. 37. l. 38. D. h. t. non tamen ( 3. Refundere pretium, quo possessionem adquisivit l. 3. l. 23. C. h. t. l. 2. C. de furt. nisi forte hic eam, aliquin perituram, a prædone, vel hoste redemerit, l. 6. D. de captiv. & postlim.

§. 89. Quum itaque & hic fructus, & impensæ restituendæ sint pro qualitate possessionis ( §. 88. 1. 2. ) consequens est ( 4. Ut regulæ, supra traditæ ( §. 68. 69. 70. ) & hic habeant locum, hoc tantum observato discrimine ( 1. Quod hic b. f. possessor ex fructibus consumptis nihil restituat, quavis sit factus locupletior, l. 4. §. 2. de fin. regund. ( 2. Quod m. f. possessor hic utiles impensas tantum tollat (b) l. 37. D. l. 5. C. h. t. ( 3. Quod bonæ etiam fidei possessor voluptarias non deducat, sed tollat, l. 38. fin. D. h. t.

§. 90. Est itaque REI VINDICATIO actio in rem ( §. 82. ) competens domino, & quidem directa, ex dominio pleno; utilis, ex minus pleno ( §. 84. ) contra quemcumque possessorem verum, vel fictum

(a) Quid si locupletiores ex re facti sint heredes quam possessor ante litem contestatam, dolo possidere desiit? Tunc non actione in rem, sed in factum conveniendos illos esse, monuit JULIANUS l. 52. D. h. t.

(b) Immo & b. f. possessor eas non repetit, sed tollit, si dominio, iis redditibus, laribus, sepulcro avito, similibusve carendum foret. Si tollere tunc paratus est b. f. possessor; nec id potest, si dominus tantum solvere velit, quantum habiturus esset re ablata. 58. D. h. t.

( §. 86. seq. ) in id , ut aër dominus declaratur , eique res restituatur (a) cum omni causa , accessio- nibus , fructibusque , pro qualitate possessionis ( §. 88. seq. ) .

## TITULUS II.

## DE PUBLICIANA IN REM ACTIONE .

§. 91. *Ratio inventæ hujus actionis .* §. 92. *De ejus natura axiomata .* §. 93. *Quis hac actione utatur ?* §. 94. *An & verus dominus , & emptor ?* §. 95. *Contra quem datur ?* §. 96. *Quid sit ?*

§. 91. Superior in rem actio ex dominio vero e- rat . Datur autem ex fide dominio ( §. 81. ) vindicationis species , a PUBLICIO quodam prætoris inventa ( P. I. §. 523. ) a quo & PUBLICIANA IN REM ACTIO adpellatur §. 4. *Inst. de aff.* Quam enim rei vindicatio civilis institui non possit , nisi probatione domini difficillima ( §. 84. 6. ) defungi velis : prætor in gratiam eorum , qui rem , bona fide , & justo titulo acquisitam , sibi traditam , a non domino vindicaturi sunt , faciliorem hanc actionem invenit lib. 7. §. 6. *Dig. hoc titul.*

§. 92. Edixerat enim : si , qui b. f. emit id quod traditum ex justa causa non a domino , & non usucaptum petierit , iudicium se daturum , l. 1. pr. l. 7. §. 11. *D. h. t.* Ex quo editio sunt axiomata : I. Qui b. f. & ex justa causa rem acquisitam , sibi- que traditam , vindicat a tertio , eum prætor fingit usucepisse , quum non usuceperit §. 4. *Inst. de aff.* II. Ea fide tamen non debet obesse vero domino , sed illi , qui nullo vel infirmiore jure possidet .

§. 93. Ex priore itaque axioma inferimus ( 1. Sufficere aëori , si quum rem emeret , & traditam

(a) Et quidem simpliciter res restituenda , alias manu militari extorquenda . Si reus restituere non possit , & dolo malo fecerit , ne possideat , aër ad iurjurandum in litem admittitur . Si sine rei dolo res perit , actio datur in id , quod interest , l. 68. *D. h. t.*

acciperet, in bona fide fuerit, nec ei obesse malam fidem supervenientem (a) l. 7. §. 11. 14. 17. D. h. t. l. 10. D. de usur. & usuc. (2. Non requiri hic, ut auctor fuerit dominus, vel alienandi habuerit facultatem, l. 7. §. 3. 4. D. h. t. sed (3. Ut res nec vitiosa, l. 9. §. 5. l. 12. §. 4. D. h. t. & (4. Ex justa causa, & ad transferendum dominium habili (Inst. §. 339. \*) acquisita, & (5. Tradita sit l. 9. pr. §. 1. D. h. t. nisi res & sine traditione adquiratur (Inst. §. 339. \*\*) l. 1. §. 2. l. 2. l. 3. l. 12. §. 1. Dig. hoc titulo.

§. 94. Ex eodem patet, (6. Non opus esse hac actione vero domino l. 1. §. 1. D. h. t. quamvis & is, ad levandum probationis onus ( §. 91. ) actionem hanc, si velit eligere, vel eam cum rei vindicatione cumulare possit (7. Re duobus vendita, & uni tradita, hinc quoque non agere; prior emit, sed meliorem esse conditionem possidentis ( §. 83. 4. ) l. 7. §. 16. l. 9. §. 4. Dig. hoc tit.

§. 95. Ex posteriore axioma ( §. 92. 2. ) sequitur (1. Ut non detur hæc actio adversus eum, qui æque bona fide, & ex justo titulo, prius rem traditam accepit, l. 9. §. 4. D. h. t. nec (2. Contra verum dominum, nisi sit justa causa, quæ vero domino, b. f. emptorem præferri naudeat l. penult. D. h. t. l. 63. l. 72. D. de rei vind. l. 8. §. 15. D. de damn. inf. l. 7. §. 7. D. h. t. lib. 24. D. de except. rei judic. sed (3. Contra eum, qui infirmiore jure possidet, atque inde semper opus esse causæ cognitione, l. 57. D. mandat.

§. 96. Est itaque, actio PUBLICIANA, actio in rem prætoriam ( §. 91. ) qua is, qui a non domino rem, bona fide, & ex justa causa traditam, accepit ( §.

(a) Quid vero iis locis, ubi c. ult. X. de præscr. in foro regnat? ibi & hic bonam fidem perpetuam requiri existimat BACHOV. ad Terent. Vol. 1. Disp. 15. 15. C. Sed perperam: Non enim in hoc iudicio id agitur, ut jus veri domini excludatur, quemadmodum in usucapione; sed ut res ab eo, qui nullo, vel infirmiore jure possidet, vindicetur. Hic autem, si malam fidem supervenientem auctori obijcere auderet, excipere proculdubio videretur de jure tertii. HILLIG. Donel. cunct. 20. 8. R. STRUV. h. t. §. 47.

93. ) amissa possessione , adversus quemcumque possessorem , jure infirmiore subnixum ( §. 95. ) agit ad rem , cum omni causa eodem modo , ut in rei vindicatione ( §. 88. *seq.* ) lib. 7. §. 8. *Digest. hoc titul. restituendam.*

## T I T U L U S III.

SI AGER VECTIGALIS, ID EST, EMPHYTEUTICARIUS,  
PETATUR.

§. 97. *Quid jus emphyteuseos ?* §. 98. *Utilis rei emphyteuticariæ vindicatio.*

§. 97. **Q**uam utilis rei vindicatio etiam ex minus pleno dominio detur ( §. 84. ) sane eam & emphyteutæ competere oportet. Jus enim EMPHYTEUSEOS (a) est *dominium utile* ( §. 98. \* ) *alteri a domino , pro canone annuo concessum*, L. 3. §. 4. *D. de reb. eor. qui sub l. 3. C. h. t.*

§. 98. Petitur ergo ager vectigalis , vel emphyteuticarius , UTILI REI VINDICATIONE ( §. 97. ) competente emphyteutæ adversus omnem agri vectigalis , vel in perpetuum , sive emphyteuticarii , possessorem , immo ipsum dominum directum , ad agrum illum , cum omni causa , & fructibus pro qualitate possessionis restituendam , L. 1. §. ult. l. ult. *D. h. t.*

(a) Non ergo hic agimus de *contractu* , quo jus illud constituitur ( de eo enim infra sub titulo locati erit dicendi locus ) sed de *jure in re* , quia hic actiones in rem consideramus. Ceterum VECTIGALES hi sunt agri , qui a Romanis mittebantur municipiis , ut ex eorum redditibus onera publica sustinerent , sacra peragenda curarent , templa , & ædificia publica sarta tecta servarent . Ii enim , sive in perpetuum , sive ad tempus indefinitum , locabantur pro pensione annua , quæ *vectigal* dicebatur . PETR. BURMANN. *de vectig. pop. Rom.* p. 128. 148. Reliqui omnes agri , a privatis , vel ecclesiis hoc modo locati , EMPHYTEUTICARII dicebantur quod vocabulum sub Constantini M. tempora invaluisse , suspicatur SCHULT. *Exercit. XVI.* 66.

*Hein. Pand. Tom. I.*

10

## LIBER VII.

## TITULUS PRIMUS

DE USUFRUCTU, ET QUEMADMODUM QUIS  
UTATUR, FRUATUR.

§. 99. *Ratio ordinis.* §. 100. *Quid servitus?* §. 101. *Quotuplex?* §. 102. *Quid ususfructus?* §. 103. *De ejus natura axiomata.* §. 104. *Constituitur vel lege.* §. 105. *Vel adjudicatione.* §. 106. *Vel facto prioris domini.* §. 107. *Subsequente quasi traditione.* §. 108. *Quos fructus percipiat usufructuarius?* §. 109. *Jus proprietarii, & usufructuarii in re fructuaria.* §. 110. *Quis onera ferat?* §. 111. *Quomodo utendum fruendum?*

§. 99. **H**actenus de actionibus in rem, ex JURE HEREDITARIO, & DOMINIO ortis, Sequitur tertium jus in re, puta SERVITUS, cujus occasionem (a) actione CONFESSORIA, & NEGATORIA competunt.

§. 100. SERVITUS est jus in re (P. I. \*. 196.) aliena, quo dominus aliquid pati, vel non facere tenetur in suo, ad alterius utilitatem. Ex qua definitione per se liquet: I. Servitutem ratione dominantis esse jus in re aliena. L. 26. D. de serv. urb. prad. l. 5. pr. D. si usufr. pet. II. Ratione servientis eam consistere in patiendo, vel non faciendo, & III. numquam in faciendo (b) L. 15. §. 1. D. de servitut.

(a) *Confessoria actio est ex servitute; negatoria tantum occasione servitutis datur, fundamentique loco ipsi est libertas naturalis. Unde caute ULPIANUS actiones confessoriam, & negatoriam de servitutibus competere, ait, non ex servitutibus l. 2. pr. D. h. serv. vindic.*

(b) Aliud tamen veteri jure Germanico, cujus hodiearum multa supersunt vestigia, in molendinis, furnis &



§. 101. Servit autem vel *res persona*, vel *res rei*, id est *prædium prædio*. Et hinc aliæ sunt servitutes **PERSONALES**, veluti **USUSFRUCTUS**, **SERVITUS OPERARUM**, **USUS HABITATIO**, de quibus hoc libro agitur. Aliæ **REALES**, vel **PRÆDIALES**, de quibus libro insequente dicemus *L. 15. D. de serv.*

§. 102. **UTI**, & **FRUI** differunt, ut minus, & majus. *Usus* enim necessitate circumscribitur, *fructio* non modo ad necessitatem, verum etiam ad omnem utilitatem, voluptatemque pertinet. *SENECA de vit. beat. c. 10.* Utrumque opponitur *abusui*; quia salva re utimur, disperdendo autem rem & fructum, abutimur. *DONAT. ad Terent prol. Andr.* Et jam facile intelliges definitionem, quod **USUSFRUCTUS** sit *jus rebus alienis (a) utendi fruendi, salva earum substantia L. 1. D. h. t.*

§. 103. Ex qua definitione fluunt axiomata: I. *Ususfructus competit in re aliena*. II. *Usufructuarius omnes fructus & ad necessitatem, & ad utilitatem, voluptatemque pertinere, percipit*. III. *Uti tamen & frui, non abuti, debet*.

§. 104. Quum itaque ususfructus competat in re aliena (§. 103. 1.) dominium autem vel conventionem, vel lege, vel testatoris voluntate, restringatur (§. 78.) consequens est (1. *Ut & ususfructus detur legitimis, qualis est (α qui patri competit in peculio adventitio filii (Inst. §. 480. seq.) l. 6. D. de bon. quæ lib. nec non (β in parte bonorum e-*

*cauponis bannariis, in bonis censiticis, ex quibus a possessore census præstandus, quum tamen sit dominus, similibusque juribus, passim per Germaniam obviis. Vid. STRYKII Us. hodiern. Digest. 1. de serv. §. 4. 5. GER. GOTTL. TITH. Diss. de serv. in faciendo consistere (Conf. Elem. jur. Germ. Lib. 2. tit. 5. §. 130. seqq.)*

(a) Ergo huc non pertinet *ususfructus CAUSSALIS* domino in re sua competens *L. 79. pr. D. de jure dot. L. 21. §. 3. D. de except. rei jud. L. 126. §. 1. D. de verb. oblig.* Hic enim non servitus est, sed pars domini *L. 4. D. h. t. Nec legatum KEDITUS*, quia hic fructus non ipse legatarius percipit, sed hæres præstat, *L. 58. D. de usu, & usufr. leg.*

mancipati dimidia §. 2. *Inst. per quas pers. cuiq. adqu. l. 6. §. 3. C. de bon. qua lib.* ( 7. conjugi egenæ in portione, quam ex bonis mariti una cum liberis succedit, *Nov. 117. cap. 1. denique ( 8. viduæ binubæ in bonis, a conjuge mortuo acceptis L. 3. lib. 5. C. de sec. nupt. Nov. 22. c. 46. (a).*

§. 105. Ex eodem principio facile redditur ratio ( 2. Cur lex & judici id indulgeat, ut in judiciis divisoriiis, si res aliter exitum habere nequeat, uni usumfructum, alteri proprietatem, deducto usufructu, adjudicare possit §. 5. *seq. Inst. de offic. jud. l. 6. §. 1. D. h. t. l. 6. §. 10. D. comm. div. L. 16. §. 1. D. de famil. ercis.*

§. 106. Denique eo minus dubitandum ( 3. Quin possit unusquisque in re sua alteri usumfructum constituere, modo libera ei sit administrandi facultas; *arg. l. ult. C. de reb. alien. non alien.* ( 4. Quin id fieri possit per stipulationem, & per ultimam voluntatem ( §. 1. *Inst. l. 6. pr. D. h. t. l. 80. D. de legat. 1.* ( 5. Et expressa conventionem & tacita, qualis est 10. annorum inter præsentes, 20. inter absentes patientia, *l. ult. fin. C. de long. temp. præscr.* ( 6. Et pure, & in diem, & sub conditione, *L. 5. C. h. t. l. 16. §. 2. D. fam. ercis.*

§. 107. Quinque ususfructus sit jus in re ( §. 103. 1. ) consequens est ( *Inst. §. 139. \*\** ) ( 7. Ut ex stipulatione tantum jus personale nascatur; adeoque eam sequi debeat quasi traditio, in usu usufructuarii, & proprietarii patientia consistens, *L. ult. D. de serv. l. 1. D. de serv. præd. rust. l. 11. §. 1. D. de Public. in rem aff.* ( 8. Ut ea traditione opus non sit in usufructu, a lege vel per adjudicationem, vel per ultimam voluntatem constituto ( *Inst. ibid.* ) *l. ult. D. de serv. leg. §. ult. Inst. de off. jud.*

§. 108. Quum porro usufructuarius omnes fructus

(a) Moribus Germaniæ & marito, constante matrimonio, debetur ususfructus in bonis uxoris paraphernalibus. *Jus prov. Saxon. l. 51. CAROY. Part. 2. const. 15. des. 25.* Non ergo hic ususfructus probandus ex *l. 9. §. 3. D. de jur. dot. L. 11. C. de pact. conv.* quam jus Romanum illum plane ignoret. *Conf. Elem. jur. Germ. L. 2. tit. 2. §. 40.*

& ad necessitatem, & ad utilitatem, voluptatemque pertinentes, percipiat (§. 103. 2.) sequitur (1. Ut omnes fructus, *ordinarie* ex re provenientes, suos faciat, *L. 7. pr. l. 9. pr. l. 29. l. 41. l. 59. §. D. h. t.* (2. Non autem thesauros, partumve ancillarum, foetus secundos, qui in fructu esse negantur *L. 8. l. 68. D. h. t. §. 37. Inst. de rer. div. l. 28. §. 1. D. de usur. & fruct. l. 7. §. 12. D. de solut. matrim.* (3. Ut ea omnia licita sint usufructuario, sine quibus fructus percipere non posset, *L. 1. §. 1. D. si usuf. pet. l. 44. §. 9. D. de legat. 1. l. 73. h. t. §. 109.* Ex eodem colligas (4. Proprietarium fundo fructuarie imponere non posse servitutem *L. 16. §. ult. l. 16. D. h. t.* (5. Usufructuarium fructus posse vendere, locare, precario concedere, modo, si naturales sint, ipse per se, vel alium eos percepit §. 36. *Inst. de rer. divis. l. 12. §. 5. l. 28. l. 48. §. 1. D. h. t. vel civilium, ex prædio urbano percipiendorum, dies jam cesserit L. 26. D. h. t.* (6. Eundem tamen ipsum usumfructum alii, quam proprietario, cedendo nihil agere §. 3. *Inst. h. t. §. 110.* Nec male ex eodem principio intulere veteres (7. Usufructuarium merito & onera ferre, adeoque & tributa, vectigalia, stipendia, rei fructuariæ imposita, solvere debere, *L. 7. §. 1. l. 27. §. 3. l. 64. seq. D. h. t. l. 28. de usufr. l. 2. C. de annon. & tribut.*

§. 111. Denique quia utendum fruendum est salva rei substantia (§. 103. 3.) sequitur (1. Ut verus ususfructus locum non habeat in re fungibili, quam utendo absumimus. (2. Ut metallis & lapidicinis tum demum uti frui possimus, si renascantur, *L. 7. §. 13. D. de sol. matr.* (3. Ut usufructuarius rem merito reficiat, vel, si ob impensarum magnitudinem nolit, eam derelinquere possit, inodo eam non sua culpa reddiderit deteriolem, *L. 7. §. 2. 3. l. 64. l. 95. D. l. 7. C. h. t.* (4. Ut recte colere, & quasi paterfamilias uti; adeoque in locum domortuorum capitum ex foetu submittere, & in locum mortuorum vitium, arborumve alias substituere debeat §. 38. *Inst. de rer. divis. l. 9. §. 2. l. 65. 68. §. ult. l. 69. seq. D. hoc tit.* (5. Ut tamen ei fas non sit,

rem in aliam, melioremve formam transmutare, *L. 13. §. penult. D. hoc. tit. junct. l. 44. l. 73. D. hoc. tit.*

## TITULUS II.

## DE USUFRUCTU ADCRESCENDO.

§. 112. *Quid jus adcrescendi?* §. 113. *Quomodo ususfructus adcreseat?*

§. 112. **U**susfructus & per modum legati relinquitur solet (§. 106. 4.) In legatis locus est **JURI ADCRESCENDI**, quod est jus, quo, deficiente uno ex collegatariis, ejus portio adcreseat portioni reliquorum, quocumque modo conjunctorum (*Inst. §. 624.*) Idem jus & in usufructu obtinet, nisi quod hic ususfructus personam, non portio portioni adcreseat *L. 33. fin. D. de usuf.*

§. 113. Ex quo sequitur (1. Ut ususfructus adcreseat, quatinus collegatarius jam usufructus sit *L. 1. §. 3. D. h. t. secus ac in aliis legatis, L. un. §. 4. C. de caduc. toll.* (2. Ut ususfructus adcreseat collegatario, qui ipse partem suam amisit, nec deficiens portio hoc casu ad proprietarium redeat, *l. 10. D. h. t. l. 33. §. 1. D. de usuf. l. 3. ult. D. h. t. secus denuo ac in aliis legatis.*

## TITULUS III.

## QUANDO DIES USUFRUCTUS LEGATÆ CEDAT.

§. 114. *Quando dies legatorum cedat?* §. 115. *Quando dies ususfructus legati?*

§. 114. **D**ies legatorum **CEDERE** dicitur, ex quo deberi cœperunt, *L. 213. D. de verb. signif.* Debentur autem hodie (a) legata, pure, vel in certum

(a) Ita & jure veteri, quod jus reduxit **IUSTINIA-**

diem relicta, statim a morte testatoris; sub conditione, vel in diem incertum relicta conditione, vel die existente, *L. 5. §. 1. 2. l. 21. l. 22. D. quando dies legat. vel fid. ced.*

§. 114. Enim vero & hic a reliquis legatis descendit usufructus; quia ( 1. Pure relicti dies cedit ab adita hereditate (a), *L. un. §. 2. D. h. t.* ( 2. In diem, vel sub conditione relicti, die, vel conditione existente, *l. un. §. 3. D. h. t. l. 3. D. quando dies leg. ced.* ( 3. In singulos annos, vel menses relicti non semel, sed a cujusvis anni, vel mensis initio, quasi plura essent legata, *L. un. pr. & §. 1. D. h. t.*

## TITULUS IV.

QUIBUS MODIS USUSFRUCTUS, VEL  
USUS AMITTITUR.

§. 116. *Finitur usufructus morte usufructuarii.* §. 117. *Capitis deminutione.* §. 118. *Rei interitu.* §. 119. *Consolidatione.* §. 120. *Non usu.* §. 121. *Lapsu temporis, vel existente conditione, itemque soluto jure constituentis.* §. 122. *Quid juris finito usufructu?*

§. 116. **E**x iisdem, quæ hæcenus stabilivimus, principiis, facile ostendi poterit, quibus modis usufructus amittatur. Quia enim est servitus personalis ( §. 101. ) consequens est ( 1. Ut finiatur ( 1. MORTE usufructuarii §. 2. *Inst. de usufr.* adeoque ( 2. Non transeat ad heredes, nisi his diserte fuerit relictus, quo casu ille tantum ad primos heredes trans-  
NUS, ne heredes legatariorum, ante apertas tabulas aditamve hereditatem, legatis privarentur *L. un. §. 5. C. de caduc. toll.* Ante Justinianum ex lege Julia, & Papia legatorum dies cedebat a momento apertarum tabularum. Fusius rem exposuimus in *Comment. ad leg. Jul. Pap. Pop. 3. 2.*

(a) Ratio enim, cur Justinianus diem legatorum a morte testatoris cedere jussit, erat favor heredum legatariorum ( 114. \* ). Hic vero cessat in usufructu, qui ad heredes non transmittitur, *L. un. §. 6. D. de cad. toll.*

sit, *L. 6. pr. D. l. 14. C. h. t.* ( 3. Ut filio relictus usufr. ( quia per hunc patri acquiritur ( *P. l. §. 146. 2.* ) mortuo filio, non extinguatur, sed patri salvus sit, *L. ult. C. de usufr.* ( 4. Ut quia longissima hominis ætas est centum annorum ( *P. l. §. 130.* ) usufructus, civitati, vel universitati relictus, circumactio eo ævo expiret, *L. 56. D. de usufr. l. 8. D. de usufr. leg.* ( 5. Ut, finito usufructu, ad heredes nihil transeat, præter fructus naturales perceptos, *l. 13. D. h. t. & pensiones, ex prædio non frugifero, quarum dies cessit ( §. 109. 5.* ) ex frugifero, quæ debentur ex fructibus, jam a colono ante mortem fructuarii perceptis *L. 26. & l. 58. D. de usufr.*

§. 117. Deinde quum hæc servitus sit personalis; per capitis deminutionem autem maximam, & mediam aliquis civilem mortem obire censeatur ( *P. l. §. 506.* ) consequens est ( 6. Ut finiatur II. MAXIMA, & MEDIA CAPITIS DEMINUTIONE (a) §. 3. *Inst. de usufr. l. 1. l. 2. §. 1. l. 3. D. h. t.* adeoque ( 7. Et civitas aratrum passa uti frui desinat, *L. 21. D. h. t. PETR. FAB. Semestr. 1. 8.*

§. 118. Quia porro usufructus est jus in re aliena ( §. 102. ) sequitur sane ( 1. Ut extinguatur III. RE ita INTEREUNTE, ut non eadem maneat, *L. 23. D. §. 3. Inst. de usufr. l. 30. l. 5. §. 2. seq. D. hoc tit.* non autem ( 2. Si ita sensim res reficiatur per partes, ut tota nova fiat, *L. 10. §. 1. D. h. t.* nec ( 3. Si ab inundato fundo aqua recesserit, *L. 23. D. h. t.* nec ( 4. Si ager ab hoste occupatus, vel servus captus fuerit liberatus, *L. 26. D. h. t.*

§. 119. Ex eodem principio patet ( 5. Ususfructum finire IV. CONSOLIDATIONE, sive cessione ( §. 109. ) ( 6. Sive ex quacumque alia causa proprietatis cum usufructu conjungatur, §. 2. *Inst. de usufr. l. 17. l. 27. D. h. t.*

§. 120. Præterea quum usufructus in jure consistat ( *P. l. §. 193.* ) jura autem non usu decem an-

(a) Olim etiam MINIMA ob imaginariam causam servilem ( *P. l. §. 173. 1. 179. 508.* ) PAULL. *Sentent. recept.* §. 6. quod mutatum ab Imperatore *l. penult. §. 2. C. de usufruct.*

norum inter præsentēs, viginti inter absentes, amittantur; consequens est ( 1. Ut & usufructus V. NON USU extinguatur (a) l. penult. §. 2. C. de usufr. l. 13. C. de serv. adeoque & ( 2. Qui parte non utitur, pro parte illa usufructum amittat, L. 25. D. hoc tit.

§. 121. Quum denique per stipulationem, & ultimam voluntatem usufructus vel pure, vel sub conditione, vel in diem, a priore domino constitui possit ( §. 106. 6. ) finiri sane illum oportet VI. LAPSU TEMPORIS, si in diem; vel EXISTENTE CONDITIONE, si sub conditione sit constitutus, l. 15. D. h. t. l. 5. C. de usufr. itemque VII. SOLUTO JURE constituentis temporario l. 16. l. 19. D. h. t. l. 8. §. 2. De peric. & comm. rei vend. l. 54. D. de reg. jur.

§. 122. Corollariorum loco addendum ( 1. eosdem modos communes esse usufructui, & usui. Rubr. D. h. t. ( 2. Finitum usufructum cum proprietate consolidari, §. 4. Inst. de usufr. nisi adsit conjunctus collegataris, cui possit aderescere, §. 113. L. un. §. 2. C. de caduc. toll.

## TITULUS V.

DE USUFRUCTU EARUM RERUM, QUÆ USU  
CONSUMUNTUR, VEL MUTANTUR.

§. 123. Quid quasi usufructus? §. 124. Ejus natura. §. 125. Ejus differentia a mutuo.

§. 123. VERUM usufructum in rebus non fungibilibus consistere, supra vidimus ( §. 111. 1. )

(a) An & male utendo? Negatur, quia proprietarius cautione usufructuaria securus est, L. 15. D. de usufr. l. 1. §. 4. De usufr. quemadm. cav. Nec obstat §. 3. Inst. de usufr. ubi non uti per modum, & tempus est non quasi possidere per justum tempus; ceu ex l. 16. C. de usufr. ad quam respicit Imperator, patet. Modus ergo utendi consistit in quasi possessione, & perceptione fructuum.

CIC. *Topic.* 3. At postquam senatus censuit, omnium rerum, quas in ejusque patrimonio esse constaret, usufructum legari posse, l. 1. *D. h. t. ULP. Fragm.* 24. 26. *seq. Antiq. Rom.* 2. 6. 7. p. 400. etiam in fungibilibus rebus constitui coepit QUASI USUSFRUCTUS, qui nihil aliud, quam *jus abutendi* (§. 102.) *rebus alienis fungibilibus* (id est, quæ numero, mensura, & pondere constant l. 2. §. 1. *D. de reb. cred.*) *prestita cautione*, *finito hoc quasi usufructu res ejusdem quantitatis, & qualitatis, earumque æstimationem, proprietario restitutum iri*, §. 2. *Inst. h. t.* l. 7. 8. *D. h. t.*

§. 124. Ex qua definitione facile patet ( 1. *lisdem modis constitui quasi usufructum, ac usufructum*, L. 1. l. 2. *D. h. t.* ( 2. *Ei locum esse in rebus omnibus, quæ usu consumuntur; adeoque & in vestimentis* (a) §. 2. *Inst. h. t.* ( 3. *Cautionem de re æque bona, ejusque æstimatione, finito usufructu, restituenda abscisse requiri, ipsamque ingredi hujus servitutis substantiam*, §. 2. *Inst. de usufr.* ( 4. *Finitum quasi usufructum morte, & capitis diminutione*, l. 9. l. 10. *D. h. t.* non autem rei interitum, non usu, &c.

§. 125. Ex eo similiter liquet ( 5. *Quid intersit inter quasi usufructum, & mutuum; quippe quod & sine cautione subsistit, & sæpe cum usuraria conventionione conjunctum est, nec ad dies vitæ dari solet, & semper obligat debitorem ad tantundem in eodem genere restituendum.*

(a) Nec obstat l. 15. §. 4. *D. usufr.* In vestimentis enim & verus usufructus constitui potest, si testator ea in specie ad proprietarium redire jusserit; & quasi usufructus, si legatario præceperit, ut similia, vel eorum æstimationem restitueret, eoque nomine caveret proprietario.



## TITULUS VI.

SI USUSFRUCTUS PETATUR, VEL AD ALIUM  
PERTINERE NEGETUR.

§. 126. *Quæ actiones de usufructu competant?*

§. 126. **Q**uia usufructus est servitus (§. 100.) occasione autem servitutum dentur actiones CONFESSORIA, & NEGATORIA (§. 99.) easdem etiam de usufructu competere, palam est. Illa enim usufructuarius jus suum a quovis turbatore vindicat: hæc dominus negat, alii id jus re sua competere, L. 5. §. ult. D. h. t. Sed de his actionibus ex instituto agemus L. 8. t. 5.

## TITULUS VII.

DE OPERIBUS SERVORUM.

§. 127. *Quid servitus operarum?* §. 128. *Ejus natura.*

§. 127. **H**actenus de prima servitute personali, nempe de usufructu. Sequitur jam altera servitus, puta, OPERARUM (§. 100.) (quæ nihil aliud est, quam jus utilitatem ex servi alieni operis, earumque mercede, percipiendi. Unde quamvis veteres hanc servitutem modo ad usufructum, modo ad usum, retulisse videantur l. 3. l. 4. l. 5. D. h. t. plus tamen est in usufructu, & minus in usu, quam in servitute operarum, adeoque recte pro singulari, ac diversa servitutum personalium specie habetur, L. 1. §. 9. D. ad leg. Falc. l. 5. §. 3. D. usufr. quemadm. cau.

§. 128. Ceterum ex hac definitione consequitur (1. Ut, cui hoc jus competit, is omne commodum ex operis, earumque mercede, non & alia lucra per servum percipiat, e. g. hereditatem (2. Ut & servi operas locare possit, L. 3. D. h. t. (3. Ut, quam o-

peræ in factō consistant, hujus servitutis dies cedat a die, quo indicæ sunt, non ab adita hereditate, *L. 1. D. h. t. l. 7. D. de usufr. leg.* ( 4. Ut ob eandem rationem hæc servitus non extinguatur capitis deminutione, *l. 2. D. h. t. l. 2. D. de usufr. leg.* nec morte naturali, sed usucapione, *L. 2. D. eod.*

## TITULUS VIII.

## DE USU ET HABITATIONE.

§. 129. *Definitiones, & axiomata.* §. 130. *Usus fundi, ædium, pecoris.* §. 131. *Habitationis effecta.*

§. 129. **R**eliquæ servitutes personales sunt **USUS**, & **HABITATIO**, de quibus hoc titulo agitur. Et **USUS** quidem est *jus alienis rebus utendi* ( §. 102. ) *salva earum substantia* §. 1. *Inst. h. t.* **HABITATIO** autem *jus, ades alienas, salva earum substantia, inhabitandi* §. 5. *Inst. eod.* Ex quibus definitionibus fluunt axiomata I. *Usus sola necessitate circumscribitur* (a) ( §. 102. ) II. *Habitatio in solo factō habitationis consistit.* Ceterum hæ tres servitutes, hæcenus recensitæ, usufructui fere vicinæ sunt, & iisdem modis adquiruntur ( §. 194. seq. )

§. 130. Quum itaque usus necessitate tantum circumscribatur ( §. 129. 1. ) sequitur ( 1. Ut, qui **FUNDI** usum habet, possit oleribus, pomis, floribus, fœno, stramentis, & lignis, ad usum quotidianum uti, non foliis (b), oleo, frumento, frugibus, nisi modice; immo ne illis quidem ad compendium, *l. 10. §. 4. L. 12. pr. §. 1. D. 1. Inst. h. t.* ( 2. Ut usuarius **ÆDIUM** cum uxore, liberis, familia habitare, & vix hospitem recipere, nullam autem partem ædium alii locare possit, *l. 2. §. 1. l. 3. seq. l. 10. pr. §. 1. 2. 3. D. §. 2. Inst. h. t.* ( 3. Ut usua-

(a) Unde **USUI** *fructus deesse*, eleganter dicitur in *l. 14. §. 1. D. h. t.*

(b) Ita Florentiæ legitur, quum in aliis editionibus sit *foliis*. Vid. *Addit. nostr. ad Vinn. h. t. §. 4.*

rius PECORIS stercore, ad stercoreandum agrum, itemque inodico lactis, & lanæ, uti possit, §. 3. *Inst. hoc tit.*

§. 131. Quandoquidem deinde habitatio in solo facta habitationis consistit (§. 229. 2.) recte inferitur a veteribus (1. Eum, cui habitatio legata, non modo omnia cubicula inhabitare, l. 13. *C. de usuf.* verum etiam (2. Ea indistincte aliis utenda concedere, vel locare posse, §. 5. *Inst. ad l. 13. C. eod.* (3. Habitationem nec capitis deminutione, nec non usu perimi, l. 10. *pr. D. hoc t.* quum usus contra iisdem modis & adquiratur, & amittatur, quibus ususfructus l. 1. §. 1. *D. pr. Inst. h. t.*

## TITULUS IX.

## USUFRUCTUARIUS QUEMADMODUM CAVEAT.

§. 132. *Cautionis usufructuariae definitio.* §. 133. *Quomodo præstanda?* §. 134. *A quibus, & cui cavendum?* §. 135. *De quo cavendum?* §. 136. *Quando hæc cautio cesset?*

§. 132. **E**xplicatis singulis servitutibus personalibus, id, quod omnibus commune est, expenditur: nimirum CAUTIO USUFRUCTUARIA, quæ est cautio, a prætore inventa, qua proprietarius de salva rei usufructuaria substantia securus præstatur, l. 1. *pr. D. h. t.*

§. 133. Quum itaque prætoriam sit hæc cautio (§. 132.) consequens est (P. I. §. 300.) (1. Ut præstanda sit datis fidejussoribus, l. 13. *pr. D. L. 4. C. de usuf.* (2. Ut ne a testatore quidem remitti possit, l. 1. *C. de usuf.*

§. 134. Quumque ea securus præstetur proprietarius (§. 132. sequitur (1. Ut caveri debeat ab usufructuario unoquoque, l. 1. l. 4. *C. de usuf. l. 1. §. 2. l. 5. §. 1. l. ult. D. h. t.* (2. Et quidem proprietariis, si eorum plures sint, omnibus, l. 8. *D. h. t. l. 13. pr. D. de usuf.* (3. Ut non præstitam cautionem proprietarius, re jam tradita, conditione ex lege petere, l. 7. *pr. D. h. tit. l. 5. §. 1. D. de u-*

*usufr. ear. rer. vel ipsam rem vindicare, & exceptionem usufructuarii replicatione non præstitæ cautionis elidere possit, l. 7. pr. D. h. t. ( 4. Ut proprietarius hanc cautionem recte remittat, l. 46. D. l. pen. C. de pass.*

§. 135. Denique quum caveat usufructuarius, substantiam rei salvam fore proprietario ( §. 132. ) non obscurum sane est ( 1. Cautionem hanc duo capita complecti, alterum, *fructuarium usurum fructurum boni viri arbitrato* ( §. 111. ) l. 1. §. 6. D. h. t. l. 13. D. de usufr. alterum, *eundem, quum ususfructus ad eum pertinere desierit* ( §. 116. seq. ) *restituturum, quod inde exstabit*, l. 3. pr. §. 1. D. h. t. ( 2. Hanc cautionem ab illa, quam quasi usufructuarius præstat, esse diversissimam ( §. 124. )

§. 136. Cessat tamen hæc cautio ( 1. In usufructu, patri a lege constituto, l. ult. §. 4. D. l. 6. §. 2. C. de bon. que lib. ( 2. Si fisco hoc jus concessum, l. 1. §. 18. D. ut legat. vel fideic. causæ. ( 3. Usufructu pure, proprietate eidem in diem legata, l. 9. §. 2. D. h. t. ( 4. Si proprietarius, huic juri, in sui favorem invecio, vel espresse, vel tacite renunciaverit, cautionemque remiserit, l. 46. D. l. pen. C. de pass. l. 71. D. ad leg. Falcid.

## LIBER VIII.

### TITULUS PRIMUS.

#### DE SERVITUTIBUS.

§. 137. *Servitus prædialis quid?* §. 138. *Prædia urbana, & rustica.* §. 139. *Servitutes vel rusticorum, vel urbanorum prædiorum.* §. 140. *Adfirmativæ, & negativæ.*

§. 137. **S**ervitutes *personales*, de quibus superiore libro actum, jam excipiunt REALES ( §. 101. ) quas in eo consistere diximus, quod prædium serviat prædio, §. 3. Instit. h. t. l. 1. D. comm. præd. Ex *αὐτῷ τῷ χωρίῳ* SERVITUTES dici solent.

§. 138. PRÆDIA sunt vel URBANA, quo nomine omnia ædificia, & loca, habitationi, vel voluptati destinata, *L. 189. D. de verb. sign. vel RUSTICA*, quo omnia loca, fructibus colligendis destinata, veniunt, sive ædificia sint, sive fundi, *L. 211. D. eod. sive ruri, sive in urbe posita*; siquidem urbana, vel rustica prædia non locus facit, sed materia, *D. L. 198. D. de verb. signif.*

§. 139. Quum itaque prædia, quibus servitutes præstantur, vel rustica sint, vel urbana ( §. 138. ) servitutes quoque PRÆDIORUM RUSTICORUM dicuntur, quas prædium debet prædio rustico: URBANORUM quas prædium debet prædio urbano, *L. 1. D. h. t. Illæ in solo, hæ in superficie consistere dicuntur in l. 3. C. h. t. l. 20. D. de serv. præd. urb. l. 13. D. de serv. præd. rust.*

§. 140. Quumque ea porro sit servitutum natura, ut dominus prædii servientis aliquid pati, vel non facere teneatur in suo prædio ( §. 200. 2. ) inde est, quod servitutes prædiales dividantur in AFFIRMATIVAS, & NEGATIVAS quarum illæ in patiando, hæ in non patiando consistunt.

## TITULUS II.

### DE SERVITUTIBUS PRÆDIORUM URBANORUM.

§. 141. *Varie servitutes prædiorum urbanorum.* §. 142. *Servitus oneris ferendi, & tigni immittendi.* §. 143. *Projiciendi, & protegendi.* §. 144. *Altius tollendi, & non tollendi.* §. 145. *Stillicidii, fluminis, foraminis.* §. 146. *Fumi immittendi, & cloacæ.* §. 147. *Luminum, & ne luminibus officiatur, prospectus, & ne ei officiatur.* §. 148. *Annon plures dentur?*

§. 141. **P**rimum genus servitutum realium sunt illæ, quæ prædiis URBANIS præstantur, & partim ob commodiorem ÆDIFICATIONEM, partim ob AQUAM, FUMUM, SORDESQUE, partim ob LUMEN, & PROSPECTUM inventæ sunt.

§. 142. Ad commodiorem **ÆDIFICATIONEM** comparatæ sunt I. Servitus **ONERIS** ferendi, quæ est *jus adium nostrarum partem imponendi vicini columnæ, vel parieti*. §. 1. *Inst. hoc t. II. Servitus TIGNI IMMITTENDI*, quæ est *jus, tigni ex suo edificio immittendi in parietem vicini, ut ibi requiescat*, l. 20. l. 25. *D. h. t. l. 242. §. 1. D. de verb. sign.* Priorem servitutem vulgo dicunt *ἀνόμολον*, quia dominus parietis aliquid facere, puta parietem reficere, teneatur (a) l. 33. *D. h. t. l. 6. §. 2. D. si servo, vind.*

§. 143. Ad eundem finem comparata est III. Servitus **PROJICIENDI**, quæ est *jus tignum, vel partem edificii nostri provehendi, ita ut solo, vel area aliena immineat, nec usquam tamen in illa requiescat*. Quo & *Maniana*, & *suggrundia* pertinent, L. 242. §. 1. *D. de verb. signif.* Servitus **PROTEGENDI**, quæ est *jus, protectum habendi supra alienam aream ad arcenda imbrium injurias*, L. 2. *D. h. t. d. L. 242. §. 2. D. de verb. signif.*

§. 144. Nec minus huic referendæ servitutes V. **ALTIVS TOLLENDI**, & VI. **ALTIVS NON TOLLENDI**, quorum illa esse dicitur *jus ades nostras altius tollendi contra statutum, quod vicino jus prohibendi indulget* (*Inst. §. 405.*) l. 12. §. 1. *C. de adif. priv.* Hæc jus prohibendi vicinum, quo minus ades suas tollat altius, §. 1. *Inst. l. 2. D. hoc tit.*

§. 145. Aqua causa inventæ sunt servitutes VII. **STILLICIDIUM**, vel **RECIPIENDI**, vel **NON RECIPIENDI**, & VIII. **FLUMINIS** itidem, vel **RECIPIENDI**, vel **NON RECIPIENDI**, & IX. **FORAMINIS STILLICIDIUM** dicitur, ubi aqua pluvia stillatim cassitat; **FLUMEN**, quando in canales collecta

(a) Sed in istis tamen legibus non est quæstio, an dominus prædii servitutis teneatur reficere columnam, vel parietem; sed an tale pactum iniri possit, ut reficiat? Quidam id negabant, quod servitus consistere nequeat in faciendo (§. 100. 3.). Alii affirmabant, quod eo facto quis non cogatur ad faciendum, siquidem ei salva sit libertas, derelinquendi columnam, vel parietem. Itaque, si non intercesserat hujusmodi pactum, procul dubio sequendum erat jus commune.

cum impetu ruit, *L. 20. §. 3. 4. D. h. t. (a)* Quod si itaque mihi jus est aquam pluviam in vicini fundum avertendi, erit hæc *servitus stillicidii, fluminis recipiendi*; sin mihi jus est prohibendi, ne in suum derivet, sed mihi concedat, habebimus *servitutem fluminis, vel stillicidii non recipiendi, L. 28. l. 2. D. h. t. Add. PAGENST. Admon. ad Pand. h. t. §. 97. seq.* Si mihi denique jus est foramen, in imo pariete apertum, habendi, pavimenti proluendi causa, erit *servitus foraminis*, modo eo quidquam aquæ pluvie perveniat, *L. 28. D. h. t.*

§. 146. Ad FUMUM, & SORDES pertinent X. servitus FUMI immittendi, id est, *jus immittendi fumum in superiora ædificia, l. 8. §. 6. D. si serv. vind.* & XI. servitus CLOACÆ, vel *jus cogendi vicinum, ut sordes nostras in suam arcam recipiat, l. 7. D. de serv. l. 1. §. 2. D. de cloac.*

§. 147. Denique LUMINIS, PROSPECTUSQUE causa repertæ sunt servitutes. VII. LUMINUM quæ est *jus in pariete vicini, vel communi fenestras aperiendi, l. 4. l. 40. D. h. t.* XIII. Servitus NE LUMINIBUS OFFICIATUR, quæ est *jus prohibendi vicinum, ne quid faciat in suo, quo fenestræ nostræ obstruantur, l. 4. l. 15. l. 17. pr. §. 1. l. 23. D. h. t.* XIV. Servitus PROSPECTUS, quæ est *jus in prædium vicini prospiciendi, l. 12. l. 16. D. h. t.* XV. Servitus denique, NE PROSPECTUS OFFICIATUR, quæ est *jus prohibendi vicinum, ne quid in suo faciat, quo liber quaquaversum prospectus nobis interceptiatur, l. 3. l. 15. D. h. t.*

§. 148. Nullum est dubium, quin plures esse possint hujus generis servitutes pro diversa ratione ædificandi, & habitantium necessitate. Exempla habes, *l. 17. §. 1. & l. 8. §. 5. D. si serv. vind.*

(a) Alias enim non haberet causam perpetuam; adeoque nec esset servitus (*Inst. §. 393.*).

## TITULUS III.

DE SERVITUTIBUS PRÆDIORUM  
RUSTICOTUM.

§. 149. *Servitutes prædiorum rusticorum. Iter, actus, via.* §. 150. *Cur via actum, & iter, actus inter tantum comprehendat?* §. 151. *Servitutes aquæductus, aquæ haustus, pecoris ad aquam adpulsus.* §. 152. *Jus pascendi, & compascui.* §. 153. *Alia servitutes per lancem saturam.*

§. 149. Sequuntur servitutes prædiorum RUSTICORUM, quarum præcipuæ sunt I. ITER, II. ACTUS, III. VIA. ITER est jus eundi, ambulandi hominis, non etiam jumentum agendi, vel vehiculum. ACTUS est jus agendi jumentum, vel vehiculum. VIA jus vehundi (ita legendum videtur) agendi, & ambulandi (a) *pr. Inst. de serv. l. 1. D. h. t.*

§. 150. Hic earum servitutum finis poscere videbatur, ut singulis his servitutibus certum spatium attribueretur. Et VIAM quidem 8. pedum in porrectum, 16. in anfractum fuisse, novimus, l. 8. *D. h. t.* Nec minus de actu constat, illum quatuor pedes in porrectum habuisse. VARR. *de ling. Lat.* 4. 4. ITER procul dubio duorum, vel trium pedum fuit, quamvis res fere ad paciscentium arbitrium rediisse videantur, l. 13. §. 2. *D. h. t.* Et inde facile patet, cur via & actum, & iter; actus iter dumtaxat in se

(a) Recte hic intelligenda vocabula. IRE est porro ulterius pergere ad negotia persequenda. AMBULARE est animi caussa spatiis factis in eadem vestigia reflectere. AUS. POM. *de differ. verb.* L. 1. p. 50. Utrumque vocabulum jungunt veteres, ne quis sola necessitate finiri existimet has servitutes, quia alioquin solius voluptatis caussa servitutes constitui non solent, L. 8. *pr. D. de serv.* VEHICULUM hic intelligendum videtur trassatile, quod manu duci, agique, aut propelli solet. BYNKERSH. *Obs.* 4. 7. cui & conjecturam debeo, quod pro eundi legendum sit vehundi.



comprehendat, l. 3. D. h. t. L. 13. D. de serv. GRUT. Inscr. pag. 201. n. 3.

§. 151. Proximæ sunt servitutes IV. AQUÆDUCTUS. V. AQUÆ HAUSTUS; & VI. PECORIS AD AQUAM ADPULSUS, quorum ista in jure aquam ad prædium nostrum per fundum alienum ducendi l. 1. pr. D. h. t. illa in jure aquam ex alieno puteo, vel fonte perenni (Inst. §. 395.) ad prædii nostri utilitatem hauriendi (a), L. 5. §. 1. l. 9. D. h. t. hæc denique in jure pecora prædii nostri ad aquam alterius adpellendi consistit, l. 5. §. 1. D. h. t.

§. 152. Sequitur VII. Jus PASCENDI pecora prædii nostri in alieno fundo, in perpetuum prædio nostro constitutum, L. 4. D. de serv. præd. rust. Ex qua definitione consequitur (1. Ut enim servitute hæc confundendum non sit jus compascui, quod vicini sibi jure mutui precarii concedunt. STRYK. Us. hod. D. h. t. §. 15. (2. Ut, si pastura utrique sufficit, servientis prædii pecora simul ibi pasci queant, modo sana sint (3. Ut si non sufficiat utrique, æquissimum videatur, utrique certum numerum arbitrio boni viri præfiniri, quamvis servientis prædii pecora præferenda esse, vulgo, licet perperam, colligant ex l. 13. §. 1. D. comm. præd. & l. 6. C. de serv. Vid. STRYK. *ibid.*

§. 153. Plures passim occurrunt aliæ servitutes prædiornum rusticorum, veluti jus calcis coquendæ, arene fodiendæ, oretæ eximendæ, l. 1. §. 1. D. h. t. jura item pedamenta sumendi, fructus cogendi, coactosque habendi in alterius villa, l. 3. §. 1. D. h. t. tugurium in alieno positum habendi, l. 6. §. 1. D. h. t. terram, rudus, saxa jaciendi, posita habendi, prævolvendi in alieno, L. 3. §. 2. D. h. t. navigandi in alieno lacu, vel stagno, l. 23. §. 1. D. h. t. uvæ in alieno torculari exprimendi, l. 14. fin. D. de alim. & cib. leg. aves capiendi in alieno, l. 16. D.

(a) Meminimus prædii dominantis; quia si non in usum prædii, sed personæ conceditur aquæ haustus, vel pecoris ad aquam adpulsus, non realis hæc servitus est, sed personalis, l. 14. §. 3. D. de alim. & cib. leg. pro qua tamen in dubio non est præsumptio, l. 20. §. 5. D. h. t.

*h. t. sterquilinum ad alienum parietem positum habendi*, l. 17. §. 2. *D. si serv. vind.* Ut autem omnes hæ servitute faciles ex ipsis definitionibus intelliguntur; ita nullum est dubium, quin pro diversa rei rusticæ ratione innumeræ aliæ constitui possint.

## TITULUS IV.

COMMUNIA PRÆDIORUM URBANORUM  
ET RUSTICORUM.

§. 154. *Cur de communibus prædiorum hic agatur?*  
§. 155. *Modi servitutem constituendi.* §. 156. *Quis servitutem constituat?* §. 157. *Quis adquirat?* §. 158. *Quibus modis constituantur, & adquirantur servitutes?* §. 159. *An in diem, & sub conditione?* §. 160. *Communia servitutum attributa.*

§. 154. **I**nter rusticorum, urbanorumque prædiorum servitutes non olim erat differentia. Quum enim illæ essent res *mancipi*; hæ nec *mancipi* (*Inst.* §. 330.\*) *ULP. Fragm.* 19. illæ fere in solo, hæ in superficie consisterent (§. 149.) fieri non potuit, quin & effectis discrepant, quamvis hodie, sublato inter res *mancipi*, & nec *mancipi* discrimine, plerasque differentias ignoremus. Hic tantum COMMUNIA utriusque generis servitutum considerantur. Communes autem sunt I. MODI CONSTITUENDI servitutes; communia II. servitutum ATTRIBUTA; communes III. ACTIONES, communes denique IV. MODI servitutis AMITTENDI.

§. 155. Primum ad MODOS CONSTITUENDI servitutes quod attinet, de iis observandæ regulæ: I. Servitutes ex necessitate constituit iudex: ex arbitrio dominus prædii; II. Servitutes sunt in bonis.

§. 156. Quum itaque servitutes ex necessitate a iudice, ex arbitrio a domino prædii, constituantur (§. 155. 1.) consequens est (1. Ut, si quis aditum ad agrum non habeat, iudex possit jus itineris, aënis, viæ, constituere, damnato altero, ut pretium persolvat, l. 44. §. ult. *D. de legat.* 1. (3. Ut so-

Ius dominus in re sua alteri servitutem possit concedere, *l. 6. pr. l. 8. D. h. t.* ( 3. Ut nec usufructuarius, nec proprietarius, consentiente licet illo, in fundo fructuario servitutem constituere queat, *l. 5. §. ult. D. de usufr. nec* ( 4. In fundo comuni alteruter sociorum, alterius ingratis, *l. 5. D. h. t.*

§. 157. Quumque servitutes sint in bonis (§. 155. 2. ) sequitur ( 1. Ut eas acquirere possint domini prædiorum qualescumque, *l. 6. l. 8. D. h. t. l. 11. §. 1. D. quemadmod. serv. amitt.* cum per se, tum per alios, veluti procuratores, servos & *l. 20. §. ult. D. de adq. rer. dom.* ( 2. Ut usufructuarii servitutem semel impositam retinere, non autem acquirere fundo possint, dissentiente licet, ut videtur, JULIANO, *l. 15. §. 7. D. de usufr.* ( 3. Ut nec vicinus vicino, nec socius socio, servitutem adquirat, *l. 5. D. h. t. l. 19. D. de serv. præd. rustic.*

§. 158. Ex eodem sequitur ( 1. Ut servitus & ultima voluntate constituatur, *l. 16. D. h. t. &* ( 2. Pactionibus, & stipulationibus, subsequente tamen in affirmativis quasi traditione ( §. 107. 7. *Inst. §. 333. \*\** ) ( 3. Ut præscriptione longi temporis, id est decem annorum inter præsentis, & viginti inter absentes, servitutes adquirantur (a) *l. ult. C. de præscr. long. temp.* eaque in præscriptione quasi possessio nec violentia, nec clandestina, nec precaria, sit loco tituli *l. 10. pr. D. si serv. vind. l. 2. C. de serv. l. ult. C. de præscr. long. temp.*

§. 159. Denique inde colligitur ( 4. Servitutes, etiam in diem, & sub conditione constitui posse, patrumve hujusmodi parere exceptionem *pacti vel doli mali* ( P. I. §. 356. ), *l. 4. pr. D. de serv.* ( 5. Posse & modum imponi servitutibus, & usum earum

(a) Usucapi servitutes non poterant post *legem Scriboniam l. 4. §. ult. D. de usurp. & usuc.* quia tamquam res incorporeales non possidentur *l. 32. pr. D. de serv. præd. urban.* At quoniam tamen quasi possidentur, prætor eos defendebat, qui longo tempore servitutem quasi possidebant, *l. 10. D. si serv. vind.* Denique constitutione sua & jurium præscriptionem firmavit JUSTINIANUS *l. ult. C. de præscr. long. temp.* Vid. *Antiq. Rom.* 2. 6. 6.

certis temporibus, & intervallis secerni, l. 4. §. 1. & ult. l. 5. §. 1. *Deced.*

§. 160. Communia deinde esse diximus servitutum utriusque generis ATTRIBUTA ( §. 154. ) veluti ( 1. Quod in omnibus servitutibus vicinitas, non contiguitas tamen semper, prædiorum requiratur, l. 1. l. 38. l. 25. *D. de serv. præd. urb.* l. 5. §. 1. l. 7. §. ult. *D. de serv. præd. rust.* l. 7. §. 1. *D. h. t.* ( 3. Quod omnium causa esse debeat perpetua ( §. 146.\* ) *L. 28. D. de serv. præd. veh.* l. un. §. 4. *D. de font.* ( 3. Quod omnes sint individuae, *L. 2. §. 2. l. 27. pr. D. de verb. oblig.* l. 6. §. 1. l. ult. *D. h. t.*

## TITULUS V.

### SI SERVITUS VINDICETUR, VEL AD ALIUM PERTINERE NEGETUR.

§. 161. *Actiones occasione servitutum natae.* §. 162. *Earum natura.* §. 163. *Confessoria cui competat.* §. 164. *Contra quem?* §. 165. *Descriptio hujus actionis.* §. 166. *Negatoria cui, & contra quem datur?* §. 167. *Quis hic probare teneatur?* §. 168. *Negatoria actionis descriptio.*

§. 161. **C**ommunes quoque servitutibus omnibus esse diximus tertio ACTIONES ( §. 154. ). Omnium enim servitutum tam realium, quam personalium, occasione ( §. 99. §. 126. ) nascuntur actiones, CONFESSORIA, & NEGATORIA, l. 2. pr. *D. h. tit.* quarum altera ex servitute, altera ex libertate naturali oritur ( §. 99. \* ).

§. 162. Ex quo fluunt axiomata: I. Actio confessoria nascitur ex jure in re aliena. II. Negatoria nititur libertate naturali. III. Libertas naturalis præsumitur; jus in re aliena probandum est.

§. 163. Quum itaque confessoria ponat jus in re aliena ( §. 162. 1. ) consequens est ( 1. Ut directe ea experiri possit dominus prædii dominantis l. 2. §. 1. l. 6. §. 3. *D. h. t.* utiliter etiam emphyteuta, & superficiarius, l. 16. *D. de serv.* l. 9. *D. de nov. o-*

per. nunc immo & creditor, cui fundus pignori datus, & fructuarius ( §. 157. 2. ) l. un. §. 4. D. de remiss.

§. 164. Ex eodem sequitur ( 2. Ut sit actio in rem, §. 2. Inst. de act. l. 6. §. 3. D. h. tit. adeoque ( 3. Non modo adversus prædii servientis dominum datur, L. 6. §. 3. D. h. t. verum etiam ( 4. Adversus quosvis prædii illius possessores, servitutis usu alterum prohibentes, L. 10. §. 1. D. h. tit. immo & ( 5. Contra liti se offerentes ( §. 66. 2. §. 87. 2. ) l. 7. D. si usufr. pet.

§. 165. Ex quo facile patet, actionem CONFESSORIAM esse actionem in rem, quæ datur cuivis, jus in prædio dominante habenti ( §. 163. ) adversus quemcumque prædii servitutis possessorem turbantem, litivè se offerentem ( §. 165. ) in id, ut actori servitutem competere declaretur, reus quanti actoris interest, condemnnetur, simulque cautionem de in posterum non turbando præstare, vel tantum, quantum in litem actor juraverit, solvere jubeatur, L. 7. D. h. t.

§. 166. Quum porro NEGATORIA actio libertate naturali nitatur ( §. 262. 2. ) consequens est ( 1. Ut competat domino prædii liberi, in quo servitutem aliis injuria sibi vindicat (a), l. 2. pr. L. 4. §. 7. D. h. t. L. 5. pr. D. si usufr. pet. ( 2. Ut institui possit adversus quemcumque, sibi servitutem adserere conantem in fundo libere, l. 2. pr. l. 8. §. 5. l. 17. D. h. t.

§. 167. Denique ex tertio axioma ( §. 162. 3. ) inferendum ( 1. Onus probandi hic in rem, sibi servitutem adserentem, devolvi, l. 25. C. de probat. l. ult. C. de rei vind. præterquam si reus sit in quasi possessione servitutis (b), Arg. l. 8. §. 3. D. h. t.

(a) Quid si actor sit in quasi possessione libertatis? Nihilominus recte agit, l. ult. D. si usufr. pet. Vides itaque casum illum unicum, quo is, qui possidet, in rem agit §. 2. Inst. de act. THEOPH. in Paraphr. ibid. & FABROTT. ad Theoph. p. 264. ( Inst. §. 1129. \* ).

(b) Contrariam tamen sententiam, ex glossa natam, passim in foro triumphare, jam alibi observavimus. ( Inst. §. 1137. Add. STRYK. de invest. act. 2. 2. 4. )

*l. 7. §. ult. D. de lib. caus. l. 15. fin. C. de nov. oper. nunc. l. 8. l. 4. D. de probat.*

§. 168. Quæ quum ita sint, actio NEGATORIA est actio in rem, *l. 4. §. 7. D. h. t. §. 2. Inst. de aff. competens domino prædii liberi, adversus quemcumque, sibi servitutem in eo adserentem (§. 166.) in id, ut prædium liberum declaretur, reusque condemnatur in id, quod actoris interest, cautionemque de in posterum non turbando præstare jubeatur, L. 2. pr. l. 7. l. 12. D. h. t.*

## TITULUS VI.

### QUEMADMODUM SERVITUDES AMITTUNTUR.

§. 169. *Fundamentum modorum amittendi servitutis.* §. 170. *Non usus, & rei interitus.* §. 171. *Remissio, & confusio.* §. 172. *Solutum jus constituentis, & lapsus temporis.*

§. 169. **C**omunes denique sunt quarto MODI servitutes AMITTENDI (§. 154.) qui omnes ex idea, & natura jurium in re aliena fluunt.

§. 170. Quum enim servitutes sint jura in re (§. 169.) sequitur sane (1. Ut I. PRÆSCRIPTIONE longi temporis expirent, & rusticorum quidem prædiorum servitutes solo non usu, *l. 18. D. h. t. l. 13. C. de serv. urbanorum* autem usucapta simul a servientis domino libertate, *l. 6. l. 7. D. de serv. præd. urb. l. 18. §. 2. D. h. t.* (2. Ut & II. alterutrius prædii INTERITU finiatur, *l. 14. D. h. t.* ita tamen, ut restituto mox prædio reviviscant, *L. 13. pr. D. de serv. præd. rust. lib. 20. §. 2. D. de serv. præd. urban.*

§. 171. Quumque servitus sit jus in re aliena (§. 169.) sequitur (1. Ut & III. REMISSIONE exspiret, sive expresse juri suo renunciaret dominus prædii dominantis, sive tacite quid fieri permittat, quod usum servitutis impediatur, *L. 8. pr. D. h. t.* (2. Ut finiatur IV. CONFUSIONE. Prædio enim utroque in unius redactio dominium, res propria nemini ser-

vire potest, L. 1. D. h. t. l. 30. D. de sero. prad. urb. secus ac si pro parte prædia confunduntur. L. 8. §. 1. D. de sero. l. 33. §. 1. l. 34. D. de sero. prad. rustic.

§. 172. Ex eadem idea elicias (3. Servitutes etiam extinguuntur V. SOLUTO JURE temporario constitutis, & VI. finito TEMPORE, vel existente CONDITIONE, si in diem, vel sub certa conditione resolutiva concessæ sint. Quamvis hoc casu, non ipso jure, sed exceptione doli mali, vel pacti, finiri servitutem, jam supra monuerimus (§. 159. 4.) l. 11. §. 1. D. h. t.

## LIBER IX.

### TITULUS PRIMUS.

#### SI QUADRUPES PAUPERIEM FECISSE

#### DICATUR.

§. 173. *Damnum quoduplex?* §. 174. *Quid quadrupes?* *Quid pauperies?* §. 175. *De hujus actionis natura axiomata.* §. 176. *Quod damnum hac actione vindicetur?* §. 177. *Contra quem agatur?* §. 178. *Ad quid?* §. 179. *Actionis hujus descriptio.* §. 180. *Usum hodiernus.*

§. 173. **H**actenus judicia quædam in rem expendit Tribonianus (§. 44.): sequuntur jam quædam actiones in personam, & speciatim quidem hoc libro, illæ quæ ad materiam DE DAMNO DATO pertinent. *Damnum* autem vel a libero homine inferitur, vel a servo, vel a quadrupede. Primum JCTI vocant DAMNUM INJURIA datum, alterum NOXAM, postremum PAUPERIEM, quamvis & ex hac orta actio, ob agendi modum, noxalis soleat appellari.

§. 174. QUADRUPES JCTIS est animal, quod dorso, & collo domatur. ULPIAN. Fragm. 19. 1. Hujusmodi jumenta ex generis sui natura sævife haud  
*Hein. Pand. Tom. I.*

solent. Si tamen a nemine instigata contra naturam generis alicui noceant, non quidem deliquisse dicuntur, quippe sensus expertia, *L. 1. §. 3. D. h. t.* sed tamen fecisse PAUPERIEM. Quare PAUPERIES est *damnum sine injuria facientis datum*, *L. 1. §. 3. D. h. t. FEST. voce pauperies.*

§. 175. De ea quam lege 12. tabularum cautum esset, ut dominus noxæ æstimiam offerret, ant, quod noxiz, daret, *L. 1. §. 1. 2. D. pr. Inst. h. t. l. 6. §. 1. D. de re jud.* sua sponte inde fluunt axiomata. I. Actio de paupere vindicat damnum, a quadrupede datum, contra naturam generis sui (§. 74.) II. Ea actio noxalis est (§. 173.)

§. 176. Quum itaque hæc actio damnum a quadrupede contra naturam sui generis datum vindicet (§. 175. 1.) consequens est (1. Ut si bestia natura fera nocuerit, non nisi utilis actio competat, æque ac (2. Si animal bipes intulerit damnum, *L. 1. §. 10. l. pen. D. §. 1. Inst. h. t.* (3. Ut si is, cui nocitum, quadrupedem irritaverit, actioni non sit locus, *L. 53. §. 2. D. ad leg. Aquill.* (4. Ut & si alius instigaverit, contra instigantem agendum sit ex lege Aquillia, *L. 1. §. 4. D. h. t.* (5. Ut, si quadrupes secundum naturam nocuerit, veluti gramina, vel fruges depascendo, non de pauperie, sed de pastu agendum sit. PAULL. *Sent. recept. 1. 15. l. 14. §. ult. D. de præsc. verb. (a).* (6. Ut congressis inter se arietibus, vel bovis, si is, qui provocaverit, perierit, nulla detur de pauperie actio, *L. 1. §. 11. D. h. t.*

§. 177. Quumque noxalis sit hæc actio (§. 175. 2.) sequitur (1. Ut noxa sequatur caput; adeoque (2. Agi possit cum omnibus, qui tempore institutionis actionis possident, *L. 1. §. 12. D. h. t. & adversus*

(a) Hodie passim, & maxime in Germania, hoc casu conceditur jus pignori, & quadrupedem, in agro deprehensam, tamdiu includendi, donec de damno dato fuerit satisfactum, modo pignus istud captum, statim offeratur magistratui. GALL. *de pignorationibus.* FELTMAN. *de inclus. animal.* Quod tamen jus Romanis non placuisse, vel ex *l. 59. §. 1. D. ad leg. Aquill.* patet (Conf. *Elem. jur. Germ. l. 2. tit. 21. §. 84. seqq.*)



singulos quidem in solidum, *L. 1. §. 14. Inst. h. t.* ( 3. Ut hæc actio sit in rem scripta, §. 5. *Inst. de nox. act. l. 8. l. 12. l. 11. D. eod.* ( 4. Ut, mortuo ante litis contestationem animali, possessor conveniri nequeat, *L. 1. §. 13. D. h. t.* at ( 5. Si tertius occiderit animal post litem contestatam, tunc possessor aut æstimationem præstare, aut actionem legis Aquiliæ adversus occidentem edere teneatur, *L. 1. §. 16. D. h. t.*

§. 178. Ex eodem sequitur ( 6. Ut agendum sit ad id, ut possessor quadrupedis aut damnum resarciat, aut animal noxæ dedat, *L. 1. pr. l. 3. D. h. t.* Cui id adjecerant leges, ut ( 7. Inficians se dominum quadrupedis esse, re aliter se habente, in solidum condemnatur ) *L. 1. §. 15. D. h. t.*

§. 179. Ex quibus palam est, esse hanc actionem DE PAUPERIE civilem ( §. 175. ) personalem, in rem scriptam ( §. 177. 3. ) noxalem ( §. 175. 2. ) quæ competit omni, cujus interest, ejusve heredi, *L. 1. §. ult. D. h. t.* adversus quemcumque, qui tempore litis contestatæ quadrupedem possidet ( §. 177. ) ad resarciendum damnum, contra naturam generis a quadrupede datum ( §. 176. ) vel animal noxæ dedendum ( §. 178. 6. ) immo contra inficiantem in solidum ( §. eod. 2. )

§. 180. Rariorem hodie esse hanc actionem in foro, omnes fere agnoscunt. Jure Saxonico, si liber homo occisus fuerit, possessor ad *Wergeldum*, quod vocant, tenetur, nisi bestiam expulerit, alioquin ad pœnam arbitrariam. SCHILTER *Exerc. 19. 11. sequus prov. Saxon. II. 40.* In Frisia, si animal antea ob ferociam famosum fuerit, a domino diuidium ejus præstatur, quod præstandum esset, si damnum ab homine fuisset datum; sin latuerit quadrupedis ferocia, aut damnum sarciendum, aut animal noxæ dandum. *Stat. Fris. II. 3. 4.* aliis locis vid. GROENEWEG. *de leg. abrog. adpr. Inst. h. t. n. 5.* GROT. *Jur. Butt. III. 13. p. 38.* STRYK. *Us. hod. D. h. t.*

## TITULUS II.

## AD LEGEM AQUILLIAM.

§. 181. *Lex Aquillia.* §. 182. *Quid damnum? Quid injuria?* §. 183. *De eo axiomata.* §. 184. *Actio datur ob dolum, culpam, imperitiam, infirmitatem.* §. 185. *Non ob casum, inculpatamve tutelam.* §. 186. *Actio ex lege Aquillia directa, utilis, in factum.* §. 187. *Ex hac lege agitur ob damnum aestimabile.* §. 188. *Aestimatio quomodo fiat?* §. 189. *Caput primum legis Aquilliae.* §. 190. *Secundum, & tertium caput.* §. 191. *Capitula horum differentia.* §. 192. *Eorundem convenientia.* §. 193. *Actionis ex L. Aquillia descriptio.* §. 194. *Usus hodiernus.*

§. 181. Sequitur DAMNUM ab homine libero INJURIA datum ( §. 173. ) De ea lata fuerat lex AQUILLIA, qua omnibus anterioribus legibus derogatum est, *L. 1. pr. D. h. t.* Ea deberi videtur *L. Aquillio, P. F. L. N. Gallo*, tribuno plebis, a. u. c. 572. Vid. STEPHAN. VIN. PICT. *Annal. Rom. Tom. II. p. 330. Antiq. nostr. Rom. IV. 3. 4. p. 175. seq. Histor. nostr. jur. civit. l. 1. §. 87.*

§. 182. Persequitur hæc lex DAMNUM INJURIA datum, vel DAMNUM INJURIAE, *l. 30. pr. D. ad leg. Falc.* INJURIA autem hic vocatur, quod non jure fit, *l. 5. §. 1. D. h. t.* adeoque omnis dolus, & culpa. Per DAMNUM denique, quavis patrimonii deminutionem, nullo jure, corporis quorundam corruptione per corpus factam, intelligimus. Unde ex delicto esse hanc actionem, non obscurum est.

§. 183. Ex quibus definitionibus fluunt axiomata: I. Ubicumque vel dolo, vel culpa damnum datum, ibi locum habet actio ex lege Aquillia. §. 3. *Inst. h. t. II.* Ea lex requirit, ut corpore per corporis corruptionem patrimonii nostri facta sit deminutio. §. ult. *Inst. h. t.*

§. 184. Quum itaque culpam non minus, quam dolum, persequatur lex Aquillia ( §. 183. 1. ) con-

sequens est ( 1. Ut quæcumque sufficiat culpa, etiam levissima, *L. 44. pr. D. h. tit.* nec ( 2. Quidquam intersit, committendo datum sit damnum, an omittendo, modo obligatus quis fuerit ad diligentiam. *L. 8. pr. D. h. t.* ( 3. Ut & imperitia hic imputetur, & ( 4. Infirmitas, si quis adfectaverit, in quo imperitia, vel infirmitas ejus alteri periculosa futura. *L. 8. §. 1. l. 9. §. penult. l. 13. 27. §. 29. D. hoc tit.*

§. 185. Nec minus inferimus ( 5. Agi non posse cum eo, in quem non cadit culpa, veluti cum furioso, demente (a) inpubere infantie propiore, *l. 5. §. 2. D. h. t.* ( 6. Nec casum cuiquam imputari, §. 3. *Inst. h. t.* adeoque nec 7. Damnum ab eo, qui jure suo utitur, alteri sine injuria datum. Quo in primis moderamen inculpatæ tutelæ pertinet, quo quis adgressorem, vi injusta irrudentem, imminente vitæ, corporis, rerumve periculo, incontinenti, tenendi sui causa, occidit, §. 2. *Inst. l. 4. pr. l. 45. §. 4. D. h. t. l. 3. D. de just. & jur. l. 1. C. unde vi.*

§. 186. Quumque proprie hæc lex agat de damno, & corporis corruptione, & per corpus ilato (§. 183.) facile patet ( 1. Cur directa ex lege Aquillia actio locum habeat, si corpore corpori damnum datum ( 2. Utilis, si non corpore, at corpori tamen damnum illatum ( 3. In factum (b) denique, si nec corpore, nec corpori nocitum, damnum tamen datum sit, §. ult. *Inst. h. t.*

§. 187. Denique, quia hæc actio ad patrimonii diminutionem pertinet (§. 183. 2.) facile est ad intelligendum ( 1. Non competere actionem ex lege Aquillia, ob damnum inæstimabile, quale est si liber homo occisus, *L. 3. D. si quadr. paup. l. ult. D. de*

(a) Aliquando tamen hoc casu recte agitur cum cognatis, & curatoribus, quibus furiosi custodia credita erat. Quo casu quodnam sit magistratum officium, eleganter docet *l. 13. §. 1. l. 14. D. de offic. presid.*

(b) Prima erga actio ex verbis legis, altera ex ejusdem ratione, & sententia, postrema ex sola aequitate est. Istam Aquilius, illam Jcti, hanc prætores invenerunt *l. 21. D. de præscr. verb.*

*his qui effud.* (a) ( 2. Agi tamen posse ob vulneratum liberum hominem, ad sarcendum damnum ex operis cessantibus, & impendiis in curationem factis, non ob cicatrices, & deformitatem. *L. ult. D. de his, qui effud. l. 3. D. si quadr. puup.* quamvis in actione injuriarum, ubi magis ad contumeliam, quam damnum respicitur, harum etiam ratio habeatur, Arg. §. 9. *Inst. de injur.*

§. 188. Quia autem ex delicto est hæc actio ( §. 182. ) non abs re Aquilius existimavit ( 1. Et ad damnum resarciendum condemnandum, & pœna coercendum esse, qui deliquerit, §. 4. *Inst. h. t. §. 19. Inst. de act.* adeoque ( 2. Non corporis modo æstimationem fieri debere; sed & eorum omnium, quæ nobis ejus occasione absunt a patrimonio, *L. 21. §. 2. l. 23. §. 3. l. 51. §. 2. D. §. 9. Inst. h. t.* Exempla habes in *l. 22. §. 1. l. 73. pr. seq. D. §. 10. Instit. h. t.* ( 3. Eam actionem dandam esse cuilibet, cujus interest, ob jus in re corrupta, *l. 11. §. 10. l. 17. D. h. t.* adeoque ( 4. Et heredibus, & successoribus, *l. 23. §. 8. D. h. t.* non autem. ( 7. Commodatariis, §. 9. *D. h. t.*

§. 189. Ut autem simul pœnam daret delinquens ( §. 188. 1. Aquilius non justam æstimationem præstari jussit, sed aliquid amplius, eaque de causa tria proposuerat capita, quorum PRIMO cautum: ut qui servum, servamve, alienum, alienamve, quadrupedemve, pecudem, *Inst. §. 1086. \** ) injuria occidisset, quanti id in anno plurimi fuerit, tantum æs dare domino damnas esset. *L. 2. pr. D. h. t.*

§. 190. SECUNDUM caput jam Justiniani tempore ab usu recesserat, §. 12. *Inst. l. 27. §. 4. D. h. t.* & hodie plane ignoratur (a). TERTIO denique

(a) Datur tamen eo casu criminali persecutio ex lege *Cornelia de sicariis*, *l. 1. §. 3. D. ad leg. de sicar.*

(b) Probabile tamen est, quædam in hac lege & de servo corrupto extitisse, *l. 4. lib. 5. §. 2. D. de servo corr. & de dejectis, & effusis l. 31. D. ad leg. Aquill.* BYNKERSH. *Observ. 1. 13.* adeoque plura fuisse legis Aquiliæ capita, GER. NOODT. *de leg. Aquill. c. 1.* quæ postea exsoleverunt, quum prætor edicta utiliora proposuisset. Add. *Antiq. nostr. Rom. 4. 3. p. 179.*

cantum fuerat: ut ceterarum rerum prater hominem, & pecudem occisos, si quid alteri. damnum faxit, quod usserit, fregerit, ruperit injuria, quanti ea res fuerit in diebus triginta proximis, tantum es domino dare damnas esset, L. 27. §. 5. D. h. t.

§. 191. Quare ita differunt hæc capita ( 1. Quod primum pertinet ad servos, servas, quadrupedesque pecudes occisos; tertium ad omnia reliqua damna, in his, & reliquis rebus facta; veluti si quid vulneratum, ustum, fractum, ruptum, §. 13. Inst. l. 27. §. 6. D. h. t. ( 2. Quod ex primo æstimatur res, quanti intra annum plurimi fuit; ex tertio, quanti intra mensem ( P. l. §. 330. ) fuit, l. 21. pr. D. §. 14. Inst. h. t.

§. 192. Contra in eo conveniunt ( 1. Quod utroque casu; si plures damnum dederint, singuli tenentur in solidum; nec, uno solvente, reliqui liberantur, L. 11. §. 2. D. h. t. ( 2. Quod neutro ex capite agi potest cum heredibus, L. 23. §. 8. D. h. t. ( 3. Quod lis inficiando crescit; adeoque negans, a se damnum datum, in duplum condemnatur, §. 26. Inst. de act.

§. 193. Est ergo actio LEGE AQUILLIA civilis ( §. 181. ) vel, si IN FACTUM agatur, prætorialia ( §. 186. 3. \* ) personalis ex delicto ( §. 181. ) rei, pænæque persequutoria ( §. 188. 1. ) competens ei, cujus jure in re interest, ejusve hæredi, & successori ( §. 188. 3. 4. ) adversus eum, qui damnum dedit ( §. 184. seqq. ) vel, si plures dederint, adversus singulos in solidum ( §. 192. 1. ) non tamen adversus heredes ( §. 192. 2. ) ad id, quanti res intra annum, vel mensem plurimi fuit ( §. 191. 2. ) vel, si inficiatus sit reus, in duplum ( §. 193. ).

§. 194. Ex qua descriptione facile patet, hodie quidem actionem competere ob damnum qualecunque injuria datum; non tamen actionem ex lege Aquillia. Nec enim agitur ad id, quanti res intra annum, vel mensem plurimi fuit, nec lis inficiando crescit, sed ad veram æstimationem, vel id, quod interest, simulque ad pœnam, statutis, legibusque plerumque definitam. Vid. CHRISTIANI THOMASII Dissert. de larva legis Aquillie, actioni de damno dato detractæ.

## TITULUS III.

DE HIS, QUI EFFUDESINT, VEL DEJECTERINT.

§. 195. *Editum de effusis, dejectis, suspensis.*  
 §. 196. *Judicii de effusis, & dejectis fundamentum.*  
 §. 197. *Quando detur hæc actio?* §. 198. *Contra quem?*  
 §. 199. *Ad quid?* §. 200. *Actio in factum de posito, vel suspensio.* §. 201. *An & contra effuentes, deicientes, suspendentes agi possit?*

§. 195. **A**d damnum quoque pertinet, si quid **EFFUSUM**, vel **DEJECTUM**, **SUSPENSUMVE** fuerit. Quemadmodum itaque probabile est, aliquid ea de re sanxisse legem Aquilliam ( §. 190. \* ) ita eam sanctionem exclusisse videtur utilius hoc edictum, quo pollicitus fuerat prætor. I. *Unde in eum locum, quo vulgo iter sit, vel in quo consistitur, dejectum, vel effusum quid fuerit, in eum, qui ibi habitat, in duplum damni dati judicium se daturum.* II. *Liberò homine occiso, se quinquaginta aureorum; sin vivat, ei ve nocitum esse dicatur, quantum ob eam rem æquum judici visum fuerit, tanti judicium daturum.* Si servus insciente domino fecerit, se noxale judicium daturum. L. 1. pr. D. h. t. III. Si quis in suggrunda, vel protecto supra locum qua vulgo iter sit, in eo quo consistitur, id positum habeat, cujus casus nocere cui possit; in eum se decem solidorum; aut si servus posuerit, vel suspenderit, noxale judicium daturum. L. 5. §. 6. D. h. t.

§. 196. Ex primo, & secundo nascitur actio de **EFFUSIS**, & **DEJECTIS**, cujus fundamentum est, quasi delictum; id est, factum illicitum sola culpa, sine dolo admissum, ( Inst. §. 1034. §. 1112. ) Culpa vero habitantis in eo consistit, quod homines parum providos in ædes receperit, §. 1. Inst. de obl. que quasi ex del. l. 1. §. 4. D. h. tit. Factum vero illicitum videtur, quod effunditur, dejecturque in eum locum, ubi publice interest, hominem sine metu, & periculo commovere. L. 1. §. 1. D. h. ti

§. 197. Quum itaque id agat prætor, ut securitati in publico commeantium, vel consistentium consulat (§. 196.), sequitur (1. Ut perinde sit, sive ex cœnaculo, sive ex alia ædium parte, aliquis dejecerit, vel effuderit, §. 1. *Inst. eod.* (2. Ut nec contra eos deneganda sit actio utilis, quorum ex navi quid dejectum, vel effusum est, l. 6. §. ult. *C. h. t.* (3. Ut nec intersit, in publicum, an in privatum locum, die, an noctu, dejectum, effusumve sit, modo commeare, & consistere ibi homines soleant, l. 1. §. 2. l. 6. §. 1. *D. h. t.* item (4. Effusumne, vel dejectum sit, an suspensum quid ceciderit, l. 1. §. 3. *D. h. t.*

§. 198. Quinque ex culpa habitatoris agitur (§. 196.) consequens est (5. Ut agi debeat non cum domino, sed cum habitatore, sive conduxerit, sive ex alia causa habitet. (6. Ut nec hospes conveniendus sit, sed qui eum recepit, l. 1. §. 9. l. 1. *D. h. t.* (7. Ut, si plures diviso cœnaculo habitent, cum eo agi debeat, cujus ex cœnaculo effusum, dejectumve est, l. 5. *pr. D. h. t.* (8. Sin plures in eodem habitent, contra singulos agi possit in solidum, uno tamen solvente, reliqui liberentur, l. 1. §. 10. l. 2. l. 3. *D. hoc tit.*

§. 199. Quum vero vel habitatoris familia, eo sciente, vel servus, inscio domino, dejiciat, effundatve, eoque vel damnum æstimabile, vel inæstimabile contingat; hinc prætor (1. Si damnum, hoc modo datum, æstimationem admittit, actionem dat in duplum, l. 1. *pr. D. h. t.* §. 1. *Inst. de obl. quasi ex del.* (2. Si liber homo perit, in quinquaginta aureos, l. 1. §. 5. *D. h. t.* (3. Si vivat, & ei nocitum dicatur, in id, quod æquum videatur iudici, l. 1. §. 6. l. ult. *D. h. t.* (4. Si servus effudit, dejecitque, actionem noxalem, ut dominus duplum præstet, aut servum noxæ dedat (a) l. 2. *pr. D. de nox. aff.*

(a) Pro quadruplici hoc casu diversissima est actionis hujus natura. Primo casu perpetua est, & heredi, non contra heredem datur. Secundo est annalis, & popularis, adeoque cuivis ex populo, sed nec heredi, nec

§. 200. Tertia edicti pars de SUSPENSO, vel POSITO est. Illud enim aut jam *cecidit*, aut *casum minatur*. Si *cecidit*, actio utilis de effusis, & dejectis datur (§. 197. 4.) Sin *casum minatur*, actio IN FACTUM popularis competit cuivis ex populo, l. 5. §. ult. C. h. t. adversus habitatorem, qui positum, suspensumve habuit, vel poni, suspendive passus est, sopra locum, ubi iter fit, aut consistitur, l. 5. §. 9. 10. D. h. t. in decem solidos, vel ad servum, qui posuit, suspenditve, noxæ dandum, l. 2. pr. D. de noxali. aff.

§. 201. Corollarii loco observandum ( 1. Utramque actionem institui posse etiam contra ipsum effundentem, deicientem, ponentem, si de eo constet, l. 5. §. 12. D. h. t. ( 2. Habitatorem, si solverit, merito regressum habere adversus deicientem, effundentem, ponentem, vel ex locato, vel in factum, l. 5. §. 4. D. h. t.

## TITULUS IV.

### DE NOXALIBUS ACTIONIBUS.

§. 202. *Noxalium actionum natura*, & *fundamentum*. §. 203. *De iis axiomata*. §. 204. *Contra quos noxaliter agatur*? §. 205. *Ex quibus delictis*. §. 206. *Actionum noxalium descriptio*. §. 207. *Usus hodiernus*.

§. 202. **R**eliquæ sunt actiones NOXALES ( §. 173. ) quæ ob damnum ex delictis servorum ( non quidem publicis, ex quibus ipsi servi pleuntur, l. 4. C. h. t. l. 2. C. de accus. sed privatis, l. 200. D. de serv. sign. ) ortum dantur. Quum enim servi nihil haberent proprii, dominos autem ex delicto servorum obligari iniquum esset; lex jusserat dominum vel damni æstimationem præstare, vel servum noxæ dare, l. 2. pr. D. §. 2. Inst. h. t.

contra heredem, competit. *Tertio* iterum perpetua est, l. 5. §. 5. D. h. t. *Quarto* denique noxalis, & in rem scripta ( §. 177. 1. 2. 3. ).



§. 203. Ex quo patet I. Noxam & hic caput sequi, §. 5. *Inst. h. t.* II. Actiones has esse adjectitiæ qualitatis, totidemque ejus species numerari, quot sunt delicta privata, vel quasi delicta.

§. 204. Quum itaque noxa caput sequatur ( §. 203. 1. ), satis intelligitur ( 1. Dari has actiones adversus quemcumque servi delinquentis possessorem, §. *Inst. h. t.* ( 2. Mortuo ante litis contestationem servo, actionem noxalem expirare ( P. I. §. 307. 4. ) ( 3. Manumissum autem servum post delictum, & ante litis contestationem ipsum esse conveniendum ( P. I. §. 307. 3. ) l. 4. *C. an serv. pro suo fact. l. 15. D. de condiç. furt.*

§. 205. Quumque actiones noxales sint adjectitiæ qualitatis ( §. 203. 2. ) consequens est ( 1. Ut noxaliter agatur ex quatuor delictis privatis, omnibusque quasi delictis. ( 2. Ut eæ actiones modo civiles sint, veluti actio noxalis furti nec manifesti, modo prætorie, ut vi bonorum raptorum §. 4. *Inst. h. t.* ( 3. Ut aliæ perpetuæ sint, ut noxalis ex lege Aquillia; aliæ annales, ut injuriarum &c.

§. 206. Dantur itaque ACTIONES NOXALES iis qui ex singulis delictis privatis, vel quasi delictis agere possunt ( §. 205. ) adversus quemcumque servi possessorem ( §. 204. ) eumve, qui dolo possidere desiit (a) l. 22. *pr. D. h. t. ad præstandam damni æstimationem*, vel servum noxæ dedendum (b) ( §. 202. ) l. 1. *pr. D. pr. Inst. h. t.*

§. 207. Ceterum & harum actionum nec nsum hodie ullum esse in foris nostris, nec esse posse, facile intelligitur, & alibi est ostensum perspicue ( *Inst. §. 1284.* ). Sane servos, qui dominis omnia adquirebant, non habemus. Et homines proprii, qui in vicinia supersunt, ipsi ex suis maleficiis conveniuntur, & vel damni æstimationem præstant, vel corio solvunt.

(a) Eadem olim ratio erat filiorum, filiarumve familias, si damnum delinquendo dedissent. Sed id a JUSTINIANO sublatum esse, supra monuimus P. I. §. 149. 4. 147. 4. ).

(b) Si quis negabat, servum se in potestate sua habere, nec jurabat tamen, se neque possidere, nec dolo possidere desiisse; adversus illum absolute, & sine

## LIBER X.

## TITULUS PRIMUS

## FINIUM REGUNDORUM.

§. 208. *Ratio ordinis.* §. 209. *Hoc iudicium quando locum habeat ex 12. tabulis?* §. 210. *Quando ex edicto pratorio?* §. 211. *De ejus natura axiomata.* §. 212. *Quando locum habeat?* §. 213. *Quibus detur?* §. 214. *Ad quid?* Ea quamdiu detur? §. 215. *Judicis officium.* §. 216. *Actionis hujus descriptio.*

§. 208. Sequuntur tria iudicia, quæ mixtam quoddammodo causam continent ( §. 63. \* ) puta FINIUM REGUNDORUM, FAMILIÆ ERCISCUNDÆ, & COMMUNI DIVIDUNDO, quorum simul ea natura est, ut sint *duplicitia*, & uterque litigantium petitoris partibus fungi possit ( §. 9. *L. 10. D. h. t.* )

§. 209. Nimirum, quoniam sæpe contingere soleat, ut fines agrorum confundantur, ex lege 12. tabularum quinque pedum semita, seu spatium inter fundos vacuum erat relinquendum, partim ne fines dissiparentur, PAULL. *Sentent. recept.* 1. 16. partim ut locus esset circumnactus aratri. AGGEN. URB. ad *Frontin.* p. 68. quod spatium postea & lex Manilia firmavit. SICUL. FLACC. de *condict. agr.* p. 9. Si ergo de confuso hoc spatio, quod veteres *μεθ' ἑα*, vel *limitare iter*, vocabant, lis incideret, ad fines regundos tres arbitri dabantur ex lege 12. tabularum. JAC. GOTHOFR. ad 12. tabb. p. 132. sin spatium illud excederet controversia, de proprietate quærebatur. FRONTIN. de *limit.*

§. 210. Idem discrimen nec prætor sustulerat. Quamvis enim se iudicium daturum edixisset, ut finem datione agebatur *L. 21. §. 2. D. h. t.* Quod & tunc obtinebat, si servus, sciente, vel non prohibente domino, damnum delicto dedisset, *L. 2. pr. §. 1. l. 3. l. 4. D. l. 2. l. 4. C. h. t.*

nes vel ex æquo regantur, vel lis per adjudicationem finiatur, l. 2. §. 1. l. 3. seq. D. h. t. tamen & hoc edictum non nisi ad istud *limitare iter* pertinuisse, intelligimus ex l. 3. l. 4. l. 5. C. Th. h. t. ubi egregia sunt, quæ adnotavit JAC. GOTH.

§. 211. Sed sublatum hoc discrimen per l. 5. C. h. t. adeo ut leges istæ, in *Codice Theodosiano* superstites, ne locum quidem in *Justiniano* invenerint. Hinc jure novo I. Hoc judicium datur ob qualescumque fines agrorum confusos II. Idem mixtæ naturæ est. (a) III. Eo id agitur, ut aut veteres fines indagentur, aut lis per adjudicationem terminetur.

§. 212. Quum itaque hoc judicium detur ob qualescumque fines confusos ( §. 211. 1. ) sequitur ( 1. Ut ei proprie locus sit in prædiis rusticis *confinibus*, non in urbanis *vicinis*, quæ communibus fere parietibus determinantur; adeoque in iis potius locus sit *novi operis nunciationi*, vel *interdictio quod ei*, aut *clam*, l. 2. l. 4. §. 10. D. h. t. ( 2. Ut nec finium regundorum, sed *viæ receptæ*, ad id, quod interest, agendum sit, via si publica agros dividat, & alter viam fodiendo in agrum meum rejecerit, L. ult. D. de via publ. & itin. ( 3. Ut contra recte agatur finium regundorum, si rivus privatus interfingat, L. 6. D. h. t.

§. 213. Quumque id judicium quodammodo mixtæ sit naturæ ( §. 211. 2. ) consequens est ( 1. Ut detur potissimum dominis agrorum, qui soli actionem DIRECTAM habent l. 4. §. 4. l. 12. D. h. t. quamvis ( 2. UTILIS etiam iis competat, qui aliud jus in re habent, veluti fructuario, & creditoribus hypothecariis, l. 4. §. 9. D. l. 3. C. h. t. non tamen ( 3. Sociis agrum communiter possidentibus; partim, quod dominus a domino vindicare non potest ( §. 211. \* ) partim, quod ad divisionem provocare possunt socii, iisque tunc in promptu est actio *communi dividendo*, L. 4. §. 6. 7. D. h. t.

§. 214. Ex eodem jam facile intelligitur ( 4. Cnr

(a) Quamvis enim personale sit judicium, l. 1. §. 1. C. de ann. exc. Ital. tamen & pro rei vindicatione est l. D. h. t. & quodammodo ex dominio nascitur.

non solum fines regundi, sed & omne id, quod interest, cum fructibus perceptis, & dato damno præstandum sit, *L. 4. §. 1. 2. D. h. t. ( 5. Cur ea actio exemplo hereditatis petitionis triginta annos daret, L. ult. C. h. t. l. 1. §. 1. C. de ann. except.*

§. 215. Denique ex tertio axioma ( §. 211. 3. ) inferendum, iudicis officium esse ( 1. Fines veteres investigare, qui ex monumentis, ruderibus, censu, vel per testes probantur, *l. 2. §. 1. l. 11. D. h. t. l. 28. D. de probat. l. 2. §. 8. D. aqua & aqu. plu. arc. ( 2. Eum in finem adhibere agrimensores, vel ( 3. In rem præsentem venire, L. 8. §. 1. D. l. 3. C. h. t. ( 4. Si lis aliter commode finiri nequeat, alteri ex alterius fundo aliquid adjudicare, hoc ad ejus æstimationem præstandam condemnato (a) §. penult. Inst. de off. jud. l. 2. §. 1. l. 3. D. h. t.*

§. 216. Quæ quum ita sint, iudicium FINIUM REGUNDORUM est actio personalis, sed inmixta quodammodo naturæ ( §. 211. 2. \* ) duplex ( §. 208. ) arbitraria ( §. 215. \* ) quæ datur iis, quorum ex jure in re interest fines non esse confusos ( §. 213. ), ad fines veteres investigandos, & restituendos, vel, si lis aliter finiri nequeat, novos adjudicatione constituendos ( §. 215. ), præstandumque id omne, quod interest ( §. 214. 4. ).

## TITULUS II.

### FAMILIÆ ERISCUNDÆ.

§. 217. Iudicii hujus origo. §. 218. De ejus natura axiomata. §. 219. Quinam agant? §. 220. Quo casu ita agendum? §. 221. Quæ dividenda inter coheredes? §. 222. An & res noxiæ, instrumenta? &c. §. 223. Officium iudicis. §. 224. Quid coheredes coheredi præstare debeant? §. 225. An ob lesionem rescindatur divisio hereditatis? §. 226. Actionis hujus descriptio.

(a) Unde est, quod hæc actio dicitur *arbitraria* ( *Inst. §. 1184. l. 4. §. 3. l. 7. D. h. t.* ) Primo iudex veteres fines investigat: deinde, si non satis liquet, novos constituit per adjudicationem.

§. 217. **H**ujus quoque judicii origo ex 12. tabulis est, quibus cautum fuerat; ut nomina inter heredes pro portionibus hereditariis ERCTA GITA sint, ceterarum familia rerum, si vellent, ERCTUM CITUM (a) faciant, pratorque eam ad rem arbitros det. JAC. GOTHOFR. ad legg. 12. tab. V. Postea & prator monuit, se familiæ erciscundæ judicium daturum, vel ad hereditatem dividendam, eaque, quæ alter alteri ex æquo, & bono debeat, præstanda; vel ad id, quod divisionem comunode non recipit, uni ex heredibus adjudicandum, L. 1. §. 1. l. 22. §. 4. D. h. t.

§. 218. Ex quibus facile patet, I. Judicium hoc dari coheredibus, inter quos de divisione hereditatis non convenit, L. 1. pr. l. 24. §. 1. l. 51. §. 1. D. h. t. II. Eo judicio agi vel ad dividendam hereditatem, vel ad adjudicationem rerum. III. Hanc quoque actionem mixtæ quodammodo naturæ esse, & tum ex jure hereditario, tum communis hereditatis administratione; adeoque quasi ex contractu oriri.

§. 219. Quum itaque inter coheredes hoc judicio agatur (§. 218. 1.) consequens est, ut illi locus sit (1. Si inter se agant heredes, qui jam hereditatem adierunt, L. 29. D. h. t. (2. sive instituti, sive legitimi, sive prætorii, l. 2. pr. l. 24. §. 1. D. h. t. (3. Modo se invicem pro coheredibus agnoscant, L. 1. §. 1. l. 36. l. 49. l. 51. §. 1. D. h. t. (4. Ut nec intersit, sive alter in divisionem consentiat, sive non consentiat (b) L. 43. D. h. t.

§. 220. Ex eodem patet (5. Id judicium non dari contra possessorem, singulari titulo subnixum, L. 2. pr. l. 26. §. 7. l. 45. D. h. t. (6. Nec locum ei esse, si, divisa hereditate, in communione aliquid permansit. Ejus enim divisio urgeri potest judicio communi dividundo, L. 20. §. 4. D. h. t.

§. 221. Quinque ad divisionem hereditatis agæ-

(a) ERCTUM itaque idem videtur, ac totum, vel integrum. CIERE idem est, ac dividere. Unde familiam erciscere est hereditatem totam dividere, L. 2. D. h. t. Antiq. nostr. Rom. 3. 28. 73.

(b) Minori tamen ea quoque in re opus esse decreto

tur ( §. 217. 2. ) consequens est ( 1. Ut id iudicium ad omnes res hereditarias pertineat, sive jure proprietatis, sive ex quacunque alia causa, a defuncto detentas, *l. 1. pr. l. 2. pr. l. 29. l. 25. §. 20. D. h. t.* ( 2. Non autem ad res, quæ communes esse desierunt, *l. 11. §. ult. l. 54. D. h. t. nec* ( 3. Ad res ipso jure divisas, qualia sunt nomina (a) ( §. 217. ) *l. 1. §. ult. l. 4. pr. l. 25. §. 1. D. l. 6. C. h. t.* ( nec ( 4. Ad res sua natura individuas, veluti servitutes ( §. 160. 3. ) quæ & debentur, & præstantur in solidum, nisi vel mensura, & temporibus, vel prædiorum adjudicatione dividantur, *L. 22. §. 3. l. 25. §. 9. C. 10. l. 30. D. h. t.*

§. 222. Nec tamen id iudicium pertinet ( 5. Ad res, quæ vel ob morale, vel civile impedimentum, non sunt in commercio, vel divisionem commode non recipiunt, quales ex JCtorum mente erant ( 6. Mala medicamenta, venena ( 7. Libri improbatæ lectionis, quæ omnia corrumpi jubentur, *l. 4. §. 1. D. h. t.* item ( 8. Res extra commercium positæ, *l. 30. D. h. t.* ( 9. Instrumenta, & tabulæ hereditariæ; quippe quæ vel ejus, qui ex majore parte heres, vel qui major ætate est, custodiæ committendæ, vel apud alium, plurium coheredum suffragio, deponendæ, *L. 4. §. ult. l. 5. D. h. t.*

§. 223. Porro ex hoc axioma patet ( 10. Res reliquas, iudices posse uni coheredum pro rata, vel admissa licitatione, adjudicare, *l. 22. §. 1. 2. D. h. t.* ( 11. Et hunc coheredi certa pecunia condemnare; quin & ( 12. Alteri proprietatem, & fructum alternis annis addicere, *L. 22. §. 1. l. 55. l. 10. l. 16. §. 2. D. h. t. l. 6. §. 1. de usufr. l. 1. C. comm. div.*

§. 224. Quum porro & hoc iudicium mixtæ quodammodo naturæ sit ( §. 218. 3. ) consequens est ( 1. Ut & hic debeantur fructus, ex communi hereditate percepti, & ( 2. Vice versa etiam impensæ

magistratus, patet ex *l. 17. C. de præd. C. al. reb. min.*

(a) Nisi vel coheredibus, vel ipsi iudici commodius videatur, debita, & credita uni pro solido attribui. Talem enim stipulationem prætor confirmare solet. *L. 2. §. ult. l. 3. D. h. t.*

in hereditatem factæ, restituendæ sint, l. 19. *D. h. t.* ( 3. Nec non damna sarcienda; si in re communi coheres non eam adhibuerit diligentiam, qua uti solet in sua, *L. 25. §. 16. D. h. t.* ( 4. Ut & hæc actio duret triginta annos, *L. 1. §. 1. C. de ann. except.*

§. 225. Ex eodem patet ( 5. Rem adjudicatam statim adquiri coheredi §. ult. *Inst. de offi. jud.* adeoque ( 6. Nec locum esse remedio ex l. 2. *C. de resc. vend.* propter auctoritatem rei judicatæ l. 44. §. 1. l. 37. *D. h. t.* quum tamen, si privatim divisio facta, læsus alterius dolo malo, ob quamenque læsionem, l. 3. *C. comm. vir jud. sine dolo*, ob læsionem enormem, agere possit ex l. 2. *C. de resc. vend. l. 1. comm. div.*

§. 226. Quamobrem judicium FAMILIÆ ERISCUNDÆ est personale, sed quodammodo mixtum ( §. 218. 3. ) duplex ( §. 208. ) bonæ fidei ( §. 217. ) quo inter se agunt coheredes ( §. 219. ) ad dividendam communem hereditatem ( §. 221. seq. ) præstandumque sibi invicem quod interest ( §. 224. )

## TITULUS III.

## DE COMMUNI DIVIDUNDO.

§. 227. *Edictum de rebus communibus dividendis.*

§. 228. *De hoc judicio axiomata.* §. 129. *Qui ita agant.* §. 230. *Ad quid.* 231. *Actionis hujus descriptio.*

§. 227. **Q**uemadmodum superius judicium ex communione *universali* inter coheredes oritur; ita hujus fundamentum est *communio rerum ex causa singulari*, veluti donatione, legato, & similibus nata, *L. 4. pr. D. h. t.* De hac quoque edixerat prætor: *se ad res communes dividendas, præstandumque, quod socius socia ex bono, & æquo debeat, judicium daturum, L. 1. seq. D. l. 3. C. h. t.*

§. 228. Ex quo edicto manifestum est, l. Hoc quoque judicium personale, sed quodammodo mixtum esse, & magis ex re, quam ex persona nasci,

L. 29. pr. D. h. t. II. Eandem actionem & ad res communes dividendas esse comparatam, & ad præstationes personales.

§. 229. Ex priore axioma inferitur (1. *Directam* communi dividendo actionem competere sociis ex jure domini; *utilem* & iis, qui aliud jus in re communiter habent, l. 4. pr. l. 7. pr. §. 2. 6. seq. l. 10. §. 4. D. h. t. non autem (2. Prædonibus, nec (3. Vi, clam, aut precario possidentibus; nec (4. Colonis; aut (5. Depositariis, L. 7. §. 4. D. h. t. (6. Manente quidem communione, meliorem esse causam prohibentis, si socius extra ordinem quidquam in re communi facere velit, l. 12. l. 28. D. h. t. (Unumquemque tamen socium ad rem communem dividendam provocare posse; adeo ut ne pactum quidem in contrarium valeat, l. 14. l. 15. D. h. t. quia societas est mater discordiarum.

§. 230. Quinque hac actione & rei communis divisionem, & præstationes personales, petamus (§. 228. 2.) consequens est, ut eadem hic omnia, quæ de judicio familiæ eriscundæ diximus (§. 223. seq.) obtineant, L. 6. §. 1. D. h. t. Unde titulus Codicis: *communia utriusque judicii*.

§. 231. Est itaque judicium COMMUNI DIVIDENDO personale, sed quodammodo mixtum (§. 228. 1.) duplex (§. 208.) bonæ fidei (§. 227.) competens sociis (§. 229.) ad res communes dividendas, adjudicandasve, præstandumque, quod socius ex æquo, bonoque debet (§. 227.).

## T I T U L U S IV.

### AD EXHIBENDUM.

§. 232. *Actionis ad exhibendum fundamentum, & origo.* §. 233. *De ea axiomata.* §. 234. *Quo casu ad exhibendum agatur.* §. 235. *Contra quos.* §. 236. *Ad quid.* §. 237. *Actionis ad exhibendum descriptio.*

§. 232. **T**ribus hisce judiciis actio AD EXHIBENDUM vel ideo subjungitur, quod & ipsa quo-



dammodo mixta est. EXHIBERE est facere in publico potestatem, ut ei, qui agit, experiundi sit copia; *L. 2. D. h. t.* Quum vero sæpe nostra interest, rem videre; possessori autem illa rei exhibitio nullum adferat detrimentum, æquitas subegit prætorum; ut ediceret; *se ei, ejus ex justa causa specialim interfuturum sit, si rem quam judicio petiturus sit, exhiberi sibi postulaverit; at si, qui possedit, dolo malo fecerit, quo minus possideret, judicium daturum, L. 4. l. 5. l. 8. l. penult. D. h. t.*

§. 233. Ex quo fluunt axiomata: I. Ad exhibendum agit, ejus specialiter interest II. Unusquisque possessor tenetur exhibere, quia id ei non nocet, & alteri prodest. III. Exhibere debet res cum omni causa.

§. 234. Quum itaque ad exhibendum agat, ejus specialiter interest ( §. 233. 1. ) consequens est ( 1. Ut perinde sit, sive in rem acturus, sive in personam actione in rem scripta, exhiberi postulet, modo sua interesse doceat, *l. 1. l. 3. §. 3. 4. 7. 11. 12. l. 14. l. 19. D. h. t.* ( 2. Ut judicis sit, summarie cognoscere, an ejus intersit, *L. 3. §. 9. 13. D. h. t.* ( 3. Ut exhiberi frustra petantur res immobiles, *l. 2. C. quando, & quib. quart. omnino* autem ( 4. Exhibendæ sint mobiles, *l. 3. §. 8. l. 18. D. l. ult. C. h. t.* etiam immobilibus junctæ, *l. 6. D. h. t.* excepto tigno juncto, quod nec vindicari ( §. 85. ) nec exhiberi leges patiuntur, *L. 6. D. h. t. l. 1. l. 2. D. de tign. junct.*

§. 235. Quumque unusquisque possessor exhibere teneatur, cui id non nocet ( §. 233. 2. ) consequens est ( 1. Ut sit actio in rem scripta; adeoque ( 2. Detur adversus omnes, qui vel civiliter, vel naturaliter, possident, *l. 3. §. ult. l. 4. D. h. t.* nec non ( 3. Adversus eos, qui dolo possidere desierunt *l. 5. §. 2. l. 12. §. 3. l. 14. D. l. 5. C. h. t. l. 131. D. de reg. jur.* ( 4. Ut exhibitio illa fieri debeat sumtibus petentis, *E. 11. §. 1. D. h. t.*

§. 236. Denique quum res exhibenda sit cum omni causa ( §. 233. 2. ) sequitur ( 1. Ut exhibitio fieri debeat in ea conditione, in qua res tempore litis contestata fuit; id est, nec usucapta, nec mutata,

deteriorve reddita, *L. 9. §. 5. 6. D. h. t. ( 2. Ut si jus suum probarit actor, res non modo exhibenda, sed & restituenda sit, L. 9. §. penult. & ult. D. L. ult. C. h. t. ( 3. Ut contra dolo malo non exhibentem locus sit jurijurando in litem, & tunc reus præstare teneatur tantum, in quantum juratum, L. 3. §. 2. l. 5. §. 2. D. h. t. ( 4. Ut si sine dolo, vel culpa possessoris non exhibeatur, cautio de re, si in potestatem venerit, exhibenda, exigiqueat, L. 5. §. ult. l. 12. §. 5. D. h. t. §. 1. Inst. de divis. stip.*

§. 237. Est itaque actio **AD EXHIBENDUM** personalis, in rem scripta ( §. 235. 1. ) competens dominis, & quorumcumque speciatim interest ( §. 234. ) adversus quicumque possessorem ( §. 235. 2. ) ad rem mobilem ( §. 234. 4. ) quam quis petiturus est, cum omni causa exhibendam; vel si res dolo non exhibeatur, ad præstandum, quod interest, & in quantum in litem juratum ( §. 236. )

## LIBER XI.

### TITULUS PRIMUS

#### DE INTERROGATIONIBUS IN JURE FACIENDIS, ET INTERROGATORIIS ACTIONIBUS.

§. 238. *Cur interrogatorie actiones in jure institutæ?* §. 239. *Quid eam in rem prator edixerit?* §. 240. *De interrogationibus istis axiomata.* §. 241. *Quando iis locus fuerit?* §. 242. *Quomodo respondere debuerit reus?* §. 243. *Effectus responsionis.* §. 244. *Actionum interrogatoriarum descriptio.* §. 245. *Earum an hodie usus?*

§. 238. **T**otus hic liber miscellaneus est, & superiorum quorundam titulorum veluti supplementum. Et primo quidem actioni ad exhibendum, tamquam quodammodo adhæres, subjunguntur actiones **INTERROGATORIÆ**. Quemadmodum enim illi po-

tissimum locus est, si quis in rem agere, vel saltem actione in rem scripta experiri velit ( §. 234. 1. ) Ita interrogatoriæ actiones personalibus præmittantur, ne actor plus petens causa caderet, *L. 1. pr. D. h. t.*

§. 239. Quia enim plus petentes, quam oporteret, causa cadebant, §. 33. *Inst. de aff.* solebant auctores reos in jure interrogare, e. g. an, & qua ex parte heredes sint? Et hinc prætor edixerat, qui in jure interrogatus responderit, ex ejus responsione se actionem daturum: adversus eum, qui interrogatus omnino non responderit, se actionem in solidum daturum, *Arg. L. 4. §. 1. l. 11. §. 1. D. h. t.*

§. 140. Ex quibus patet, I. Interrogationes factas esse, ne actor plus petens causa caderet. II. Interrogatos obstrictos fuisse ad respondendum. III. Responsionem illam quasi ex contractu obligasse reum, ut in tantum cum eo agi posset, in quantum respondisset, *L. 11. §. 9. D. h. t.*

§. 241. Quam itaque interrogationes fierent, ne actor plus petendo causa caderet ( §. 240. 1. ) consequens est ( 1. Ut Interrogationes illas fieri oportuerit in jure, ante litis contestationem, *L. 2. §. 1. l. 1. pr. D. h. t.* ( 2. Ut iis tantum locus fuerit, quoties certæ præstationes personales peterentur, veluti in actionibus personalibus, & quodammodo mixtis, *arg. L. 11. C. de pet. her. non in actionibus in rem ( §. 238. ) L. 1. D. h. t. l. 73. de rei vind.* ( 3. Ut frustra interrogarit actor de re, quam scire sua non interesset, *l. 13. l. 14. §. 1. D. h. t.* itemque ( 4. Si reo ex responsione sua præjudicium irreparabile in alia causa immineret, *L. 6. §. 1. D. h. t.*

§. 242. Quumque hoc modo interrogatus obstrictus esset ad respondendum ( §. 240. 2. ) consequens est ) 1. Ut respondendum fuerit reo, si ab actore, multoque magis, si a prætore interrogaretur, *l. 9. §. 1. D. h. t.* ( 2. Ut ipse reus, non pro eo alius, potuerit interrogari, *L. 9. §. 3. D. h. t.* ( 3. Ut reo interrogato non denegandum fuerit spatium deliberandi, *L. 5. D. h. t.* ( 4. Ut non respondens, vel aliud respondens, ac rogaretur, condemnari potuerit in solidum, *l. 11. §. 4. 5. 7. D. h. t.*

§. 243. Denique quia reus ex responsione sua, tamquam ex quasi contractu, obligatur ( §. 240. 3. ) ( 1. Fieri non poterat, quia sua quisque responsione se oneraret, sive verum dixisset, sive inentitus esset, *L. 4. pr. L. 11. §. 2. 3. D. h. t.* nisi sine dolo malo, vel culpa, male respondisset, quo casu ei succurrendum videbatur, *L. 11. §. 2. 8. 10. ult. D. h. t.* Nec minus ex eo inferendum ( 2. Ex hac responsione nata esse actionem, tamquam ex quasi contractu, cujus tot erant species, quot erant conditiones certi, *leg. 23. §. ult. leg. 25. §. 1. D. ad leg. Aquil.*

§. 244. Sunt ergo actiones INTERROGATORIÆ, ( quæ & CONFESSORIÆ ), *l. 23. §. ult. l. 25. §. 1. D. ad leg. Aquil.* actiones personales, adjectitiæ qualitatis ( §. 243. 2. ) prætorie ( §. 239. ) competentes iis, qui in jure interrogaverant, iisve, quorum nomine prætor interrogaverat ( §. 241. 242. ) contra respondentes, ad præstandum tantundem, quantum respondendo confessi fuerunt ( §. 243. 1. ) *L. 1. pr. l. 11. §. 9. D. h. t.*

§. 245. Enimvero interrogatorias has actiones jam pridem non frequentari, jam CALLISTRATUS observat, *l. 1. §. 1. D. h. t.* Unde huc non pertinent POSITIONES, quæ hodie ab actore respectu actionis, vel a reo respectu exceptionis offerri solent, cum in finem, ut præstito jurejurando dandorum, quod vocant, adversarius præstet *jusjurandum respondentorum*, & ad singulas *καταλογίζεσθαι* respondeat. GALL. *Obs. 1. 79. seq.* Illæ enim interrogationes ante litis contestationem ( §. 241. 1. ), hæ post illam locum habent. Illæ ad instruendam actionem ( §. 249. ), hæ probationis suscipiendæ causa inventæ. Illæ ab usu recesserunt; hæ ubique fere receptæ, ubi non sit litis contestatio specialis ad singula libelli capita ( §. 42. \* ).

## TITULUS II.

DE QUIBUS REBUS AD EUNDEN  
JUDICEM RATUR.

§. 246. *Continentia caussarum quid?* §. 247. *Quibus casibus ea adesse dicatur?*

§. 246. Proximus hic titulus est supplementum tituli *de judiciis*, ubi (§. 37.) actum de FORO CONTINENTIÆ CAUSSARUM. *Continentia caussarum* est, ubi ad eundem judicem itur. Idque necessario fieri oportet, ubi (1. Vel concursus personarum est, vel (2. Tanta caussarum connexio, ut altera sine altera commode tractari, & plene cognosci nequeat.

§. 247. Ex quo axioma patet (1. Plures litis consortes, quorum non omnium idem forum est, coram iudice superiore, omnibusque communi, conveniendos, l. 1. §. 1. l. 2. D. h. t. l. 5. C. arbitr. tat. (2. De hereditate, sub diversis jurisdictionibus sita, utilem litigandum esse coram iudice communi, & superiore. 3. Causas ita connexas, ut una alteri præjudicium faciat, in eodem tractandas, l. 14. C. de jud. l. 13. C. de rei vind. l. 35. D. de adq. vel amitt. possess.

## TITULUS III.

DE SERVO CORRUPTO.

§. 148. *Servi corruptio quid?* §. 249. *De ea editum prætoris.* §. 250. *Axiomata de actione servi corrupti.* §. 251. *Quinam servos dicantur corrupisse?* §. 252. *Quibus, & quo effectu, actio de servo corrupto competat?* §. 253. *Actionis hujus descriptio.*

§. 248. Sequentes tituli suppleant doctrinam DE DAMNIS, Lib. 9. explicatam. Non leve damnum

est, quod ex servi corruptione, caput dominus. COR-  
RUMPI vero dicitur servus, quoties, quod ad ani-  
mum, sit deterior alterius nequitia, vel si ab alio  
solicitetur ad aliquid, vel faciendam, vel cogitan-  
dam improbe, L. 1. §. 3. D. hoc tit.

249. Quamvis verò de hoc damno ex lege Aquillia  
aliquid cautum fuisse videatur (§. 190. \*) legi ta-  
men illi officisse arbitramur actionem commodiorem  
a prætore introductam, cujus hoc exstat edictum:  
qui servum, servam, alienum, alienam, recepisse,  
persuasisset quid ei dicetur dolo malo, quo eum,  
eam deteriore faceret, in eum quanti ea res erit,  
in duplum judicium dabo, L. 1. pr. D. h. t.

§. 250. Vindicat itaque hoc edictum, 1. Damnum  
servi corruptione datum, ejusque II. Æstimationem  
duplam præstari jubet domino.

§. 251. Quum ergo hoc edicto vindicetur servi  
corruptio (§. 250. 1.) eaque ad animum pertineat  
(§. 248.) consequens est, ut hujus delicti rei sint  
1. Qui servis receptum dederint, refugiumve præ-  
stiterint, L. 1. §. 2. D. h. t. (2. Qui servo quid  
persuaserint, eum ad scelus pellexerint, in amore  
consilio instruxerint, L. 1. §. 3. seq. l. 2. D. h. t.  
(3. Etiam ii, qui dederunt tantum consilium im-  
probum, quamvis successu caruerit, §. 8. Inst. de  
obl. ex delict. nec non (4. Qui per errorem servo  
quid persuaserint, quem liberum credebant, l. 3.  
§. 1. D. h. t.

§. 252. Quumque damni æstimatio duplex præ-  
standa sit (§. 250. 2.) sequitur (1. Ut hæc actio  
directa soli domino competat, ejusve heredibus, l.  
8. l. 13. D. h. t. non (2. Patri, ob corruptum fi-  
lium, qui æstimationem non recipit, l. 14. §. 1. D.  
h. t. (nec (3. Usufructuario, ob fructuarium se-  
rvum corruptum, l. 9. §. 1. D. h. t. quamvis & pa-  
tri, & usufructuario actio utilis detur d. l. 9. §.  
14. D. h. t. (4. Ut in æstimationem veniat non  
modo, quanti minoris factus est servus, l. 9. §. ult.  
D. h. t. sed & (5. Quod abstulit ille, sive quid ad  
corruptorem pervenerit, sive non pervenerit, (l.  
251. 3.) l. 10. l. 11. D. h. t. §. 23. Inst. de act.  
(6. Ut, si servus servum corruperit, eum corru-

ptoris domino agendum sit noxaliter ( §. 205. 1. )  
l. 5. §. 3. D. h. t.

§. 253. Est itaque actio de SERVO CORRUPTO personalis ex delicto, pœnalis mixta, prætoria ( §. 248. ) competens directe domino servi corrupti, utiliter etiam usufructuario, & patri, cujus liberi corrupti ( §. 252. 1. 2. 3. ) adversus corruptorem ( §. 251. ) non ejus heredem, l. 13. D. h. t. ad duplam æstimationem omnis damni præstandam ( §. 252. 4. seq. )

## TITULUS IV.

## DE FUGITIVIS.

§. 254. *Quis fugitivus? Quis erro?* §. 255. *Leges contra celantes, ipsosque fugitivos.* §. 256. *Leges de inquirendis fugitivis.* §. 257. *Usus hodiernus.*

§. 254. **S**ervum etiam corrumpit, qui ei fugam persuadet. Hinc sequitur titulus de FUGITIVIS, per quos alias intelligimus illos, qui ea mente a dominis aufugiunt, ne redeant, l. 17. §. 1. D. de edil. ed. non qui frequenter, & sine caussa vagantur, vel temporibus in res nugatorias consumtis, serius domum redeunt, d. l. 17. §. 14. D. eod. quippe qui ERRONES appellantur. At in hoc prætoris edicto pari passu ambulant, l. 1. §. 5. D. h. t.

§. 255. Multæ de fugitivis exstabant leges, & varix. Aliæ enim ( 1. Eos quorum ope, & consilio servi fugerant, quive fugitivos celaverant, tamquam fures puniri jubebant, L. 1. pr. D. h. t. Aliæ ( 2. Ipsos fugitivos persequiebantur, qui olim ferreo stigmatate urebantur. At postea ejus in locum, ob l. 17. C. de pœn. successit collare ferreum litteratum, quale est apud SPON. *Miscell. erud. antiq.* p. 300. seq. Aliquando ex fuga retracti magistratibus tradebantur, publicisve ministeriis, ut vincirentur, L. 1. §. 3. 6. seq. D. h. t. Qui pro liberis se gesserant, multo gravius coercerantur, L. 2. D. h. t. omniamque gravissime, quos ab barbaros fuga ab-

stulerat; quippe qui pede, manuve truncabantur, vel in metalla dabantur, C. h. t. l. 3.

§. 256. Aliæ leges ( 3. De inquirendis fugitivis agebant. Nam SCto cautum fuerat, ne fugitivi in saltus admitterentur, vel protegerentur, statuta in transgressores multa, & impunitate promissa iis, qui magistratibus eos exhibuissent, l. 1. §. 1. D. eod. Eodem S. C. nec non lege Flavia, itemque SCto alio *Modesto cos.* facto, & constitutione divorum Fratrum cautum, ut diligentissime servi quærerentur a magistratibus, militibusque stationariis, iique, qui vel non inquirerent, vel celarent, muldarentur, L. 1. §. 2. l. 3. i. 4. D. h. t. Demum Constantinus M. & postea Valens, Valentinianus, & Gratianus AAA. edixerunt, ut receptatores fugitivum cum alio servo vel viginti solidis, vel si servus fiscalis sit, cum duodecim libris argenti, restituerent, l. 4. lib. penult. C. h. t.

§. 256. Hodie homines proprii retracti e fuga arbitrarie puniuntur. Receptum iis dari vetat *Rec. Imp. ann. 1529.* ubi pœnam proscriptionis interminat Imperium iis, qui fugitivos subditos celaverint. Add. SCHILT. *Exerc. 22. 19. STRYK. Us. hod. D. h. t.*

## TITULUS V.

### DE ALEATORIBUS.

§. 258. Quid alea, & quotuplices ludi? §. 259. Alea vetita. §. 260. Edicta prætoris. §. 261. Contra eos, qui domum aleatoribus præbuerunt. §. 262. Contra eos, qui ludere coegerunt. §. 263. Contra eos, qui alea vicerunt. §. 264. Sponsiones an sine licita? §. 265. An ullus hodie hujus edicti usus?

§. 258. **Q**uam & aleæ studium ad servi corrupti vitia pertineat, L. 25. §. 6. D. de edil. edict. non obscuro sane est, cur hic de ALEATORIBUS agatur. ALEA dicitur omnis actus, in quo fortuna prædominatur, L. 8. §. 1. D. de contr. emt. adeoque differt a ludis, in quibus ars, & ingenium spectatur, quales sunt ubi



vertatur hasta, pilo, cursu, saltu, lucta, l. 2. §. 1. *D. h. t.* *μοισβολον, κοιτομοισβολον, κοιταγος, κοιταξ, χαχης, της πυρτης, περιχυτης, υπτικης, vel υποδριμους, & similes, l. 1. D. h. t.* JUL. CÆS. BULENG. *de lud. vet. cap. 1. seq. & cap. 58.*

§. 259. Quamvis autem neutrum ludorum genus in se adversari videatur juri naturali, quum ludus in se nihil sit, quam reciproca sub certa conditione donatio; Romæ tamen alea nihil videbatur turpius. Unde vetita legibus alea apud HORAT. *Carm. 3. 24. v. 58.* CIC. *Philipp. 11. 23.* Quemadmodum itaque ludis artis, atque ingenii, itemque symbolarum, in convivium contribuendarum, causa inventi, permittebantur, l. 1. *C. l. ult. pr. D. h. t.* ita talarium ludum prætor penitus proscripserat, (a) *L. 1. l. 3. 4. §. ult. D. h. t.*

§. 260. Is enim edicto suo monuerat: I. Si quis eum, apud quem alea lusum verberaverit damnum dederit, vel ex domo ejus quidquam subtractum fuerit, judicium se non daturum. II. In eum, qui aleæ ludendæ causâ vim intulerit, uti quæque res futura sit, se animadversurum. III. Quod aleæ causâ solum, ejus conditionem, se daturum, d. l. 1. l. 4. §. ult. *D. h. t.*

§. 261. Quum itaque judicium denegat prætor iis, apud quos alea lusum (§. 260. 1.) sequitur (1. Ut non deneganda sit actio collusoribus, qui inter se rapinam fecerunt, l. 1. §. 1. *D. h. t.* (2. Ut ei quidem, qui receptum aleatoribus dedit, actio non detur, sive rei persecuntoria, sive pœnalis, si quid damni, furti, injuriæve passus sit, (b) *L. 1. §. 2. D. h. t.* (3. Ipsi tamen magistratui nihilominus salva sit animadversio, & disciplina publica, adversus eos, qui ita deliquerunt.

§. 262. Quumque in eum se animadversurum prædicat prætor, qui aleæ ludendæ causâ vim intule-

(a) Idemque curæ erat ædilibus, a quibus servos aleatores in cloacas deturbari consuevisse docet JO. FRIDER. GRONOV. *Obs. 2. 15. p. 337. seq.*

(b) Immo tantum abest, ut ei succurrat prætor, ut jure novo & domus, in qua lusum dicitur, a fisco occupetur l. ult. *C. h. t.*

rit ( §. 260. 2. consequens est ( 4. Ut non minus ad eos pertineat hoc edictum, qui discessuros retinent, quam qui ludere cogunt, l. 2. pr. D. h. t. ( 5. Ut pro modo delicti modo mitiori pœnæ, modo castigationi severiori, immo & condemnationi in lautumias (a) locus sit, L. 1. §. ult. D. h. t.

§. 263. Quum denique, quæ alea perditæ, condici queant ( §. 260. 3. ) consequens est ( 6. Ut victo competat condictio indebiti (b) si solverit, L. ult. §. 1. D. h. t. cui non obstat, l. 9. C. ad l. Falc. ( 7. Nulla autem actio prodita sit victori ad petendum, quod ei ex victoria debetur, L. 2. §. 1. D. quar. rer. act. non det.

§. 264. Nec tamen ea severitas pertinet ad SPONSIONES, quæ licet & ipsæ aleam continere videantur, legibus tamen Titia, Publicia, & Cornelia sustententur, si de rebus licitis, & honestis sine dolo malo fiant, l. 3. D. h. t.

§. 265. Enimvero Germanicæ originis gentes semper fuere aleæ studiosissimæ; adeo ut, si quis postremo jactu libertatem amitteret, victus victori sine detrectatione serviret, idque pro fide laudaretur TACIT. de mor. Germ. cap. 24. Inde haud dubie est, quod & nostrorum temporum tanta non est severitas, ut hoc edictum, in se utilissimum, eadem ubique cura observetur: STRYK. Us. hod. D. h. t. nisi quod in Gallia, Germanicæque quibusdam provinciis, paullo severius prohibitos videamus ludos, quos *la bassette*, & *le pharao* adpellant ( Conf. Elem. jur. Germ. L. II. tit. 15. §. 414. seq. )

(a) At quid hoc loco *lautumia*? An lapicidina, uti apud PLAUT. Capt. Act. 3. scen. 5. v. 65.? Non videtur, quia prætoris non erat ita in reos animadvertere. Verosimillima itaque est conjectura GER. NOODT. Pand. h. t. p. 259. per *lautumias* intelligentis carcerem, uti apud LIV. 26. 27.

(b) Immo odio aleatorum cautum, ut si victus, quod solutum est, non repetat, quilibet, id possit: vel si nemini libeat, audiatur episcopus, vel procurator fisci, nec ei actioni nisi lapsu quinquaginta annorum præscribatur l. 1. l. 3. C. hoc t.

## TITULUS VI.

SI MENSOR FALSUM MODUM DIXERIT.

§. 266. *Mensores non locasse videbantur operas.*  
 §. 267. *Actio a pratore inventa.* §. 268. *Adversus quem detur?* §. 269. *Ad quid?* §. 270. *Actionis istius descriptio.* §. 271. *An mentor hodie actione locuti conveniatur?*

§. 266. **H**ic quoque titulus non doctrinam de finibus regundis, cen CUJACIO visum, supplet, sed doctrinas de damnis. Damnum enim dat mentor, falsum modum renuncians, si ingenuus; noxiam nocet, si servus sit, l. 3. §. ult. D. h. tit. MENSOR est, qui agros, vel ædificia geometrice metitur, modumque renunciat (a). Quorum hominum quum ob raritatem, ingeniumque non levis esset æstimatio, PLIN. Epist. 10. 28. 29. non censebantur locasse operas, nec mercedem, sed honorarium mereri, L. 1. pr. D. h. t. quod veteribus dicebatur pulveraticum. CUJAC. Observ. 4. 18. Ex quo porro colligebant, eosdem ex locato conveniri non posse.

§. 267. At prætor singularem actionem pollicitus fuerat I. Adversus mentores, qui falsum modum renunciaverint. II. Ad id, quod interest, l. 1. pr. l. 3. §. 1. L. 5. §. 1. D. h. t.

§. 268. Ex priore axioma patet ( 1. Agendum esse directe contra mentores, utiliter & adversus alios, qui falsum modum renunciarunt, L. ult. §. 2. D. h. t. ( Actione hac vindicari damnum, dolo malo, vel lata culpa datum, l. 1. §. 1. D. h. tit. non autem ( 3. Damnum, ex mentoris imperitia ortum, quum sibi succensere debeat, qui peritorem non adhibuit, l. 5. §. 1. D. h. t.

(a) Hinc sæpe in vetustis monumentis laudantur MENSORES ÆDIFICIORUM. GRUT. pag. 263. REINES. Inst. Class. 9. 8. MENSORES MACHINARUM. REINES. Class. 7. 16. GRUT. p. 99. 1. & similes.

§. 269. Ex posteriore colligimus ( 4. Actionem ex parte actoris rei persequutoriam, ex parte rei pœnalem esse. GER. NOODT. *h. t. pag.* 261. ( 5. Eandem oriri ex delicto, quamvis initium rei ex contractu sit, *l. 4. D. h. t.* HUBER. *Præleß. Pand. h. t. §. 11.* & hinc eam ( 6. Heredibus, sed non adversus heredes dari, *l. 3. §. 5. D. h. tit.* ( 7. Et esse perpetuam, *l. 4. D. h. t.*

§. 270. Ex quo patet, ex hoc edicto nasci actionem IN FACTUM, prætoriam ( §. 267. ) partim rei persequutoriam, partim pœnalem ( §. 269. 4. ) quæ competit ei, qui ob renunciatum falsum modum damnum passus est, ejusve heredi ( §. 269. 6. ) adversus mensorem, vel utiliter adversus quemcumque alium, qui falsum modum dolo malo dixit ( §. 268. ) & adversus plures quidem in solidum, ita tamen, ut uno solvente reliqui liberentur, *l. 3. pr. D. h. t.* non adversus eorum heredes ( §. 269. 6. ) ad id, quod interest ( §. 267. 2. )

§. 271. Hodie ei actioni locum esse, plerique fatentur. THOMASTUS *Schol. ad HUB. Præl. h. tit.* mensores, tamquam homines nullius dignitatis, ex locato conveniri posse contendit, observante contra HUBERO, *mensores medium inter artium eruditum professorum, & mercenarias artifices conditione obtinere.* Uterque rem tetigit. In Germania sæpe sunt mercenarii artifices. In Belgio mensores, cetera illiterati, non prius artem faciunt, quam a professore mathematices in senatu Academiæ judiciali examen sustinuerint, & postea solemniter creati sint mensores, hinc eruditus, vel quasi, merito adnumerandi.

## TITULUS VII.

DE RELIGIOSIS, ET SUMPTIBUS FUNERUM,  
ET UT FUNUS DUCERE LICEAT.

§. 272. *Editum de cadavere, in locum alienum illato.* §. 273. *Actio in factum ex hoc edito.* §. 274. *Editum de sumptibus funerum.* §. 275. *Cui prætor promittat actionem?* §. 276. *Ad quid?* §. 277. *Actio*

*nis funerariæ privilegium. §. 278. Contra quos? §. 279. Actionis funerariæ descriptio. §. 280. Edictum, ut funus ducere liceat?*

§. 272. **A**d damna etiam pertinent postremi hujus libri tituli. Res, quæ dicantur RELIGIOSÆ, jam supra exposuimus ( P. I. §. 184. 187. ) - Quum vero religiosum faciat locum, qui mortuum infert in locum suum, primo prætor edixerat: *si homo mortuus, ossave hominis mortui, in locum purum alterius, aut in id sepulcrum, in quo jus non fuerit, illatus fuerit, eum, qui hoc fecit, in factum actione conventum, pœnæ pecuniariæ subjectum iri. L. 2. §. 2. D. hoc tit.*

§. 173. Ex quo edicto statim patet, dari hic actionem IN FACTUM, personalem, prætoriam, domino, vel usufructuario, cujus in locum purum, vel cenotaphium ( vel utiliter, cujus in arcam lapideam, L. 7. §. 1. D. h. t. ) alius mortuum, ejusve ossa intulit, horumve heredibus, adversus inferentem, ejusve hæredes ad id, ut aut cadaver tollat, aut loci æstimationem præstet (a) L. 7. l. 8. pr. D. h. t.

§. 274. Deinde, quia publice interest, cadavera non insepulta manere, L. 43. D. h. t. ejus bono, qui alienum funus curasset, edixerat prætor: *si funeris causa sumptus factus fuerit, ejus recuperando nomine, in eum, ad quem ea res pertineat, se judicium daturum, L. 12. §. 2. D. h. t.* Quamvis enim mortui negotia geri non possint, tamen negotia gessisse ille fingebatur, qui impensam fecerat in funus ante aditam hereditatem, L. 1. l. 4. D. h. t.

§. 275. Quum itaque prætor actionem illi promittat, qui veluti defuncti negotia gessit ( §. 174. ) consequens est ( 1. Actionem hanc necessariam non esse coheredi, qua *judicio familiæ eriscunda* sumtus recuperare potest; nec ( 2. Qui heredum mandato funus curavit, quia *mandati* actionem habet, nec ( 3. Qui adita hereditate curavit funus; quippe cui *affio*

(a) Pœnæ pecuniariæ, cujus prætor l. 2. §. 2. D. h. t. meminit, quo casu locus fuerit, ex ipso edicto liquet.

*negotiorum gestorum* in promptu est, *L. 14. §. 12. 15. 16. D. h. t.* nec (4. Qui donandi animo sunt fecit, quia hic plane nullam actionem habet, *L. 14. §. 7. D. h. t.* sed (5. Ei, qui hereditate nondum adita funus curavit, nullius mandato, *L. 1. l. 14. §. 7. 9. seq. D. h. t.*

§. 276. Quumque prætor iudicium polliceatur ad recuperandos sumptus, funeris causa factos, (§. 274.) consequens est (6. Ut eo non pertineant sumptus, in morbum, vel curationem defuncti facti; sed (8. Omnes, in funus necessario facti, veluti in delationem, vel vecturam, vestitum, uncturam cadaveris, in sepulcrum, arcam, monumentum, *L. 14. §. 3. 4. l. 37. D. h. t.* (9. 8. Ut sumptus arbitrandi sint pro dignitate, & facultatibus mortui: adeoque nec modum excedere, nec nimis parce fieri debeant, *l. 12. §. 3. l. 14. §. 6. 10. D. h. t.* nec in ea re semper voluntati defuncti parendum sit, *L. 27. pr. D. de cond. inst.*

§. 277. Quum porro intersit reip. mortuos non insepultos manere (§. 274.) facile reddideris rationem (9. Cur tam loculento privilegio hic gaudeat actor, ut in creditorum concursu omnibus, etiam privilegiata hypothecca subnixis, præferatur, *L. 18. l. 19. l. 26. l. penult. l. ult. §. fin. D. h. t. C. qui pot. in pig. Nov. 97. cap. 2. 3.*

§. 278. Quumque defuncti negotia gesta fingantur (§. 274.) consequens est (10. Ut agendum sit cum iis, qui in defuncti jura succedunt, id est cum heredibus, vel quibus saltem funerandi officium incumbit (a), *L. 14. §. 7. seq. D. h. t.*

§. 279. Quæ quum ita sint, actio FUNERARIA est actio prætoriana (§. 274.) personalis, ex quasi contractu, negotiorum gestionis æmulo (*ibid.*) adeoque bonæ fidei (P. I. §. 250. 2.) quæ in subsidium (§.

(a) Id vero officium primo incumbit ei, cui id mandaverat testator, modo is emolumentum ab eo perceperit; deinde heredibus scriptis, vel legitimis, *l. 12. §. 4. l. 34. D. h. t.* Maritus nonnisi in subsidium tenetur, si uxor sit indotata. *L. 16. seq. l. 22. l. 27. seq. D. h. t.*

276.) & cum privilegio prælationis (§. 277.) datur ei, qui sumptus in funus alienum fecit (§. 275. 5.) ejusve heredi, l. 31. §. 2. *D. h. t. contra eos*, quibus funerandi incumbit officium (§. 278.) eorumve heredes, ad sumtus illos, pro defuncti facultatibus, & dignitate factos, recuperandos (§. 276.)

§. 280. Denique ob eandem publicam utilitatem (§. 274.) prætor etiam adversus eos videtur edictum proposuisse, qui cadaver sepeliri vetant, illud detinent, nec duci patiuntur. Quam audaciam coercere merito debent omnes magistratus, l. 38. *D. h. t. l. ult. C. de sepulc. viol.* jure autem novo, qui cadaver detinent obtentu æris alieni, jus crediti amittunt, & tantundem heredibus præstare tenentur; ac præterea infamia perpetua, & publicatione tertiæ partis bonorum, *Nov. 60. cap. 1. & 115. cap. 5. §. 1.*

## TITULUS VIII.

### DE MORTUO INFERENDO, ET SEPULCRO EDIFICANDO.

§. 281. *Quæ actiones hic explicantur?* §. 282. *Earum descriptio.* §. 283. *Ex duabus prioribus alteram eligere licebit.* §. 284. *Conclusio hujus materiae.*

§. 281. **S**uperiore titulo de eo actum, qui cadaver intulit in locum alienum: jam de eo, qui illud in locum inferri prohibet, quo jus est inferendi, vel monumentum exstruere volentem impedit. Priore casu duplex remedium proponit prætor, ACTIONEM IN FACTUM, & INTERDICTUM *de mortuo inferendo*. Posteriore INTERDICTUM *de sepulcro edificando* pollicetur.

§. 282. ACTIO *in factum* datur prohibitio, quo minus inferret, quo jus erat, non ejus heredi, adversus prohibentem, non ejus heredem, in id, quantum interest, se non esse prohibitum, l. 9. *D. de religios.* INTERDICTUM *de mortuo inferendo* competit ei, cui jus est inferendi, contra prohibentem, ut ibi sepelire liceat, & vis fieri vetetur, l. 1. *pr.*

§. 1. *D. h. t.* Simile huic plane est INTERDICTUM *de sepulcris ædificando*, quo impetramus, ut sepulcrum ædificare liceat, & vis fieri vetetur, *L. 1. §. 5. seq. D. h. t.*

§. 283. Quum duo priora remedia ex eadem causa nascantur, in arbitrio sane nostro erit, interdicto uti; an cadaverem alibi sepulto, in factum ad id, quod interest, agere malimus, *L. 9. D. de religiosis & sunt. fun.*

§. 284. Sed multa hodie in provinciis etiam, ubi prior effulsit religio, de sepultura, & sepulcris disputantur, quæ non tam ex jure civili, quam ex canonico & ecclesiastico sunt arcessenda. Qualia sunt, quæ de sepultura *honestâ*, & *inhonestâ*, *solemni*, & *minus solemni*; item de sepultura *hæreticorum*, *excommunicatorum*, *supplicio adfectorum*, eorumque, qui sibi mortem consciverunt, fusc ab aliis explicantur.



# PANDECTARUM

## P A R S T E R T I A

QUÆ

DE REBUS INSCRIBITUR

### LIBER XII.

#### TITULUS I.

DE REBUS CREDITIS, SI CERTUM PETATUR  
ET DE CONDICTIONE.

§. 1. *Ratio ordinis.* §. 2. *Quid mutuum?* §. 3. *De eo axiomata.* §. 4. *Quæ mutua dari possint?* §. 5. *Quomodo contrahatur mutuum?* §. 6. *Cujus fiat res mutuo data?* §. 7. *Qui possint credere?* §. 8. *Quibus?* §. 9. *Debitorum obligatio.* §. 10. *An & usuræ debeantur?* §. 11. *Quæ æstio inde nascatur?* §. 12. *An hic de litt. oblig. agendum?*

§. 1. **T**ertia hæc pars Digestorum tota est de REBUS, l. 2. §. 4. C. de jur. enucl. id est, de rebus creditis, ut primus titulus habet. CREDERE est fidem alterius sequi, & contrahere, l. 1. D. h. t. & CREDITORES dicuntur, quibuscumque debetur ex quacumque actione, vel persequutione, l. 10. l. 11. D. de verb. signif. Ergo in hac parte agitur de contractibus variis. Quumque ex credito nascantur conditiones, æque vel certæ, vel incerti; toto libro hoc, & initio sequentis, de variis CONDICTIONIBUS disseritur.

§. 2. Primum crediti genus, unde certum condicetur, est MUTUUM, quod est contractus *μετόπληρος*, reinitus, nominatus P. I. ( §. 360. seq. ) quo res fungibiles ( P. II. §. 111. 1. ) ita dantur, ut fiant acci-

pientis, & tantumdem quandoque in eodem genere reddatur.

§. 3. Ex qua definitione patet: I. Mutuum consistere tantum in rebus, quæ numero, mensura, & pondere constant, L. 2. §. 1. *D. h. t.* II. Eum contractum substantiam capere rei traditione, L. 2. §. 3. *D. h. t.* III. Mutuum esse alienationem, L. 16. *D. de reb. cred.* L. 41. *D. eod.* IV. Creditori debitorem obligari non ad idem, sed ad tantumdem in eo genere restituendum, nisi speciem reddere malit, L. 8. *pr. D. mand.*

§. 4. Quum itaque mutuum consistat in rebus fungibilibus ( §. 3. 1. ) consequens est ( 1. Ut mutua dari possit pecunia, frumentum, vinum, & quidquid in genere suo magis functionem recipit per solutionem, quam specie, L. 2. §. 1. *D. h. t.* ( 2. Ut in aliis rebus magis sit commodatum, quam mutuum, L. 2. *pr. D. eod.*

§. 5. Quumque traditione contractus hincapiat substantiam ( §. 3. 2. ) consequens est ( 1. Ut pactum de mutando nondum sit mutuum, sed ( 2. Obligatio incipiat a rei datione, L. 2. §. 3. *D. h. t.* L. 17. *pr. D. de pact.* ( 3. Ut perinde sit, sive ipse creditor rem det, sive ejus nomine alius, L. 15. *D. h. t.* sive ( 4. Pro pecunia aliud tradatur, ut inde redigatur pecunia, L. 11. *D. h. t.* modo, qui recepit, illud vendiderit, pecuniamque inde redegerit; siquidem alias magis esset contractus innominatus, L. 19. *pr. D. de præs. verb.*

§. 6. Quum porro mutuum sit alienatio ( §. 3. 3. ) sequitur ( 1. Ut res fiant accipientis, L. 1. §. 2. *D. de obl. & act. Pr. Inst. quib. mod. re contr. obl.* ( 2. Ut debitor obstrictus maneat, quamvis res perierit, quod secus se habet, si species debebatur ( *Inst. §. 1009.* ) ( 3. Ut debitor re credita, tamquam sua, abuti possit, L. 5. §. 1. 2. *D. de usuf. ear. quæ usu cons.*

§. 7. Ex eodem axioma patet ( 4. Eum dare posse mutuum, qui possit alienare, L. 2. §. 4. *D. h. t.* §. 2. *Instit. quib. alien. lic.* ( 5. Eum qui pecuniam alienam mala fide, & invito domino dat mutuum, nummos non facere accipientis; sed exstantes a do-

mino vindicari, b. f. consumptos condici, mala fide consumptorum nomine ad exhibendum agi posse, *L. 11. §. ult. L. 13. pr. D. h. t.* ( 6. Idem obtinere, si quis a furioso, mente capto, prodigo, infante, pupillo, minore, mutuam sumpserit pecuniam, *L. 11. §. ult. L. 12. L. 13. L. 19. §. 1. D. h. t. §. 2. Inst. quid. al. lie. L. 24. de obl. & act. (a).*

§. 8. Quum præterea ex hoc contractu nascatur obligatio ( §. 3. 4. ) consequens est ( 1. Ut iis credi possit, qui possunt obligari, *L. 34. §. 1. D. h. t. adeoque* ( 2. Non furiosis, mente captis, infantibus, nec pupillis, sine tutorum auctoritate, *L. 3. C. quand. ex fact. tut. nec minoribus, & prodigis, sine curatorum consensu, §. 9. Inst. de inut. stip. ( P. I. §. 367. 2. 368. )* ( 3. Ut hi tunc demum obligentur, si probetur pecuniam in rem eorum versam ( *P. I. §. 362. 1. ) L. 1. L. 2. C. si adv. credit. ( 4. Ut neque civitates, sed administratores, teneantur ex mutuo, nisi probetur in rem versum, L. 27. D. h. t.*

§. 9. Ex eodem axioma ( §. 3. 4. ) sequitur ( 1. Plures debitores non teneri in solidum, nisi sint correi, *L. 5. C. si cert. pet. ( 2. Plurium etiam creditorum singulos ratam suam petere posse, L. 9. C. eod. l. 13. §. ult. D. h. t. ( 3. Aliud pro alio invito creditori solvi non posse, L. 2. §. 1. D. h. t. l. 16. C. de solut. ( 4. Pecuniam alterius generis recte solvi, modo solvatur tantumdem, l. 99. D. de solut. l. 65. §. 1. D. de verb. obl. nisi diserte aliud sibi stipulatus sit creditor, L. 3. D. h. t. ( 5. Mutato pecuniæ valore, attendendum esse ad tempus contractus, L. 3. D. h. t. l. 2. C. de vet. num. pot. ( Plura infra *Lib. XLVI. lib. 3.**

§. 10. Ex eodem inferendum ( 6. Usuras non pertinere ad hunc contractum; sed speciatim tantum pro-

(a) Singularis ratio est, cur magistratus provinciarum, quique ibi officio funguntur, fœnus exercere ventantur in provincia *l. 33. D. h. t.* Verendum enim erat, ne inviti contrahere cogerentur provinciales *l. un. C. de contr. jud.* neve immodico fœnore, & exactionibus exhaurirentur: MERILL. *Obs. t. 30.* Hinc & mutuam sumere pecuniam non licebat iudicibus, coram quibus quis litigabat *l. 16. C. de cert. pet.*

missas deberi, *L. 24. D. præs. verb. l. 3. C. de usur.* ( 7. Ob inoram tamen hodie debitorum deberi id, quod interest. Add. infra *Lib. XXII. tit. 1. §. 104.*

§. 11. Denique inde facile patet ( 8. Ex hoc contractu, actionem nasci, quæ **CONDICTIO CERTI**, & speciatim **ACTIO MUTUI** vocatur, *L. 5. C. quib. non oblong. temp. præs.* Ea est personalis stricti juris ( *P. I. §. 365.* ) competens creditori, ejusve heredi ( §. 7. ) adversus debitorem, ejusve heredes ( §. 8. ) ad tantundem in eodem genere reddendum ( §. 1. )

§. 12. Solent hic doctores etiam de **LITTERARUM OBLIGATIONE** agere, quia illam mutuo quodammodo similem esse animadvertunt. Quum vero de ea sileant Pandectæ, nihilque hic addendum videatur iis, quæ jam ad Institutiones disseruimus ( *Inst. §. 287. seq.* ) non est, quod actum agere velimus.

## TITULUS II.

DE JUREJURANDO, SIVE VOLUNTARIO, SIVE  
NECESSARIO, SIVE JUDICIALI.

§. 13. Quid jusjurandum? §. 14. Qui jurare possint? §. 15. Quomodo jnrandum? §. 16. De quibus rebus? §. 17. Jusjurandum quotuplex? §. 18. Quid voluntarium? §. 19. A quo, & quomodo deferatur? §. 20. Ejus effecta. §. 21. Quomodo præstandum? §. 22. Jusjurandum necessarium. §. 23. A quibus, cui, & super quo deferatur? §. 24. Quomodo deferatur, & quæ effecta? §. 25. Delatum aut præstandum. §. 26. Aut referendum. §. 27. Ejus præstiti effecta. §. 28. Judiciale quotuplex? §. 29. Suppletorii natura. §. 30. Purgatorii indoles. §. 31. Utriusque effecta.

§. 13. **V**idimus primam certi conditionem ex mutuo. Sequitur altera ex **JUREJURANDO**, de quo hoc, & sequente titulo ex instituto agitur. Est autem **JUSJURANDUM** religiosa adseveratio per invocationem Dei, tamquam vindicis, si jurans fefellerit.

§. 14. Quia itaque est adseveratio (§. 13.) consequens est ( 1. Ut jurare non possint, quorum nulum est animi judicium, quales sunt furiosi, mente capti, infantes, & infantie proximi, ebrii, &c. *Can. 16. caus. 2. quest. 5.* ( 2. Ut cogendi non sint pubertati proximi, *L. 34. §. 2. D. h. t. quamvis*, si velint, recte jurent consentiente adversario, modo jurent in suum commodum, *L. 26. pr. D. h. t. siquidem alias jusjurandum impuberi fraudi non est, Auth. sacramenta puberum C. si adv. vendit.* ( 3. Ut puberes recte jurent. *Auth. ead.* multoque magis ( 4. Majorennnes, sive per se, sive per procuratorem, speciali mandato instructum, *L. 9. §. penult. L. ult. §. penult. h. t.*

§. 15. Quumque sit adseveratio religiosa (§. 13.) satis patet, jurandum esse ( 1. Libere, & ex animi sententia; adeoque ( 2. Jusjurandum, vi, metusque injuste extortum, non ratum, sed nullum, aut (ex principiis juris canonici) rescindendum esse. *Auth. sacramento puberum C. si adv. vendit.* ( 3. Omnem cavillationem, & fraudem jurantis perjurium esse. *L. 18. D. h. t.* ( 4. Jusjurandum attemperandum esse cujusque religioni, *L. 5. §. 1. h. t.*

§. 16. Ex eoque inferre licebit ( 5. Jusjurandum ratum esse de rebus licitis, non contra leges, & bonos mores, *L. 5. C. de leg.* ( 6. Non per omnia probandum esse axioma juris canonici: *omne jusjurandum est servandum, quod salva aeterna salute servari potest. cap. Cum contingat. 28. X. de jurej. &c. 1. de pact. in 6.*

§. 17. Ceterum commodissime jusjurandum dividitur in ADSERTORIUM, quod de rebus, vel factis præteritis; & PROMISSORIUM, quod de futuris præstat, quodque jure Romano non magis actionem producit, quam pactum nudum. *HUBER. Præleff. ad Inst. tit. de aff. §. 12.* Illud modo de facto alieno præstat, quale est jusjurandum testinum, *L. 16. l. 18. de test.* modo de factis propriis; idque in rubr. *h. t.* in VOLUNTARIUM, NECESSARIUM, & JUDICIALE dispescitur.

§. 18. VOLUNTARIUM est; quod pars parti desert extra judicium, per modum conventionis, *L. 12.*

*pr. h. t. l. 25. l. 26. §. ult. D. h. tit.* Quumque illud contineat speciem transactionis, *L. 2. D. h. tit. merito prætor, se ex eo actionem daturum, edixerat, L. 3. pr. l. 7. D. h. t.*

§. 19. Quum itaque sit instar transactionis (§. 18.) consequens est ( 1. Ut deferre illud possit, qui potest transigere; id est, qui liberam habet rerum suarum administrationem ( *P. I. §. 380. ) l. 17. §. 1. l. 18. C. h. t.* ( 2. Ut præstari possit de rebus in arbitrio paciscentium positis, *l. 34. pr. D. h. t. ( P. I. §. 381. seq. )* ( 3. Ut in arbitrio cujusque positum sit, præstare id velit, nec ne; adeoque ( 4. Nec a deferente exigere queat jusjurandum calumniæ. *Dissert. MAESTERT. ad l. 31. D. h. t.*

§. 20. Ex eodem colligas ( 5. Præstito hoc jurejurando, non quæri amplius, an pecunia debeatur, sed an juratum sit, *l. 5. §. 2. l. 9. §. 1. l. 28. l. 30. D. h. t. §. 11. Inst. de actiõn.* ( 6. Jurantem & actionem habere adversus deferentem, si deberi sibi juravit, *d. §. 11. Inst. de actiõ. & ( 7. Multo magis exceptionem, si se haud debere jurarit, §. 4. Inst. de except. l. 9. §. 1. l. 28. §. ult. D. h. t.* ( CON-DITIONEM hanc EX JUREJURANDO esse prætoriam, personalem, adjectitiæ qualitatæ, quum tantum actioni, quæ ante jusjurandum competebat, accederet, *L. 13. §. 3. 5. D. h. t. STRIK. Us. hodiern. D. h. t. §. 16. p. 464. seq.*

§. 21. Ceterum, quia per modum conventionis deferitur (§. 18.) per se patet ( 9. Non præstandum esse sponte, sed altero deferente, *L. 3. pr. §. 4. l. 5. l. 33. D. h. t.* ( 10. Illud nihil esse, si alia forma, & conditione, quam alter detulit, præstetur, *L. 3. §. ult. l. 4. l. 5. pr. §. 1. D. h. t.* ( 11. Pro præstito contra haberi, si alteri, ad jurandum parato, remittatur, *L. 5. §. ult. l. 9. §. 1. D. h. t.*

§. 22. Jusjurandum NECESSARIUM (a) est, quod

(a) Hinc ne erres, monendum, jusjurandum *necessarium*, & *judiciale* in rubrica quidem hujus tituli occurrere, sed ipso titulo non definiri. Unde iis inter Græcos, & Latinos, hosque citramontanos, & ultramontanos. STEPHANUS, *Interpr. Basil. Lib. 22. tit. 5. Leg.*

in iudicio pars parti loco probationis defert, ex decreto iudicis aut præstandum, aut referendum. Unde & id non modo transactionis, sed & rei iudicatæ, speciem continet, *L. 2. D. h. t.*

§. 23. Quum itaque & hoc sit instar transactionis ( §. 22. ) consequens est ( 1. Ut illud recte deferant, quicumque liberam habent rerum suarum administrationem, sive ipsi id faciant, sive per procuratores, mandato speciali instructos ( §. 19. 4. ) *l. 17. §. 3. l. 18. l. 19. l. 34. §. 1. D. h. t.* ( 2. Ut deferri possit omnibus, qui possunt jurare, & conditionem suam meliorem reddere; pupillis tamen non nisi volentibus ( §. 14. ) ( 3. Ut recte deferatur de causis, super quibus & transigere licet ( §. 16. 4. ) *l. 3. §. 1. 3. l. 9. §. 2. l. 34. pr. D. l. 10. C. h. t.* adeoque non super criminibus ( *P. I. §. 382.* ) maxime, quum accedat præsentissimum perjurii periculum, *L. 1. D. de ann. eor.*

§. 24. Quumque sit loco probationis ( §. 32. ) consequens est ( 1. Ut & auctor ratione actionis, & reus ratione exceptionis, illud deferre possit, quamvis neuter aliquid probarit, *L. 35. pr. D. l. 12. pr. C. h. t. l. 25. §. penult. D. probat.* idque ( 2. Tum ante, tum post litis contestationem, *L. 12. pr. C. h. tit.* ( 3. Ut non prius rata sit illa delatio, quam index super illa sit interloquutus, *l. 12. §. 1. C. h. t.* ( 4. Ut deferens jurare teneatur de calumnia, *l. 34. §. 4. D. h. t.* & iusjurandum delatum alias pro præstito habeatur, *l. 37. D. h. t.*

1. NECESSARIUM ὁρκος vocat ὡς ἐς δικαστήριον, τινος τῶν λιτιγατρῶν ἐπὶ τῷ τοῦτο δέντος ἐπαγγελίῳ, ἐδικατῆς ἐπιφέρει; quod in iudicio iudex, uno litigatorum ad alterius delationem deferente; imponit. JUDICIALE autem ipsi est iusjurandum, ὃ ἡ δικαστὴς ἐκ ἐξ ταῖσιν, ἀλλ' ἐξ οἷκας κλῶσθαι προκρίσιν ἐπιφέρει quod ipse iudex non rogatus, sed ex proprio voluntatis motu defert. Alii aliter. Vid. MARAN. in Paratit. h. t. MERILL. Obs. 3. 13. At Latini fere necessarium vo-  
oant, quod a iudice deferretur, quamvis & hac in re aliud placeat citramontanis. Vid. ANT. FAB. Ration. ad l. 1. D. h. t. ANT. de iudic. Disput. X. 6. HUBER. Prælect. h. t. §. 6. in re nullius momenti Græcorum hypothesis, utpote in terris receptiorem, sequuti sumus.

§. 25. Quia itaque præstatnr prævia sententia iudicis interlocutoria (§. 24. 3.) facile patet. (5. Illud aut præstandum, aut referendum esse (a) *L. 38. D. h. t. nisi vel* (α deferatur ab eo, qui deferre non potest (§. 23. 1.) *l. 35. §. 1. D. h. t. vel* (β deferens illud jam semel revocarit, *L. 11. C. h. t. vel* (γ de calumnia jurare nolit, *L. 37. D. h. t.* (§. 25. 4. vel (δ ipsa delatio fiat super facto alieno, *L. 11. D. rer. amat. (vel* ε super eo, super quo jam juratum (§. 22.) vel (ζ formula iusjurandi sit improbatae religionis (§. 15. 4.) *l. 5. §. 3. D. h. tit.* (6. Præstandum esse in iudicio, nisi quod ad personas egregias, & valetudine impeditas, domum mittitur, *L. 15. D. h. t. (Conf. Elemen. jur. Germ. l. 3. tit. 6. §. 219.)*

§. 26. Relationis autem quum ea natura sit, ut, qui jurare iussus ab adversario, potius se adversarii iurijurando stare velle promittat, res ipsa sane docet (7. Ei locum esse, si uterque rei, vel facti notitiam habeat, *L. 34. §. 8. D. h. t.* (8. Semel relatum absolute præstandum, nec exigi debere a referente, sed deferente potius, iusjurandum calumniæ, *l. 34. §. 7. D. h. t.*

§. 27. Denique quum iusjurandum huiusmodi sit pro re iudicata (§. 22.) sequitur (1. Ut secundum iusjurandum ferenda sit sententia, *L. 34. §. ult. D. h. t. & tunc* (2. Nec appellatio adversus huiusmodi sententiam interponi, *L. 12. §. 1. 2. 3. C. de reb. cred. nec* (5. Ea obtentu perjurii retractari possit, *L. 31. D. l. 1. C. h. t.*

§. 28. Reliquum est iusjurandum JUDICIALE, quod partibus etiam non petentibus, super facto dubio a iudice deferitur, *l. 31. D. h. t.* Quod si iudex defert parti, pro qua militat probatio semiplena, SUPPLETORIUM; sin illi contra quam præsumptiones, vel iudicia non satis probata, militant, PURGATO-

(a) In Germania addunt, *vel conscientiam exonerandam esse probatione* (*sein Bewissen mir Beweis zu versetzen*) qua defuncti nihilominus adhuc iusjurandum delatum præstare possunt. Sed hoc jurisprudentia nostra ignorat. Vid. c. 2. X. de prob.



RIUM a doctoribus vocatur. Quamvis, si verum facti velimus, suppletorium jusjurandum in jure nostro nullum reperiat præsidium, & actore non probante plene, reus absolvendus sit, *l. 19. §. 1. C. de test.* DUAREN. *Disp. anniv.* II. 33. Vulgo tamen id probant ex *l. 31. D. t. 3. C. h. t.* (De jurejurando purgatorio vid. *Elem. jur. Germ. lib. 3. tit. 9. §. 354.* \* de suppletorio, *ibid. tit. 6. §. 194.* & *Syllog. opusc. Exerc. 16. de lubricitate jurisjurandi suppletarii*).

§. 29. Ex quibus definitionibus patet (1. Suppletorium non deferri, nisi ei, qui semiplene jam probavit (id quod probari solet ex *l. 3. C. de reb. cred. l. 12. D. de test. l. 38. D. de re jud.*) ita ut ea probatio non fuerit ab adversario elisa. A. A. PAGENTESCH. *Admonit. ad Pand. h. tit. p. 254.* (2. Illud & actori ratione actionis, & reo ratione exceptionis, deferri posse (3. Locum ei esse dumtaxat in causis civilibus, non in judiciis publicis, in quibus accensatoris jusjurandum ad irrogandum supplicium non sufficit, *l. ult. C. de probat.*

§. 30. Nec minus inde manifestum est (1. Purgatorium in civilibus, æque ac in criminalibus deferri posse, si in his judicia non sufficiant diris quæstionibus; (2. Jurare renuentem pro confesso esse habendum, *l. 6. §. 4. C. de his, qui ad eccl. confug. & tot. tit. 10. de purg. canon.* (3. Alioquin, hoc & suppletorio præstito, pro jurante esse pronunciandum, *l. 31. D. h. t.*

§. 31. Quemadmodum autem utrumque jusjurandum non per modum conventionis, sed a iudice deferretur (§. 28.) ita inde fluit (1. Neutrum esse instar transactionis, adeoque (2. Et de perjurio quæri (a) & (3. Sententiam ob instrumenta nova, eaque sola, rescindi, & (4. A sententia, secundum alterutrum jurantem lata, adpellationem interponi posse, *l. 31. D. h. t. L. ult. §. 1. D. de adpell. l. ult. §. 1. 2. 3. C. de reb. cred.*

(a) At quæ perjurii pœna? Nulla opinor olim, quum deorum injurias diis curæ esse crederent Romani. TACIT. *Annal. I. 73.* CUJAC. *Obs. II. 19.* Equidem de sa-

## TITULUS III.

## DE IN LITEM JUSJURANDO.

§. 32. *Jusjurandum in litem quid?* §. 33. *Dividitur in veritatis, & adfectionis jusjurandum.* §. 34. *A quo, & cui deferatur?* §. 35. *In quibus causis?* §. 36. *Contra quem?* §. 37. *In quantum jurari possit?* §. 38. *Quando cesset?* §. 39. *Jusjurandum Zenonianum.*

§. 32. **H**actenus de JUREJURANDO generatim. Sequitur *jusjurandum IN LITEM*, tunc præstandum, quando non quæritur, an, sed quantum debeatur. Quapropter est *jusjurandum*, quod actor ejus, quod sibi e patrimonio abest, & ex contumacia non restituitur, æstimandi causa, judice deferente præstat, *L. 1. D. h. t.*

§. 33. Illud vulgo doctores dividant in *jusjurandum VERITATIS*, quo actor rem, quæ culpa alterius periit, æstimat tanti, quanti ea est; *ADFECTIONIS*, quo actor rem, quæ dolo alterius periit, æstimat ex adfectione ultra verum pretium. *HUNN. de rer. æstimat. sect. 3. q. 5.* Sed hæc invita Themide. Æstimatio enim semper fit in infinitum, non exclusa judicis facultate, modum illi statuendi, *L. 1. l. 2. §. 1. l. 4. §. 2. D. h. t.* Vid. *THOMAS Diss. de prat. adfect. in res fungib. non cadente c. 3. §. 3. seq.*

§. 34. Quomodo itaque *jusjurandum in litem ad rem*

æo Tarpejo quosdam dejectos dicit *GELL. XX. 1.* non tamen perjuros quoscunque; sed qui falsum testimonium dixerant, in *l. 13. §. ult. D. de jurejur.* fustibus cæsos legimus, sed non omnes perjuros, verum illos, qui per genium principis pejeraverant, quod in injuriam principum vergere credebatur. Add. *TERTULL. ad Scapul. MIN. FEL. Octav. p. 284. HARMENOP. Pruchir. 7. 1.* Immo & fustium pœnam remisit hoc casu *Alexander imp. l. 2. de reb. cred.* de qua lege cum superiore concilianda vid. *CUJAC. Obs. 8. 6.* Infamiam tamen perjurius minantur *Arcadius, & Honorius AA. l. 41. D. de transact.* Legi hic merentur, quæ scripsit *REYNOLD. Var. c. 15.*

æstimandam comparatum sit ( §. 31. ) sequitur ( 1. Ut a solo judice deferendum sit, *L. 4. §. 1. D. h. t.* ( 2. Ut id præstet actor, qui rerum suarum petit æstimationem, *L. 7. D. h. t.* ( 3. Ut & tutor, curatorve possit jurare in litem pro pupillo, furioso, prodigo, minore, nec tamen ad jurandum cogendus sit, *L. 4. pr. D. h. t.* ( 4. Ut nec pupillo deferri possit, *l. 4. pr. D. h. t.* nec ( 5. Procuratori, *L. 7. D. h. t.*

§. 35. Nec minus inde manifestum est ( 6. De omni re corporali, ac incorporali, in litem jurari posse, *L. 7. D. si serv. vind.* ( 7. Modo & adfectionem, & æstimationem recipiat, *l. 3. D. h. t.* & ( 8. Nobis restituenda sit ex judicio bonæ fidei, ut arbitratio, *L. 1. l. 5. pr. D. h. t.*

§. 36. Quumque detur ob contumaciam rei ( §. 32. ) sequitur ( 1. Ut ei locus sit, si reus dolo malo non restituat, *l. 5. §. 3. D. h. t.* vel, quæ æquiparari solet culpa lata, *L. 2. C. h. t.* non ob culpam rei levem, vel levissimam, *L. 1. §. 3. D. h. t.* ( 2. Ut non juretur adversus heredes, nisi lite contestata, *L. 4. l. 5. C. h. t.*

§. 37. Quum porro res æstimetur ultra verum rerum pretium ( §. 32. ) sequitur ( 1. Ut auctori jurare liceat in infinitum, *L. 1. l. 2. §. 1. l. 4. §. 2. D. h. tit.* ( 2. Ut id tamen intelligendum sit civiliter, salva moderatione judicis, ne arrepta occasione, in immensum juretur, *L. 4. §. 2. l. 5. §. 1. D. h. t.* ( 3. Ut ordinarie in judiciis b. f. & arbitrariis locum habeat hoc jusjurandum, *L. 5. D. h. t. l. 25. §. 10. D. de her. pet. l. 18. pr. D. de dol. mal.*

§. 38. Ex quibus facile patet, cur cesset hoc jusjurandum ( 1. In actione empti ( §. 35. 7. ) *l. 4. C. de act. emt.* ( 2. In judiciis stricti juris ( §. 37. 3. ) *l. 5. 6. D. h. tit.* ( 3. In actione furti ( §. 39. 7. ) quum tamen in conditione furtiva in litem jurare possit actor, *L. 9. D. h. tit. l. 14. §. 19. l. 71. D. de furt.*

§. 39. Ad jusjurandum in litem quodammodo accedit ZENONIANUM, quod prævia æstimatione, facta a judice, pro personarum, vel rerum qualitate, præstat is, cujus res invasæ, direptæve sunt, si singularum rerum pretium probare nequeat, eo effectu,

ut reus præstet, in quantum juratum. Sedes hujus jurisjurandi est in l. 9. C. unde vi. Quinque eo nihil sit æquius, merito mireris, jure Saxonico reum potius hoc casu jurare, damnum minoribus esse. Quod jusjurandum Saxones vocant *minorationis*, vel *den Verminderungs-Eyd*, quamvis & Zenonianum ibi admitti soleat. Vid. SCHIL. Exerc. 23. 58. CARPZ. Part. I. const. 23. des. 18. HORN. Diss. de jurej. Zenon. §. penult.

## TITULUS IV.

### DE CONDITIONE CAUSSA DATA, CAUSSA NON SEQUUTA.

§. 40. *Conditionis hujus fundamentum an sint contractus innominati?* §. 41. *Verum ejus fundamentum.* §. 42. *De ejus natura axiomata.* §. 43. *Ejus caussa, & differentia ab aliis conditionibus.* §. 44. *Quando detur?* §. 45. *Quibus?* *Contra quos?* *Ad quid?* §. 46. *Ejus descriptio.* §. 47. *Usus hodiernus.*

§. 40. **T**ertia conditio certi est conditio CAUSSA DATA, CAUSSA NON SEQUUTA, quæ & conditio *ob causam dati* adpellatur, l. ult. D. h. t. cujus fundamentum vulgo esse ajunt contractus innominatos *do, ut des*; vel *do, ut facias*. Quum enim ea sit horum contractuum indoles, ut retractari possint, quamdiu non ab utraque parte adimpleti sunt (P. I. §. 360.), l. 5. §. 2. l. 7. D. præscr. verb. consequi patet, ut qui ob causam dedit, caussa non sequuta, datum jure meritoque repetat.

§. 41. Enimvero quamvis hic contractus occasione det huic conditioni; tamen, quia ex contractu non agitur ad contractum rescindendum, sed ad implendum, dici sane nequit, hanc conditionem ex contractibus illis innominatis nasci; est ergo potius ex quasi contractu. Fingunt enim & præsumunt leges, illum, qui ob causam accepit, tacite se obligasse extra id, quod actum erat, ut, caussa non sequuta, acceptum restituat (P. I. §. 362. 1.), l. 13.

§. 2. *fin. D. commod.* Vid. BACHOV. *ad Treutl. Vol. 1. Diss. 22.* §. 1. *lit. A. & F. STRUV. Exerc. 18.* 4. NOODT. *h. t. p.* 293.

§. 42. Inde ergo fluunt axiomata: I. *Condictio hæc datur occasione contractus innominati: do, ut des; vel: do, ut facias.* II. *Eadem vel ideo æquissima est, quod nemo debeat cum alterius damno fieri locupletior* ( P. l. §. 362. 1. )

§. 43. Quum ergo detur occasione contractuum innominatorum: *do, ut des; vel: do, ut facias* ( §. 42. 1. ) facile patet eam institui, si quid datum, non, si quid factum sit ( 1. Ob causam futuram, l. 1. *seq. D. h. t.* quo ipso differt a *CONDICTIO INDEBITI.* ( 2. Ob causam, de qua conventum, l. 6. l. 7. *C. h. t.* quo ipso discrepat a *CONDICTIO NE SINE CAUSSA.* ( 3. Ob causam, l. 1. *D. h. t.* l. 1. §. 1. *D. de cond. ob turp. caus.* quo ipso a *CONDICTIO OB TURPEM CAUSSAM* discernitur. ( 4. Ob causam possibilem, quia rei impossibilis promissum plane nullum est ( *Inst. §. 549. l. 8. C. h. t.*

§. 44. Quumque id agatur, ne quis cum alterius damno locupletior fiat ( §. 42. 2. ) consequens est ( 1. Ut *condictioni locus sit*, quotiescumque causa non sequuta est, sive ( 2. Ipsum dantem pœniteat, quod re adhuc integra jure facit ( P. l. §. 860. ) etiamsi accipiens contractui stare velit, l. 1. l. 2. l. 5. *pr. §. 2. D. h. t.* sive ( 3. Accipiens promissum præstare nolit, l. 3. §. 3. §. ult. *D. l. 8. g. ult. C. h. t.* sive ( 4. Casu impeditus, non possit, *L. ult. D. l. 5. C. h. t.*

§. 45. Ex eodem axioma patet ( 5. *Condictio-nem hanc esse ex quasi contractu* ( P. l. §. 362. 1. ) ( 6. *Eam & heredibus dari*, l. 2. l. 3. *C. h. tit. & contra heredes*, *L. 8. C. h. t.* ( 1. *Non autem contra successorem singularem*, *L. 4. C. de rer. perm.* ( 8. *Ea recte peti rem cum omni causa, fructibus, & accessionibus* l. 7. §. 2. l. 12. *D. h. t. l. 38. D. h. t. l. 38. pr. §. 1. D. de usur.* non autem ( 9. *Cum usuris*, quia est actio stricti juris, *L. 4. C. de condict. ob turp. caus.* ( 10. *Rei non exstantis æstimationem esse præstandam*, *L. 15. D. h. t.*

§. 46. Quæ quum ita sint, hæc *condictio est actio.*

personalis (§. 45. 5.) stricti juris (§. 45. 9.) quæ datur ei, qui ob causam futuram, honestam & possibilem, de qua convenerat, dedit (§. 43.) ejusve heredibus (§. 45. 9.) adversus cum, qui causam non præstitit (§. 44.) ejusve heredes (§. 45. 6.) ad rem datam cum omni causa, accessionibus, fructibusque, non tamen cum usuris, restituendam (§. 45. 8. 9.) vel præstandam ejus æstimationem (§. 45. 10.)

§. 47. Usus hujus conditionis etiamnum esse posse, non negaverim. Quia tamen penitentiae facultatem ideo dabat jus Romanum, quia in contractibus innominatis is, qui nondum dederat, vel fecerat, alterum ex nudo pacto obligatum habebat (P. I. §. 360.) & hodie omnia pacta, etiam nuda, producant obligationem validam (P. I. §. 374.) cessabit procul dubio casus, de quo, §. 44. 2. SCHOTTAN *Exam. GROENEWEG. de legib. abrog. h. t.* STRYL. *Us. D. h. t.* 3. Nec in Germania, ubi discrimen contractuum b. f. & stricti juris fere ignoratur, iudex dubitabit actori adjudicare usuras, contra ea, quæ, §. 45. 9. diximus *Rec. Imp. a 1600.* §. 139.

## TITULUS V.

### DE CONDICTIONE OB TURPEM, VEL INJUSTAM CAUSAM.

§. 48. *Conditionis hujus obscura origo.* §. 49. *Videtur esse ex quasi contractu.* §. 50. *De eo axiomata.* §. 51. *Quibus detur?* §. 52. *Contra quem, & ad quid detur?* §. 53. *Actionis hujus descriptio.*

§. 48. **Q**uartæ etiam conditionis certi OB TURPEM, vel INJUSTAM CAUSAM (a) obscura o-

(a) Coniungimus hac rubrica verba tamquam *συρδριμα*. Quamvis enim alii duplicem idem exsculpant conditionem, moti rubricis Codicis l. 3. t. 6. & 9. jam ab aliis tamen animadversum est in t. 9. *conditionem ob*

rius est. Sive enim ex delicto eam derives, sive eam non nativam, sed dativam, esse dicas; erit, quod jure obvertant alii. Quare paullo accuratius inspectione opus erit, unde nascatur obligatio.

§. 49. Obligatio illa non videtur oriri ex acceptione ob turpem, vel injustam causam (sic enim semper ad restitutionem esset obstrictus qui accepit) sed ex datione honesta ob turpem vel injustam causam. Ideo enim, quia ego dedi honeste, turpiter accipiens obligatur ad restitutionem; adeoque præsumunt finguntque leges, eum se obligasse ad restituendum, quia nemo debet cum alterius damno sine ratione fieri locupletior (P. I. §. 361. 1. Est ergo & hæc conditio ex quasi contractu. HAHN. ad Wesenbec. h. t. n. 3.

§. 50. Hinc manifesto fluunt axiomata: I. Qui honeste dedit, repetere potest, quod turpiter acceptum. II. Ea quoque actio ideo inventa, ne quis cum alterius damno sine ratione fiat locupletior (§. 49.)

§. 51. Quum itaque qui honeste dedit, repetere possit, quod turpiter acceptum (§. 50. 1.) merito inferitur (1. Cessare repetitionem, si ipsius dantis sit turpitudine, non accipientis, v. g. si quis meretrici dedit, (a) L. 4. §. 3. D. h. t. nec non (2. Si par sit dantis, atque accipientis turpitudine, l. 2. §. 1. l. 3. 4. pr. D. h. t. quamvis fiscus turpe hujusmodi lucrum jure eripiat injuste possidenti, Auth. Nov. jure de pœn. jud. qui mal. jud. (3. Locum esse

*injustam causam*, non aliam esse, quam *conditionem sine causa*. Quum ergo non solidum turpium, & injustorum discrimen dari possit, & fatentibus omnibus, quod ad effectum, usumque, nulla sit utriusque conditionis differentia; malimus illas vel coniungere, vel pro una eademque actione habere. Vid. THOMAS. ad Stanchium Exerc. 22. 9.

(a) Illa enim turpiter facit, inquit ULPIANUS, quod sit meretrix; non turpiter accipit, quum sit meretrix. Quæstus hic turpis erat, si mulier eum profiteretur. Semel tamen professa, cum impune faciebat, nec vitio vertebatur mulieri, semel transgressæ verecundiæ limites, si graviter impudens esset. De professione illa, & conditione corporum questuarius, plura disserimus in Comment. ad leg. Jul. & Pap. Popp. l. 2. c. 1.

Hein. Pand. Tom. I.

conditioni eo tantum casu, si solius accipientis coar-  
guatur turpitudine, veluti si quid datum, ne cædes  
fieret, L. 1. §. 2. l. 2. pr. §. 1. l. 4. §. 2. D. l. 1.  
C. h. t.

§. 52. Quumque ideo ea actio inventa sit, ne al-  
ter cum alterius damno, sine ratione fieret locuple-  
tior ( §. 50. 2. ) consequens est, ( 1. Ut sit ex qua-  
si contractu, ( P. I. §. 362. 1. ) adeoque ( 2. Ut  
heredibus, & adversus hæredes, detur, quamvis id  
in dubium vocet PAGENSTEGH. *Admon. h. t.* ( 3.  
Ut & hic repetatur res data cum omni caussa, ac-  
cessionibus, fructibus, L. 38. §. 1. *seq. D. de usur.*,  
vel ( 4. Non exstantis æstimatione, l. ult. C. h. t. ( 5.  
Ut, si quid promissum ob turpem causam, & cau-  
tio, eo nomine data, condici, adversarii petitio ex-  
ceptione doli mali elidi possit (b), L. 1. C. l. 8. D.  
h. t.

§. 53. Quamobrem satis patet, esse hanc condi-  
tionem personalem ( §. 52. 1. ) qua is, qui hone-  
ste dedit ob turpem causam, qui turpiter accepit,  
ejusque heredes ( §. 52. 2. ) ad rem cum omni caus-  
sa restituendam, præstandamve æstimationem, cau-  
tionemve eo nomine datam reddendam ( §. 52. 3.  
*seq.* )

## TITULUS VI.

### DE CONDICTIONE INDEBITI.

§. 54. *Quid indebitum?* §. 55. *De eo axiomata.*  
§. 56. *Quis indebite solutum condicat?* §. 57. *Quid*  
*ea repeti non possit?* §. 58. *Quid possit?* §. 59. *Ad*  
*quid detur hæc condictio?* §. 60. *Ejus descriptio.*  
§. 61. *Quando cesset?*

§. 54. **Q**uinta certi conditio est INDEBITI, quæ  
manifesto quasi ex contractu oritur, nempe EX SO-

(b) Si scilicet manifesta non sit accipientis turpitudine,  
sed is ex. gr. ex chirographo vel alia caussa, petat;  
tunc enim ejus intensionem exceptione elidendam esse,  
nemo non videt. Alioquin hujusmodi promissio ipso ju-  
re nulla est. L. 26. & l. 123. D. de verb. oblig.



LUTIONE INDEBITI, §. 1. *Inst. de obl. que quas. in cont.* §. 1. *Inst. de obl. que re contrah.* quæ est quasi contractus, quo quis errore facti id, quod nec naturaliter quidem debeat, solvendo, alterum, qui ex ignorantia accepit, ad restitutionem obligatum habere censetur (*Inst. §. 987.*)

§. 55. Ex qua definitione fluunt axiomata. I. Conditione indebiti utitur, qui ex errore facti solvit, *L. 10. C. l. 9. D. de jur. & fact. ign. l. 7. D. l. 6. & 7. C. h. t.* II. Indebitum est quod nec naturaliter saltem debetur, *L. 15. pr. D. h. t.* III. Obligatio accipientis hic simillima est obligationis debitoris, maxime si res fungibilis data. Unde & PROMUTUUM a quibusdam vocatur, §. 1. *Inst. de obl. que re contr.*

§. 56. Quum itaque conditione hac utatur, qui ex errore facti solvit (§. 55. 1.) consequens est (1. Ut qui sciens solvit, donandi consilio id videatur fecisse; adeoque id condicere nequeat, *L. 1. §. 1. l. 50. D. h. t. D. de reg. jur.* (2. Ut recte contradicat, qui dubitans solvit, quum qui dubitat, scire non videatur, *L. 2. D. l. ult. C. h. t.* (3. Ut error juris non det repetendi causam, *l. 9. D. l. 10. C. de jur. & fact. ign. l. 7. D. h. t. l. 9. C. ad leg. Falc. nisi* (4. his, quibus jus ignorare licet, quales mulieres, minores, milites, rustici, & similes, *d. l. 9. D. l. ult. C. de jur. & fact. ign.* (5. Ut is demum recte condicat, qui, in facto errans, putavit se jure perfecto debere, quum hand deberet, *L. 65. §. 3. l. 52. h. t.*

§. 57. Quumque condicatur, quod saltem naturaliter non debetur (§. 55. 2.) consequens est (1. Ut, quamvis civilis nulla sit obligatio, indebiti tamen condictio cesset, modo naturaliter debeat, *L. 13. l. 19. l. 38. §. 2. D. h. t.* veluti si quis ex pacto nudo solvit, *l. 64. D. h. t.* nisi jus civile ex naturali obligatione & actionem, & exceptionem plane deneget (a), qualis obligatio mulieris fideju-

(a) Ratio enim, cur ex. gr. ex pacto nudo solum repeti nequeat; ea est, quod repetenti clutura esset exceptio pacti, *d. l. 64. D. h. t.* Ubi ergo plane omnem

bentis, vel intercedentis, l. 40. D. h. t. & pupilli sine tutoris auctoritate promittentis, L. 41. D. hoc tit.

§. 58. Ex eodem patet ( 2. Recte condici, quod civiliter quidem debebatur, non autem naturaliter, e. g. si, quod metu promisi, solverim (a), L. 26. §. 3. 7. l. 40. l. 45. 56. D. h. t. multoque magis ( 3. Quod nec civiliter, nec naturaliter debebatur, l. 16. l. 29. l. 41. D. h. t. quale etiam est ( 4. Quod ab alio, quam qui debebat, vel alii, quam cui debebatur, solutum, L. 65. §. ult. D. l. 5. h. t.

§. 59. Quam denique obligatio hæc simplicissima sit ei, quæ ex contractu mutui nascitur ( §. 55. 3. ) consequens est ( 1. Ut hæc *condictio* sit actio stricti juris ( §. 11. ) §. 28. *Inst. de action.* ( 2. Ut quidem, si restituenda sit species (b) ejus etiam fructus, & accessiones peti possint; vel, si res extincta, ejus æstinatio, l. 7. l. 15. l. 18. §. 2. D. h. t. non tamen ( 3. Usuræ, si quantitas indebite soluta ( §. 10. 6. ) L. 1. C. h. t. Id quod hodie passim aliter se habere videtur ( §. 47. ) BACHOV. *ad Treutl. Vol. 1. Disp. XXII. 5. litt. D. E.*

§. 60. Quapropter *CONDICTIO INDEBITI* est actio personalis ( §. 54. ) stricti juris ( §. 58. 1. ) competens ei, qui naturaliter saltem indebitum ( §. 53. 4. ) ex errore facti ( §. 56. ) solvit, ejusve he-

exceptionem denegat jus civile, ibi plane nihil est, quo se tueatur reus, quamvis illi naturaliter debeatur, l. 60. pr. l. 40. D. h. t.

(a) Quamvis enim jure civili stricto hoc non videretur indebitum ( P. I. §. 467. ) tamen prætor ob æquitatem naturalem dederat restitutionem in integrum ( *Ibid.* §. 470. ). Quidni ergo & *condictio indebiti* daretur, quam si vel maxime exciperet reus, promissum ex metu jure civili stricto deberi, actor tamen tutus esset replicatione, nisi restituendus sit in integrum ob metum?

(b) Si alternative debens utramque speciem solvit, ejus electio erit, quam repetere velit l. 55. D. h. t. Aliter *ULPIANUS* l. 26. §. 13. D. h. t. sed cujus sententia rejecta l. penult. C. h. t. Quid si vero utraque soluta, alterutra periit, Tunc nec superstes condicitur, nec quæ periit, d. l. 32. D. h. t. quia debitor speciei specie extincta liberatur.

redi, adversus eum, qui ex ignorantia (a) accepit ( §. 54. ) ejusque heredem, ad restituendum, quod solutum est ( §. 59. ).

§. 61. Ex quibus omnibus reddi poterit ratio, cur tot modis cesset hæc conditio. Nec enim ( 1. Datur ob causam transactionis, jurisjurandi, & rei judicatæ, l. 26. §. 12. l. 65. §. 1. D. l. 1. C. h. t. §. 11. *Inst. de act.* quia pro veritate sunt. ( 2. Nec in causis, ex quibus lis inficiando crescit, §. 7. *Inst. de obl. quæ quasi ex contr.* quia, quod tunc solutum, transactionis causa solutum censetur. THOMAS Schol. ad HUB. *Praelect. ad Inst. Lib. III. tit.* 38. §. 12. nec ( 3. Si pietatis causa subest, l. 32. §. 2. D. h. t. quia sic sciens solvisse videtur ( §. 56. 1. ) aliud ( 4. Si actioni huic specialiter renunciatum, l. ult. §. 3. D. h. t. quia tunc ex errore renunciasse intelligitur. Vid. FRANG. DUAREN h. t. c. ult.

## TITULUS VII.

## DE CONDICTIONE SINE CAUSSA.

§. 62. *Conditio sine causa* quoduplex? §. 63. *De ea axioma.* §. 64. *Ejus exempla.* §. 65. *Conditionis sine causa descriptio.*

§. 62. **C**onditio sexta SINE CAUSSA modo generalis, & reliquarum veluti genus summum est, l. 1. pr. l. 3. D. h. t. l. 6. C. de cond. ob causam

(a) Si enim sciens dolo malo accepit, ipsa conditio furtiva locum habet l. 38. §. 1. D. de solut. l. 18. D. de cond. furt. Ceterum inde facile patet, ab actore probari debere & solutionem, & indebitum, quia neutrum præsumitur. Attamen si reus solutionem negavit, sufficit, si hæc probetur, l. 25. pr. D. de probat. Nec indebiti probatio exigitur a pupillo, minore, muliere, vel forte viro, perfectæ quidem ætatis, sed milite, vel agricultore, & forensium rerum experte, vel alias simplicitate gaudente, & desidiæ dedito. His enim agentibus reus ostendere debet, bene se accepisse pecunias, & debitas ei fuisse solutas, &, si non ostenderit, eas

dat. modo *specialis*, quæ datur, ubi reliquæ deficiunt, & æquitas tamen alterum cum alterius damno completionem fieri haud patitur (P. I. §. 362. 1.)

§. 63. Quotiescunque ergo nec ob causam futuram dedi, nec ob causam turpem, nec indebite solvi, & alter tamen rem meam sine causa possidet, toties eam repetere possum conditione sine causa.

§. 64. Unde ea recte experitur (1. Fullo, qui, amissis vestimentis, domino pretium restituit, si dominus vestimenta recuperavit, l. 2. D. h. t. (2. Debitor, cujus chirographum creditor adhuc habet, nomine jam expuncto, l. 1. C. h. t. (3. Mulier, quæ dotem numeravit, quum matrimonium sit nullum, l. ult. D. h. t. Quæ exempla satis ostendunt, & aliis perinultis casibus locum esse posse huic conditioni.

§. 65. Quare **CONDICTIO SINE CAUSSA** est actio personalis, competens ei, cujus res sine causa ab alio tenetur, contra eum, qui illam tenet sine causa, ad rem istam restituendam (§. 63.)

## LIBER XIII.

### TITULUS PRIMUS.

#### DE CONDICTIONE FURTIVA.

§. 66. *Condictio furtiva est rei persequutoria ex delicto.* §. 67. *Singularia hujus actionis.* §. 68. *Eorum ratio.* §. 69. *Conditionis hujus definitio, & de eâ axiomata.* §. 70. *Cui datur* §. 71. *Contra quos* §. 72. *An & contra heredes* §. 73. *Ad quid* §. 74. *Descriptio hujus actionis.* §. 75. *Quando cesset* §. 76. *Usus hodiernus.*

§. 66. **Septima** est **condictio FURTIVA**, quam ex delicto nasci, nempe ex furto, certissimum est,

redhibere, d. l. 25. 1. D. de probat. Qui pro parte tantum queritur, vel, debitum postea solutum esse, contendit, is merito probandi fert onus, l. 25. §. 2. D. de prob.

*l. 2. l. 3. l. 5. D. de conduct. furt.* Quam enim delictum sit factum illicitum, sponte admissum, quo quis & ad restitutionem, si fieri possit, & ad pœnam obligatur, (*Inst. §. 1033.*) idem & de furto dicendum. Itaque restitutio rei furtivæ *condictione furtiva*; pœna *actione furti* petitur (*Inst. §. 1061. seq.*)

§. 67. Enimvero multa singularia, hæc actio habet. Nam præter naturam, & indolem juris hic dominus rem suam condicit, vel actione personali petit, §. 4. *Inst. de action.* Deinde vix ratio succurrit, cur, quum rei vindicatio, & actio ad exhibendum, in mundo sit domino, ei & condictio furtiva data sit? Denique hæc actio ex maleficio est, & tamen nec infamat, *l. 36. D. de oblig. & act.* & adversus heredes datur, *l. 9. D. h. t.*

§. 68. Sed præterquam quod odio furum aliquid ἀνέμικτον recipi potuit, §. 14. *Inst. de act.* non sane supervacua videri debuit actio, quando nondum receptum fuerat, ut rei vindicatio & adversus eos, qui dolo possidere desierant, daretur (*P. II. §. 87. 1.*); nec porro æquum videbatur, ut famosa esset hæc actio, quia est rei persecutoria, *l. 36. D. de oblig. & act.* & contra heredes dabatur, & fur actione furti conventus, existimationis faciebat jacturam. Denique heredes conveniri, vel ideo non erat absurdum, quod rei restitutio & ex bonis peti possit, (*Inst. §. 1274.*) §. 6. *Inst. de leg. Aquill.*

§. 69. Ex his itaque patet, condictionem furtivam esse actionem ex delicto (*l. 21. §. 5. D. de act. rer. am.*) personalem, rei persecutoriam, *l. 7. D. h. t.* qua dominus rem, sibi furto ablatam, a fure, ejusve herede, dari sibi oportere intendit. Unde axiomata. I. Dominus hic condicit rem suam, §. 14. *Inst. de act.* II. Condicit eam ex bonis furis.

§. 70. Quum itaque dominus condicat rem suam (§. 69. 1.) consequens est (1. Ut hæc condictio competat & veris dominis, *l. 1. D. h. t.* modo rem possederint (unde legatariis non competit, *l. 11. D. h. t.*) nec rem ablatam alienarint, *l. 10. §. 1. D. eod.* & (2. lis, qui ratione furis pro dominis haberi possunt, veluti b. f. possessoribus, *l. 136. de*

reg. jur. & tutoribus, nomine pupilli acturis, *L. 56. §. pen. D. de furt.* ( 3. Ut aliud jus in re, præter dominium, non sufficiat, nisi incertum condicatur, veluti possessio, vel quod interest, *L. 12. §. ult. D. h. t. l. 25. §. 1. D. de furt. l. 22. D. de pign. act.* ( 4. Ut multo minus condictionem habeat, omni plane jure in re furtiva destitutus veluti commodatarius, depositarius, &c. *L. 14. §. 16. D. de furt.* ( 5. Ut merito & heredi competat hæc conditio, *L. 11. D. h. t.*

§. 71. Quinque res condicatur ex bonis furis ( §. 69. 2. ) sequitur sane ( 1. Ut contra furem ipsum detur conditio, sive possideat, sive possidere desiderit sine dolo, quum fur semper in dolo & mora sit, *L. 8. D. h. t. §. ult. Inst. de obl. quæ ex delict.* ( 2. Et utiliter institui possit contra prædonem, & raptorem, *L. 10. §. 1. D. h. t. qui & ipsi fures improbi pr. Inst. de vind. bon. rap. non autem* ( 3. Contra eos, quorum ope, & consilio furtum factum est, *L. 5. l. 6. D. h. t.* ( 4. Ut, si plures furtum fecerint, adversus singulos competat in solidum; sed ita, ut uno solvente reliqui liberentur, *L. 1. C. h. t.*

§. 72. Ex eodem patet ( 5. Condictionem quidem dari etiam adversus heredes, *L. 2. l. 5. l. 7. §. 2. D. h. t. §. 19. Inst. de obl. quæ ex del. sed non, nisi in quantum ad eos pervenit, l. 44. D. de reg. jur. l. un. C. ex delict. def. in quant. hered. conc. Adh. JAC. GUJAC. Obs. VII. 37. XII. 39. MARC. LYCLAM Membr. I. 18. PAGENST. Sicilim. manip. l. 30. p. 39. & Aphorism. Lib. IV. §. 10. p. 368. ( 6. Unum heredem ex asse in solidum; plures pro rata teneri, *L. 9. D. h. t.**

§. 73. Denique inde etiam inferendum ( 7. Furem conventum aut rem cum omni causa restituere, *L. 7. §. 1. l. 8. D. h. t.* aut ( 8. Aestimationem quanti unquam res plurimi fuit, præstare teneri, *L. 8. §. 1. l. 13. l. ult. D. h. t.* ( 9. Eam condictionem vel CERTI, vel INCERTI; esse posse *leg. 12. §. 2. D. h. t.*

§. 74. Quare CONDUCTIO FURTIVA CERTI datur domino, vel ei, qui domini loco habetur; INCERTI, cuicumque, qui jus in re habet, corumque

heredibus ( §. 70. 3. ) contra furem , vel plures in solidum ( §. 71. 1. ) ejusve heredes , quatenus ad eos pervenit ( §. 72. 5. ) ad rem furtivam cum omni causa restituendam , præstandamve æstimationem , quantum unquam res plurimi fuit ( §. 73. 8. )

§. 75. Ex quo etiam patet , cessare hanc conditionem ( 1. Si dominus res furtivas alienaverit ( §. 70. 1. ) l. 10. §. 2. l. 11. l. 12. D. h. t. ( 2. Si jam vel rem , vel ejus æstimationem receperit , l. 10. l. 14. D. h. t. est enim rei persecutoria ( §. 69. ( 3. Si eandem recipere , sine justa causa , recusaverit , l. 8. D. l. 2. C. h. t. nemo enim sanus litigando petit , quod sponte alter offert. ( 4. Si obligatio ex furto per novationem sublata sit , l. 17. D. h. est enim ex furto ( §. 66. ) .

§. 76. Et hæc quoque conditio hodie rarius in foro occurrit , partim quod , si res apud furem exstat , ea illi sine strepitu judicii eripitur ; partim quod ex principiis juris veteris Germ. heredes furis non tenentur ex delicto defuncti . SCHILT. *Exerc. XIX. 74.* Accedunt alia principia , passim recepta , veluti , quod fur laqueo & reipublicæ , & domino satisfaciat . CARPZ. *Part. IV. constat. 32. def. 22.* quod res furtiva , intra annum , & diem non vindicata , fisco cedat . SCHILT. *Exerc. XXIV. 34. seq.* quod domino in bonis furis competat tacita hypotheca , Id. §. 49. Sed longa hæc fabula , quam jam alii perpohiverunt satis .

## TITULUS II.

### DE CONDICTIONE EX LEGE.

§. 77. *Conditionis ex lege fundamentum.* §. 78. *Ejus natura.* §. 79. *Et exempla.* §. 80. *Ejus descriptio, & usus.*

§. 77. **E**n octavam conditionem EX LEGE, quæ nascitur ex quavis Obligatione , lege nova introducta , si eadem lege cautum non sit , quo genere actionis experiamur , l. un. D. h. t. eam competere , l. si obligatio nova lege introducta sit ( nam , si eam præ-

tor introduxit, actio IN FACTUM adpellatur, l. 11. *D. de præscr. verb.*) 11. Si eadem lege genus actionis non sit expressum.

§. 78. Ex priore axiomate sequitur ( 1. Ut sit actio personalis, quia ex obligatione nascitur. Ex posteriore ( 2. Ut sit subsidiaria, adeoque illi locus sit, quotiescunque ex nova lege nec nomen, nec genus actionis eruitur.

§. 79. Itaque datur conditio ex lege, quoties agitur ( 1. Ex pacto legitimo ( P. I. §. 355. \* ), l. 30. *D. de usur. l. 35. §. ult. C. de don. l. 6. C. de dot. prom.* ( 2. Ad supplendam legitimam ( P. II. §. 56. 3. ) l. 30. & t. 35. §. 2. *C. de inoff. test. Nov. CXV. cap. 5.* ( 3. Ad revocandam donationem, supra modum factam, l. 21. *D. de donat.* ( 4. Ad pretium repetendum ab eo, qui rem alienam, bona fide possessam, vendidit, & ex ea re factus est locupletior, l. 32. *D. de reb. cred.* ( 5. Ad repetendam pecuniam ab eo, cujus nomine alteri erranti solvitur, l. 32. *D. eod.* Ut similia exempla taceamus.

§. 80. Quum itaque sit actio personalis, quæ datur ei, cui quis ex nova lege obligatur ( §. 77. ) contra eum, qui obligatus est, ejusve heredes ( nisi ad pœnam ex delicto quis obligatus sit ) ad præstandum, quod nova lex jubet; facile patet, ejus usum esse frequentissimum, & quotidie novos casus occurrere posse, ubi ad hanc conditionem confugiendum sit. Quin quum & mores pro lege sint ( P. I. §. 102. 3. ) non absurde a JCtis commendatur conditio EX MORIBUS, STRUV. *Exerc. XVIII. 51.* SCHILT. *Ex. II. 20.*

### TITULUS III.

#### DE CONDICTIONE TRITICIARIA.

§. 81. *Condictio triticiaria cur inventa?* §. 82. *De quibus rebus detur?* §. 83. *Ad quid?* §. 84. *Ejus descriptio, & usus.*

§. 81. **N**ova hæc conditio TRITICIARIA viris etiam doctissimis ingenuam ignorantie suæ confessio-



nem extorquet. Vid. NOODT. *Comment. Pand. h. t. p. 305.* Id tamen hodie per nebulam videmus, eam esse inventam ad æstimationem rei debitæ, justoque tempore non præstitæ, pro ratione loci, & temporis consequendam, *L. pen. D. h. t.*

§. 82. Quam itaque ad æstimationem rei debitæ comparata sit (§. 81.) facile patet (1. Eam dari de rebus omnibus cujuscunque generis, non autem (2. De pecunia numerata, quæ æstimationem pro ratione loci, & temporis non recipit; sed unam potestatem, ac valorem habet, *l. 1. D. h. t. l. 3. De eo, quod cert. loc. l. 1. D. de contr. emt.* (3. Nec interesse, nostra res sit, an aliena, corporalis, an incorporalis, mobilis, an immobilis, modo nobis certo debeatur, *l. 1. pr. §. 1. l. 2. D. h. t.*

§. 83. Quumque æstimatio facienda sit pro ratione loci, & temporis (§. 81.) consequens est (1. Ut, si tempus non adjectum, nec mora commissæ sit a debitore, æstimatio fieri debeat secundum pretium, quod res habuit tempore initi contractus, *L. 22. D. de reb. cred. pr. Inst. quib. mod. re contr. obl. l. 99. D. de solut.* (2. Ut, si die certo præstanda erat res, æstimatio fieri debeat secundum tempus solutionis, nec mora commissæ, ordinarie crescat æstimatio, *l. 22. D. de reb. cred. l. ult. D. h. t. l. 37. D. mand. l. 22. D. de oblig. & act. l. 59. D. de verb. obl. l. 11. D. de re jud.* (3. Ut, mora commissæ, omne emergens damnum ferat debitor usque ad sententiam latam, *l. 3. D. h. t. l. 2. §. 3. D. de act. emt. l. 8. §. 1. D. de cond. furt. l. 12. §. 1. D. si quis caut. in jud. sist.* præterquam; si actor in litem jurarit, quia tunc in b. f. judiciis quidem idem manet terminus usque ad tempus sententiæ; in judiciis stricti juris usque ad litis contestationem, *l. 32. §. 2. D. commod.* Rem, multis involutam tricis, optime expedivisse videtur A. A. PAGENSTECH. in *Diss. ad l. 22. D. de reb. cred. §. 5. seq.*

§. 84. Quare conditio triticiaria, & tritico, tamquam nobilissimo mercium genere, vel a primis editi verbis dicta, est actio personalis, arbitraria, *l. penult. & ult. D. h. tit.* competens ei, cui res quali-

scumque, præter pecuniam (§. 82. 2.) debetur, contra debitorem, ejusve heredem, non solventem, ad præstandam pro loci, temporisque ratione rei istius æstimationem. (§. 83.) Ex qua descriptione patet, usum hujus conditionis, in foris vere esse frequentissimum, quamvis ejus nomen forte non audiat, & non ubique observentur istæ juris Romani subtilitates, de quibus superiore paragrapho diximus. Vid. SCHILT. *Exerc. XXIII.* 65. HUBER. *Præl. Pand.* h. t. §. 13.

## TITULUS IV.

### DE EO, QUOD CERTO LOCO DARI OPORTET.

§. 85. *Hac conditione non opus erat, si debebatur quid ex contractu b. f. §. 86. Sed si quid certo loco dandum ex contractu stricti juris. §. 87. Est illa adjectitiæ qualitatis. §. 88. De ejus natura axiomata. §. 89. Quando, & contra quem datur? §. 90. Ad quid? §. 91. Conditionis hujus descriptio. §. 92. Quando cesset? §. 93. Usus hodiernus.*

§. 85. **D**ecima conditio est DE EO, QUOD CERTO LOCO, qua opus erat ob discrimen contractuum *bonæ fidei*; & *stricti juris*. Si enim certo loco aliquid præstandum erat ex contractu b. f. idque ex loco non præstabatur, opus non erat hac conditione, quia pactum, contractibus b. f. in continenti adjectum, producebat actionem ex ipso contractu, cui adjectum erat (P. I. §. 356.), l. 7. pr. D. h. t. & iudici tunc erat facultas ex bono, & æquo æstimandi, quod alter alteri dare, facere, deberet (*Inst.* §. 1185.).

§. 86. Contra ea, quum pactum, contractui stricti juris adjectum, exceptionem quidem, at non actionem produceret (P. I. §. 356.) nec iudex hic quidem, extra id, de quo convenerat, arbitrari posset; pop poterat sane, arbitrator, qui Ephesi se soluturum

promiserat, Romæ conveniri in foro domicilii (a), nec actio prodita erat creditori adversum debitorem, nisi is Ephesium veniret. Quo ipso, quia data opera obligationem eludere poterat debitor, prætor merito hanc condictioem introduxit. *L. 1. D. h. t.*

§. 87. Ea vero non est condictio specialis, sed adjectitiæ qualitatis. Quemadmodum enim creditor contra debitorem, Ephesi solvere obligatum, Ephesi agit *condictione certi ex mutuo, ex stipulatu, actione de constituta pecunia*; ita extra Ephesium cum debitore agit *ex mutuo, stipulatu, constituta pecunia, de eo, quod certo loco*.

§. 88. Ex quo patet: I. Actionem hanc instituentam in loco domicilii, eumque solum intelligi in *L. 43. de judic. (b)* II. Ea a debitore peti non modo, quod alio loco soluturum promisit; sed & quod interest, illo loco solutum non esse. *L. 2. pr. §. 1. D. l. un. C. h. t.*

§. 89. Ex posteriore axiomate fluit (1. Agi hic de re, certo loco non data, non de facto, certo loco non præstito (c), §. ult. *Inst. de verb. obl. l. 13. D. de re judic. (2. Ut actioni locus sit, si non datum, quod ex qualicumque contractu stricti juris debebatur, L. 2. §. 1. l. 5. l. 6. l. 7. §. 1. D. h. t. l. 16. D. de const. pec. (3. Ut mora debitoris noceat & heredi, & fidejussori; sed huic eatenus, ut obligatio ejus perpetuetur, non ut augeatur, L. 8. D. h. t.*

§. 90. Nec minus inde inferimus (4. Judicem ex

(a) Partim, quia Romæ soluturum numquam promiserat, sed Ephesi, partim; quod ejus actioni procul dubio obstitisset exceptio pluris petitionis ratione loci §. 33. *Instit. de action.*

(b) Non apud hic ambagibus: Nec foro *contractus* hic locus est; quia ibi agitur ex stipulatu, vel mutuo, sine adjectione *quod certo loco* (§. 87.), nec *foro delicti*, vel *rei sitæ*: quia hic nec ex delicto agitur, nec actione in rem, nec foro *prorogata jurisdictionis*; quia hic queritur, ubi reus possit invitus conveniri. Ergo in foro domicilii agendum. Add. STRUV. *Exerc. 18. 69.*

(c) Factum enim si alio loco præstaretur, non esset idem factum *l. 2. §. 5. D. h. t. l. 115. D. de verb. oblig.* Ita recte subtilem veterum philosophiam expressit. HUB. *Præl. ad Dig. h. t. §. 6.*

actione principali condemnare reum, ut solvat, quod promisit, *l. 1. l. 8. D. h. t. ex adjectitia autem ejus qualitate* (§. 5. Arbitrari, quantum vel actoris intersit, pecunia in loco constituto non esse solutam, *l. 2. pr. §. 1. l. 3. D. l. un. C. h. t. vel rei, illam ibi non esse acceptam* (a), *L. 2. pr. D. h. t.*

§. 91. Est itaque hæc actio prætoriana (§. 86.) personalis, adjectitiæ qualitatis (§. 87.) arbitraria (§. 90.) instituenda in loco domicilii (§. 88. 1.) ab eo, cui certo loco ex contractu stricti juris dandum erat, ejusve herede, contra illum, qui non solvit, ejusve heredem, vel & fidejussorem (§. 89. 3.) & contra illum quidem ad solvendum, quod debebat, præstandumque, quod interest (§. 90.) contra hunc autem, quantum debitor principalis debebat (§. 89. 3.)

§. 92. Cessabit itaque hæc actio (1. Si actor plane in mora non fuerit, veluti pecuniam, in loco a se oblatam, depositam, vel statim solvendam, dicat *L. 4. §. 1. D. hoc tit.* (2. Si debitoris sit arbitrium, quo loco solvere velit (b), *L. 2. §. 2. 3. 4. D. h. t.* (3. Si creditor pecuniam post moram sine protestatione acceperit, quia sic remisisse videtur debitori, quod intererat, *L. ult. in fin. D. h. t.*

§. 93. Ceterum, postquam hodie discrimen illud contractuum b. f. & stricti juris, cui hæc conditio originem debet (§. 85.) fere ubique exolevit, vel,

(a) Ita intelligendam puto hanc legem; neque placet interpretatio LAUTERBACHII, qui rei etiam rationem habendam putat, licet in mora fuerit.

(b) His legibus ita cautum. Aut quis promisit copulativa propositione: *Ephesi, & Capua centum*, aut disjunctim. Priore casu divisa est obligatio; adeoque pars Ephesi, pars Capuz præstanda, *l. 2. §. 5. D. h. t.* Posteriore disjunctim mentio fiet, aut diversorum locorum: *Ephesi, aut Capua centum*; aut diversarum rerum: *Stichum aut centum dabo Ephesi*; aut rerum, locorumque simul: *Ephesi decem, aut Capua servum dabo*. Et tunc in prima specie debitoris optio est, ubi velit solvere; at eo non solvente, creditor arbitratur, utrobi eum convenire malit, *l. 2. §. 3. D. h. t.* Idemque obtinet in specie ultima *l. 2. §. 2. 3. D. h. t.* In secunda debitor optat, Stichum an centum dare velit *l. 2. §. 3. D. h. t.*

quia illud, ut rectius dicamus, numquam receptum est. (P. I. §. 365.) facile patet, hodie sine illa qualitate adjectitia agi posse ex quocunque contractu, ad id, quod interest, loco constituto rem datam non esse. SCHILT. *Exerc. XXIV.* 63. *seq.*

## TITULUS V.

## DE PECUNIA CONSTITUTA.

§. 94. *Quid constituere?* §. 95. *Constitutum primum leges probarunt in argentariis.* §. 96. *Prætor etiam in aliis personis.* §. 97. *Constituti definitio.* §. 98. *De eo axiomata.* §. 99. *Quis constituere possit?* §. 100. *Quomodo?* §. 101. *Quid?* §. 102. *Actionis constitutorie qualitates, ex receptitia orta.* §. 103. *Ejus descriptio.* §. 104. *Usus hodiernus.*

§. 95. **U**ndecima superest conditio CONSTITUTORIA. Est autem CONSTITUERE, convenire de certo die, vel tempore, quo aliquid fiat: Hinc constitutum CICERONI *pro Cæc. cap. 7.* dicitur dies, ad quem litigantes privatim disceptare decreverint. *Ad constitutum idem est, ac die, conventionem definito, CIC. Epist. ad Att. XI. 1.* itaque pecuniam constituere, est conventionem definire diem, quo die pecunia, nobis, aliisque debita, solvenda sit. GRONOV. *Obs. I. 1.*

§. 95. Jam facile est ad intelligendum huiusmodi constitutum, nisi stipulatio accesserit, nullam produxisse obligationem (P. I. §. 351.). Et tamen frequentissime eveniebat inter argentarios, ut absentes promitterent absentibus, pecuniam, vel rem quamvis, Romæ debitam, certo die Ephesi datum iri: adeoque stipulatio huic constituto accedere haud posset. Hinc utilitatis causa placuit, validam esse huiusmodi pactionem argentariorum, & inde dari actionem RECEPTIAM modo verbis civilibus, & solemnibus, licet non per stipulationem, iniretur, L. 2. C. h. t. THEOPH. *ad §. 8. Action. SALMAS. de modo usur. cap. 16.*

§. 96. Hoc exemplum imitatus prætor & ad alias personas hoc prodaxit, & grave putans, fidem, maxime iterum datam, fallere, edixit: *qui pecuniam debitam constituerit, eum adveniente die solvere debere, sique adpareat, eam neque solvisse, neque facisse, neque per actorem stetisse, quo minus fieret, quod constitutam sit, eamque pecuniam quam constitueretur, debitam fuisse, adversus eum de pecunia constituta se actionem datam, L. 1. §. 1. l. 16. §. 2. l. 18. §. 1. l. 25. D. h. t.* Denique Justinianus actionem receptitiam sustulit &, si quid plenius ei inesset, in actionem constitutoriam transtulit, *L. 2. pr. C. h. t.*

§. 97. Quare CONSTITUTUM nihil aliud est, quam pactum prætorium (P. l. §. 355.) quo quis spondet extra stipulationem, se soluturum, quod ipse, vel alius debet. Ita fere CUJAC. in *Paratitl. h. t.* nisi quod parum commode id pactum pro contractu vendidit, quem sequitur A. A. PAGENST. *Aphorism. IV. §. 53. p. 424.*

§. 98. Inde ergo axiomata: I. Constitutum est pactum, cui prætor adsit. II. Ejus virtus oritur ex promisso geminato. III. Quidquid in receptitia actione fuit plenius, id in constitutoriam actionem translatum est.

§. 99. Quam itaque constitutum sit pactum (§. 98. 1.) consequens est (1. Ut constituere possit, quicumque potest pacisci (P. l. §. 367. seq.) l. 2. §. 2. l. 14. l. 15. D. h. t. adeoque (2. Et mulier, modo non pro aliis constituat in fraudem SC. Vellejani, *L. 1. §. 1. D. h. tit. pr. D. ad SC. Vell.* nec non (3. Filius familias, *L. 1. §. 3. D. h. t.* (4. Ut contra non possit pupillus, sine tutoris auctoritate, *h. l. §. 2. D. h. tit.* (5. Ut & hoc pactum nec prosit tertio, nec obsit (P. l. §. 370. 4.) adeoque neque constituere ego possim, alium soluturum, *l. 5. §. 4. D. h. t.* nec mihi recte constituantur, alii solutum iri, *L. 5. §. 5. D. h. t.* (6. Ut quidem non possim mihi, aut Titio stipulari; solutionem tamen in me, aut Titium recte conferam, *L. 7. §. 1. l. 8. l. 9. l. 10. D. h. t.*

§. 100. Deinde, quum huic pacto adsistat prætor

( §. 98. 1. ) consequens est ( 7. Ut nec stipulatio requiratur, nec ulla solemnitas, adeoque ( 8. Etiam inter absentes per nuncium, vel per epistolam iniri possit, l. 5. §. 3. l. 14. §. ult. D. h. tit. modo ( 9. Non constituatur impersonaliter. *Auth. si quando C. de const. pes.*

§. 101. Quumque constituti virtus sit ex pacto geminato ( §. 98. 2. ) consequens est. ( 1. Ut possim & pro me, & pro alio, constituere, l. 5. §. 2. D. h. t. ( 2. Ut hoc casu quodammodo similis sim fidejussori; adeoque & iisdem beneficiis gaudere, l. ult. C. h. t. Nov. 3. cap. 1. ( 3. Ut constitutum semper ponat debitum qualecumque, l. 2. §. 6. D. h. t. si-ve naturale sit, si-ve civile, si-ve mixtum, modo civile non excludatur exceptione prætoriam, L. 1. §. 7. g. l. 3. §. 1. D. h. t. ( 4. Ut constitui etiam possit, quod in diem; & sub conditione debetur, l. 3. §. 2. l. 4. l. 5. pr. §. 1. D. h. t. ita tamen, ut in eundem diem, vel sub eadem conditione constitutum intelligatur, L. 19. pr. D. h. t. ( 5. Ut, quamvis aliud pro alio volenti creditori constitui possit, e. g. frumentum pro pecunia debita ( 6. Non tamen constitutum valeat, si vel extra, vel supra debitum factum sit, L. 11. seq. D. l. 2. pr. D. h. t. ( 7. Ut constitutum actionem prædrem ex debito non consummat; adeoque non fiat novatio (a), L. 18. §. ult. l. 28. D. h. t.

§. 102. Denique, quum Justinianus, quod plenius erat in actione receptitia, in constitutoriam transtulerit ( §. 98. 3. ) sequitur ( 1. Ut jure nove actio constitutoria ad res omnes, mobiles, & immobiles, jura, & quantitates, & quæcumque in patrimonio sunt, pertineat, l. 2. C. h. t. quum olim prætor in edicto tantum per pecuniam intellexisset res, quæ numero, mensura, & pondere constant, d. l. 2. pr. C. h. tit. ( 2. Ut constitutum & pure fiat jure novo, quum vetere jure fieret tantum in diem, L. 2. D. hoc tit.

(a) Itaque PAULUS Apostolus in *Epistola ad Philemonem* non constituit, quod visum HUG. GROTIJ. & SCIP. GENTILIJ in *Comment. ad hanc Epist.* sed expromisit. Vid. ZACH. HUBER. *Diss. de chirograph. Pauli.*

(3. Ut actio constitutoria hodie omni causis sit perpetua, secus ac olim, *L. 2. C. h. t.* Add. HERM. VULTEJ. *Comment. ad §. 8. Inst. de act. n. 4. 5.*

§. 103. Itaque actio de PECUNIA CONSTITUTA, §. 8. 9. *Inst. de act. vel CONSTITUTORIA, l. 20. D. h. t.* est actio prætoria (§. 96.) personalis (§. 98. 1.) perpetua (§. 102. 3.) competens creditori, ejusve heredi, adversus eum, qui constituit, se soluturum, ejusve heredes (§. 99. *seq.*) ad solvendum id, quod constitutum est (§. 101.) vel præstandum, quod interest (§. 102. 1.), *L. 14. §. 2. D. h. t.*

§. 104. Enimvero quum hodie inter pactum nudum, & stipulationem nihil intersit, omneque pactum deliberatum actionem producat (*P. l. §. 374.*) pactum geminatum ejusdem erit effecti, ac simplex, & qui pro alio constituit, vere erit fidejussor; adeoque non adeo magnus est hujus actionis usus in foris nostris, HUB. *Præl. ad Inst. l. 4. t. 6. §. 13.*

## TITULUS VI.

### COMMODATI, VEL CONTRA.

§. 105. *Ratio ordinis.* §. 106. *Quid commodatum?* §. 107. *De eo axiomata.* §. 108. *Ad quem usum commodatur?* §. 109. *Quid commodari possit?* §. 110. *Obligatio commodatarii.* §. 111. *Et commodantis.* §. 112. *Transitio ad doctrinam de præstatione damni.* §. 113. *Damnum quotuplex?* §. 114. *Axiomata de dolo.* §. 115. *De casu.* §. 116. *Quotuplex culpa?* §. 117. *Fundamentum præstantioris diligentie.* §. 118. *De ea axiomata.* §. 119. *Quantum culpa in commodato præstanda?* §. 120. *Actio commodati.* §. 121. *Directa.* §. 122. *Et contraria.*

§. 105. **H**actenus undecim conditiones, de quibus prætor post conditionem certi ex mutuo edixisse videtur. Revertimur ad *res creditas*. In creditum iri diximus non inodo *mutuo*, sed & aliis contractibus (§. 1.) ex quibus inter reales proximus est COM-



MODATUM, nec cum *locatione conductione*, nec cum *mutuo*, nec cum *precario* confundendum (a).

§. 106. Est enim COMMODATUM contractus realis (P. I. §. 361. \*) quo res non fungibilis alicui gratis ad certum usum ita traditur, ut, finito usu, eadem in specie restituatur.

§. 107. Inde axiomata: I. Commodatum fit ad certum, & definitum usum. II. Res commodata restituenda in specie. III. Contractus hic præcipue commodatarii gratia initur.

§. 108. Quum itaque commodari soleat ad certum, & definitum usum (§. 107. 1.) consequens est (1. Ut enim definire sit commodantis (2. Ut, usu nondum finito, res revocari nequeat, l. 7. §. 3. D. l. 3. C. h. t. nisi dominus improvise casu in eum statum veniat, ut sine ingenti incommodo re sua carere non possit. Arg. l. 3. C. locat. (3. Ut commodatarius re aliter uti non debeat, quam commodans velit, vel si aliter utatur, furtum usus committat, l. 5. §. 8. D. h. t. §. 6. Inst. de oblig. quæ ex delict.

§. 109. Quia deinde commodata res restituenda in specie (§. 107. 2.) non sane obscurum est (1. Commodari posse res non fungibiles omnes, corporales, ac incorporales, mobiles ac immobiles, proprias, & alienas, eatenus ut commodari actio nascatur. l. 1. §. 1. l. 15. l. 16. D. h. t. (2. Non tamen hunc contractum cadere in res, quæ usu absumuntur, nisi forte ad pompam, vel ostentationem. l. 1. §. ult. l. 4. D. h. t.

§. 110. Ex eodem axioma inferendum (3. Commodatarium rem cum cura custodire, adeoque & dolum, & culpam præstare debere. (4. Eundem, ferre debere impensas modicas ad rem conservandam

(a) Recte apud ULPIANUM observavit LABEO, inter *commodatum*, & *utendum datum*, tantum interesse, quantum inter *genus*, & *speciem*. l. 1. D. h. t. Aut enim *utendum* aliquid damus *gratis*, aut *pro certa mercede*. *Gratis* autem damus *rem fungibilem*, eamque vel *ad definitum usum*, ut in COMMODATO; vel *ad libitum concedentis*, ut in PRECARIO. Sin pro certa mercede res non fungibilis utenda datur, erit LOCATIO CONDUCTIO.

factas, l. 18. §. 2. *D. h. t.* itemque ( 5. In communi periculo res commodatas propriis præferre, L. 5. §. 4. *D. h. t.* ( 6. Plures commodatarios teneri pro rata, l. 21. *fin. D. h. t.* nisi commodans singulorum fidem in solidum sequutus sit, idque ex conventionione pateat, quo casu singulos teneri in solidum, L. 9. *D. de duobus reis*, l. 5. §. ult. *D. h. t.* ( 7. Heredes etiam conveniendos pro rata, nisi unus rem possideat, L. 3. §. 3. *D. h. t.*

§. 111. Quum vero commodatum ineatur præcipue commodatarii gratia ( §. 107. 3. ) consequens est ( 1. Ut & commodans non debeat, re commodata alteri, damnum inferre, quamvis minus culpæ præstet, quam commodatarius. ( 2. Ut, si in utriusque commodum vergat commodatum, par etiam sit utriusque obligatio, L. 8. *pr. D. h. t.* ( 3. Ut, si in gratiam sui ipsius quis commodet, is ad majus obligatus sit, quam commodatarius, L. 10. §. 10. *D. hoc tit.*

§. 112. Quandoquidem itaque & commodans, & commodatarius, dampnum sarcire debet, nec tamen eodem modo ( §. 110. 1. §. 111. 1. *seq.* ) idque etiam in aliis contractibus, qui speciei restitutionem exigunt, contingit; ejus rei principia semel hic proponere juvabit exemplo aliorum.

§. 113. Dampnum contrahenti dat contrahens aut *ἡ καὶ ἀπορίστω*, vel consilio pravo, quod vocamus DOLUM: aut ex negligentia, & socordia, quam CULPAM adpellamus; aut denique per eventum, a divina providentia profectum, & cui resisti nequit, quem CASUM dicimus.

§. 114. De DOLO res clara est. Quum enim is nullatenus possit exensari, notandæ sunt duæ regulæ, vel axiomata. I. Dolus in omni contractu præstandus est, nec conveniri potest, ut ne dolus futurus præstetur, L. 23. *D. de reg. jur.* II. In contractibus, in quibus præcipue amici fidem sequimur, dolus infamia punitur, L. 1. *D. de his, qui not. inf. CIC. pro Q. Rosc. c. 6. pro Sex. Rosc. cap. 40.*

§. 115. Nec magis obscurum est, quid de CASU sit sentiendum. Quia enim illi resisti non potest, ICI tenent axioma: III. Casum sentit dominus, eum-

quæ nemo præstat, nisi eam speciali conventionē in se receperit (a), *L. 23. D. de reg. jur.*

§. 116. At de GULPA est paullo difficilior dispectio. Ejus enim infiniti gradus esse possunt. Quia tamen alii sunt patres familias *Argo oculatiores*, & ad res suas attentissimi, qualis fere ille apud PLAUTUM *Euctio*; alii *frugales* quidem, nec tamen sordidi, qualis apud NEPOTEM *T. Pomponius Atticus*; alii denique discincti, & prodigi, qui nullam rerum suarum curam animum subire patiuntur; hinc qui istorum diligentiam non imitantur, culpam LEVISSIMAM; qui illorum, LEVEM, qui ne horum quidem, LATAM committere dicuntur (a), *L. 18. D. h. t. l. 32. D. de pos. l. 213. §. 1. l. 223. D. de verb. signif.*

§. 117. Jam in metienda uniuscujusque culpa, & obligatione eandem præstandi æstimanda, JCTi præcipue solent dispicere, uter ex quoque contractu commodum, uter incommodum maxime percipiat. Illum enim ad majorem, hunc ad minorem diligentiam obstrictum esse, æquissimum videtur. Unde per se patet, ubi utriusque commodum, incommodumque esse constat, parem quoque ab utroque diligentiam merito esse exigendam, *L. 5. §. 2. D. h. t.*

§. 118. Ex his jam facile intelliges axiomata. IV. In contractibus, in quibus penes alterum omne com-

(a) Addunt vulgo, *nisi in mora sit*. Sed qui in mora est, in culpa hæret; adeoque non tam casum, quam culpam suam, præstat.

(a) Nec tamen semper ita loquuntur veteres. Culpam LEVISSIMAM ubi præstandam dicunt, plerumque ajunt, præstandam esse *diligentem*, vel *custodiam*. *L. 5. §. 1. D. h. t. l. 23. D. de reg. jur. l. 13. §. 1. D. de pign. act. l. 47. §. penult. D. de legat. 1. LEVEM* frequentissime vocant *culpam*, *l. 5. §. 2. D. h. t. l. 23. D. de reg. jur.* & ibi JAC. GOTHOFREDUS: *negligentiam, desidiam, & segnitiam*, *l. 72. D. pro soc. §. ult. Inst. cod. §. 3. Inst. quib. mod. re contrah. obl.* Culpam denique LATAM vocant *dissolutam, crassam, magnam, laxiorem*, *L. 55. D. de edil. edict. 226. D. de verb. signif. l. 53. D. de pos.* Aliquando eandem & sub doli vocabulo comprehendunt. *§. 3. Inst. quib. mod. re contrah. oblig.*

modum, penes alterum incommodum est, ille ordinarie culpam etiam LEVISSIMAM, hic latam tantum præstat. V. Ubi par utriusque contrahentis commodum, atque incommodum est, ab utroque culpa LATA, & LEVIS præstanda est. VI. Qui sua sponte se contractui obtulit, vel obligationem suscepit, in qua personæ industria summa requiritur, quamvis solum incommodum sustineat, tamen ad diligentiam exactissimam tenetur, *L. 8. §. ult. D. ad leg. Aquill.* VII. Qui alteri rem ultro obtulit, ab altero precario utendam, non nisi latæ culpæ præstationem exigere potest. VIII. Qui socii industriam eligit, vel ex societate non discedit, eam socii diligentiam in re communi æqui, bonique debet consulere, quam ipse adhibere solet in propria, §. 9. *Inst. de societ. l. 25. §. 16. D. de fam. ercisc.*

§. 119. Sed ut e diverticulo redeamus in viam, ex his regulis patet ( 1. Commodatarius ordinarie præstare culpam, etiam levissimam, *l. 5. §. 5. D. h. t. §. 2. Inst. quib. mod. re contr. obl. commodantem*, non nisi latam (§. 118. 4.) *d. l. 5. §. 2. D. h. t.* ( 2. Si in utriusque gratiam commodatum (§. 110. 2.) culpam levem ab utroque præstandam esse (§. 118. 5.), *l. 18. D. h. t.* ( 3. Si commodans in sui tantum gratiam commodavit (§. 111. 3.) eum non nisi culpæ latæ præstationem exigere posse (§. 118. 4.), *l. 5. §. D. hoc habituale.*

§. 120. Quum itaque commodatarius ex hoc contractu absolute, & ab initio; commodans secundum quid, & ex post facto obligetur, non potest non & duplex actio inde nasci, quarum altera DIRECTA, altera CONTRARIA adpellatur ( *P. I. §. 364. \** ). Et quia utraque ex contractu nominato est, ipsa quoque utroque casu vocanda erit ACTIO COMMODATI ( *P. I. §. 360. \** ).

§. 121. Actio commodati DIRECTA est civilis, personalis, bonæ fidei ( *P. I. §. 365.* ) competens commodanti, ejusve heredibus, adversus commodatarium, vel plures, nisi correi sint, pro rata (§. 110. 5.) eorumve heredes, itidem pro rata (§. 110. 6.) ad rem commodatam cum omni causa restituen-

dam, præstandumque damnum, culpa etiam levissima datum (§. 119. 1.)

§. 122. CONTRARIA commodatarius, re jam reddita (a), vel ejus heredes experiuntur, adversus commodantem, ejusve heredes, ad indemnitatem (§. 111. & 119. 1.)

## TITULUS VII.

## DE PIGNORATITIA ACTIONE, VEL CONTRA,

§. 123. Quid pignus? §. 124. De eo axiomata. §. 125. Pignoris, & hypothecæ differentia. §. 126. Quid pignori dari possit? §. 127. Quid juris ex hoc contractu transferatur? §. 128. Pignus non subsistit sine debito. §. 129. Quæ diligentia utrinque præstanda? §. 130. Actio pignoratitia duplex. §. 131. Directa. §. 132. Contraria, & utilis.

§. 123. **T**ertius contractus nominatus, qui re initur, est PIGNUS. Pignus enim quum constituitur per contractum; constitutum autem jus in re (P. I. §. 196.) hic de pignore agimus, quatenus est contractus realis, bonæ fidei; quo res a debitore creditori in securitatem crediti traditur, soluto debito, in specie restituenda.

§. 124. Ex qua definitione notamus axiomata: I. Pignus re initur; II. Traditur in securitatem crediti; III. Soluto debito, restituendum est in specie.

§. 125. Quum re ineatur hic contractus (§. 124. 1.) consequens sane est (1. Ut obligatio deumum perficiatur rei oppignoratæ traditione, §. ult. Inst. quib. mod. re contr. obl. l. 1. §. 6. D. de oblig. & act. (2. Ut pignoris contractus differat a pacto hypothecæ, quo nihil traditur, sed jus in re nostra

(a) Si enim nondum reddidit, tutus erit exceptione doli mali, l. 18. §. ult. D. h. t. & interea, dum indemnitas præstatur, gaudebit jure retentionis. Arg. l. 28. D. de pign. act. Si res perierit, & æstimatio ab eo potatur, habebit jus compensationis L. 18. §. ult. D. h. t. l. ult. pr. §. 1. C. de compens.

creditori constituitur, *L. 9. §. 2. D. h. t. l. 4. pr. l. 23. D. de pign. & hypoth.*

§. 126. Deinde quum tradatur in securitatem crediti ( §. 124. 1. ) sequitur ( 1. Ut tradi possit res qualiscunque, sive corporalis, sive incorporalis, sive mobilis, sive immobilis, sive propria, sive aliena, *h. g. §. 4. D. h. tit. modo sit in commercio, l. 9. D. de pign. ( 2. Ut tamen creditor, cui imprudenti res aliena data est, agere possit ad aliud pignus consequendum, licet solvendo sit debitor, l. 32. D. h. t. Add. SCHILT. Exerc. 26. §. ult.*

§. 127. Ex eodem inferimus ( 3. Nec dominium rei oppignoratae ad creditorem transire, nec possessionem civilem, nec usum, sed custodiam, *L. 38. §. 7. 8. D. de obl. & act. l. 35. §. 1. D. h. t. §. 6. Inst. de obl. quæ ex delict.* ( 4. Immo posse debitorem pignus ante solutum debitum revocare, si creditor illo abutatur, *L. fin. pr. D. h. t.* Posse quidem debitorem adjuicere pactum ANTICHRESEOS, de quo infra *Lib. 20.* si tamen illud adjectum non sit, creditores omnes fructus restituere, vel eos in sortem imputari merito pati, *L. 22. §. 1. D. l. 1. seq. C. hoc tit.*

§. 128. Nec minus inde inferas ( 6. Esse pignus contractum accessorium; adeoque debitum ponere, cui accedat, sive quid civiliter debeat, sive naturaliter, *l. 5. D. de pign. & hyp. l. 2. D. quæ res pign. modo non sit obligatio inefficax, l. 13. quib. mod. pign. vel hypot. solv. ( 7. Soluto debito & pignus repeti posse, l. 1. §. 6. D. de obl. act. modo penitus satisfactum, l. 9. §. 3. D. h. t.*

§. 129. Porro, quum pignus in specie restituendum sit ( §. 125. 3. ) sequitur ( 1. Ut, si res casu perierit, species pereat domino, *L. 5. l. 6. C. h. t. ( 2. Ut tamen culpam levem debeat uterque præstare, quia utriusque commodum pignus constituitur ( §. 118. 5. ), §. ult. Inst. quib. mod. re contrah. oblig. l. 5. §. 2. D. commod. l. 13. §. 1. D. h. t. ubi conf. GER. NOODT. Probab. 1. 4. ( & V. C. ABR. WIELINGH. Lession. juris civil. l. 1. c. 7. p. 24. seq. ( 3. Ut, si dolo possidere desiit creditor, teneatur in id, quod interest, l. 5. C. h. t.*

§. 130. Itaque ex hoc etiam contractu fuit actio duplex ( P. I. §. 364.\* ) ejusdem cum contractu nominis ( P. I. §. 360.\* ) adeoque PIGNORATITIA, DIRECTA, & CONTRARIA, quæ & ipsa civilis, personalis, & h. f. est ( P. I. §. 365. )

§. 131. DIRECTA datur debitori, qui creditori plene satisfecit (a) ( §. 128. 7. ) sive dominus sit, sive non sit, l. 9. §. ult. l. 11. §. ult. l. 16. l. 19. l. 22. D. h. tit. ejusve heredibus, adversus creditorem, ejusve heredes, ad rem oppignoratam restituendam cum omni causa, damnumque dolo, & culpa saltem levi datum, resarciendum ( §. 129. 2. ) .

§. 132. CONTRARIA datur creditori, ejusve heredibus, adversus debitorem, ejusque heredes, ad indemnitatem ( §. 129. ) . Quas actiones etiam debitori, qui hypothecam a creditore repetit, & creditori, qui in eam impensas fecit utiliter dari, facile patet, L. 34. C. de damn. inf. l. 11. §. 5. D. h. t.

## LIBER XIV.

### TITULUS PRIMUS

#### DE EXERCITORIA ACTIONE .

§. 133. Ratio ordinis. §. 134. Quis exercitor? Quis magister navis? §. 135. Origo actionis exercitoria. §. 136. Prætoris de ea editum. §. 137. Axiomata de hac actione. §. 138. Quocum gestum esse debeat negotium? §. 139. Quale? §. 140. Quando inde detur actio exercitoria? §. 141. Actionis descriptio. §. 142. Usus hodiernus.

§. 133. **A**d res creditas etiam pertinent actiones, quæ ex factio alieno adversus nos competunt, vel

(a) Vel si obtulit debitor solutionem, & per creditorem steterit, quo minus fieret. L. 20. §. 2. D. h. t. Vel si actor pecuniam statim in ipso judicio offerat L. 9. §. ult. D. hoc tit.

Hein. Pand. Tom. I.

propter *negotiationem*, sive *maritimam*, sive *terrestrem*, inventæ, quales EXERCITORIA, EX LEGE RHODIA, & INSTITORIA; vel propter *vinculum potestatis* datæ a prætore, ut TRIBUTORIA, DE PECULIO, DE IN REM VERSO, QUOD JUSSU. Quas omnes hoc, & sequente libro, loco licet parum cominodo, conjungit Justinianus.

§. 134. Actio EXERCITORIA ab exercitore dicitur. EXERCITOR est, ad quem obventiones, & redditus navis perveniunt, sive dominus sit, sive navem per aversionem conduxerit, sive ad tempus, sive in perpetuum, *L. 1. §. 15. D. h. tit. §. 2. Inst. quod cum eo, qui in al. pot. est.* Cui vero ab exercitore totius navis cura demandata est (modo hic, si pupillus sit, eam curam illi demandavit auctor tutore, *L. 1. §. 16. D. h. t.*) IS MAGISTER NAVIS adpellatur, *L. 1. §. 1. 3. 4. 5. D. h. t.*

§. 135. Nauticæ autem negotiationis licet ea indoles sit, ut non possit semper ipse exercitor navigare, & sub alio sole rerum suarum satagere, sed plerumque ea cura demandanda sit navis magistro; jure tamen Romano certum erat, pacta, & contractus tantum valere inter paciscentes, & contrahentes (P. I. §. 370.) adeoque ex contractu, cum magistro navis inito, exercitorem nec agere, nec conveniri posse, nisi magister ille vel esset exercitoris filius, vel servus, qui cum exercitore pro una persona habebantur. (P. I. §. 134. 2. §. 148. 1.)

§. 136. Hoc quoniam admodum turbaret negotiationem maritimam, & interdum ignari, cujus sint conditionis, cum magistris propter navigandi necessitatem contrahere cogerentur, æquum visum prætori, edicere: *se ex hujusmodi contractu, cum magistro navis, ejus rei nomine, cujus ibi prepositus fuerit, inito, adversus ipsum exercitorem judicium daturum, L. 1. pr. §. 1. 5. seq. D. h. t.*

§. 137. Inde axiomata I. Exercitor obligatur, qui hunc magistrum præposuit navi. II. Obligatur ex negotiis, quorum causa magistrum præposuit, *L. 1. §. 7. D. h. t.* III. Ea actione indiget, qui ipsum magistrum navis liberum vel non vult convenire, vel non potest, *L. 1. 17. D. h. t.*



§. 138. Quum itaque ideo obligetur exercitor, quod hunc magistrum præposuit navi (§. 137. 1.) consequens est (1. Ut nihil intersit, qualem navi magistrum præfecerit, liberum, an servum; & si hunc, proprium, an alienum, adolescentem, an senem, an justæ ætatis, *L. 1. §. 4. D. h. t.* (2. Ut, pluribus præpositis, ex unius gestis obligetur exercitor, nisi eos, divisis officiis, navi præesse jusserit *L. 1. §. 13. 14. D. h. t.* (3. Ut præstare idem debeat facta magistri; adeoque (4. Et ex eo teneatur, quod cum eo, quem magister substituit, gestum, *l. 1. 5. D. eod.* non autem (5. Quod cum nauta actum, *L. 1. §. 2. D. eod.*

§. 139. Quum obligetur exercitor ex negotiis, quorum causa magistrum navi præposuit (§. 137. 2.) sequitur (1. Ut actio exercitoria non detur ex magistri delicto. Arg. *l. 1. §. 2. D. h. t.* (2. Ut nec obligetur exercitor, si adversus legem præpositionis cum magistro contractum, *l. 1. §. 12. D. eod.* veluti (3. Si hic mutuam sumpsit pecuniam in aliam causam, quam ob quam præpositus est (a) *L. 1. §. 8. 9. l. ult. pr. §. 1. D. h. t.*

§. 140. Denique unum hac actione utatur, qui magistrum ipsum liberum vel non vult convenire, vel non potest (§. 137. 3.) facile patet (1. Dari contrahenti optionem, cum magistro directe agere velit, an cum exercitore actione exercitoria, *l. 1. §. 17. D. h. t. §. 2. Inst. quod cum eo, qui in ul. potest.* modo adhuc duret officium, *L. fin. D. de inst. off.* (2. Actionem adversus plures exercitores dari in solidum, *L. 1. §. ult. l. 2. l. 3. D. h. t.* (3. Eandem & adversus patrem competere, si filius familias ejus voluntate navem exerceat, & quidem in solidum, *L. 1. §. 19. seq. D. h. t.* (4. Non autem ex actione experiri posse exercitorem adversus eos, qui cum magistro contraxerunt, nisi quod præfeci, & præsidet eum extra

(a) Aliud dixeris, si pecuniam mutuam acceperit navis reficiendæ causa, & navis in ea causa sit, ut refici debeat, & probabilis quantitas observata, immo & locus talis sit, in quo refectio fieri debeat. His enim casibus tenetur exercitor, licet magister pecuniam impenderit aliis usibus, *L. 1. §. 8. 9. l. ult. pr. §. 1. D. eod.*

ordinem juvant, si alter rem suam servare nequeat, L. 1. §. 18. D. h. t.

§. 141. Est itaque ACTIO EXERCITORIA prætoriana (§. 135.) & quia ex omni contractu, cum magistro navis inito, datur (*ibid.*) adjecitiæ qualitatis, competens ei, qui cum magistro navis (§. 138.) de negotio, cui ille præpositus erat (§. 129.) contraxit, ejusve heredi (l. 4. §. ult. D. h. t.) adversus exercitorem, ejusve heredes, patremve, quo volente filius navem exercuit (§. 140. 3.) vel plures exercitores, in solidum (*ibid.* 2.) ad contractum istum adimplendum, §. 2. *Inst. quod cum eo qui in al. potestate.*

§. 142. Et ita praxis servat in emporiis maritimis, nisi quod adversus plures exercitores in solidum actio vix datur, saltem in Hollandia, de qua VINN. ad PETR. PECK. *de re naut. ad l. 4. D. h. t.* GROT. *de jur. bell. & cap. 2. 11. 13.*

## T I T U L U S II.

### DE LEGE RHODIA DE JACTU.

§. 143. *Lex Rhodia de re nautica.* §. 144. *A Romanis recepta.* §. 145. *Quid de jactu sanciverit?* §. 146. *De eo axiomata.* §. 147. *Ob quas res fiat contributio?* §. 148. *A quibus, & pro quibus rebus?* §. 149. *Quomodo fiat æstimatio?* §. 150. *Qua actio datur?* §. 151. *Usus hodiernus.*

§. 143. **R**hodium, populus nauticus, FLOR. II. 7. aliquando θαλασσοκρατῶν, vel maris dominus; EUSEB. *Chron. n. 1100.* cum aliis legibus, tum maxime nauticis, utebatur æquissimis, de quibus STRABO, *Geogr. l. 14. p. 448.* Θρυμας ἡ δὲ καὶ ο εὐνομία τῆς, Ρόδου, καὶ ἡ ἐπιμέλεια πρὸς τε τῇ ἀλλῇ πολιτείᾳ, καὶ περὶ τὰ ναυτικά, ἃ φησὶ θαυμαστοκράτησε πολλὰ χροῖον: admiranda est & legum Rhodii optimarum constitutio, & industria, cum in aliis rei publicæ partibus, tum circa rem nauticam, qua effectum, ut imperium maris diu possiderent.

§. 144. Quemadmodum itaque eorum usque ad Ci-

ceronis memoriam DISCIPLINAM NAVALIS, & gloria remanserat; CIG. *pro lege Manil. cap. 18.* ita eorum leges nauticas paulatim receperunt Romani, & confirmarunt Claudius, Nero, Vespasianus, Trajanus, Antoninus Pius, immo & Pertinax, & Severus, uti apparet ex fragmento *Autoritatis*, huic legi (a) præmissæ, quod erudito suo more illustrat JAC. GOTHOF. *Dist. de domin. mar. c. 8. seq.*

§. 145. Hic ejus caput DE JACTU explicatur. Quum enim æquissimum videretur, commune detrimentum fieri eorum, qui propter amissas res aliorum consequuti essent, ut merces suas salvas haberent, l. 2. *pr. D. h. t.* tantum fuerat lege Rodia: ut, si levandæ navis gratia, jactus mercium factus esset, omnium contributione sarciretur, quod pro omnibus datum esset, l. 1. *D. h. t.* Quod principium tam æquum est, ut & ad similes casus recte extendatur, l. 2. §. 3. *D. h. t.*

§. 146. Unde sunt axiomata. I. Contributio fit, si merces, imminente naufragio jactæ, perierint. II. Contribuunt illi, qui propter istas res amissas suas salvas habent. III. Eo fine, ut is, cujus res perierunt, a reliquis indemnus præstetur.

§. 147. Quum ergo contributio fiat, si merces, imminente naufragio jactæ perierint (§. 146. 1.) consequens est (1. Ut cesset contributio, si mercibus conservatis navis tempestate deterior sit facta, vel si aliquid exarmaverit, l. 2. §. 1. l. 3. *D. h. t.* vel (2. Si res jactæ adpareant, l. 1. §. 7. l. 4. §. 1. *D. h. t.* non autem cesset (3. Si quid ob jactum adspergine, vel alio modo, corruptum, l. 4. §. ult. *D. h. t.* nec (4. Si merces, levandæ navis causa scaphæ impositæ, submersæ sint, l. 4. *pr. D. eod.* nec (5. Si merces quidem non jactæ, sed malus, vel arbor cæsa, vel antemna, velum, gubernaculum, aliudve navis instrumentum, ejus levandæ causa, jactum. l. 3. *D. hoc titul.*

§. 148. Quinque contribuant illi, qui ob jactum illum res suas salvas habent (§. 146. 2.) consequens

(a) Ipsam legem Rhodiam habes apud LEUNCLAV. *Jur. Græco-Rom. Tom. II. extrem.*

est (6. Ut, si navis post jactum nihilominus perierit, cesset contributio, nisi forte alio loco perierit; & res per urinatores extractæ sint, *L. 4. pr. §. 1. l. 1. pr. l. 7. D. h. t.* (7. Ut res omnes, etiam quæ navem non onerant, immo & ipsa navis æstimanda sit, *l. 1. l. 2. §. 2. l. 4. §. 2. D. h. t.* non tamen libera corpora, nec cibaria in nave, *l. 2. §. 2. D. eod.*

§. 149. Quia denique non lucri causa fit contributio, sed ut is, cujus merces jactæ sunt, indemnitas præstetur (§. 146. 3.) æquum Rhodiis videbatur, (8. Ut res amissæ æstimerentur, quanti emtæ, servatæ, quanti venire possent, *l. 2. §. 4. D. eod.* (9. Ut ipse quoque, cujus merces factæ, in partem damni veniret, *Arg. L. 1. l. 3. pr. §. 4. D. h. t.*

§. 150. Actio ad hanc contributionem obtinendam singularis non erat prodita (a), sed is, qui merces jactu amiserat, agebat ex locato cum magistro navis, ut damnum præstaret. Hic vero, vel jure retentionis in mercibus servatis utebatur, donec contributio facta, vel ex conducto agebat, ut detrimentum pro portione communicaretur, *l. 2. pr. §. 2. D. h. t.* vel actionem cedebat vectoribus, *Arg. l. 51. D. de pec.*

§. 151. Eadem jura & hodie obtinent, nisi quod jure *Wisbyensi* art. XX. merces amissæ æstimentur, quanti in loco, quo avehendæ erant, vendi potuissent; *ULR. HUB. Praelect. h. t. §. 6.* quamvis alii eas æstinandas putent, quanti emtæ, & nondum confecto dimidio itinere, jactæ; quanti vendi potuissent, si itinere majore ex parte confecto, perierint. *VINN. Not. ad RECH. h. t. n. 222.* idque discrimen etiam in contributione ejus, qui res amisit (§. 149. 9.) observandum esset, monet *STRYK. Us. hodiern. D. h. t. §. 7.* Denique & directam hodie conditionem ex *L. nautica* dari, non dubitatur. *SCHL. Exercit. XXVII. §. 24. seq.*

(a) Nec mentio usquam fit conditionis ex *L. Rhodia* de jactu; quamvis in se principiis juris non repugnet. Unde eam olim competiisse vix verosimile est. Dissentit *PANGEST. Admon. ad Pand. par. 2. §. 43.*

## TITULUS III.

## DE INSTITORIA ACTIONE.

§. 152. *Institor quis? & de gestis cum eo editum.*  
 §. 153. *Eadem hic omnia, quæ in exercitoria.* §. 154.  
*Quando actio institoria detur, vel non detur?* §. 155.  
*An & institor substituere possit?* §. 156. *Actionis*  
*hujus descriptio.*

§. 152. **Q**uemadmodum qui ab exercitore navi præficitur, MAGISTER NAVIS dicitur; ita qui tabernæ, vel loco; ad emendum, vendendumque præponitur, vocatur INSTITOR, l. 18. D. h. t. eo quod instat gerendo negotio (a), l. 3. l. 4. l. 5. pr. §. usq. D. h. t. Si quis itaque cum eo, ejus rei causa, cui præpositus fuerat, gessisset, adversus præponentem actionem se daturum, prætor edixerat, l. 1. l. 5. §. 4. D. eod.

§. 153. Quum itaque in eo tantum hoc editum ab illo, de exercitoria actione præposito, differat, quod hic de negotiatione, quæ in terra continenti instituitur; ibi de maritima agitur, consequens est, ut hic eadem omnia sint, ac in actione exercitoria, L. 7. §. 1. D. h. t.

§. 154. Ergo (1. Et hic nihil interest, masculus, an femina; liber, an servus; pubes, an impubes sit præpositus, l. 7. §. 1. 2. l. 8. D. h. t. (2. Hic quoque servanda lex præpositionis, L. 11. §. 5. D. h. t. adeoque (3. Nec obligatur præponens, si quid non ejus rei gratia, cui institorem præfecit, cum illo gestum est, l. 5. §. 11. seq. D. l. 3. h. t. vel (4. Si

(a) INSTARE autem est negotiari, uti & Græcis. HESYCH. ἰστᾶν, διακρίνω. NONIUS in *Atellana*.

*Instat mercaturam, credo rem faciat, frugi est homo.*

Ubi adde, quæ notat magnus SCALIGER in *Priap.* Ita & Græcis instior est ἰνίσταται ἀπὸ τοῦ ἰστιάσθαι ab *instando*.

a præponente palam præscriptum sit, ne cum institore contrahatur, l. 11. §. 2. *seq. D. h. t.* ( 5. Hic quoque plures præponentes tenentur in solidum, l. 13. §. ult. l. 14. *D. h. t.* ( 6. Hæc denique etiam actio est perpetua, & heredibus, ac adversus heredes, datur, l. 15. *D. h. t.*

§. 155. De eo modo disquirunt, an ut magister navis, ita & institor, alium substituere possit? Respondet ULPIANUS, l. 1. §. 5. *D. de exerc. act. facilius hoc in magistro admittendum, quam in institore propter utilitatem.* Recte itaque dici posse videtur, magistrum navis etiam invito exercitore substituere; institorem, non nisi domino volente, vel non prohibente; facilius enim scire potest, qui in terra continenti contrahit, quis sit institor, quam ultra mare, quis hunc, vel illum navi præposuerit.

§. 156. Est ergo actio INSTITORIA prætoria; & quia ex quocunque contractu datur, adjectitiæ qualitatis, competens ei, qui cum institore contraxit, adversus præponentem, ejusve heredes ( §. 154. 6. ) non præponenti adversus contrahentes, nisi ille rem suam aliter servare nequeat, l. 1. l. 2. *D. h. t. ad contractum adimplendum.*

## TITULUS IV.

### DE TRIBUTORIA ACTIONE.

§. 157. *Quid tribuere?* §. 158. *De actione tributaria axiomata.* §. 159. *De quibus rebus detur?* §. 160. *Adversus quem?* §. 161. *Ad quod?* §. 162. *Actionis hujus descriptio.* §. 163. *Usus hodiernus.*

§. 157. Sequuntur actiones, quæ ex vinculo potestatis nascuntur ( §. 133. ) inter quas prima est TRIBUTORIA. Tribuere autem, teste FESTO, est in publicam conferre, vel distribuere. Edixerat nimirum prætor: si quis sciente patre, vel domino, in peculiari merce negotiatus sit, se patrem, dominumve cum reliquis creditoribus, in tributum vocari passurum; & si cujus dolo malo factum fuerit, quæ

*minus ita tribueretur, se quanto minus justo tributum sit, cautum præstare coacturum, l. 1. pr. l. 5. §. 2. l. 7.*

§. 158. Itaque I. in tributum veniunt merces peculiares. II. Tribuit dominus, vel pater, quo sciente servus, filiusve negotiatus est (P. l. §. 134. 2. §. 145. 1. 2.) l. 5. §. 7. l. ult. D. h. tit. III. Si male tributum, datur actio tributoria.

§. 159. Quum itaque in tributum veniant merces peculiares (§. 158. 1.) consequens est (1. Ut ad omnes negotiationes producatu edictum; e. g. ad servos sarcinatores, fallones, textores, l. 1. §. 1. D. h. t. non tamen ad omnem negotiationem, quæ cum eo (veluti cum exercitore, vel institore facta) est, l. 5. §. 4. D. eod. (2. Ut in tributum non veniant merces dominicæ, sed peculiares, l. 11. §. 7. D. de Inst. act. adeoque (3. Nec ipsum peculium, sed merces peculiares, pretiumve inde redactum, vel quod earum nomine debetur, l. 1. §. 2. l. 5. §. 11. D. h. t.

§. 160. Quumque pater, vel dominus, quo sciente negotiatus est filius, servusque, tribuat, tamquam iudex domesticus (§. 158. 2.) consequens est (1. Ut sufficiat, si passus sit pater, vel dominus, filium, servumve negotiari; vel si non prohibuerit, quamvis non jusserit, l. 1. D. h. t. (2. Ut hic pater, vel dominus non deducat, quod sibi debetur, uti in peculio, l. 1. §. 2. D. h. t. sed (3. Ipse cum creditoribus reliquis in tributum veniat, l. 2. pr. l. 1. §. 6. seq. D. h. t.

§. 161. Denique quia, si male tributum, datur actio tributoria (§. 158.) manifestum sane est (1. Hic requiri dolum, vel ab initio, vel ex post facto, l. 7. §. 2. D. h. t. ejusque (2. Reum esse patrem, vel dominum, sive nolit tribuere, sive male, & inæqualiter tribuat, nisi priore casu peculio, vel mercibus cedere paratus sit, l. 7. §. 1. 2. D. h. t. (3. Agi adtribuendum pro rata, §. 2. Inst. quod cum eo, qui in al. pot. adeoque (4. Actionem rei persecutoriam esse perpetuam, & in heredem quoque, in quantum ad eum pervenit dari, l. 7. §. ult. l. 8. l. 9. D. eod.

§. 162. Est itaque actio **TRIBUTORIA** prætoris ( §. 175. ), & quia ex omni contractu, & negotiatione in merce peculiari oritur ( §. 159. ) adjectitiæ qualitatis, competens contrahentibus cum filio, vel servo, qui sciente eo, cujus in potestate erant, in merce peculiari negotiati sunt ( §. 160. ) adversus patrem, vel dominum, eorumve heredes ( §. 161. 4. ) dolo malo non distribuentes æqualiter ( §. 161. 2. ) ad merces pro rata tribuendas ( §. 161. 3. )

§. 163. Sed quum hodie negotiatio in mercibus peculiaribus sit rarissima, & filii negotiantes suis auspiciis, rarius in potestate patria maneant ( P. I. §. 182. ) ipsam quoque tributariam actionem in foro haud frequentari, facile est ad intelligendum. **STRYK. Us. hod. D. h. t. §. 1. ULR. HUB. Præl. Pand. h. t. §. 2.**

### TITULUS V.

**QUOD GUM EO, QUI IN ALIENA POTESTATE EST, NEGOTIUM GESTUM ESSE DICATUR.**

§. 164. *Prætoris edictum de contractu, cum filio-familias inito.* §. 165. *Quid beneficium competentia?* §. 166. *Quibus ex causis filiofamilias hoc beneficium detur?* §. 167. *An & heredibus, & semper ipsi filiofamilias competat?*

§. 164. **H**æc, si filius, quocum contractum fuerat, in potestate manebat. Tunc enim vel ipse conveniri poterat, exsequutione tamen dilata, usque dum sui juris fieret, *L. 5. pr. D. h. t. vel pater ejus, l. 39. D. de obl. & act. l. 44. D. de pecul. L. 5. pr. D. h. t.* Quid vero, si postea emancipatus, aut exheredatus, aut in minima parte institutus esset, vel ab hereditate paterna abstinuisset? Tunc prætor: *ejus rei nomine, quæ cum eo contracta esset, sive sua voluntate, sive jussu ejus, cujus in potestate erat, contraxisset, sive in peculium suum, sive in patrimonium ejus, cujus in potestate fuerat, redacta ea res fuisset, actionem, causa cognita, dat in id, quod facere posset, l. 2. D. h. t.*



§. 165. Dat itaque filiofamilias hoc casu BENE-  
FICIUM COMPETENTIÆ, quod est privilegium  
certis personis competens ( P. I. §. 115. ) quo efficitur,  
ut non possint condemnari in solidum; sed in  
id, quantum facere possunt, l. 16. l. 30. D. de re  
jud. §. 36. Inst. de act. Quum vero sit privilegium  
personale, sequitur, ut nec sine causa iusta, ejus-  
ve cognitione detur, nec personam egrediatur ( P. I.  
§. 116. )

§. 166. Si ergo sine iusta causa non datur ( §.  
165. ) consequens est ( 1. Ut detur ex commiseratio-  
ne, si fuerit emancipatus, vel exheredatus, vel si  
hereditate abstinnerit, vel, in adoptionem datus,  
patrem naturalem amiserit, vel si in minima parte  
heres institutus sit, L. 2. pr. §. 1. D. h. t. ( 2. Ut  
non competat beneficium ei, qui in dolo est, vel de-  
liquit, vel se patremfamilias dixit, l. 4. §. 1. 2. l.  
6. D. h. t. nec ( 3. Ei, cui hereditas paterna ex fi-  
dei commissio restituta, l. 5. §. 1. D. h. t.

§. 167. Quumque personam non egrediatur hoc pri-  
vilegium ( §. 165. ) per se patet ( 4. Illud sibi ar-  
rogare non posse heredes filiofamilias, l. 4. §. 3.  
D. h. t. l. 25. D. de re jud. immo ( 5. Nec ipsum  
filiumfamilias, si non statim, ex quo sui juris fa-  
ctus, sed post plures annos, conveniatur, l. 5. §.  
4. D. eod.

## TITULUS VI.

## DE SC. MACEDONIANO.

§. 168. SC. Macedonianum quando factum? §. 169.  
Quis fuerit Macedo? §. 170. SCti sanctio. §. 171.  
De eo axiomata? §. 172. Quis accipere non possit  
mutuam pecuniam? §. 173. Quod mutuum prohibeatur?  
§. 174. Quando cesset SCtum. §. 175. Exceptio SC.  
Macedoniani.

§. 168. **Q**uamvis filius familias, æque ac pater,  
ex omnibus contractibus cum illo initis, possit con-  
veniri ( §. 163. ) exceptionem tamen induxit SC. MA-

GEDONIANUM, quod utrum Claudii Imp. an Vespasiani temporibus factum sit, non adeo expeditum est ob loca TACITI *Annal.* XI. 13. & SUET. *Vespas.* c. 11. Mihi adhuc probabilis videtur P. FABRI conjectura, *Semestr. l.* 25. Vespasianum nimirum, cos. suffectum, sub Claudio retulisse ad senatum; & hinc SC. modo Claudio, modo Vespasiano tribui.

§. 169. Æque incertum, filiusnefam, qui SCto occasionem dedit, an ipse fœnerator improbus MACEDO fuerit vocatus. Prius adfirmat THEOPHIL. *ad* §. 7. *Inst. quod cum eo, qui in al. potest.* posterius ex ipsis SCti verbis apud ULP. *l.* 1. *pr. D. h. tit.* colligunt. Quamvis autem vulgo vapulet Theophilus (vid. MENAG. *Amœn. jur. c.* 39.) tamen & credibile non est, auctorem tam veterem, & bonum in re notissima aberrasse, & Ulpiano non adversari Theophilum, jam MARIANUS in *Paratitl. h. t.* observavit (a). Conf. *Histor. jur. civ. L.* 1. §. 219.)

§. 170. Nimirum quum filiusfamilias, magnitudine contracti æris alieni in desperationem actus, parricidium commisisset, vel saltim insidiatus esset vitæ parentis, §. 7. *Inst. quod cum eo, qui in al. potest.*

(a) Ait enim ULPIANUS, quum inter ceteras causas Macedo, quas illi natura administrabat, etiam æs alienum adhibuisset. Ergo Macedo iste inter cetera scelera etiam æs alienum contraxerat. Id vero non dici poterat de fœneratore, sed de ipso debitore; id est, de filiofamilias *l.* 213. §. 1. *D. de verb. signif.* Adeoque prima hæc causa erat, quæ moverat senatum, quod Macedo filiusfamilias mutuam pecuniam sumens, luxuriz, variisque cupiditatibus indulserat, ac demum ad desperationem plane actus patrem occiderat. Ita enim fieri solere, jam CICERO *pro Sex. Rose. Am. c.* 22. observaverat. Sequitur altera causa: & quum saepe materiam peccandi malis moribus præstaret, qui pecuniam (ne quid amplius diceretur) malis hominibus crederet. Altera ergo causa erat fœneratorum improbitas. Fœneratorem autem istum dictum esse Macedonem, nusquam dicit Ulpianus. Quid ergo causæ est, cur tot conviciis excipiatur Theophilus, scriptor sane non futilis, sed doctus, & Justiniano *σύγχροτος*, ejus dotes pauciores intelligitur, quam contemnunt? Vid. *præfat. nostram, Vinnii Comment. ad Inst. præmissam.*

& fœnerator, incertis nominibus credendo (a) pec-  
candi materiam malis moribus præstitisset: placuit  
Senatui ne cui, qui filiofamilias mutuam pecuniam de-  
disset, etiam post mortem parentis ejus, cujus in po-  
testate fuisset, actio petitione daretur, ut seirent,  
qui pessimo exemplo fœnerarent, nullius posse filii-  
familias bonum nomen, exspectata patris morte, fie-  
ri, l. 1. pr. D. h. t.

§. 171. Pertinet itaque SCtum I. ad filiosfamilias,  
& II. ad datam iis mutuam pecuniam, & III. eam  
quidem, quæ nec jussu patris sumta, nec in rem  
versa est. IV. Tribuit hoc SC. exceptionem perpe-  
tuam, patri æque, ac filio competentem.

§. 172. Quum itaque hoc SC. pertineat ad filios-  
familias ( §. 171. 1. ) consequens est ( 1. Ut nec  
dignitas his exceptionem faciat, l. 1. §. ult. D. h. t.  
( 2. Nec sexus, l. 9. §. 2. D. eod. ( 3. Nec gradus,  
l. 14. D. L. pen. §. 1. C. h. t. ( 4. Ut tamen locum  
non habet SC. si filiusfamilias habeat peculium cas-  
trense, vel quasi castrense, in quibus pro patre fa-  
milias habetur ( Inst. §. 487. 1. ), l. 1. §. 3. l. 2.  
D. h. t. ( Nisi filius, sui juris factus, vel expresse,  
vel tacite debitum agnoverit, l. 7. §. 12. §. 15.

§. 173. Quumque SCto illo tantum agatur de pe-  
cunia mutua ( §. 171. 2. ) sequitur ( 1. Ut in aliis  
contractibus exsulet exceptio SC. Macedoniani, & ( 2.  
Ne in mutuo quidem competat, si aliud quid extra  
pecuniam creditum; modo ( 3. Fraus non facta sit  
SC. vendendo filiofamilias rem, ut rei pretium habe-  
ret in mutui vicem, l. 3. §. 3. l. 7. §. 3. D. h. t. l. 3.  
C. h. t. ( 4. Ut nihil intersit, sive sub usuris mu-  
tua data sit pecunia, sive sine usuris, l. 7. §. 9. D.  
h. t. nec ( 5. Utrum privatus, an civitas, credide-  
rit, l. 15. D. h. t.

§. 174. Quia porro pecuniam nec jussu patris sum-  
tam, nec in ejus rem versam esse pateret ( §. 171.  
3. ) merito inde colligendum ( 1. Cessare exceptio-

(a) At, quid incertis nominibus credere? Nominibus  
non bonis sub usuris immodicis credere. Exemplum ha-  
bes apud HORAT. *Serm. l. 2. §. 12. seq.* Conf. GER.  
NOODT. *de fan. & usur.* l. 13. p. 291.

mem, vel si jussu patris pecunia fœnori sumpta sit; vel si postea ratam rem habuerit, *l. 7. §. 12. §. 15. l. 16. D. l. 2. C. h. t.* itemque ( 2. Si filius fuerit patris institor, & ei non contra legem præpositionis creditum ( §. 154. 3. ) *l. 7. §. 11. D. h. t.* vel ( 3. Si pecunia illa aliud debitum validum disponxerit, *l. 7. §. 24. D. h. t.* vel ( 4. Studiorum, legationisve caussa alio loco degens non ultra modum, quem pater subministrare solet, acceperit, *L. 7. §. 13. l. 5. C. h. t.* vel ( 5. Alio modo pecuniam in rem patris verterit, *l. 7. §. 12. l. 17. D. h. t.*

§. 175. Quandoquidem denique EXCEPTIO perpetua hoc SCto patri æque, ac filio datur ( §. 171. 3. ) facile intelligitur ( 1. Fœneratorem nec vindicare posse pecuniam exstantem, nec condicere cum effectu consumptam, *L. pen. pr. C. h. tit.* ( 2. Ex hoc SC. non repeti posse pecuniam solutam ( §. 7. 1. ), *l. 10. D. h. t. l. 40. D. de cond. ind.* dari tamen ( 3. Exceptionem, *l. 7. pr. §. 4. 13. l. 21. D. h. tit.* tum patri, tum filio, licet hic SCto. renunciaverit, immo & ejus heredibus, fidejussoribus, mandatoribus, *L. 9. §. 3. D. h. t.* ( 4. Modo filiusfamilias non dolose se gesserit pro patrefamilias, *l. 1. C. h. t.* quo casu pater, non ipse, exceptione utitur ( 5. Eandem exceptionem, cum ante, tum post litem contestatam; immo & in exsequutione, opponi posse, *l. 11. D. h. tit.* ( 6. Non tamen pupillo, vel minori, *l. 3. §. 2. D. h. t.* nec ( 7. Ei, qui justo errore credidit, *l. 3. pr. D. l. 2. C. h. t.*

## LIBER XV.

### TITULUS I.

#### DE PECULIO.

§. 176. Quid peculium. §. 177. Quotuplex. §. 178. Peculium servi. §. 179. Peculium filiifam. quale olim; §. 180. Quotuplex hodie sit; §. 181. Castrense, & quasi castrense. §. 182. Jus filii in illo. §. 183. Peculium profectitium, & adventitium ordina-

rium. §. 184. Et extraordinarium. §. 185. Jura filii, & patris in bonis profectitiis & adventitiis. §. 186. Editum prætoris de actione de peculio. §. 187. Actionis descriptio.

§. 176. **E**x iis, quæ cum servo, filiovefamilias gesta sunt, nascuntur etiam actiones de PECULIO, de IN REM VERSO, & QUOD JUSSU, de quibus hoc libro agitur (§. 133.). PECULIUM est pecunia pusilla (P. I. §. 183.) vid. MENAG. *Amæn. jur. civ. cap. 39.* quæm is eave, qui quæve in potestate est, separatam habet a rationibus paternis, vel dominicis, deducto prius, si quid patri, vel domino debetur, L. 1. §. 5. l. 4. pr. §. 1. l. 8. l. 39. l. 40. D. h. t.

§. 177. Fuit itaque olim totplex, quotplex fuit potestas. Erat enim aliud peculium UXORUM, quæ in manum convenerant (Inst. §. 196.) PLAUT. *Casin. II. v. 26.* aliud SERVORUM, quod isti, genium defraudando, de demenso suo unciatim comparcebant miseri, TERENT. *Phorm. I. r. v. 5.* aliud FILIORUM FAMILIAS, de quo paullo post prolixius. *Uxororum* autem peculium cum ipsa in manum conventionis obsolevit.

§. 178. SERVORUM peculium unius generis erat, nempe profectitium. Quamvis enim aliud esset servi ORDINARIUM, aliud VICARIUM, l. 17. l. 18. l. 37. §. 1. D. h. tit. quamvis & aliunde aliquid ad servum perveniret: quamvis denique aliud liberius, aliud minus libere, administraret, L. 7. §. 1. D. h. t. l. 20. D. de jurejur. omnia tamen indistincte adquirebat domino, §. 3. Inst. per quas pers. cuiq. adquir. &, si quid ejus administrationi committeretur, id ei a domino relinquebatur. Unde hic de eo & recte disponebat inter vivos, & mortis causa.

§. 179. Peculium FILII FAMILIAS olim erat ejusdem generis, quia non minus per filium, quam per servum, pater omnia adquirebat (P. I. §. 147. 3.) pr. Inst. per quas pers. cuiq. adquir. Unde nec ipse quidquam habebat vel proprii, vel peculii; nisi pa-

ter ultro quid illius administrationi, ad exercendam ejus industriam, permetteret.

§. 180. At postea jus acquirendi per liberos, hand parum restrictum est ( P. l. §. 147. 3. ) invento primum peculio *castrensi*, & *quasi castrensi*; deinde & adventitio, quorum historiam dedimus in *Antiq. Rom.* II. g. 2. pag. 334. Ergo jam peculium est vel *MILITARE*, vel *PAGANUM*, quorum illud in *CASTRENSE*, & *QUASI CASTRENSE*; hoc in *PROFECTITIUM*, & *ADVENTITIUM* dividitur.

§. 181. Peculium *CASTRENSE* est, quod occasione militiæ sagatæ filius acquirit, *L. 11. D. castr. pec. l. 1. C. eod.* *QUASI CASTRENSE*, quod occasione militiæ togatæ, seu forensis, ( *l. 14. C. de adv. div. judicior.* ) immo per omnes artes liberales, vel per officium publicum, vel libertate principis, vel Augustæ, acquirit *l. ult. C. de inoff. test. l. 7. C. de bon. quæ lib.* Et in his filius familias pro patrefamilias habetur, *l. 2. D. ad SC. Maced.*

§. 182. Ex quo axiomate sequitur, ut ( 1. Id omne filiusfamilias sibi pleno jure adquirat, *l. 4. pr. §. 1. D. de pecul. cast.* ( 2. Ut & testari de eo possit, *pr. Inst. quib. non est perm. fac. test.* ( 3. Ut patri in eo peculio nihil plane juris sit.

§. 183. Peculium *paganum* *PROFECTITIUM* est quod vel ex re patris profectum est, vel filio contemplatione patris obvenit, §. 1. *Inst. per quas perf. cuiq. adqu.* *ADVENTITIUM*, quod ex alia causa ad filiumfamilias pervenit, *d. §. 1.* In illo pater dominium, filius solam administrationem, & spem eo potiundi habet, *l. 3. §. 4. D. de min. l. 31. §. 2. D. de donat.* In hoc ordinarie dominium penes filium; ususfructus, & administratio penes patrem est, §. 1. *Inst. eod.* qui & filium emancipans, dimidium usumfructum retinet §. 2. *Inst. eod.*

§. 184. Dixi *ordinarie*. Datur enim peculium adventitium *EXTRAORDINARIUM*, cujus & dominium, & ususfructus penes filium est, quo pertinet ( 1. Quod liberis ea lege relinquitur, vel donatur, ne ususfructus ad patrem perveniat. *Nov. 117. cap. 1.* ( 2. Hereditas renuente patre adita, *l. ult. pr. §. 1.*

*C. de bon. quæ lib.* (3. Bona, in quæ filius una cum patre successit, *Nov. 118. cap. 2.* (4. Bona, in quibus, ex fideicommisso restituendis, pater dolose versatus est, *l. 50. D. ad SC. Trebell.* Plures casus ego quidem haud invenio.

§. 185. Ceterum ex axiomatibus (§. 163.) datis colligebant (1. Peculium profectitium salvum habere filiumfamilias, publicatis bonis paternis, *l. 3. §. 4. D. de min. vel* (2. Si emancipato pater illud ademerit, *l. 31. §. 2. D. de donat.* (3. De adventitio patrem disponere adhibito filii, si justæ ætatis sit, consensu; nec tamen (4. Illud alienare posse, nisi urgente necessitate, *l. ult. §. 3. C. de bon. quæ lib.* nec eo casu opus esse decreto judicis, *d. l. ult. §. 4. 5.* (5. Extraordinarium patrem administrare posse tamquam curatorem, nisi testator, vel donator (§. 184. 1.) alienum curatorem dederit, *Nov. 117. cap. 1. l. ult. §. 1. C. de bon. quæ lib.*

§. 186. Si quid itaque cum eo, qui in aliena potestate erat, negotium gestum esse diceretur, prætor se de eo adversus patrem, vel dominum, quatenus in peculio esset, judicium daturum edixerat, *L. 1. §. 2. l. 21. l. 36. D. h. t.* Quia enim pater, vel dominus filium, vel servum passus est negotiari in peculio profectitio, merito adversus ipsam datur actio, quatenus consensit. Quum autem consenserit tantum ratione peculii, merito etiam peculio tenus tantum convenitur.

§. 187. Est itaque actio de PECULIO prætoriam, (§. 186.) & quia ex omni contractu, non (ex delicto, quia in id pater non consensit, *l. 58. D. de reg. jur.*) datur, adjectitiæ qualitatis, competens iis, qui cum servo, vel filio contraxerunt, contra dominum vel patrem ad id, quatenus deducto, quod domino, vel patri debetur, est in peculio (§. 176.) §. 10. *Inst. de act. §. 4. Inst. quod cum eo, qui in al. potest. vel dolo domini, patrisve in peculio esse desiit, l. 21. l. 36. D. h. t.*

## TITULUS II.

QUANDO DE PECULIO ACTIO ANNALIS EST.

§. 188. *Quando sit annalis?*

§. 188. **Q**uoniam actio de peculio ex contractibus nascatur, facile patet, eam esse perpetuam, & durare saltem, quoad peculium manet, l. 1. §. 1. D. h. t. Quoniam autem, soluta potestate patria, vel dominica, peculium extinguatur, consequi videbatur, ut actio de peculio extingueretur. At prætori tamen æquum videbatur etiam eo casu: in anno, quo primum de ea re experiundi potestas esset, iudicium dari, l. 1. pr. D. h. t. Hinc, soluto vinculo potestatis, adhuc intra annum agitur de peculio, nisi actio principalis citius exspiret, §. 2. D. h. t.

## TITULUS III.

DE IN REM VERSO.

§. 189. *Quid in rem versum?* §. 190. *Editum prætoris de in rem verso.* §. 191. *Actionis de in rem verso descriptio.*

§. 189. **S**i peculium non adsit, dominus, vel pater tenetur de IN REM VERSO. In rem versum dicitur, quidquid necessario, vel utiliter impensum est, licet utilitas postea casu intercepta sit, l. 3. §. 7. D. h. t. Quod voluptatis causa impensum, non aliter quam si mandatum, vel consensus domini, patrisve accesserit, l. 3. §. 1. 2. 3. 4. 6. D. h. t. Unde in rem versum dici nequit, quod servo, filiove restitutum est, l. 10. §. 6. D. h. t.

§. 190. Quoniam itaque iniquum sit, alterum cum alterius damno fieri locupletiores (P. l. 362. §. 1.) quatenus quid in rem domini, patrisve versum erat, eadem cum ipsis potius, quam cum servis, filiisve,



videbatur contractum, *l. 1. pr. D. h. t.* & hinc eatenus actionem se daturum prætor promiserat, *l. 1. D. h. t. Inst. quod cum eo, qui in al. potest.*

§. 191. Datur itaque inde actio IN REM VERSO prætoriam (§. 190.) & adjectitiæ qualitatis, competit ei: qui cum filio, servove contraxit, adversus patrem, dominumve, eatenus, quatenus in rem versus est, *L. 1. pr. D. §. 4. Inst. eod.* Quumque ratio hujus edicti in ipsa æquitate fundamentum reperiat, merito utilis actio de in rem verso datur, quando ex contractu negotiorum gestor, qui sui juris est, aliquid in rem domini versum est, *l. 7. §. 1. C. quod cum eo, qui in al. pot.*

## TITULUS IV.

## QUOD JUSSU.

§. 192. *Quid jussum?* §. 193. *Prætoris de eo edictum.* §. 194. *Actio quod jussu.* §. 195. *Usus actionum, hactenus explicatarum.*

§. 192. *Si consentiente patre, vel domino cum iis, quos in potestate habebat, contractum fuerat, dabatur actio de peculio; si eodem inscio actio de in rem verso; si eo jubente, actio QUOD JUSSU.* Est autem JUSSUM præceptum, quod quis dat ei, quem in potestate habet. Nec interest, testato quis jussurit, an per epistolam; verbis, an per nuncium; generatim, an in uno contractu; initio, an postea rem ratam habuerit, *l. 1. §. 3. 4. 6. D. h. t.*

§. 193. Quia autem, qui ita contrahit, cum ipso domino, vel patre contraxisse videbatur, *l. 1. pr. D. h. t.* prætor se tunc in solidum adversus patrem, dominumve actionem daturum edixerat, *l. 1. D. h. t.*

§. 194. Datur itaque actio QUOD JUSSU prætoriam, (§. 192.) adjectitiæ qualitatis ei, qui cum filio, servove, jussu patris, vel domini contraxit, adversus patrem, vel dominum in solidum, §. 1. *Inst. quod cum eo, qui in al. potest.*

§. 195. Enimvero quum hodie receptum sit, ut ex his omnibus causis, ex quibus hæ actiones nascuntur, directe statim a patre, vel domino condici possit, §. ult. *Inst. quod cum eo, qui in al. potest. actionum harum adjectitiarum usum hodie admodum exiguum esse & ii fatentur qui omnia fere recepta in foris nostris existimant.*

## LIBER XVI.

### TITULUS PRIMUS.

#### AD SC. VELLEJANUM.

§. 196. *SCti Vellejani stat.* §. 197. *Ejus sanctio.*  
 §. 198. *Quid intercedere?* §. 199. *De intercessionemulierum axiomata.* §. 200. *Quando locus sit SC. Vellejano?* §. 201. *Quid operetur?* §. 202. *An eo perimatur obligatio debitoris principalis?* §. 203. *Quando cesset SC. ratione mulieris, & creditorum?*  
 §. 204. *Quando ratione causa?* §. 205. *Authentica si quæ mulier.* §. 206. *Ejus a SCto differentia.* §. 207. *Usus hodiernus.*

§. 196. **O**b adfinitatem materiæ actionibus, quæ ex negotiis cum servo, filiove familias gestis oriuntur, subjungitur SC. VELLEJANUM, de cujus ætate alii aliter. Vid. SCULTING. *Jurisprud. antejust. p. 640.* SCHILT. *Exercit. 28. 3.* Sed mihi vix dubitandum videtur, quin hoc SC. conditum sit a. n. c. 763. quo anno & legem Juniam Vellejam latam arbitror. (a).

(a) Non jam inquiram in aliorum sententias. Tantum meæ fundamentum dabo, quam potero brevissime. *M. Sillano, & Vellejo Tutore* coss. hoc SC. factum refert ULPIANUS l. 2. *D. h. t.* Jam *Sillani* quidem multi reperiuntur; sed nullus *Vellejus Tutor*. Atqui hunc nobis suggerit marmor apud GRUT. p. 470. n. 1. 2. ubi his legitur L. SILLANO FLAM. MART. C. VELLÆO TUTORE coss. En *Vellejum Tutorem* cons. & quidem col-

§. 197. Quam enim feminæ frequentius auderent pro aliis intercedere, idque antiquis moribus repugnaret, qui non ferebant, ut Romana mulier officium civile, vel virile obiret ( P. l. §. 382. \* ) L. 2. D. de reg. jur. l. 1. §. 1. D. h. t. & præterea infirmitati sexus subveniendum videretur, D. 2. §. 2. 3. C. h. t. censuit amplissimus ordo: quia & jam antea ita jus dictum esset, ne sine fidejussionis & mutui dationis, quibus pro aliis intercesserint, nomine ab his petito, neve in eas actio daretur; recte, atque ordine facturos, ad quos de ea re in jure aditum fuerit, si dederint operam, ut in ea re senatus voluntas servetur, l. 2. §. 1.

legam Sillani a. u. c. 763. Id unum interest, quod Ulpianus Sillanum Marcum; marmor bis Lucium vocat. Quum vero Sillani sint ex gente Junia, jam facile patet, quando, & a quibus coss. lata sit Lex Junia Velleja l. 10. §. 2. D. de testament. tut. l. 13. D. de injust. rupt. irr. test. Posterius probari video HERM. NOORDKERKIO in Disquisitione de leg. Petronia p. 94. non autem prius. Statim enim pergit: sed nollem vir egregius iisdem etiam auctoribus Vellajanum SC. acceptum retulisset; quam opinionem vel ULPIANUS damnat, qui l. 2. D. h. t. diserte testatur, post Claudii edictum fuisse conditum. Ego vero non ignorabam, quum id scriberem, Ulpianum primum edicti Augusti, & Claudii meminisse, & deinde scribere: POSTEA factum est SC. quo plenissime feminis omnibus subventum est. Ipse enim hoc modo ratiocinatus fueram in Antiq. Rom. III. 21. 22. Sed non ignorabam quoque postea, illud etiam referri posse ad edictum Augusti, nec semper tam accurate hoc, similibusque vocabulis uti Ictos, ut iis superstruere liceat rationes chronologicas. Ita POMPONIUS l. 2. §. 8. D. de orig. jur. ubi de 12. tabulis, disputatione tori, legisque actionibus egerat, subjicit: DEINDE quum esses in civitate lex 12. tabularum, & jus civile, essent & legis actiones, evenit ut plebs in discordiam cum patribus perveniret, & secederet. Et tamen hæc omnia ante conditas 12. tabulas evenisse, novimus. Similia observare licet d. l. 2. §. 18. 20. 25. D. de orig. jur. Hæc si reperimus apud Ictum; qui ex instituto historiam texit, quid sperandum de chronologica Ictorum ἀκριβειᾷ, ubi id ex instituto haud agunt? Sed sufficit nobis, alium annum ostendi non posse, quo collegæ in consulatu fuerit Sistranus quidem, & Vellejus Tutor; nos vero hoc an. 5. utramque reperire ( Conf. Histor. jur. civil. l. 1. §. 172. ).

§. 198. Vetat itaque hoc SC. mulieribus pro aliis *intercedere*. INTERCEDERE autem est, aut alienæ obligationi, vel veteri, vel novæ, accedere, aut eandem plane in se derivare. Quod sit defendendo, L. 2. §. 5. D. h. t. fidejühendo, L. 2. §. 1. l. 25. §. 1. D. h. t. pignora dando, L. ult. §. 1. D. h. t. constituendo, l. 28. D. de contest. pec. mandando, l. 6. l. 7. D. h. t. expromittendo, l. 8. §. 9. D. h. t. ream se ab initio constituendo pro pecunia alii soluta, l. 4. l. 19. C. l. 8. §. 14. l. 11. l. 12. l. 28. §. 1. D. h. t.

§. 199. Inde axiomata. I. Mulier non potest intercedere pro aliis. II. Si intercessit, id effectum caret. III. Unde hoc insigne est sexus sequioris privilegium.

§. 200. Quam ergo intercedere pro aliis non possit mulier (§. 199. 1.) consequens est (1. Ut si ve accedat alienæ obligationi, sive eam novando, expromittendoque in se suscipiat, hoc SCto tuta sit (§. 198.) (2. Ut tamen hoc SC. non pertineat ad contractus, quos pro se init, veluti donando, l. 4. §. 1. l. 21. §. 1. D. h. t. ab alio solvendo l. 4. §. 1. l. 5. l. 1. l. 4. C. h. t. creditorem suum pro alio delegando, l. 5. l. 8. §. 5. D. h. t. pignora accepta reddendo, l. 8. pr. D. h. t. modo nihil faciat in fraudem SCti, l. 29. §. ult. D. h. t. (3. Ut ne tunc quidem in SCto hoc ipsi sit præsidium, si in rem suam intercesserit, l. 3. l. 13. l. 21. seq. D. h. f.

§. 201. Quumque intercessio mulieris effectum careat (§. 199. 2.) sequitur (1. Ut non quidem ipso jure irrita sit, l. 7. l. 23. D. h. t. nisi aliter, quam in instrumento publico, intercesserit; siquidem tunc ipso jure tutæ sunt, l. 23. §. ult. C. h. t. sed tamen (2. Agenti adversus mulierem obstat EXCEPTIO SC. Vellejani l. 40. D. de cond. indeb. (3. Ut ea exceptio quidem mulieri, ejusque heredibus, fidejussoribus, mandatoribus detur, l. 7. §. 1. D. de except. l. 8. §. 4. D. h. t. non tamen (4. Mulieris confidejussoribus, qui potius tenentur in solidum, l. 58. pr. de fidejuss. quamvis, qui cum muliere expromisit, pro rata tantum teneatur, L. 8. C. h. t. l. 18. D. h. t. (5. Ut ei exceptioni locus sit ad-

huc in ipsa exsequutione. Arg. l. 11. *D. de SC. Maced.* ( 6. Ut ex SCto hoc mulieri, quæ solvit, actio non detur, ei tamen competat conductio indebiti ( §. 56. 4. 54. 1. ) l. 9. *C. h. t. l. 40. D. de cond. indeb.*

§. 202. Quamvis vero inutilis sit mulieris intercessio ( §. 199. 2. ) non tamen ideo perimitur obligatio debitoris, pro quo illa intercessit, l. 1. §. ult. l. 14. *D. h. t. l. 4. l. 23. C. eod.* Est enim beneficium juris, quo ob infirmitatem sexus læsis mulieribus subvenitur ( §. 199. 3. ) l. 2. §. 2. 3. *D. h. t.* adeoque aliis non prodest.

§. 203. Quod si ergo est privilegium, seu beneficium ( §. 199. 3. ) facile reddi poterit ratio ( 1. Cur ei mulier possit renunciare, de ejus vi edocta, sive in judicio, sive extra illud (a), l. ult. §. pen. *D. h. t. l. 21. C. h. t. l. pen. C. de pass.* 2. Cur indigna videatur eo beneficio, quæ in dolo versatur, l. 2. §. 3. l. 23. l. 30. *pr. D. h. t. l. 5. l. 18. C. eod.* vel ( 3. Quæ pretium intercessionis abstulit, l. 23. *pr. C. h. t.* vel 4. Quæ perfectæ ætatis cum esset, intercessionem post biennium reiteravit, l. 22. *C. h. t.* ( 5. Cur nec tunc subveniatur mulieri, si debitum a debitore acceperit, adeoque non læsa sit l. 16. *h. t.* ( 6. Cur nec contra ignorantem creditorem competat hæc exceptio, l. 4. l. 11. *seq. l. 27. seq. D. h. t.* nec ( 7. Contra minorem, si debitor principalis non sit solvendo, l. 32. *D. h. t. l. 12. D. de min.*

§. 204. Ex quo facile etiam patet, cur ( 8. Cesset SC. si mulier fidejusserit pro causa pia, veluti dote, l. 12. l. ult. *C. h. t.* pro servo manu mittendo, & pretium manumissionis promittente l. pen. *C. h. t.*

§. 205. Ad exemplum hujus SC. etiam quæ pro maritis intercedunt, feminis succurrit Justinianus in *Auth. si qua mulier C. ad SC. Vell.* quia multo facilius hanc uxorum intercessionem eblandiuntur mariti, quam extranei.

(a) In judicio tamen abscisse renunciare tenetur mater, vel avia, si tutelam suscipit, l. ult. *C. quando mul. ant. off. fung. Nov. 118. c. 5.*

§. 206. Differt tamen a SCto *Authentica*. Nam ( 1. SC. prohibet, mulieres pro quocunque intercedere ( §. 198. ) ; *Authentica* pro marito. ( 2. Intercessio contra SC. facta non est ipso jure nulla ( §. 201. 1. ), contra *Authenticam* facta ipso jure irrita est. ( 3. Intercessio, pro extraneo facta, convalescit, reiterata post biennium ( §. 203. 4. ), pro marito ne repetita quidem valet. ( 4. SCto potest & extra judicium renunciari; *Authenticæ* ne in judicio quidem, quamvis vulgo doctores admittant renunciationem juratam, ob c. cum contingat X. de jurejur. STR. Exerc. 21. 11.

§. 207. Sed moribus hodiernis admodum restrictus est SCti usus. Saltem, quæ mercaturam exercent, feminae ex intercessione sua ad mercaturam pertinente plerisque locis tenentur. STRYK. *Us. hod. D. h. t.* §. 6. Conf. LUDEWIG, *diss. 2. de SC. Veltajan. different.* 1.

## TITULUS II.

### DE COMPENSATIONIBUS.

§. 208. *Compensatio quid?* §. 209. *De ea axiomata.* §. 210. *Quæ debita compensari possint?* §. 211. *Quæ personæ possint compensare?* §. 212. *Quæ compensari non possint ex sua natura?* §. 213. *Quæ privilegio non possint?* §. 214. *Ejus effecta.* §. 215. *Jus retentionis quid?* §. 216. *Quando locus sit?*

§. 208. **D**E COMPENSATIONE hic loco non suo agitur, quod & illa, æque ac exceptio SC. Vellejani, creditum omne minuit præter depositum: Unde & huic materiæ præmittitur. Est autem COMPENSATIO debiti, & crediti mutui inter se contributio, *L. 1. D. h. t.*

§. 209. Ex qua definitione fluunt axiomata: I. Compensationi locus est inter eos, qui sibi invicem debent, *l. 1. l. 2. D. l. 9. C. h. t.* II. Eadem obtinet, quoties debitum utriusque est certæ æstimationis, *l. 4. l. 9. C. h. t.* III. Et tunc obligationem

(a) ipso jure vel tollit, vel minuit, §. 30. *Inst. de act.*

§. 210. Quum itaque compensationi locus sit inter eos, qui sibi invicem debent (§. 209. 1.) consequens est (1. Ut compensentur tantum debita iusta, & vera, quæ per exceptionem elidi non possunt (b), l. 14. D. l. 2. C. h. t. adeoque (2. Civilia mixta, & mere naturalia, l. 6. D. l. 5. l. 3. C. h. t. (3. Ut nihil intersit, ex contractu debeatur, an ex maleficio, si pecuniarie agitur, l. 10. §. 2. l. 17. D. h. t. item personales sint actiones, an reales, l. ult. pr. C. h. t. (4. Ut debitorum utriusque liquidum esse oporteat, l. ult. §. 1. C. hoc t. §. 30. *Inst. de act. & purnm*, l. 7. l. 16. §. 1. D. eod.

§. 211. Ex eodem axioma patet (1. Compensare posse omnes, cujuscunque sint ætatis, sexus, vel conditionis, l. 11. C. h. t. (2. Nec fiscum debitorem refragari posse compensationi, modo eadem ratio debeat, l. 46. §. 5. D. de jur. fisc. l. 1. C. h. t. (3. Compensationem recte & civitati opponi (P. 1. §. 440. 1.) l. 3. C. h. t. non autem tutori exigenti, quod pupillo debetur, l. 23. D. h. t. nec (4. Procuratori exigenti, quod debetur domino (5. Recte tamen opponi procuratori in rem suam (P. 1. §. 418.) l. 18. pr. l. 21. D. h. t. immo & (6. Filium recte compensare, quod patri debetur (P. 1. §. 148. 1.) modo de rato caveat, l. 9. §. 1. D. h. t.

§. 212. Quumque debitum utrinque esse oporteat certæ æstimationis (§. 209. 2.) consequens est (1. Ut neque species cum specie, vel genere, neque (2. Diversum genus cum diverso genere compensari pos-

(a) Sive ex negotio b. f. sit, sive ex stricto jure, quamvis ante Justinianum illa ipso jure: hæc post Marci Antonini constitutionem (nam ante illa tempora reus in judiciis stricti juris, quod sibi debebatur, singulari actione petebat) per exceptionem tolleretur, §. 30. *Inst. de act. l. ult. C. de compens.*

(b) Quid si quis jurarit, se soluturum? Recte nihilominus compensat (§. 16. 5.) l. 20. §. 2. D. de statu lib. l. 19. D. de lib. caus. l. 4. D. qui pot. pign. Nec hoc conscientia repugnat, quum & compensare sit solvere, l. 76. de verb. sign. Nec movent, quæ in contrarium movet PUFENDORF. de jur. nat. & gent. 4. 2. 14. & ibi HERT.

sit, l. 18. pr. D. de pign. aff. l. 13. §. 2. D. de pign. l. 2. §. 1. D. de reb. cred. ( 3. Ut mutui criminis publici nulla sit compensatio, l. 2. §. 4. l. 13. §. 5. D. ad leg. Jul. de adult. quin ( 4. Nec possessionis, injuste occupatæ, L. ult. §. 2. C. h. t. §. 213. Ex quo porro colligimus, ex privilegio esse, quod compensatio locum non habet ( 1. In pretio rerum a fisco emptarum, l. ult. C. h. t. ( 2. In caussa calendarii, vectigalium, tributorum, frumenti, vel olei publici, alimentorum, pecuniæ, statutis sumptibus servientis, fideicommissi civitatibus debiti, l. 3. C. eod. ac denique ( 3. In caussa depositi (a) cui aliquid compensationis nomine opponi, bona fides non patitur, l. ult. §. 1. C. h. t. l. penult. C. depos. §. 30. Inst. de aff.

§. 214. Quia denique compensatio obligationem ipso jure vel tollit, vel minuit ( §. 209. 3. ) consequens est ( 1. Ut quidem alleganda sit in judicio, quia in facto consistit, l. 2. l. 6. l. 7. seq. C. l. 13. l. 15. l. 19. l. pen. D. h. t. idque ( 2. Et ante litis contestationem, & postea; immo in ipsa exsequutione fieri possit, l. 3. C. h. t. ( 3. Effectum tamen suum exserat ex eo momento, quo invicem deberi cœpit, §. 3. Inst. de aff. adeoque ( 4. Pro solutione sit, l. 4. C. h. t. & cum obligationem, tum ejus accessiones ad summam concurrentem, extinguat, d. §.

(a) An nec in caussa commodati? Ita CUJACIO visum ob. L. ult. C. commod. prætèxtu debiti restitutio commodati non probabiliter recusatur. Sed JUSTINIANUS §. 30. Inst. de aff. solam excipit depositi actionem. Hinc ipse CUJAC. Obs. 9. 37. suspicatur, corruptam hanc constitutionem in manus Triboniani incidisse, & pro commodatum, in ea legendum esse commendatum, i. e. depositum. Sed simplicius dici potest, distinguendum esse, utrum species commodata exstet, & repetatur a commodante; an ejus peremptæ æstimatio petatur. Priori casu non est debitum mutuum, quia species commodata in dominio commodantis manet: adeoque compensationi non est locus. Posteriori locus est, quia vere tunc invicem debent commodans, & commodatarius. Ita erudite, & solide hanc litem componunt HUGO DONELL. ad §. 30. Inst. de aff. & M. LYKLAMA in Velitar. stud. jur. 3. qu. 20. p. 140.



30. l. 6. D. l. 12. C. h. t. Unde ( 5. Ab eo tempore statim & fidejussores, pignoraque liberantur, l. 4. D. l. 12. C. h. t. & usuræ currere desinunt, l. 7. C. de solut. l. 11. l. 12. D. l. 4. C. h. t. nec mora committitur, l. 88. D. de reg. jur. & quod ommissa compensatione solutum est, condictione indebiti recte repetitur, l. 10. §. 2. D. h. t.

§. 215. Referunt huc doctores JUS RETENTIONIS, idque *compensationem necessariam* vocant. Sed male. Retentione enim illa non fit mutui debiti, & crediti contributio ( §. 208. ) sed jus pignoris constituitur in re aliena, quam ex justa causa detinemus, donec nobis satisfactum sit, l. 48. D. de reg. jur. Vid. BEYERII *Posit. D. h. t.* §. 73.

§. 216. Unde ( 1. Huic juri locus est, etiamsi species debeatur ( §. 213. 2. ) Eodem recte utitur unusquisque ipso jure ob quaecumque debitum liquidum; ope exceptionis vero, etiam ob illiquidum, e. g. maritus ob impensas, in res dotales factas, l. 5. pr. D. de imp. in rem dot. fact. creditor in pignore, ob quaecumque debitum tit. C. etiam in chirogr. pec. pig. ret. immo & depositarius in re deposita, ob impensas, in rem depositam factas ( §. 213. 3. ) l. 23. D. depos. (a). Quæ secus se habere in compensatione, vidimus.

### TITULUS III.

#### DEPOSITI, VEL CONTRA.

§. 217. *Depositum quid?* §. 218. *Olim cum depositario agebatur in duplum.* §. 219. *Quotuplex sit ex edicto pratoris?* §. 220. *De deposito axiomata.* §. 221. *Depositum discrimin ab aliis contractibus.* §. 222.

(a) Ita plerique doctores. Vid. STRUV. *Exerc.* 21. 24. At, ut verum fateamur, id non sequitur ex textu adscripto; nec ex l. 18. §. ult. D. commod. l. 20. de adq. poss. l. 38. D. de her. pec. Nec obscure hoc jus excludit l. penult. C. depos. verbis; *integra omni legitima ratione servata, depositæ res, vel pecunia prima fronte restituantur.* Unde æquius videtur, ut, cautione de impensis interposita, depositario injungatur restitutio

*Depositarii officium in custodiendo.* §. 223. *Depositarius abscesse tenetur ad reddendum depositum.* §. 224. *Quid si non reddatur?* §. 225. *Actio depositi directa.* §. 226. *Contraria.* §. 227. *Sequestrium an depositum?* §. 228. *Ejus a deposito differentia.* §. 229. *Actio sequestraria directa, & contraria.*

§. 217. **C**ontractum, qui re inenitur, ultimus est DEPOSITUM, de quo hoc titulo agitur. Est autem DEPOSITUM contractus re initus, quo quis alteri rem mobilem (b) ita gratis apud se custodientem, deponi patitur; ut, quodcumque deponenti placuerit, eadem species restituatur.

§. 218. Quum vero veteribus inexplabile scelus videretur, depositum non dicam negare, sed de eo negando tantum cogitare: Vid. ISAAC. CASAUB. *Lect. Theocrit.* p. 85. & viri docti ad JUVENAL. *Sat.* 13. v. 13. legibus 12. tabularum tantum fuerat, ut depositarius omnis, qui depositum reddere nollet, actione in duplum posset conveniri, *Variat. legum Mos. & Rom.* 10. 6. quasi fur nec manifestus, *L.* 13. §. 1. *D. depos.* At postea prætor, relicta deponenti conditione furtiva, *d. l.* 13. distinxit inter depositum SIMPLEX, & MISERABILE.

§. 219. SIMPLEX est, quod fit extra necessitatem fatalem; MISERABILE, quod fit tumultus, incendii, ruinæ, naufragii causa, *L.* 1. §. 1. *D. h. t.* Ejus nomine in simplum, hujus contra depositarium in duplum; contra heredem ejus, si quid defuncti dolo malo factum esse diceretur, in simplum; si dolo ipsius heredis, itidem in duplum judicium promiserat, *L.* 1. §. 1. *D. h. t.*

§. 220. Ex quibus definitionibus, & edictis jam

(b) Quamvis enim & rei immobilis custodiam possumus alicui commendare; *commendare* autem nihil aliud sit, quam deponere, *l.* 186. *D. de verb. signif.* tamen vere tunc mandatum est, *l.* 5. §. 4. *D. de præscript. verb.* quia is, cui res immobilis commendatur, non tantum patitur, rem apud se esse, uti depositarius; sed ad factum obligatur. Vid. ULR. HUBERI *Prælect. ad Inst. quib. mod. re com. obl.* §. 10.

fluunt axiomata: I. Depositarius patitur, rem apud se gratis custodiæ causa deponi. II. Rem depositam statim tenetur in specie restituere. III. Si depositum non restituit, & homo scelestus est, & ex simplici in simplum; ex miserabili ob dolum in duplum tenetur.

§. 221. Quum itaque depositarius rem apud se gratis custodiæ causa deponi patiatur (§. 220. 1.) consequens est ( 1. Ut, si merces intercedat, locatio conductio sit; sin aliud quid, contractus innominatus, do, ut faciat, *L. 1. §. 8. seq. D. h. t.* ( 2. Ut nec dominium, nec usus, nec possessio in depositarium transferatur; adeoque ( 3. Si rei fungibilis usus concedatur, vel expresse, vel tacite, *l. 31. D. locat. depositum*, simul ac mota illa res, transeat in mutuum, *l. 10. D. de reb. cred. l. 34. D. h. t.* ( 4. Sin deposita res non fungibilis utenda data, in commodatum; adeoque ( 5. Depositum irregulare, quod fingunt doctores, non sit depositum.

§. 222. Quumque depositarius id gratis faciat (§. 220. 1.) sequitur ( 6. Ut omne ex hoc contractum commodum sit penes deponentem; adeoque (§. 118. 5.) 7. Depositarius tantum dolum, & culpam latam præstet (a), *L. 1. §. 7. 16. 20. seqq. l. 47. D. h. tit.*

§. 223. Quia deinde depositarius rem statim in specie reddere tenetur (§. 220. 2.), sequitur ( 1. Ut ei non liceat idem in genere reddere, nisi vel aliud conventum, §. 3. *Inst. quid. mod. re contr. obl.* vel depositum transierit in mutuum (§. 209. 3.) adeoque ( 2. Abscisse reddenda sit res deposita cum fructibus, *L. 1. §. 24. D. h. t. l. 31. §. 10. D. de usur. imino & cum accessionibus, & usuris a tempore moræ, L. 2. l. 4. C. h. t.* ( 3. Ut cista obsignata deposita, & singulæ res, ea comprehensæ, restituendæ sint, nisi signa illæsa adpareant, *L. 1.*

(a) Aliud si maiorem diligentiam promiserit depositarius, *l. 1. C. h. t.* vel si se ultro obtulerit (§. 118. 6.) vel si in mora sit, siquidem hic est casus, *l. 12. §. ult. D. h. t.* priore casu culpam levissimam præstat, *L. 1. §. 35. D. h. t.* Reliquas exceptiones non agnoscimus. Nam quod ad irregulare depositum attinet, illud non esse depositum, jam supra observatum est (§. 221. 5.).

§. 41. *D. h. t.* ( 4. Ut & prædo possit depositum repetere, *L. 1. §. 36. l. 31. §. 1. D. eod.* ( 5. Et ex pluribus deponentibus, vel deponentis heredibus, singuli ratam suam petant (a) *L. 1. §. 44. l. 17. pr. l. 1. §. 26. D. h. t. quemadmodum &* ( 6. Si a pluribus heredibus repetitur, pro ea parte, qua quisque heres est, reddere tenetur, *L. 7. §. 1. l. 9. D. h. t.* ( 7. Ut nec compensatione, nec deductione, nec doli exceptione nti contra deponentem debeat depositarius ( §. 213. 3. ) *L. penult. C. h. t. l. ult. §. 1. C. de compens.*

§. 224. Denique ex tertio axioma ( §. 220. 3. ) consequitur ( 1. Ut ex omni deposito & heres in solidum ex dolo defuncti teneatur, alias plures pro rata, *L. 7. §. 1. D. h. t. l. 12. l. 49. D. de oblig. & act.* ( 2. Ut omnis dolus, lataque culpa, depositarii coerceatur infamia, ( *P. l. §. 307. 4. \* ) L. 20. C. h. t. l. 1. §. 1. D. de his, qui not. inf. CIC. pro Rosc. Amer. c. 39.* ( 3. Ut ex deposito simpliciter in simplum detur actio; ex miserrabili adversus depositarium in duplum; adversum heredes ex dolo defuncti in simplum, ex dolo proprio in duplum, *L. 1. §. 1. l. 11. D. h. t.*

§. 225. Itaque ex hoc contractu nascuntur ACTIONES DEPOSITI DIRECTA, & CONTRARIA, personales, civiles, bonæ fidei; quarum illa competit deponenti, ejusve heredibus ( §. 223. 5. ) adversus depositarium, ejusve heredes ( §. 223. 6. ) ad rem depositam in specie ( §. 223. 1. ) cum omni causa ( §. 223. 2. ) vel, si miserrabile sit depositum, ad duplum ejusdem restituendum ( §. 229. 3. ) præstandumque dolum, culpamque latam ( §. 222. 7. )

§. 216. *Hæc* vero, puta CONTRARIA, datur depositario adversus deponentem, vel ejusdem heredes ad indemnitatem, *L. 5. pr. l. 12. l. 23. D. h. t.*

§. 227. Quin autem & de SEQUESTRATIONE

(a) Si deposita sit quantitas. Tunc enim pecunia etiam obsignata, prætoris auctore, & intervenientibus honestis personis, resignanda, *L. 1. §. 35. D. h. t.* Sin specie deposita, tota uni ex coheredibus, idonee caventi, restituenda. *L. 1. §. 37. D. h. t.*

hic agere soleant doctores, merito quæritur, an *ex depositum recte vocetur?* Idque adfirmq de VOLUNTARIA, quando litigantes rem litigiosam ultro apud alium deponunt, *L. 6. l. 17. pr. D. h. t.* non autem de NECESSARIA, quæ nec consensu litigantium fit; adeoque ne quidem contractus est, nec naturam depositi servat. Est ergo hæc custodia rei litigiosæ, decreto iudicis ex iusta causa (a) alicui demandata, *L. 7. §. ult. D. qui satisfac. cog.*

§. 228. Hinc est ( 1. Quod sequestrari possunt etiam res immobiles ( §. 217. ) *L. 6. l. 17. D. h. t.* ( 2. Quod in sequestrem non sola custodia, sed & possessio ( §. 221. 2. ), *l. 17. §. 1. D. h. t.* immo & administratio plerumque transit. ( 3. Quod res sequestrata non quandoquique libet, repeti potest ( §. 217. ) sed lite deinceps finita, *L. 1. §. 22. D. h. tit. l. 9. §. 3. D. de dol.* ( 4. Quod raro sequestres gratis præstant hanc operam ( §. 220. 1. ). Quæ secus se habere in deposito, vidimus.

§. 229. Datur itaque ex sequestro actio SEQUESTRARIA DIRECTA, & CONTRARIA. Illa victori, secundum quem iudicatum, contra sequestrem, ad rem sequestratam cum omni causa restituendam, reddendasque rationes, *L. 5. §. 1. l. 12. §. 2. D. h. t. l. 9. §. 3. D. de dolo.* Hæc sequestri adversus victorem ad indemnitatem.

\* (a) Ordinario enim neutri litiganti possessio eripienda; adeoque sequestratio prohibita est, *L. un. C. de prohib. seq. pecun.* Admittitur tamen ob metum fugæ, dilapidationis, armorum, aliasque justas, & magni momenti causas, *d. l. 7. §. ult. qui satisfac. cog. l. 21. §. ult. D. de appell. l. ult. C. de ord. cogn. l. ult. D. C. quib. ad libert. l. 5. C. quor. appell.* Singularis casus est in *cap. 14. 10. de spons.*

## LIBER XVII.

## TITULUS I.

## MANDATI VEL CONTRA.

§. 230. *Mandatum quid?* §. 231. *De eo axiomata.*  
 §. 232. *Quomodo mandetur?* §. 233. *Obligatio mandatarii.* §. 234. *Et mandantis.* §. 235. *Que mandari possint?* §. 236. *Actio mandati directa.* §. 237. *Contraria.* §. 238. *Quomodo mandatum finiatur?*

§. 230. **P**rocedimus ad contractus **CONSENSUALES**, quorum primus hic nobis occurrit **MANDATUM**, a *manus datione* dictum (a) quod est contractus consensualis bonæ fidei, quo alteri negotium, gratis gerendum, committitur, & ab altero suscipitur, *L. 1. D. h. t.*

§. 231. I. Contrahitur itaque mandatum mutuo consensu. II. Maxime in eo contractu vertitur amici fi-

(a) Observat **NOODT. Probat. l. 12. 1. & Comment. ad D. h. t. p. 371.** veteres primum mandatum officio, atque amicitia æstimasse *l. 1. §. 4. D. h. t.* nulla hoc nomine constituta actione, uti in precario. Suffecisse ipsis manus dationem, unde mandatum dictum esse ait **ISIDOR. Orig. 4. 24.** Erat enim manus fidei sacra, uti **SERVIUS** scribit ad *Virgil. Æn. 3. v. 607.* Unde **Tyndarus** apud **PLAUT. Cap. 2. 3. v. 82.**

*Hæc per dexteram tuam te* **DEXTERA RETINENS MANU**

*Obsecro, infidelior mihi ne tuas, quam ego sum tibi.*

Et **Menedemus** apud **TERENT, Heaut. 3. 1. v. 84.**

*Cedo dexteram, porto te idem oro, ut facias, Chreme.*

Postea actionem ex mandato dederunt Romani, sed ita, ut hodiernum hic contractus quam maxime vicaria athletarum opera constet. **CIC. pro Sex. Rosc. Amerin. c. 39.**

des. III. Eo gerendum committitur, suscipiturque negotium alienum. IV. Alter contrahentium alteri tenetur ex bona fide.

§. 232. Quum itaque mandatum mutuo consensu contrahatur (§. 231. 1.), consequens est (1. Ut perinde sit, sive præsens quis, sive per epistolam, sive per nuncium mandet, quibusque verbis potissimum uti velit, *L. 1. §. 2. D. h. t.* (2. Ut & tacitum, præsuntumque mandatum detur (*P. I. §. 427. L. 6. §. 2. l. 18. l. 53. D. l. 6. C. h. t.* immo & (3. Rati habitio, modo nondum perfecto negotio accedat (a) pro mandato fit, quod ad effectum attinet, *L. 51. D. h. t. l. 60. D. de reg. jur.*

§. 233. Quumque maxime in eo contractu vertatur amici fides (§. 231. 2.) sequitur (1. Ut semel susceptum mandatum consummandum, aut quamprimum ei renunciandum sit, *L. 22. §. ult. D. h. t.* (2. Ut mandatarius diligenter custodire debeat fines mandati, *l. 5. pr. 3. 4. D. h. t.* quod facere videtur, etiandum per alium, vel per æquipollens perfecit, *l. 8. §. 3. l. 46. l. 62. §. ult. D. h. t.* (3. Eosque si excesserit, ne actionem quidem negotiorum gestorum habeat, *l. 41. D. h. t. L. 31. §. 4. D. l. ult. C. de negot. gest.* (4. Ut nihil, cum præjudicio mandantis conjunctum, possit sine speciali mandato facere; adeoque (5. Divisio inter mandatum cum libera, & sine libera sit otiosa (*P. I. §. 430. 7.*) (6. Ut non solum dolum, sed & culpam, etiam levissimam, præstare debeat, *l. 13. l. 21. C. h. t.* immo (7. Ob dolum, & latam culpam, infamia merito notetur (*P. I. §. 407. 4.*), *l. 21. C. h. t. l. 1. l. 6. §. 6. D. de his qui not. inf.*

§. 234. Ex eodem axioma patet (8. Mandantem mandatario teneri ad restituendas impensas utiles, & necessarias, *l. 10. §. 9. l. 12. §. 9. l. 27. §. 4. l. 56. §. ult. D. h. t.* immo (9. Infamia coercendum esse, si fidem, quam adversarius sequutus est, non

(a) Alias enim, si perfecto negotio accedit, manet negotiorum gestio. BACHOV. *ad Treutl. Vol. I. Disp. 10. thesi 6. litt. B.*

præstet (a) e. gr. si pro te fidejussi, & solvi, & mandati te si condemnvero, famosum facio, l. 6. §. 5. *D. de his qui not. inf.* (10. indemnem esse præstandum mandatarium, l. 15. l. 20. l. 26. §. 2. 7. *D. h. t.* licet vel minus impendere potuisset, L. 27. §. 4. *D. h. t.* vel consilio non responderit eventus, l. 4. *C. h. t.* Nec tamen (11. Illud damnum ferre mandantem, quod mandatarium casu fortuito, naufragio, similive infortunio, passus est, l. 26. §. 6. *D. h. t.*

§. 235. Quumque porro mandato committatur suscipiaturque negotium alienum (§. 231. 3.) facile patet (1. Mandari non posse negotia turpia, L. 6. §. 3. l. 22. §. 6. l. 11. *D. h. t.* adeoque (2. Nullam inde nasci obligationem inter mandantem, & mandatarium: sed utrumque obligari ad pœnam, L. 7. §. ult. *D. de jurisd.* L. 15. §. 5. *D. ad leg. Corn. de sicar.* l. 5. *C. de accus.* (3. Nec commendationem pro mandato esse, l. 12. §. 2. *D. h. t.* nec (4. Consilium; neutrum enim obligatorium est (b) nisi, vel fraudulentum sit, vel plus, quam commendatio, aut consilium, L. 47. *D. de reg. jur.* l. 6. §. 5. l. 32. *D. §. 6. Inst. h. t.* l. 10. *D. de dol. mal.* (5. Ex mandato aliena gratia non nasci obligationem, l. 8. §. 6. *D. h. t.* nisi postquam adimpletum est a mandatorio, l. 8. §. 6. *D. h. t.*

§. 236. Denique, quum alter contrahentium alteri ex bona fide teneatur (§. 231. 4.) consequens est (1. Ut duplex ex hoc contractu nascatur MANDATI actio, altera DIRECTA, altera CONTRARIA, utraque personalis, & bonæ fidei. Et DIRECTA quidem datur mandanti, ejusve heredi, adversus, mandatarium, ejusve heredem; & si plures sint, contra singulos in solidum, ad negotium susceptum expediendum, rem acquisitam cum fructibus tradendam, red-

(a) Quod hic singulare; quum alioquin contrario jure delicto damnatus infamis haud fiat, l. 1. *D. de his qui not. inf.*

(b) Aliud tamen de commendatione mercatorum dicendum, quam obligare experientia docet. V. FINCKELT. *Obs.* 16. 11. 2.



flendas rationes, præstandamque omnem culpam, etiam levissimam ( §. 233. )

§. 237. CONTRARIA competit mandatario, qui mandatum perfecit, ejusve heredi, contra mandantem, ejusve heredem, ad indemnitatem.

§. 238. Ceterum finire mandatum ( 1. Dissensu contrahentium, §. ult. *Inst. quib. mod. toll. obl.* ex primo axiomate patet. Ex secundo verò sequitur, ut expiret etiam ( 2. Revocatione mandantis, si res adhuc sit integra, l. 12. §. penult. l. 15. *D. h. tit.* & ( 3. Renunciatione mandatarii, modo tempestive, vel ex justa causa, fiat, l. 22. §. ult. l. 23. l. 24. l. 25. *D. h. t.* §. 11. *Inst. eod.* nec non ( 4. Morte mandantis, vel mandatarii, l. 26. l. 27. §. 3. l. 57. l. 58. *D. h. t.* nisi huic vel actio cessa, l. 1. *C. de obl. & act.* vel mandatarius, ignorans mandantem decessisse, mandatum exsequutus sit, l. 26. l. 38. *D. h. t.* vel aliquid mandatum sit, quod non nisi post mortem possit perfici, l. 12. §. ult. l. 13. *D. hoc tit.*

## TITULUS II.

### PRO SOCIO.

§. 239. Quid societas? §. 240. Ea quasi fraternitas est. §. 241. Societas quotuplex? §. 242. De ea axiomata. §. 243. Quomodo ineatur societas? §. 244. Quid justum in societate universali? §. 245. Quid in generali? §. 246. Quomodo dividatur inter socios luerum, & damnum? §. 247. Obligatio sociorum. §. 248. An socius conveniri possit in solidum? §. 249. Actionis pro socio descriptio. §. 250. Quando ei non sit locus? §. 251. Quomodo finiatur societas?

§. 239. **A**lter, de quo hoc libro agitur, contractus consensualis est SOCIETAS, a rerum communione discernenda ( P. II. §. 227. ). Quemadmodum enim communiter res agi potest citra societatem; ut puta, quum non adfectione societatis in communione indueimus, L. 31. l. 32. l. 34. *D. h. t.* ita SOCIETAS

TAS non nisi consensu initur; adeoque est contractus consensualis bonæ fidei, de re, vel opera honesta, communis lucri causa, in commune conferenda.

§. 240. Unde hic contractus non nisi fiducia amicitie initur; adeo ut socii sibi invicem fratrum loco essent, *l. 63. pr. D. h. t.* APULEJ. *Metamorph. X. p. 388.* PETRON. *Satyr. p. 26. & ib.* JO. WOUWER. *p. 118.*

§. 241. Ceterum societas, vel UNIVERSALIS est, quæ universa bona præsentia, & futura communicantur, *L. 3. §. 1. L. 73. §. 1. D. h. tit. vel GENERALIS*, quæ illa tantum, quæ ex quæstione veniunt, in commune conferuntur, *L. 7. L. 8. D. h. t.* (quæ in dubio magis, quam illa, inita esse præsumitur, *d. l. 7. D. h. t.* vel SINGULARIS, quando vel certæ rei, operæ, vel negotiationis causa, societas initur, *L. 5. pr. l. 52. §. 5. D. h. t.*

§. 242. Inde axiomata: I. Societas solo consensu perficitur. II. In societate universali omnia, in generali ea, quæ ad quæstionem pertinent: in singulari res, vel operæ certe communes sunt. III. Sociorum commune est lucrum, & damnum. IV. Contractus hic quammaxime exigit fidem bonam (§. 240.)

§. 243. Quum itaque consensu perficiatur societas (§. 242. 1.) consequens est (1. Ut & tacite, facto, & per nuncium possit iniri, *L. 4. pr. D. h. t.* (Ut traditio ad implendum quidem contractum requiratur, non autem inde substantiam capiat societas (3. Ut ne quidem ea opus sit in societate universali; quippe in qua res singulæ tacite, & continuo traditæ censentur, etiam sine facto sociorum, *l. 1. §. 1. D. h. t.* exceptis tamen (4. Nominibus, & actionibus, quæ quum personam non egrediantur (P. I. §. 196.) cedenda sunt invicem, *L. 3. pr. D. h. t.*

§. 244. Quumque in societate universali omnia communicantur (§. 242. 2.) consequens est (1. Ut & futura cujusque bona communia fiant (2. Etiam quæ ex causa lucrativa uni ex sociis obveniunt; veluti hereditas, legatum, *l. 3. §. 1. l. 73. pr. D. h. t.* (3. Etiam quæ ex delicto tertii per actionem injuriarum, vel ex lege Aquillia, adquiruntur, *l. 52. §.*

18. D. h. t. ( 4. Ut quemadmodum in adq̄estu æqualitas non exigitur: ita nec in erogationibus, & impendiis, si uni sociorum pluribus opus sit, quam alteri, l. 72. §. idem D. eod. quod tamen ad mulctas, ob unius delictum solvendas, vel lucra ex delictis, non pertinet, l. 25. §. 18. l. 54. D. h. t.

§. 245. Quia porro in societate generali ea, quæ ad quæstum pertinent, communicantur ( §. 242. 2. ) non dubium est ( 1. Quin in commune sit conferendum, quidquid ex opera & negotiatione provenit, l. 7. l. 8. l. 71. pr. D. h. t. non autem ( 2. quod ex causa lucrativa; veluti hereditate; legato, donatione, l. 9. seq. D. h. tit. Unde & ( 3. Impendia tantum ad quæstum fiunt, l. 12. l. 27. D. h. t.

§. 246. Quandoquidem porro commune esse debet in singulari societate lucrum, & damnum ( §. 242. 3. ) consequens est ( 1. Ut ex arbitrio coeuntium partes fiant, etiam inæquales, §. 1. Inst. h. t. l. 29. pr. §. 1. D. h. tit. ( 2. Ut partem lucri ferat, qui non pecuniam, sed operam, in commune contulit, tanquam socius; quamvis reliqui socii pecuniam collatam merito præcipuam habeant, l. 52. §. 2. D. h. t. ( 3. Ut, si pacto nihil definitum sit, inter socios servetur æqualitas, non quidem arithmetica, sed geometrica pro ratione collatæ pecuniæ, vel operæ, l. 6. l. 29. pr. l. 80. D. §. 1. Inst. h. t. ( 4. Ut non valeat societas leonina, ex qua unus omne lucrum, alter omne damnum ferat, l. 29. §. 2. D. h. t. nec ( 5. Lucrum intelligatur nisi deducto damno, l. 30. D. h. t.

§. 247. Denique, quum hic contractus quaminaxime exigit fidem bonam ( §. 242. 4. ) æquissimum sane est ( 1. Ut socius socio præstet eam diligentiam, quam ipse in re sua præstat; nec hic majorem diligentiam exigit ab illo, quam talem, qualem ipse initio in socio probavit, §. 9. Inst. h. t. & probat etiamnum, dum ex societate non discedit ( Inst. §. 947. \* ) ( 2. Ut eam diligentiam socius socio præstet in negotiis singulis; adeoque ( 3. Compendium ex uno negotio cum culpa, in altero commissum, non compensetur, l. 25. l. 26. D. h. tit. ( 4. Ut socius socium & rationem impensarum indemnem præstare

debeat, omniaque una ferre, quæ socio ex causa societatis absunt, *L. 38. §. 1. l. 52. §. 10. 15. lib. 67. §. pen. D. h. t.* ( 5. Ut casus fortuitus sit communis, si in re communi; non si in re unius socii contigerit, *L. 52. §. 3. 4. l. 58. pr. §. 1. D. h. tit.* ( 6. Ut socius, ex dolo, latave culpa conventus, & condemnatus infamia notetur ( *P. l. §. 407. 4. ) L. 2. l. 6. D. de his, qui not. inf. §. 2. Inst. de pæn. temp. litig.*

§. 248. Ex jure fraternitatis ( §. 240. ) est, quod ( 7. Socius, actione pro socio conventus, gaudet beneficio competentie, nec ultra condemnatur, quam quantum facere potest ( *Inst. §. 1200. 4. ) §. 38. Inst. de aff. l. 63. pr. D. pro soc. l. 16. D. de re judic.* Quare nec ( 8. socii heres, vel fidejussor. *l. 63. §. 2. D. h. t.* nec ( 9. Socius qui dolum admisit, *l. 22. §. 1. D. de re jud.* nec ( 10. Is, qui se socium esse negavit hujus beneficii particeps est, *L. 67. §. ult. D. h. t. l. 11. §. 1. D. de re jud.*

§. 249. Datur itaque sociis inter se actio PRO SOCIO, utrinque directa, personalis, bonæ fidei ( §. 239. ) ad conferenda bona communia, luerum communicandum, præstandumque damnum, culpa levi in concreto datum ( §. 247. 1. )

§. 250. Ex qua descriptione patet ( 1. Dissoluta societate, si quid inter socios dividendum supersit, non utendum esse actione pro socio, sed communi dividundo, *L. 61. D. comm. div.* ( 2. Contra socios ab extraneo non pro socio, agi; sed actione ex contractu, ex quo nata obligatio, *L. 69. D. pro soc.* Quo casu ( 3. Si omnes contraxerunt, singuli pro rata; si unus suo nomine, nec in rem societatis verum, ipse solus; si unus tamquam institor pro omnibus, singuli in solidum tenentur, *L. 28. l. 52. §. 6. l. 63. §. 3. l. 67. §. 1. l. 82. D. h. t.*

§. 251. Denique ex his principiis facile patet, cur societas solvatur: I. Mutuo dissensu, quia mutuo consensu contrahitur, *L. 63. §. ult. l. 65. §. 3. D. h. t.* II. Renunciatione unius ex sociis, modo non dolosa, nec intempestiva ( quia alias socium liberat renuncians, ipse non liberatur ) *L. 65. §. 3. 7. 8. l. 64. D. h. t.* Socii enim fratrum loco sunt ( §. 240. )

quos alienos esse oportet a discordia, cujus societas mater esse solet ( P. II. §. 229. 6. ) Unde nec pactum contrarium renunciationi obstat; veluti si societas contracta in perpetuum, L. 14. l. 70. D. h. t. III. ( Morte unius ex sociis, quia personæ industria electa, L. 65. l. 9. D. h. tit. Unde heres non tenetur continuare societatem (a) licet expresse ita convenerit, l. 40. l. 59. l. 65. §. 11. D. h. t. excepta societate vectigalium, L. 59. pr. D. h. t. IV. Morte civili, L. 4. §. 1. l. 65. §. ult. D. h. t. V. Cessione, ac publicatione honorum, l. 4. §. 1. l. 63. §. 10. l. 65. §. 12. D. h. t. VI. Rei interitū, L. 65. §. ult. D. h. t. VII. Lapsu temporis, ad quos societas inita, L. 65. §. D. h. t.

## LIBER XVIII.

## TITULUS I.

DE CONTRAHENDA EMPTIONE, VENDITIONE, ET DE PACTIS INTER EMPTOREM, ET VENDITOREM COMPOSITIS, ET QUÆ RES VENIRE NON POSSUNT.

§. 252. *Quid emptio venditio?* §. 253. *De ea axiomata.* §. 254. *Consensui repugnat vis, dolus, &c.* §. 255. *Error.* §. 256. *An liceat ab ea recedere?* §. 257. *Quæ emi vendi possint?* §. 258. *Quæ vendi non possint absolute?* §. 259. *Quæ non nisi certo respectu?* §. 260. *An res extincta, & propria emi possint?* §. 261. *Pretium debet esse verum.* §. 262. *Iustum.* §. 263. *Certum.* §. 264. *In pecunia enumerata consistens.* §. 265. *Obligatio ex hoc contractu.* §. 266. *Varia pacta adjecta.*

§. 252. **P**roximus est tertius contractus consensualis, de quo omnium prolixissime agitur in Pan-

(a) Heres tamen præstat factum defuncti, & hinc societati obligatur l. 36. l. 63. l. 65. §. 9. D. h. t. & a-  
dione pro socio convenitur ex gesto defuncti. Immo de

dectis; puta *EMPTIO VENDITIO*; quippe invento nummo, vel pretio eminente, in vita humana frequentissima, *L. 1. pr. D. h. tit.* Ea autem est contractus juris gentium (a) consensualis (P. I. §. 361.\* ) bonæ fidei ( *ibid.* §. 365. ) de re pro certo pretio tradenda.

§. 253. Ex quo facile patet, tria esse, quæ hujus contractus substantiam absolvunt, *CONSENSUM*, *REM*, & *PRETIUM*, de quibus observanda axiomata; I. *Emptio venditio perficitur consensu*, *L. 11. C. h. t.* II. *Pretium debet esse verum, justum, certum, & in pecunia numerata consistere.* III. *Est hic contractus utrinque obligatorius, & hinc bonæ fidei*, *L. 6. §. 1. D. h. t. §. un. Inst. de obl. ex consens.*

§. 254. Quum itaque *CONSENSU* perficiatur emptio venditio ( §. 253. ) consequens est ( 1. *Ut sine consensu sit nulla*, *l. 9. pr. D. h. t.* ( 2. *Ut ad vendendum, nisi exigente necessitate, vel utilitate publica, cogi nemo possit*, *l. 11: l. 14. C. h. t. l. 1. C. de resc. vend. tit. C. ut nem. lic. in emt. spec.* adeoque ( 3. *Propter vim illatam emptio venditio nulla sit, vel aliquando rescindatur* ( P. I. §. 468. ) *l. 3. D. de resc. vendit. l. 9. §. 3. D. quod met. causss.* ( 4. *Ut & dolus, dans causam contractui, emptionem venditionem reddat nullam; incidens, actione emti, vel exceptione doli purgetur* ( P. I. §. 481. ) *l. 7. pr. l. 9. D. de dol. l. 13. §. 4. 5. D. de aff. emt.*

§. 255. Ex eodem sequitur ( 5. *ut & nulla sit em-*

*perficere tenetur a defuncto socio inchoata*, *l. 40. D. h. t. quemadmodum & obligatur, si socius, mortuum esse socium ignorans, utiliter socii negotium gessit*, *l. 65. §. 13. D. h. t.*

(a) Nulla enim hic forma nova ex jure civili accessit. Unde & inter peregrinos æque, ac cives Romanos, contrahitur, *l. 15. de interd. & relat.* Ita recte vir desideratissimus GER. NOODT *ad Pand. h. t. Tom. 2. Opp. p. 586.* Sed id tamen intelligendum tantummodo de emptione venditione simplici. Rerum enim mancipi alienationi accedebat nexus, & mancipium, seu ritus mancipationis ( *Inst. §. 530. \** ) qui modus alienandi erat civium Romanorum proprius. Vid. BYNKERSH. *de reb. mancipi, c. 1.*

tio, si erratum in genere contractus, in re vendenda, in pretio, l. 9. pr. D. h. t. item in materia, l. 9. §. 2. D. eod. vel majore ejus parte, l. 41. §. 1. D. h. t. vel in sexu, l. 11. l. 1. D. h. tit. non autem (6. Si erratum in parte minore materiae, l. 14. D. h. t. vel virginitate, l. 11. §. 1. D. de act. emt. vel in accessoriis, l. 43. pr. D. h. tit. nisi venditor in dolo sit, d. l. 11. §. 5. D. h. tit. Quamvis (7. His casibus omnibus locus sit actioni *quantum minoris*; quæ ne admittitur quidem, si erratum sit in re nullius momenti, veluti in nomine, l. 9. §. 1. D. h. t. (8. Ut in emptione, per aversionem ad corpus facta, erroris ratio non habeatur; sed illa tamen attendatur, in emptione facta ad mensuram, l. 40. §. 2. D. h. t. l. 4. §. 1. l. 13. §. 14. l. 42. D. de act. emt. l. 45. l. 69. §. ult. D. de evict.

§. 256. Ex eodem axiomate patet (1. Statim perfectam esse emtionem venditionem, simul ac de pretio convenit, l. 1. §. ult. l. 2. §. 1. D. pr. Inst. h. t. quamvis nec pretium solutum, nec arrha data sit, l. 2. §. 1. D. h. t. nisi ita convenerit, ut in scripturam redigatur, siquidem tunc non nisi instrumento subscriptione firmato, perfecta habetur emtio venditio, l. 17. C. de fid. instr. pr. Inst. h. t. (2. Nondum perfecta contractui locum esse pœnitentiæ, pr. Inst. h. t. modo arrham perdere emptor, vel venditor duplum ejus restituere velit; pr. Inst. h. t. l. 17. C. de fide instr. (3. Perfecta emptione resilire non posse alterutrum, si vel maxime arrhas amittere, vel duplum restituere velit (a), l. 3. 6. C. de resc. vend.

§. 257. Quam deinde emi vendi possint RES, quæ sunt in commercio ( §. 253. 3. ) sequitur (1. Ut nihil intersit, sintne res præsentēs, an futuræ, l.

(a) Quam autem & venditio conditionalis, vel rerum fungibilium, perfecta sit, dum emtor, & venditor consentiant in conditionem, vel in futuram adnumerationem, admensurationem, adpensionem, quamvis illa necdum extiterit, hæc nondum sequuta sit; facile patet, in hujusmodi emtione venditione pœnitentiæ non esse locum, l. 8. de pet. & comm. rei vend. l. 35. §. 5. D. h. t.

8. §. 1. l. 39. §. 1. l. 78. §. ult. D. h. t. l. 12. l. 25. D. de aff. emt. quo & redditus annui referendi: Nov. LXXVII. cap. penult. Nov. CLX. cap. 1. ( 3. Propriæ, an alienæ, l. 28. D. h. t. eatenus, ut domino quidem non noceat, rem suam esse venditam; emtor tamen cum venditore ex emto agere possit ad præstandam evictionem, L. 30. §. 1. D. de aff. emt.

§. 258. Ex eod. patet. ( 4. Eini vendi non posse res, quas leges venire prohibent, l. 34. §. 1. l. 62. §. 1. D. h. t. adeoque ( 5. Nec res sacras, religiosas, sanctas, l. 6. l. 34. §. 2. l. 62. §. 1. D. h. t. nec ( 6. Publicas, §. ult. Inst. h. t. nec ( 7. Liberum hominem, l. 6. l. 34. §. 2. l. 70. D. h. t. nec ( 8. Venena mala, l. 35. §. 2. D. h. t. nec ( 9. Libros improbatæ lectionis, l. 4. §. 1. D. fam. erc. l. 3. 1. 3. C. de SS. Trinit. l. 10. C. de episc. aud. l. 8. §. 5. C. de heret. nec ( 10. Res furtivas, l. 35. §. 4. D. h. t. nec ( 11. Litigiosas, l. 2. l. ult. C. de litigios. nec ( 12. Purpuram, l. 1. C. quæ res ven. non poss. nec ( 13. Officia publica, Nov. VI. cap. 1. §. 3.

§. 259. Nec minus inde sequitur ( 14. Ut liceat summæ potestati, quarundam rerum vel venditionem sub certa conditione, vel exportationem ad externos prohibere. Vid. Syllog. Opuseul. Exercit. VIII. de navibus ob vesturam vestitarum mercium commissis. Quo in numero apud Romanos erant ( 15. Sericini, l. 2. C. quæ res ven. non poss. ( 16. Frumentum publici canonis, l. 3. C. quæ res ven. non poss. vel, quod ad exercitum mittitur, l. ult. C. eod. ( 17. Arma, l. un. C. ut nem. us. inso. pr. Novell. LXXXV. cap. 1. ( 18. Vinum & oleum, l. 2. l. 1. C. quæ res exp. non deb.

§. 260. Quia denique res emi, vendique possunt, quæ possunt tradi ( §. 252. ) non obscurum sane est, cur ( 1. Nec res extinctæ, l. 15. §. 2. D. h. t. nec ( 2. Res propriæ emi possint, l. 15. §. 2. D. h. t. nisi vel possessionem rei suæ quis emat, l. 34. §. 4. D. h. t. vel emtio fiat sub conditione, si propria esse desierit, L. 16. D. h. t.

§. 261. Quandoquidem porro PRETIUM debet esse VERUM ( §. 253. 3. ) consequens est ( 1. Ut non



valeat emptio innaginata, *l. 55. D. h. t. nec* ( 2. Uno forte intercedente nummo donationis velamentum est, *L. 36. l. 38. C. t. 3. D. h. t. l. 13. §. ult. D. de adqm. possess.*

§. 262. Quia & JUSTUM esse debet ( §. 253. 3. ) pretium autem justum conventionale non consistit in puncto, *L. 16. §. 4. D. de min. lib. 8. C. de reso. vend. consequens est* ( 3. Ut tantum ob læsionem enormem rescindi possit emptio venditio; id est, si ultra dimidium læsi sint contrahentes, *L. 2. C. de reso. vendit.*

§. 263. Quum porro & CERTUM esse debeat ( §. 253. 3. ) facile patet ( 4. Perinde esse, sive contrahentes exprimant summam, sive se referant ad aliam quantitatem, *l. 7. §. 1. 2. D. h. t. vel ad arbitrium eertæ personæ, modo ista pretium definiat, l. ult. C. §. 1. Inst. h. t. quo casu standum est ejus æstimationi, nisi vel manifesto iniqua, vel cum læsione enormi conjuncta sit, L. 78. seq. D. pro soc. l. 19. C. de transact. ( 5. Nullam esse emtionem venditionem, ubi pretium in arbitrium alterius contrahentis, vel tertii incerti, confestur, L. 35. §. 1. D. l. ult. C. h. t.*

§. 264. Denique, quum secundum idem axioma pretium in pecunia numerata consistere oporteat ( §. 253. 3. ) sequitur ( 6. Ut, si res pro re detur, permutatio sit, non emptio venditio ( *Inst. §. 908. \** ), *l. 2. §. 2. Inst. h. t. ( 7. Ut, si major pars pretii in nummis consistit, emptio venditio; sin in alia re, permutatio facta censeatur, L. 1. C. de rer. permut. L. 6. C. de pact. int. emt. & vend. sin* ( 8. Par sit pecuniæ, & aliarum rerum quantitas moralis, magis pro emtione venditione, tamquam frequentissima hodie ( §. 252. ) præsumendum sit. ( 9. Ut hæc decisio non pertineat ad casum, si primo de pecunia convenerit, & deinde alia res venditori volenti in solutum data sit, *L. 9. C. de resc. vendit. l. 27. C. de solut.*

§. 265. Postremo, quum hic contractus utrinque sit obligatorius, & bonæ fidei ( §. 253. 4. ) consequens est, ut alter alteri debeat præstare, quod æquum, & bonum est, nec prius. alter cum altero

valide agat, quam sua parte contractui satisfecerit. ( 2. Ut inde duplex nascatur actio DIRECTA, EMPTI, & VENDITI. ( 3. Ut omnia pacta, huic contractui in continenti adjecta, modo naturæ ejus non adversa, ipsi contractui insint, l. 72. pr. D. h. t. l. 23. D. de reg. jur. non autem ex intervallo adjecta, nisi sint detrahentia ( P. l. §. 356. )

§. 266. Ex quo ( §. 265. 3. ) facile patet, valere pactum l. de retrovendendo, vel quandocumque obtulerit venditor idem pretium, vel intra certum tempus aliquod elapsum, L. 2. C. de pact. inter emt. II. Pactum *ὑπομνήσεως*, quo venditor sibi stipulatur, ut, si res denuo ab emptore veneat, ipse, tantumdem offerens, reliquis omnibus præferatur, L. 75. D. h. t. III. Pactum de *rutis casis in ædibus relinquendis*, l. 40. §. 5. l. 66. §. 2. D. h. t. l. 17. §. 6. l. 18. §. 1. D. de act. emt. IV. Pactum de fundo, venditori pro certo pretio locando, l. 75. D. h. t. V. de casu fortuito præstando ( §. 115. ) l. 78. §. ult. D. h. t. VI. de pœna conventionali ob inoram solvenda, l. 1. C. de pact. int. emt. VII. Pactum additionis in diem. VIII. Pactum commissorium, de quibus paullo post, & alia quæcumque.

## TITULUS II.

### DE ADDICTIONE IN DIEM.

§. 267. *Additio in diem quid?* §. 268. *Et semper fit sub conditione.* §. 269. *Vel suspensiva, vel resolutiva.* §. 270. *Quid juris in conditione suspensiva.* §. 271. *Quid in resolutiva.* §. 272. *Quæ sit melior conditio, & quando illa oblata censeatur?*

§. 267. **Q**uam itaque & ADDICTIO IN DIEM adjici possit emtioni venditioni ( §. 266. ) de ea hoc titulo agitur. Est autem ADDICTIO IN DIEM pactum, de re vendita ei addicenda, qui intra certum tempus meliorem conditionem obtulerit, L. 1. D. h. t. Melior autem conditio videtur, quæcumque ad utilitatem venditoris pertinet, L. 5. D. h. t.

§. 268. Semper itaque addictio in diem fit sub conditione, si quis meliorem conditionem obtulerit. Hinc sive tertius obtulerit, ei addicitur, sive tertius non obtulerit, emptori addicitur, tamquam plus offerenti. Ex quo patet, conditionem hanc vel SUSPENDERE emtionem, vel DISSOLVERE.

§. 269. SUSPENDERE hunc contractum dicitur conditio, si id agitur, ut, nemine conditionem meliorem offerente, ille perficiatur; DISSOLVERE, si hic actum sit, ut meliorem oblata conditione, ab emtione discedatur, *L. 2. pr. D. h. t.* Unde I. Priori casu, ante illum diem, in quem addicitur, venditor manet dominus, *L. 4. pr. D. h. t. II.* Posteriori, jus in re tradita ad emtorem transit, *L. 42. D. de rei vind.*

§. 270. Quum itaque priori casu dominium penes venditorem maneat (§. 269. 1.) sequitur (1. Ut emtor nec usucapere interim, nec (2. Fructus lucrari possit, *l. 4. pr. D. h. t.* adeoque tum demum perficienda sit emtio venditio, si intra certum diem nemo plus obtulerit, *l. 2. pr. D. h. t.*

§. 271. Quumque contra ea posteriori casu jus in re tradita transeat ad emptorem (§. 269. 2.) consequens est (1. Ut hic in ea conditione sit, ut usucapere possit (2. Et fructus lucretur, & (3. Omne sustineat rei venditæ periculum, *l. 2. §. 1. l. 3. l. 6. pr. D. h. t.* (4. Ut, meliore oblata conditione, venditori competat actio venditi (P. I. §. 356.) contra emtorem ad rem emtam ex pacto restituendam, *l. 4. §. 4. l. 14. §. 1. D. h. t.* (5. Ut, si verbis hujusmodi usi sint contrahentes, quibus nihil factum emtoris involvitur, e. g. *res erit inempta, emtio erit nulla*, locus sit rei vindicationi adversus tertium possessorem, quia tunc dominium ipso jure redit ad venditorem, simul ac quis plus obtulerit; quod secus se habet, si iis verbis usi sint, quæ factum emtoris involvunt; e. g. *rex reddetur, restituetur*, *L. 41. pr. D. de rei vind.* (6. Ut venditori liceat, posthabita meliore conditione, priorem sequi, *l. 9. D. h. t.*

§. 272. Quumque, conditione meliore oblata, a contractu recedatur, & melior conditio sit, quæcum-

que ad venditoris utilitatem pertinet ( §. 267. ) consequens est ( 1. Ut sive pretio quid additum, sive ( 2. Solutio pretii facilior, vel maturior, vel opportuniore loco offeratur, sive ( 3. Emptor magis idoneus videatur; conditio melior dicatur oblata, *L. 4. §. ult. D. h. t.* ( 4. Ut æquum sit emptorem priorem præferri, hic si tantundem offerat; & hinc ( 5. Ista melior conditio illi denuncianda sit, *L. 6. §. 1. l. 7. 8. D. h. t.* ( 6. Ut non sit melior conditio, quæ a falso, & subornato emptore offertur, *Li 4. §. 5. l. 6. pr. D. h. t.*

## TITULUS III.

## DE LEGE COMMISSORIA.

§. 273. *Lex commissoria quid?* §. 274. *Jus emptoris ante dissolutionem contractus.* §. 275. *Post ejus rescissionem quid justum?*

§. 273. **E**jusdem generis est pactum, quod **LEGIS COMMISSORIÆ** nomine venit ( §. 266. 8. ). Ea est pactum, quo convenit, ut, pretio justo tempore non soluto res inempta sit, *l. 2. h. t.* quam conditionem *dissolvere* contractum, satis adparet, *l. 1. D. h. t.*

§. 274. Quum itaque conditio hæc dissolvat contractum ( §. 273. ) consequens est ( 1. Ut interim dominium transeat ad emptorem; adeoque is, ( 2. In conditione sit usucapiendi. ( 3. Fructus ex re perceptos interim suos faciat, *l. 5. D. h. t.*

§. 275. Quumque contractus pretio non soluto rescindatur ( §. 273. ) sequitur ( 1. Ut commissoria lege statim statuere oporteat venditorem, commissoriam uti malit, an pretium petere, *l. 4. §. 2. l. 7. D. h. t.* ( 2. Ut hac uti possit, etiamsi emptorem non interpellarit, *l. 4. §. ult. D. h. t.* ( 3. Ut tunc venditori eædem competant actiones, quas ex additione in diem nasci diximus ( §. 271. 3. 4. ) ( 4. Ut tunc emptor rem cum fructibus restituere, & damnum, in re vendita datum, resarcire cogatur, *l.*

4. pr. l. 5. D. h. t. ( 5. Ut idem arrham datam, immo & pretii soluti partem, amittat, l. 6. pr. D. h. t. quo casu tamen & fructus lucratur, l. 4. §. 1. D. h. t.

## TITULUS IV.

## DE HEREDITATE VEL ACTIONE VENDITA.

§. 276. *Hereditas vendi potest.* §. 277. *Quid, si quis vendiderit hereditatem viventis, vel ad se non pertinentem?* §. 278. *Quid præstare debeat venditor?* §. 279. *Quid non præstet?* §. 280. *Venditor ab emptore indemnus præstandus.* §. 281. *Venditor stricto jure heres manet.* §. 282. *De actione vendita axiomata.* §. 283. *Quæ actiones vendi possint?* §. 284. *Actione vendita quid emptori cedendum?* §. 285. *Quis, cui, & quo modo quis cedere possit?* §. 286. *Quid cedi non possit?* §. 287. *Lex Anastasiana, a Justiniano aucta.* §. 288. *Exceptiones, & effecta hujus legis?* §. 289. *Cedens non præstat debitorem locupletem.* §. 290. *Usus hodiernus.*

§. 276. **Q**uam vendi possint non modo res corporales, verum etiam incorporales ( §. 257. 2. ) visum est, de HEREDITATIS, & ACTIONIS venditione hic speciatim agere. Et primo quidem quod ad hereditatem attinet, ea vel FUTURA est, vel jam DELATA. Futuram, & viventis hereditatem vendi non posse, vel inde patet, quod pacta successoria non servat prætor ( P. I. §. 372. 2. γ. ) l. 2. l. 7. D. h. t. nisi quis spem tantum hereditatis vendat, l. 11. D. h. t. Delata autem vendi potest; eoque facto ( 1. Heres quidem jus, quod tempore venditionis habet, in emptorem transfert, l. 2. pr. §. 1. D. h. t. attamen ( 2. Quia in universalibus judiciis pretium succedit in locum rei ( P. II. §. 8. 3. ) venditor ipso jure heres manet, l. 88. D. de her. inst.

§. 277. Quia itaque hereditas non delata vendi non potest ( §. 276. ) facile patet ( 1. Eo casu emptorem pretium a venditore, & omne quod interest, recte

petere, l. 8. l. 9. D. h. t. ( 2. Si quis credens, ad se pertinere hereditatem, eam vendiderit, cum istius æstimatione præstare debere, l. 8. D. h. t. ( 3. Eum, qui dixerit: *si quid juris sibi esset, se vendere*, hereditate ad eum non perveniente, nihil omnino eo nomine præstare, l. 10. D. h. t. nisi dolo malo vendiderit, l. 12. D. h. t.

§. 278. Quumque deinde heres venditor jus, quod tempore venditionis habet, in emptorem transferat ( §. 278. 1. ) sequitur ( 1. Ut venditor, ejusve heres, l. 2. §. 4. D. h. t. res hereditarias omnes, quas habet, tradere, & actiones emptori cedere debeat, l. 14. §. 1. D. l. 4. C. h. t. l. 2. §. 3. §. 8. D. h. t. ( 2. Ut & pretia rerum venditarum, quippe quæ in locum rei succedunt ( §. 276. 2. ) præstare teneatur, l. 2. §. 3. D. h. t. & ( 3. Quidquid ad eum cum effectu pervenit, d. l. 2. §. 3. D. eod. vel ( 4. Dolo ejus malo, vel lata culpa, pervenire non potuit, l. 2. §. 5. D. h. t.

§. 279. Ex eodem sequitur ( 5. Ut non præstet, quod ipsi forte postea ex substitutione obvenit, l. 2. §. 1. D. h. t. nec ( 6. Singularum rerum evictionem, l. 1. C. de evict. l. 2. pr. D. h. t. nec ( 7. Indebitum, occasione hereditatis acceptum, l. 2. §. 7. D. h. t. nec ( 8. Quod ipse diserte excepit, l. 2. §. 12. D. h. t.

§. 280. Nec minus inde inferendum ( 9. Eum indemnem ab emptore præstandum, si quid nomine hereditatis venditæ impenderit, l. 2. §. 9. 11. 18. D. h. t. l. 10. D. de reg. jur. veluti ( 10. Si creditoribus, legatariis, fideicommissariis solverit, l. 3. C. h. t. l. 2. C. de legat. vel ( 11. Si impensas in funus defuncti fecerit, l. 2. §. 17. D. h. t. Immo inde recte colligitur ( 12. Venditorem ab emptore petere posse, quod ipsi defunctus debebat, quamvis per aditionem hereditatis confusione extinctum videatur hoc debitum, l. 2. §. 18. D. h. t. l. 75. D. de sol. item ( 13. Venditorem ab emptore servitutem petere posse, l. 2. §. 18. 19. D. h. t.

§. 281. Denique, quum venditor hereditatis stricto jure heres maneat ( §. 276. 2. ) consequens est ( 1. Ut ante cessionem emptor adversus debitores he-



22 Fornici, Dragimi lares, Roma, in P



hereditarios non habeat actiones, nisi utiles, l. 5. C. h. t. ( 2. Ut contra venditor a creditoribus hereditariis, legatariis, fideicommissariis recte conveniatur, l. 2. C. h. t. l. 2. C. de leg. quamvis, quæ eo nomine solvit, ei ab emptore refundenda sint ( §. 280. g. ) ( 3. Ut ei salvum sit jus accrescendi, si pars coheredis deficiat, l. 88. D. de her. Inst.

§. 282. Uti hereditas, ita & actio, vendi potest, I. Modo sit in bonis, & alienari possit; id est, modo transeat ad heredes. Et tunc II. Omne jus, quod ex ea causa habet, alteri cedere debet, l. 25. pr. D. h. t. & III. Actionem veram præstare, l. 4. D. hoc tit.

§. 283. Quia itaque venditur actio, quæ in bonis est, & alienari, & ad heredes transire potest ( §. 282. 1. ) consequens est ( 1. Ut nihil intersit, sive sit actio in rem, sive in personam, l. ult. C. h. t. sive jam competat, sive nondum nata sit; veluti, si sit ex obligatione conditionali, vel in diem concepta, l. 17. D. h. t. ( 2. Ut contra cessi non possint accusationes publicæ, l. penult. §. 1. D. de publ. jud. nec 3. Actiones populares, l. 7. §. 1. de pop. act. nec ( 4. Litigiosæ, quippe inalienabiles, l. 1. §. 1. D. l. 2. l. ult. C. de litigios. nec ( 5. Actio injuriarum, querela inofficiosi nondum præparata, &c. SANDE de cess. V. 12. STRYK. ad Lauterb. p. 327. Dissent. BRUNNEM. de cess. IV. 58.

§. 284. Quumque tunc venditor omne jus, quod ex ea causa habet, alteri cedere teneatur ( §. 282. 2. ) sequitur ( 1. Ut præstare debeat actiones adversus rem, ac intercessores, l. 23. pr. D. h. t. immo & ( 2. pignorum persecutionem, l. 6. D. h. t. & ( 3. Quidquid jam compensatione, vel exactione est consequutus, l. 23. §. 1. d. l. D. h. t. ( 4. Ut cessio fieri debeat per mandatum, l. 6. D. de solut. adeoque ( 5. Non opus sit debitoris consensu, l. 3. C. h. t. ( 6. Ut cessionarius tunc institui possit vel actiones utiles ex sua persona; vel directas ex jure cesso, tamquam procurator in rem suam, l. 7. l. 8. l. ult. C. h. t. l. 8. §. ult. D. mand. l. 4. C. de procur. Ut tamen ( 7. Omnes exceptiones, quæ cedenti opponi poterant, & cessionario valide obstant,

*l. 3. pr. D. h. t.* ( 8. Ut debitor cessus cedenti non amplius recte solvat, simulac cessionem factam receiverit, *l. 3. C. de novat.* SAND. *de cess. XII. 11. seq.*

§. 285. Ex eodem sequitur ( 9. Ut omnes cedere possint, qui alienare; & ( 10. Cedi omnibus qui adquirere possunt: nec ( 11. Quanto pretio venditæ cedantur actiones, intersit, nisi leges ipsæ quosdam casus excipiant.

§. 286. Prohibent autem leges ( 1. Actionem cedi potentiori, *L. 2. C. ne liceat potent.* prohibent ( 2. Tutori cedi actionem adversus pupillum *Nov. 72. cap. 5. §. 1. & quidem* ( 3. Utroque casu sub pœna amittendæ actionis, *d. l. 2. & Nov. 72. cap. 5.*

§. 287. In primis Anastasius Imperator sanxit, ut si quis actiones emerit, ei usque ad ipsam tantummodo solutarum pecuniarum quantitatem, & usurarum ejus actiones exercere permittatur, *l. 22. C. mand.* Eique legi Anastasianæ hoc adstruxit Justinianus, ut nulli liceat partem debiti cedere, venditione actionum habita, partem donationis titulo transferre; sed ut, si voluerit, debitum totum pute donet, & per donationem transferat, alias nihil amplius exigere possit cessionarius, quam quod pretii nomine persolvit, & omne, quod superfluum est, apud debitorem maneat, *l. 23. C. eod.*

§. 288. Ex quibus legibus patet ( 1. Eam prohibitionem non pertinere ad coheredes, actiones sibi invicem cedentes, nec ( 2. Ad actiones quas creditor, vel possessor pro debito, sed rerum, apud se constitutarum munimine, ac tuitione accepit, nec ( 3. Ad nomina, in solidum cessa, *l. 22. C. mand.* nec ( 4. Ad cessiones, per donationem factas, *d. l. 22. C. h. t.* ( 5. Fiscum hic nihil occupare, sed superfluum lucro debitoris cessi cedere, *l. 23. §. 2. D. mand.*

§. 289. Denique, quum veram tantum actionem præstet cedens ( §. 282. 3. ) consequens est ( 1. Ut si locuples non sit debitor cessus, cedens eo nomine nihil præstet, *l. 4. D. h. t.* nisi ( 2. Vel dolose cessionem hujusmodi fecerit, *l. 64. §. ult. D. de evict.* vel ( 3. Plus se præstiturum receperit, *d. l. 4. D. h. t.*

§. 290. Et hæc omnia hodiernum observantur. Prohibitionibus, de quibus ( §. 287. ) Leges Germanorum publicæ id addunt, ne Judæus Christiano cedat nomen contra Christianum, sub pœna amittendæ actionis, *Ord. Polit. anni 1577. tit. 20. §. 4.* Sed id hodie vix observari, omnes fatentur.

## TITULUS V.

DE RESCINDENDA VENDITIONE, ET QUANDO  
LICEAT AB ACTIONE DISCEDERE.

§. 291. *Fundamentum rescindendæ emtionis venditionis. Rescinditur mutuo dissensu. An & unius voluntate?* §. 292. *Ob vim, & dolum.* §. 293. *Ob læsionem enormem.* §. 294. *Quando remedio l. 2. C. h. t. locus sit?* §. 295. *Rescissio ob jus retractus legitimi?* §. 296. *Quod vel ratione rei competit.* §. 297. *Vel ratione personæ.* §. 298. *Quando ei locus sit?* §. 299. *Rescissio ob pactum ἀπορρηγνυμένων & de retrovendendo.* §. 300. *Quod jus ex his pactis nascatur?*

§. 291. **H**actenus de contrahenda emtione: jam de eadem RESCINDENDA. Quum autem ad substantiam emtionis venditionis tria pertineant, CONSENSUS, RES, & PRETIUM ( §. 253. ) ex omnibus his modi quidam rescindendi venditionem nascuntur. Et quidem quum emtio venditio perficiatur consensu ( §. 253. 1. ) nihilque sit tam naturale, quam eo genere quidque dissolvi, quo colligatum est, *l. 35. D. de reg. jur.* sequitur: *l. Ut emtio venditio re adhuc integra, id est, nondum soluto pretio, nec re tradita, MUTUO contrahentium DISSENSU dissolvatur, l. 3. pr. l. 5. §. 1. D. h. t. §. ult. Inst. quib. mod. toll. obl. 11. Ut & unus, altero invito, recedere possit, si contractus nondum sit perfectus ( §. 256. 2. ) posteaquam autem semel perfectus est, nec ex Principis rescripto, nec dupli oblatione, alteruter possit, altero invito, recedere (a) *l. 3. l. 6. C. h. t. l. 5. C. de obl. & act.**

(a) Nisi pacto adjecto diserte sibi stipulatus sit emptor.

§. 292. Quamvis nihil consensui tam contrarium sit, quam vis, atque metus, *l. 116. pr. D. de regi. jur. immo & dolus, l. 7. pr. D. de dol. mal. consequens est III. Ut & qui per VIM coactus vendidit, contractum rescindere possit, l. 1. l. 8. C. h. t. L. 1. D. quod met. caus. IV. Ut & OB DOLUM, qui causam contractui dedit, emptio venditio sit nulla; ob incidentiam autem ea rescindi possit ( §. 354. 4. ) *l. 5. l. 8. l. 10. C. h. t. nisi læsus dolum non ignoraverit, sciensque consenserit, l. 11. D. h. t.**

§. 293. Quod ad pretium attinet, quum illud iustum esse oporteat ( §. 283. ) consequens est V. Ut & rescindi possit contractus OB LÆSIONEM ENORMEM, sive ultra dimidium, *L. 2. C. h. t. siquidem tam enormis læsio non videtur bonæ fidei convenire.*

§. 294. Ex quo principio porro inferimus ( 1. Ei rescissioni locum esse, sive emptor, sive venditor læsus sit, *L. 2. C. h. t.* ( 2. Id remedium recte porrigi ad alios bonæ fidei contractus, veluti locationem conductionem, *l. 2. D. pr. Inst. loc. permutationem, l. 1. C. comm. utr. jud.* ( 3. Non posse hoc remedium adhiberi, si vel nullum, vel non certum pretium interveniat, veluti in donatione, *l. 22. D. de don. transactione, L. 78. §. ult. D. ad SC. Trebell.* neo ( 4. Ubi alea subest; e. gr. in sponsonibus, hereditatis venditione, *L. 10. L. 11. D. hered. vel act. vend. nec* ( 5. Si quis sciens minoris vendiderit, vel majore pretio emerit, *l. 11. C. h. t. l. 9. C. de act. emt. nec* ( 6. Si quis huic beneficio renunciavit, *L. 46. D. de pact.* ( 7. Dari eo nomine non actionem empti venditi; sed conditionem ex *l. 2. C. h. t. ( §. 77. )*

§. 295. Quod ad rem venditam attinet, ob eam quoque rescindi potest venditio, si ita comparata sit, ut locum det VI. JURI RETRACTUS, quod in legitimum, & conventionale dividunt. LEGITI-

vel venditor, ut si displiceat contractus, intra certum diem possit recedere *L. 6. D. h. t.* Quo casu, si certa dies definita non sit, intra sexaginta dies statuere debeat, quid sibi expediat *L. 31. §. 22. D. de adilit. editto.*

**MUM** jus, quo ob rei, personæ qualitatem, eodem oblato pretio, venditio rescinditur, & res retrahenti addicitur.

§. 296. Et hoc quidem ob rei qualitatem competit ( 1. Domino in prædio emphyteutico, l. ult. C. de jur. emphyt. ( 1. Socio, in re communi 5. F. 13. ( 3. Convicanis, vel vicinis in prædio vicino, L. un. C. non lic. habitat. metrocom. loc. suæ ad extr. transfer. 5. F. 23. id quod JUS CONGRUI vocant.

§. 297. Ob personæ qualitatem competit ( 4. Creditoribus, & inter illos ei, cui major pecunia debetur in rebus debitoris, l. 16. D. de reb. ant. jud. poss. ( 5. Propter consanguinitatem cognatis, d. l. 16. 5. F. 13.

§. 298. Quumque retrahi possit res oblato pretio eodem ( §. 295. 6. ) consequens est ( 6. Ut ei juri quidem locus sit in emtione venditione, non in donatione, locatione, conductione, transactione, CARPZ. Part. 2. const. 31. def. 8. 17. BERLICH. Part. 2. cond. 39. Cui addendum, quod nec cedi possit hoc jus; quippe personæ inhærens, nec post annum datur moribus fere omnium gentium. STRYK. de suc. cess. ab intest. Diss. 6. 4. 46. ( Conf. Elem. jur. Germ. l. 2. tit. 14. §. 412. seqq.

§. 299. Hactenus de retracto legitimo. Ex pacto autem adjecto etiam rescinditur emtio venditio VII. ob RETRACTUM CONVENTIONALEM, seu jus προτιμήσεως quando convenit, ut, si emtor rem emtam vendere decreverit, non alii vendat, quam venditori ( §. 266. 2. ), l. 35. D. contr. emt. l. 25. D. de act. emt. nec non VIII. ob pactum de RETRO-VENDENDO, quo convenit, ut si venditor, ejusve hæres quodcumque, vel intra certum tempus, vel post certum tempus, idem pretium offerat, res vendita ei restituatur ( §. 266. 1. ) l. 2. C. de pact. int. emt. & vend.

§. 300. Ex quibus definitionibus facile patet ( 1. Ei, cui jus προτιμήσεως constitutam, venditionem esse denunciandam. ( 2. Eaque omissa denunciatione, illum agere posse venditi ad rem, vel id, quod interest, sibi restituendum, L. 75. D. de contr. emt. ( 3. Eum, cujus retroemendi est, eadem actione pos-

se ad rei venditæ restitutionem, vel id, quod interest, experiri, *l. 2. C. pact. int. emt.* non autem (*4.* Rem vindicare, *L. 2. l. 7. §. 5. D. de pact.*

## TITULUS VI.

DE PERICULO, ET COMMODO REI  
VENDITÆ.

§. 301. Quid periculum, & commodum? §. 302. De utroque axiomata. §. 303. Id non transit ad emitorem, contractu adhuc imperfecto. §. 304. Adeoque nec in venditione ad gustum generis, & speciei alternativa. §. 305. Exceptiones ab hac regula. §. 306. Perfecto contractu & periculum, & commodum ad emitorem transit. §. 307. Usus hodiernus.

§. 301. Ad hunc contractum, vel maxime etiam pertinet quæstio de PERICULO, & COMMODO rei venditæ. PERICULUM autem hic est damnum, vel ipse rei venditæ interitus, casu fortuito obtingens, *L. 1. l. 7. l. 15. D. h. t.* COMMODUM omnis utilitas, & lucrum, quod rei venditæ accedit.

§. 302. Jam quidem alias in confesso est, & casum ( §. 115. 4. ) & commodum ex re ( *P. II. §. 78.* ) ad dominum pertinere, *l. 3. C. de pign. act.* nec minus certum est, dominium ante traditionem ad emitorem non transire ( *Inst. §. 339. \*\** ) §. 3. *Inst. emt. vend.* Attamen, quum venditor teneatur ad tradendum ( §. 253. ) adeoque sit debitor speciei, qui speciei interitu liberatur ( *Inst. §. 1009.* ) non potuit non inde nasci axioma: nondum perfecta emitione venditione, periculum, & commodum rei venditæ pertinet ad venditorem; ea jam perfecta, ad emitorem, *L. 8. pr. l. 10. D. h. tit. §. 3. Inst. de emt. vend.*

§. 303. Quum itaque periculum, & commodum rei venditæ, contractu nondum perfecto, sit penes venditorem ( §. 302. ) sequitur ( 1. Ut non transeat prius periculum, & commodum, quam adpareat, quid, quale, quantum, quove pretio venditum sit

(a) *L. 8. pr. D. h. t.* adeoque ( 2. In conditionata venditione non prius transeat periculum , quam existente conditione , *d. l. 8. pr. l. 10. D. h. t.* ( 3. Si de scriptura conficienda convenerit , non prius , quam ubi illi subscriptum ( §. 306. 1. ) §. 3. *Inst. de emt. vend. l. 4. C. h. t.* ( 4. In venditione , ad mensuram , numerum , pondus facta , non nisi re admensa , adnumerata , adpensa , *L. 35. §. 5. D. de contr. emt. l. 1. §. 1. l. 5. D. l. 2. C. h. t.*

§. 304. Ex eodem axioma sequitur ( 5. Ut re ad gustum , & mensuram simul vendita , re degustata , immo , & dolio signato , non transeat periculum , nisi & admensa sit , *L. 1. pr. 2. §. 2. D. h. tit.* ( 6. Ut , re ad solum gustum vendita , periculum ante degustationem sit penes venditorem , *L. 1. l. 4. §. 1. 2. l. 15. D. h. tit.* ( 7. Ut genere vendito , periculum non transeat , nisi demonstrato individuo , quod venditor sit traditurus , *L. 8. pr. D. h. t. l. 11. C. si cert. pet.* ( 8. Ut in alternativa speciei venditione ; e. gr. si Stichus aut Dromo venditus , periculum ejus , qui prius perit , ad venditorem ; ejus qui posterius perit , ad emptorem pertineat ; adeoque , utroque pereunte , nullius pretium omnino debeatur , quia unius emptoris periculo vixit , *L. 34. §. 6. D. de contr. emtar.*

§. 305. Porro inde inferitur ( 9. Hæc omnia valere ordinarie ; adeoque ( 10. Non transire his casibus periculum ad venditorem ( 2. Si aliter convenerit , *l. 1. pr. D. h. t.* vel ( 2. Si res citra adimensionem emptori ita volenti tradita sit , *l. 1. C. h. t.* ( 3. Si mora

(a) Adeoque aliter perfecta dicitur venditio , ubi de periculo , & commodo quaeritur ; aliter , ubi quaeritur , an imperfecta emtione venditione recedit a contractu possit ? Aliter , si quaeritur , an , re adhuc integra , mutuo dissensu rescindi possit contractus ? Primo enim casu perfecta est emtio venditio , ex quo constat , quale , quantum , quove pretio venditum *d. l. 7. pr. D. h. t.* Altero , ubi de pretio convenerint , & scriptura , si ita , placuit , accesserit ( §. 256. 1. ) Tertio casu perfecta censetur emtio venditio , simulac ex una parte res tradita , ex altera pretium solutum ( §. 2. 1. 1. ) *l. 5. l. 5. §. 1. D. de rescind. vend. §. 6. quib. Inst. quib. mod. soll. obl. l. 1. 2. C. quand. lic. ab emt. rec.*

emptoris in re accipienda, degustandave intercesserit, quo casu tantum de dolo, & culpa lata tenetur, l. 5. l. 18. *D. h. t.* adeoque ut & certis casibus vinum effundere possit, si doliis indigeat, & ipse prius rem emptori denunciaverit, l. 1. §. 3. 4. *D. h. t.* vel (4. Si per aversionem emptum sit, quia tunc admensuratione non opus est, l. 35. §. 6. *D. de cont. empt. l. 4. §. 1. 2. D. h. t.* vel denique (5. Si certum tempus præstitutum fuerit degustationi, vel simul actio, quo emptio perficitur, & emptor in mora sit, l. 4. §. 1. l. 15. *D. h. t.*

§. 306. Quumque, perfecta jam emtione venditione, statim & periculum, & commodum pertineat ad emptorem (§. 302.) consequens est (1. Ut is statim & omne damnum ferat, l. 3. *pr. D. hoc tit. & commodum percipiat, re licet nondum tradita, l. 7. D. l. 1. C. eod.* (2. Ut tamen periculum merito maneat penes venditorem (α si ipse illud in se suscepit, l. 1. *pr. D. h. t.* §. 3. *Inst. de empt. vend.* (β si res dolo, vel culpa lata, aut levi venditoris perierit, l. 35. §. 4. *D. de contr. empt. §. 3. Inst. eod.* & (γ si res ex antiquo & præcedenti vitio perierit, l. 1. l. ult. *C. h. t.*

§. 307. Et hoc jure utimur, nisi quod iis locis, ubi immobilia ad acta resignanda sunt emptori, non prius transit periculum, quam facta illa judiciali resignatione. Ita sane in Saxonia servatur, CARPZ. *Part. II. const. 39. des. 35.* & in vicinis illi terræ provinciis.

## TITULUS VII.

DE SERVIS EXPORTANDIS, VEL SI ITA  
MANCIPIUM VENERIT, UT MANUMITTATUR,  
VEL CONTRA.

§. 308. *Pacta, venditioni servorum adjecta. §. 309. Earum exempla. §. 310. Quid si non servata sint?*

§. 308. Quum pacta contractibus bonæ fidei in continenti adjecta, & bonis moribus haud adversa, va-



lidam producant obligationem (P. I. §. 356.) consequens erat, ut & pacta, venditioni servorum adjuncta, nec honestati repugnantia, rata essent.

§. 309. Talia erant (1. Ut servus ex urbe, vel Italia exportaretur, *L. 1. l. 2. l. 7. l. 9. D. h. tit.* (2. Ut servus infra certum tempus manumitteretur, *L. 3. l. 8. D. h. t.* (3. Ne servus manumitteretur, *L. 6. pr. D. h. t.* (4. Ne ancilla prostitueretur, *L. 6. pr. l. 9. D. hoc tit.* Non autem (5. Turpia, & ex truculentia venditoris profecta, veluti ut servus ad bestias daretur, *L. 42. D. de contr. emt.*

§. 310. Quum ergo pacta honesta valeant (§. 308.) merito inde dabatur persecutio. Hinc (1. Si servus exportatus non esset, venditor hominem non manumissum sibi adserere; manumissum fiscus occupare, vel cum emtore venditi agi poterat, *L. 1. l. 2. C. l. 6. l. 7. D. h. t. (a)* (3. Secundo casu, elapso tempore, servus ipso jure libererat, *L. 3. l. nlt. D. h. t.* (3. Tertio manumissio erat inutilis, *L. 5. C. si mans. ita fuer. vend. ut mans.* (4. Quarto vel ancilla prostituta libera erat, vel ei a venditore poterat manus injici, *L. 8. l. 9. D. h. t.*

## L I B E R XIX.

### TITULUS I.

#### DE ACTIONIBUS EMPTI, ET VENDITI.

§. 311. *Actiones empti, & venditi.* §. 312. *Earum qualitas.* §. 313. *Directæ, & utiles.* §. 314. *A quibus institui possint.* §. 315. *Actionis empti descriptio.* §. 316. *Nec non actionis venditi.*

§. 311. **Q**uam emptio venditio sit contractus bilateralis, ex quo statim ab initio uterque contrahen-

(a) Ubi quum duæ leges sibi manifesto contradicant, quæ sint ejusdem PAPINIANI, satis patet, Jctum hujus Papinianum mutasse sententiam; adeoque *l. 6.* sequenti derogare.

zium obligatur (P. I. §. 364. \*) non possunt non inde duæ actiones directe nasci (§. 265. 2.). Et quæ nascuntur ex contractu nominato (P. I. §. 360. \*) facile patet eas actiones esse debere contractui cognominibus; adeoque vocandas EMTI, & VENDITI, quarum illa emtori, hæc venditori, datur (a).

§. 312. Utramque actionem, quia ex contractu est, *personalem*; quia ex jure civili oritur, *civilem*; quia ex contractu διαπραγμα instituitur (P. I. §. 365.) *bonæ fidei* esse oportet, L. 33. D. de addit. lib. 6. §. ult. l. 11. §. 1. D. h. t. §. 18. Inst. de aff.

§. 313. Quumque hæ actiones directe non nisi emtori, & venditori dentur (§. 311.) sequitur ut qui per procuratorem euerunt vendiderunt, ex principiis juris Romani non nisi utilem habeant emti venditi actionem, L. 13. §. 25. D. h. t.

§. 314. Et quia neuter contrahentium ab alterius exceptione tutus est, quoad ipse contractui non satisfecerit (§. 263. 1.) consequens est (1. Ut actionem emti institutum aut pretium solvisse, vel obtulisse, aut venditori alio modo satisfecisse oporteat, quod & tunc factum videtur, si venditor fidem de pretio habuerit, L. 11. §. 2. l. 13. §. 9. D. h. t. l. 19. l. 53. D. de contr. emt. (2. Ut venditor is demum agere possit valide, qui rem jam tradidit, l. 21. D. h. t. l. 5. C. de edict. & quidem (3. Saltem ut ei rem, ejusdem vacuum possessionem habere liceat (a) l. 30. §. 1. D. hoc tit. & alias (4. Agenti obstat exceptio rei venditæ, non traditæ, L. 25. D. hoc tit.

§. 315. Datur itaque actio EMTI emptori (§. 260.) & quia ex contractibus heredes etiam obligantur, e-

(a) Aliquando tamen hæc vocabula confundi videas, uti ipsa emtoris, & venditoris nomina L. 13. §. 25. D. hoc tit. l. 26. l. 66. §. penult. D. de edict. l. un. C. si serv. extr. se emi mand.

(b) Emtori enim venditor non obligatur ad præstandum dominium, sed ut ei vacuum tradat possessionem (§. 252.) l. 11. §. 2. D. h. t. id est, ut ei habere liceat rem emtam sine controversia, l. 58. D. de verb. sign. l. 3. D. h. t. & si habere non licet, ut præstet evictionem.

ius heredi, l. 10. *D. h. t.* qui jam venditori satisfecit ( §. 814. 1. ) adversus venditorem, ejusve heredem ( 1. Ut rem venditam habere liceat, l. 11. §. 2. *D. l. 30. §. 1. D. h. tit.* vacuaque ejus possessio tradatur, l. 2. §. 1. l. 3. pr. l. 11. §. 13. 17. 18. *D. l. 8. C. h. t.* vel ( si emtor velit, aut si venditori tradendi copia non sit, alias enim hic absolute tradere rem tenetur, l. 11. §. 2. *D. h. tit.* ( 2. Ut cum re etiam fructus, l. 13. §. 10. 11. 13. *D. l. 16. C. h. t.* accessiones, omnisque causa, l. 7. pr. *D. de per. & comm. rei vend.* adeoque & fixa vineta, l. 13. §. ult. l. 14. l. 15. l. 16. l. 17. pr. §. 7. 8. l. 38. §. 2. *D. h. t.* non diruta casa præstentur, *L. 17. §. 5. l. 18. §. 2. D. h. t. l. 241. D. de verb. sign. & ibi JO. GODD.* ( 3. Ut damnum dolo, culpave lata, vel levi datum ( §. 118. 3. ) resarciatur, l. 5. §. 2. *lib. 68. D. de contrah. emt.* nisi ipse emtor in mora fuerit, *L. 5. l. 17. D. h. t.*

§. 316. Contra actio VENDITI competit venditori ( §. 260. ) ejusve heredi ( §. 315. ) re jam tradita ( §. 314. 2. ) adversus emtorem, ejusve heredem ( 1. Ad pretium solvendum, l. 13. §. 20. *D. h. t.* & ita quidem, ut nummi fiant venditoris (a), l. 11. §. 2. *D. h. t.* ( 2. Ad consequendas pretii usuras a tempore moræ ( *Inst. §. 781. \** ) l. 13. §. 20. *D. l. 5. C. h. tit.* ( 3. Ad impensas necessarias, & utiles, & omne damnum resarciendum, *L. 13. §. 19. D. l. penult. C. h. t.* limo ( 4. Aliquando ob pacta adjecta ( §. 271. §. 275. 3. §. 300. 1. 2. ) ad rescindendam venditionem, *L. 16. D. de in diem add. l. 4. D. de leg. commiss. l. 2. C. de pact. int. emt. & vend.*

(a) Nummis enim alienis solutum pretium emtorem non liberat, l. 7. *C. h. t.* quamvis rei traditæ fiat dominus, nec domino nummorum sit jus vindicandi rem, quis nummis emtam, *L. 8. 9. C. si quis al. vel sib. l. 6. C. rei vind.* quia in judiciis singularibus nec pretium in locum rei succedit; nec res in locum pretii ( *P. II. §. 8. 2. §. 83. 4.* ) exceptis casibus, quos supra ( *P. II. §. 83. 4.* ) dedimus.

## TITULUS II.

## LOCATI CONDUCTI.

§. 317. *Quid locatio conductio?* §. 318. *De ea axiomata.* §. 319. *Quomodo, & a quibus locari conduci possit?* §. 320. *Quid locari possit?* §. 321. *Merces debet esse vera, justa, certa.* §. 322. *Ea consistit in pecunia numerata. An & in fructibus?* §. 323. *Merces quando vel tota, vel pro parte remittenda?* §. 324. *Locatoris, & conductoris obligatio.* §. 325. *Iterum de utriusque obligatione.* §. 326. *Actionis locati descriptio.* §. 327. *Itemque actionis conducti.* §. 328. *Emphyteuseos contractus.* §. 329. *Ejus definitio.* §. 330. *De eo axiomata.* §. 331. *Initur hic contractus consensu.* §. 332. *Quid in emphyteusim dari possit?* §. 333. *Emphyteuta debet canonem.* §. 334. *Dominus prestare debet dominium utile rei.* §. 335. *Quomodo emphyteusis finiatur?* §. 336. *Actionis emphyteuticariæ descriptio.* §. 337. *Bona censitiva varii generis.* §. 338. *Quale jus in iis censito, & ei, cui census debetur, competat?*

§. 317. **S**uperest postremus contractus consensualis, **LOCATIO CONDUCTIO** quæ est contractus consensualis, & bonæ fidei (P. I. §. 361. \*) de rei usu, vel operis, pro certa mercede præstandis.

§. 318. Tria itaque & hujus contractus substantiam ingrediuntur, **SENSUS**, **RES** vel **OPERÆ**, & **MERCES**. Unde axiomata. I. Locatio conductio perficitur consensu. II. Omnes res, quæ usum præstant, operæque illiberales, locari possunt. III. Merces debet esse vera, justa, certa, & in pecunia numerata consistere. IV. Locator operas, reive usum præstare, conductor mercedem solvere tenetur.

§. 319. Quum itaque consensu perficiatur locatio conductio, (§. 318. 1.) consequens est (1. Ut nec verbis, nec scriptura, nec ulla solemnitate opus sit, nisi ipsis contrahentibus placeat in scripturam redigere leges contractus, L. 1. l. 2. pr. l. 14. D. h. t.

(2. Ut omnes possint locare conducere, qui consentire possunt, *L. 43. §. 1. D. de procur. exceptis curialibus, L. 30. C. h. t. militibus, L. 31. C. eod. clericis, Nov. 123. cap. 6. & tutoribus, ac curatoribus, qui prædia fiscalia, & patrimonialia principis conducere prohibentur, nondum redditis rationibus, L. 49. pr. §. 1. D. h. t. (a) (3. Ut & tacite fieri possit relocatio, eaque tunc in dubio iisdem conditionibus, quibus antea, facta censeatur, L. 13. §. ult. D. h. t.*

§. 320. Quinque & res, quæ usum præstant, & operæ illiberales, possint locari (§. 318. 2.) consequens est (1. Ut omnes res, quæ in rerum natura, hominumque commercio sint, recte locentur, *L. 34. §. 1. D. de contrah. emt. l. 9. §. 1. D. h. tit. modo usum præstant; nec usu absumantur, L. 31. D. h. t. (2. Ut & alienæ conductæ sublocari possint, L. 7. l. 8. l. 9. pr. l. ult. D. h. t. (3. Ut operæ omnes honestæ recte locentur, quæ mercedem admittunt. l. 26. D. de verb. oblig. (4. Ut locatio conductio recte dividatur in REI, OPERARUM, & OPERIS (b). L. 22. §. 2. l. 25. §. pen. D. h. t.*

§. 321. Quia porro & vera esse debet merces, & certa, & justa (§. 318. 3.) sequitur (1. Ut sine mercede nulla sit locatio conductio, *L. 2. pr. D. h. t. (2. Ut ea donationis causa contrahi nequeat, L.*

(a) Addi solet: opifices, qui cum strepitu artem faciunt, conducere non posse domos juxta ædes litteratorum; idque ex *L. un. C. de stud. liber. l. 1. 14. C. de oper. publ. immo & ex L. 1. D. sol. matr. probant, Vid. REBUFF. de priv. univ. & stud. privit. 3. seq. p. 12. seq.* Sed in istis quidem legibus nihil hujusmodi legas, & privilegia per interpretationem extensivam comminisci, Bartoli, non nostri sæculi est. Ob æquitatem tamen passim admittitur hoc privilegium. BRUNNEM. ad l. un. C. de stud. lib. PEREZ. ibid. num. 1. CARPZ. Part. 2. const. 37. def. 25. FINCKRLTH. Obs. 64. RICHTER Expos. Auth. Habita §. 50. seq.

(b) In ea locatione id singulare est, quod, qui mercedem accipit, dicitur CONDUCTOR, vel REDEMPTOR operis, quum simul locator operarum sit; is vero, qui dat mercedem, LOCATOR operis, quum tamen conductor operarum sit, *l. 22. §. 2. l. 25. §. pen. D. h. t.*

20. §. 1. *D. h. t.* adeoque nec ( 3. Uno nummo fieri, *L. 48. D. h. tit.* ) 4. Ut merces ( quatenus lege non est constituta ) non quidem in puncto consistat; adeoque contrahentibus nec naturaliter liceat se invicem circumscribere, *L. 22. §. ult. l. 23. D. h. tit.* attamen ( 5. Ob læsionem enormem in merito rescindatur contractus ex *L. 2. C. de resc. vend. (§. 294. 2.)* ( 6. Ut mercedis quantitas vel æstinari, vel per relationem, in arbitrium conferri possit, modo hic postea mercedem æstimaverit, *l. 25. pr. D. h. t.* ) 7. Ut contra non valeat locatio, si promittatur quantum justum futurum sit, vel quantum inter eos postea convenerit, §. 1. *Inst. h. t. l. 22. D. de præs. verb.* nisi merces sit legitima. *Matt. 20. 7.*

§. 322. Quandoquidem etiam mercedem in pecunia numerata consistere oportet ( §. 318. 3. ) consequens est ( 1. Ut si aliud pro opera, vel usu rei detur, statim negotium in aliam speciem contractus abeat, *L. 5. §. 2. D. de præs. verb.* ) 2. Ut tamen, si res locata fructus ex se producat, pars fructuum mercedis loco esse possit, modo ejus quantitas definiatur, v. g. decem medimni framenti, *l. 21. C. h. tit.* non si ita convenient, ut indefinite fructus, & damna inter se partiantur locator, & colonus, quo casu COLONUS PARTIARIUS magis socius est, quam conductor, *l. 25. §. 5. D. h. t.*

§. 323. Denique quia locator usum rei, operasve; conductor mercedem præstare debet ( §. 318. 4. ) consequens est ( 1. ut, si conductor ob insignem calamitatem re frui non potuerit, merces pro rata remittenda sit, *l. 15. §. 1. seq. l. 25. §. 6. D. h. tit.* ) 2. Ut & tunc cesset merces, si conductor ob metum hostium, incendii, damni infecti, pestis, aliamve justam causam, rem conductam deseruit, *l. 27. §. 1. l. 13. §. 7. D. h. t. l. 49. §. 1. l. 13. §. 7. D. h. t. l. 49. §. 1. D. ad leg. Aquill. l. 28. D. de damn. inf.* ) 3. Ut & operis non præstiti merces haud debeatur, nisi per locatorem non steterit, quo minus præstaret, *l. 15. §. 6. l. 19. §. 9. l. 38. pr. §. 1. D. h. t.* ) 4. Ut merces vel finito usu, operisve præstitis, vel si locatio, in plures annos facta, sub finem singulorum annorum præstanda sit, *l. 54. §. 1. D.*

*h. t. l. 34. D. de reg. jur. l. 24. pr. l. 36. seq. l. 29. l. 140. D. de verb. obl.*

§. 324. Ex eodem consequitur ( 5. Ut locator rei ad traditionem una cum instrumentis accessoriis obstrictus sit, *l. 9. pr. l. 15. §. 1. 2. l. 19. §. 2. l. 33. D. h. t.* ( 6. Ut usum rei concedere debeat & locator, & ejus heres; non modo conductori, sed & ejus heredibus, *§. ult. Inst. h. t. l. 10. C. l. 19. §. 8. D. h. t.* ( 7. Ut non eadem sit obligatio successoris singularis, qui, soluto jure locatoris, conductorem recte expellit, *l. 1. §. 1. l. 25. §. 1. D. l. 9. C. h. tit.* ( 8. Ut quemadmodum conductor rem sine justa causa ( §. 323. 2. ) non deserere, ita neo locator eum sine justa causa (a), ante constitutum tempus expellere possit, *l. 3. C. h. t.*

§. 325. Nec minus inde patet ( 9. Locatorem, & conductorem sibi invicem teneri ad dolum, culpamve latam, & levem præstandam ( §. 118. 5. ) *l. 23. D. de reg. jur. l. 13. §. 1. l. 19. §. 1. l. 15. §. 3. 4. l. 31. l. 60. §. 7. D. h. t.* ( 10. Finito contractu, rem esse locatori abscisso restituendam, *l. 31. l. 39. D. h. t.* adeo ut ( 11. Si conductor usque ad sententiam eam restituere detrectet, & rem, & ejus restitutionem debeat, *l. pen. C. h. t.* nec ( 12. Eam restitutionem morari debeat quæstio dominii, *l. 25. C. h. t.* ( 13. Eo nomine utrique contrahenti competere actionem directam ( P. l. §. 360. ) puta actionem LOCATI, & CONDUCTI, *pr. Inst. h. t.*

§. 326. Competit itaque actio LOCATI, vel si plu-

(a) Tales justæ causæ sunt ( 1. Merces per biennium non soluta, *l. 54. §. 1. D. h. t.* ( 2. Si conductor re conducta vel physice, vel moraliter abutatur, *l. 3. C. h. t.* ( 3. Si ipse locator re sua indigeat, vel ( 4. Si eam velit reficere, *d. l. 3. C. h. t.* ( 5. Si successor singularis, veluti emtor, expellat conductorem, quocum non contraxit. Unde paroemia juris: *Kauf gehet vor Miete*, vel *koop breke buyr*, de qua diximus ad *Inst. §. 925.* \* Est tamen inter quinque has causas discrimen. Duobus enim prioribus casibus locator expulso conductori ad nihil tenetur. Tertio, & quarto tenetur ad id, quod interest, *l. 15. §. 8. l. 33. in fin. D. h. t.* Postremo casu non adversus expellentem, sed contra locatorem, regressus datur conductori, *l. 25. §. 1. D. h. t.*

res, tamquam correi, locaverint, singulis in solidum; *l. 13. §. 9. D. h. t. eorumque heredibus* (§. 324. 6.) contra conductorem, vel si plures, tamquam correi, conduxerint, contra singulos in solidum, *l. 47. D. l. 13. C. h. t. eorumque heredes* (§. 329. 6.) (1. Ad solvendam constituto tempore mercedem (§. 321. seq.) ob moram enim usuris (*Inst. §. 781. \**) (2. ad rem finito contractu restituendam (§. 325. 10. seq.) (3. Præstandumque damnum, dolo, culpave lata, & levi datum (§. 325. 9.)

§. 327. Actio CONDUCTI autem datur conductori, ejusve heredi (§. 324. 6.) adversus locatorem, ejusve heredem (*ibid.*) (1. Ad rei conductæ usum, operasve præstandas (§. 314. 6.) (2. Refundendas impensas necessarias, & utiles (a), *l. 55. §. 1. l. 61. D. h. t.* (3. Damnumque dolo, latave, vel levi culpa datum resarciendum (§. 325. 9.)

§. 328. Olim inter emptionem venditionem, & locationem conductionem quodammodo fluctuabat contractus EMPHYTEUSEOS, cujus tractationem huc usque reservavimus (P. II. §. 97. \*) quamvis postea singularem, & secretam ab utroque illo contractu naturam acceperit per constitutionem Zenonis Imp. §. 3. *Inst. h. t. l. 1. C. de jur. emphyt.*

§. 329. Equidem quale ipsum sit jus emphytentium, jam supra vidimus. Contractus EMPHYTEUSEOS, quo illud sæpe constituitur, est contractus consensualis, de dominio utili prædii (P. II. §. 97.) pro certo canone annuo, in agnitionem domini præstito, alteri concedendo, §. 3. *Inst. h. t.*

§. 330. Substantiam itaque hujus contractus ingrediuntur CONSENSUS, RES in emphyteusim data, & CANON annuus. Unde axiomata: I. Emphyteusim inicitur consensu. II. Possunt res omnes in emphyteusim dari, quæ admittunt dominium utile. III. Emphytenta ad solvendum canonem; dominus ad concedendum alteri dominium utile tenetur.

(a) Potest tamen & has impensas in mercedem imputare, *L. 61. D. h. t. l. un. §. 3. D. de via pub.* Potest etiam actione locati conventus uti exceptione, *l. 61. D. h. t. vel jura retentionis* (§. 215. ).



§. 331. Quam itaque sit contractus consensualis ( §. 330. 1. ) sequitur ( 1. Ut solo consensu constet, & ( 2. Scriptura, quam exigit, l. 2. C. h. t. ut in aliis contractibus consensualibus, tantum probationis causa intercedat, ( 3. Ut & hic contractus sit bonæ fidei. ( 4. Ut vel simpliciter, nulla facta heredum mentione, vel cum certa familia, vel cum certa persona iniri possit, & tunc primo casu jus emphyteuticum ad omnes heredes, & successores ( modo hi quinquagesimam pretii partem landemii nomine solvant, l. 3. C. h. t. ) secundo ad eos, qui sunt ejusdem familiæ, tertio ad nullos successores transeat, Nov. 120. cap. 6. Nov. 7. cap. 3.

§. 332. Quumque ea in emphyteusim dari possint, quæ admittunt dominium utile ( §. 330. 2. ) consequens est ( 1. Ut hodie & prædia culta in emphyteusim dari possint, immo & ædificia, Auth. si quas C. de SS. eccl. immo & res ecclesiasticæ, Nov. 120. cap. 1. §. 1. 2. cap. 6. §. 1. 2. Nov. 55. cap. 2. modo hic scriptura interveniat, Nov. 7. pr. Nov. 20. cap. 5. ( 2. Ut rei totius interitu emphyteusis finiat, l. 1. C. de jur. emphyt.

§. 333. Quum porro emphyteuta ad solvendum canonem sit obligatus ( §. 330. 3. & quidem in agnitionem dominii ( §. 329. ) intulerunt inde veteres ( 1. Canone hoc in emphyteusi sæculari intra triennium; in ecclesiastica intra biennium non soluto, emphyteusim amitti ipso jure (a), l. 2. C. de jur. emph. Nov. 7. cap. 3. §. 2. adeo ut ( 2. Et parte non soluta, vel uno ex coheredibus non solvente, res in commissum cadat, Arg. l. 7. D. comm. divid. ( 3. Temperandum tamen esse hoc jus rigidum, si emphyteuta canonem oblatum, & a domino detractum, in æde sacra, vel apud acta deposuerit, l.

(a) Itaque non expectanda sententia judicis, uti vulgo putant; sed ipso jure emphyteusim amittit emphyteuta, nec moram offerendo canonem purgare potest, d. l. 2. C. h. t. & l. 2. C. de fund. patr. Quod adeo verum est, ut & dominus, post triennium accipiens canonem, juri suo renunciasset haud censeatur. Auth. Qui rem. C. de SS. eccl. Nov. c. 8. Multa tamen ea in re usus temperavit ob. c. ult. X. de locat.

2. *C. de jur. emph.* vel si ob hereditatem jacentem, aliamve causam nemini solvi potuerit, *L. 11. seq. D. de usur.* vel si compensatione tutus sit emphyteuta; §. 30. *Inst. de acq.* (4. Nihil ex canone remitti ob sterilitatem, hostium incursionem, inundationem, nisi tota res perierit (§. 332. 2.) *L. 1. C. de jur. emph.* §. 3. *Inst. de locat.*

§. 334. Quumque dominus ex contractu hoc alteri teneatur ad concedendum dominium utile (§. 330. 3.) consequens est (1. Ut obstrictus sit ad traditionem, ex qua demum jus in re nascitur, *L. 29. C. de pact.* (2. Ut pati debeat emphyteutam omnino rei utilitatem capere, & libere de re ista inter vivos, mortisque causa disponere, *L. 1. D. si ag. veff. l. 3. C. de jure emph.* (3. Ut domino tantum competat jus *πρωτεύουσας* adeoque (4. Emphyteuta, rem venditarius, domino id denunciare teneatur, *L. 3. C. eod.* (5. Ut dominus ab emphyteuta jure exigat apochas fiscales, quibus, tributa fisco soluta, probari possit, *L. 2. C. h. t.* (6. Ut particulare damnum omne non ad dominum, sed ad emphyteutam, pertineat, *L. 2. C. de jur. emphyt.* (7. Et hic nec meliorationes repetere possit, *L. 2. L. eod. Nov. 120. cap. 8.*

§. 335. Ex quibus omnibus facile patet, finire emphyteusin I. CONSOLIDATIONE, sive illa ob emphyteutæ orbitatem, vel ob lapsum temporis, vel præscriptione alterutrius ex contractibus contingat (P. II. §. 97.) *L. 3. D. si ag. veff. II. REI TOTIUS INTERITU* (§. 332. 2.) III. CANONE intra triennium vel in emphyteusi ecclesiastica intra biennium, NON SOLUTO (§. 333. 1.) IV. RE IGNORANTE, DOMINO VENDITA (§. 334. 3.) siquidem eo casu locus est juri retractus (§. 396. 1.) *L. 3. C. de jur. emphyt.* V. RE dolo, vel culpa emphyteutæ insigniter REDDITA DETERIORE (P. II. §. 97. \*) *Auth. qui rem C. de SS. eccl.*

§. 336. Nascitur ergo ex hoc contractu actio EM-PHYTEUTICARIA (P. I. §. 360. \*) utrinque directa, (P. I. §. 464.) quarum altera agit emphyteuta, ejusve heredes, adversus dominum ejusve heredem, ad rem, secundum contractum præstandam,

( §. 334. ) ; altera dominus adversus emphyteutam, ejusve heredes, ad canonem ( §. 333. ) laudemium ( §. 331. 4. ) & si quid aliud ex contractu debetur, solvendum, l. 1. C. de jur. emph. §. 3. Inst. h. t.

§. 337. Ex his vero facile patet, ab his bonis emphyteuticis toto cœlo differre CENSITICA, apud Germanicæ originis gentes tam frequentia, ut in dubio bona magis censitica, *Zins-guth*, quam *emphyteutica*, *Erben Zins-gauher*, esse præsumantur CARPZOV. Part. II. const. 59. def. 1. seq. Multa enim passim sunt prædia, ex quibus annuus solvitur census, vel in agnitionem jurisdictionis: vel quia venditores, accepto minore pretio, illum sibi reservarunt; vel quia, prohibitis contractibus usurariis, loco usurarum veteres emere solebant census, vel redditus annuos, sive redimibiles, *ablossliche Renten*, sive irredimibiles, *anablossliche Renten* STR. Cautel. Contr. II. 8. 13.

§. 338. Quamvis itaque & censiti quotannis census solvant, immo & aliquando laudemium pro renovata investitura præstent, non tamen utile tantum dominium habent, sed plenum, nec, qui census accipit, aliud quid, quam jus hypothecæ, retinet. Unde nec censu per triennium non soluto, privationi prædii; nec ullo casu remissioni census locus est, nisi census fructibus sit proportionatus. Vid. CARPZ. ibid. JO. Petr. a LUDEVVIG. Diss. de juribus feudo vicinis, & SCHRASSER. de bonis censiticis ( *Elem. jur. Germ. L. II. t. 22. §. 34. seq.* ).

### TITULUS III.

#### DE ÆSTIMATORIA.

§. 339. Connexio. §. 340. Contractus æstimatorius qualis? §. 341. Æstimationis effecta. §. 342. Actio ex hoc contractu nata.

§. 339. **H**actenus de contractibus nominatis; sequuntur innominati, quorum quidam bonæ fidei sunt,

veluti *ÆSTIMATORIUS*, & *PERMUTATIO*, de quibus titulis sequentibus agitur.

§. 340. *Contractus ÆSTIMATORIUS* est contractus innominatus, bonæ fidei (§. 336.) quo res æstimata alicui ea lege vendenda datur, ut vel res ipsa in specie, vel conventa æstimatio reddatur, *l. 1. pr. §. 1. D. h. t.* Unde hic contractus nec *EMPTIO* est, quia hic est obligatio alternativa; nec *LOCATIO* operarum, quia hic æstimata res datur; nec *MANDATUM*, ob eandem causam, *l. 2. pr. D. h. t.*

§. 341. Nimirum res hic datur æstimata, & quidem vel rogatu *accipientis*, & tunc periculum ad hunc transit, *L. 1. §. 1. D. h. t. l. 17. §. 1. D. de præscr. verb.* vel rogatu *dantis*, ubi periculum penes hunc manet, vel rogatu *neutrius*, quo casu accipiens dolum, & culpam latam, & levem præstat (§. 118. 5.) *l. 17. §. 1. D. eod.*

§. 342. Quum itaque hic contractus sit bonæ fidei (§. 339.) adeoque *διπλευροῦς* consequens est, ut detur inde actio *PRÆSCRIPTIS VERBIS* (P. I. §. 360. \*) *ÆSTIMATORIA*, *l. 1. D. h. t. DIRECTA*, & *CONTRARIA*. Quarum illa competit ei, qui rem æstimatam vendendam dedit, ejusve heredi, adversus accipientem ejusve heredem, ad reddendam rem, vel præstandam æstimationem, *L. 1. pr. §. 1. D. h. t.* Hæc contra ei, qui rem vendendam accepit, contra dantem, ad solvendam mercedem (quippe quam his contractus non respuit, *l. 2. D. h. t.*) & ad indemnitatem (P. I. §. 364. \*).

## TITULUS IV.

### DE RERUM PERMUTATIONE.

§. 343. *Permutatio quid?* §. 344. *Actio inde nata.*  
 §. 345. *An huc pertineat doctrina de cambiis?*

§. 343. **Q**uam quatuor sint contractuum innominatorum genera, *DO*, ut *DES*; *DO*, ut *FACIAS*; *FACIO*, ut *DES*; *FACIO*, ut *FACIAS*, *L. 5. pr.*

§. seq. *D. de præs. verb.* ad primum pertinet (a), PERMUTATIO quæ est contractus innominatus, bonæ fidei (§. 330.) quo quis rem ea lege dat, ut pro ea alter, de qua convenit, reddat. Unde hic contractus ab *emtionem venditionem* non differt, nisi quod hic res non pro pecunia numerata, sed pro alia re datur (§. 264. 6.) l. 5. §. 1. *D. de præs. verb.* & quod permutatio a rei traditione, emptio venditio a consensu capit initium, l. 1. §. 2. *D. h. t.*

§. 344. Nascitur inde actio PRÆSCRIPTIS VERBIS ex permutato, §. 28. *Inst. de act. competens ei*, qui dedit (§. 343.) adversus accipientem, ejusve heredem, ad tradendam rem promissam, vel id, quod interest, l. 5. §. 1. l. ult. *D. de præs. verb.* l. 4. l. 5. *C. h. t.*

§. 345. Vulgo huc referunt doctrinam de CAMBIIIS, vel negotiatione collybistica. Sed ea nec permutatio est, nec tam obiter potest tractari. Ejus naturam exposuimus in *Dissert. de vitiis negotiationis collybisticae*, (quæ recusa exstat in *Syllog. I. Oport. n. XI.* nec non in *Elementis juris cambialis*).

## TITULUS V.

## DE PRÆSCRIPTIS VERBIS, ET IN FACTUM ACTIONIBUS.

§. 346. *Actiones in factum quoduplices* §. 347. *Cur eadem dicantur præscriptis verbis* §. 348. *Earum natura* §. 349. *Et descriptio actionis, quæ ex contractibus innominatis est.* §. 350. *In contractibus innominatis locus est pœnitentie.*

§. 346. **A**ctiones IN FACTUM varie accipiuntur. Nam (1. *In factum dicuntur actiones, quas prætor*

(a) Nec est tamen, quod permutationem diversam statuamus a contractu *do*, ut des l. 5. pr. §. 1. *de præs. verb.* quamvis vulgo, ubi species cum specie permutatur, permutationem; ubi species cum genere, contractum *do*, ut des iniri censeant. SCHOTAN. *Exam. h. tit.* Add. THOMAS. *ad Strauch. Diss. XVI. 5.*

ex edicto suo, maxime ex delictis, promittit, *L. 10. §. 1. 8. l. 14. D. quæ in fraud. cred.* ( 2. Eiusdem nominis sunt, quas prætor dat ex legibus civilibus. Quemadmodum enim, quæ ex verbis legum sunt, *directæ*; quæ ex interpretatione prudentum, *utiles*; ita, quæ ex prætoris interpretatione descendunt, *in factum* actiones adpellantur, *§. ult. Inst. de leg. Aquill.* ( 3. Et quæ ex contractibus incerti nominis, vel aliis deficientibus actionibus, in subsidium dantur, vocantur actiones *in factum*, *L. 2. 3. 4. 11. D. h. t. lib. 2. §. 2. l. 19. §. 2. D. de precar.* Denique ( 4. Quæ ex contractibus innominatis nascuntur, dici solent actiones *in factum*, *L. 5. §. 1. seq. D. h. tit.* Erudite rem exposuit EM. MERILL: *Observ. III. 26. VI. 7. VIII. 14. seq. & 24. Var. Cujac. l. 30.*

§. 347. Eædem actiones dicuntur PRÆSCRIPTIS VERBIS, vel quia singularem formulam ob varietatem negotiorum prætor in albo non dederat; adeoque illa ab JCTo concipienda, & verbis ab eo præscriptis edenda erat. BRISSON. *de form. & sollemnib. populi Rom. verbis Liv. V. p. 385.* vel quia præmittenda, adeoque præscribenda erant verba conventionis, & his subjicienda actio *in factum*, cœu ex *l. 1. D. h. t.* acute colligit MERILL. *Obs. VIII. 16.* cui *l. 6. C. de trans.*

§. 348. Ex quo facile patet ( 1. Primi, & secundi generis actiones *in factum* esse prætorias; tertii, & quarti generis civiles, *L. 7. §. 2. D. de pact. l. 23. D. comm. divid.* MERILL. *Variant. Cujac. l. 30.* ( 1. Tertii, & quarti generis actiones *in factum* non dari, si intervenerit dolus, quia tunc locus est actionis de dolo, *L. 15. junct. l. 5. §. 2. 3. D. h. t.*

§. 349. Actio itaque PRÆSCRIPTIS VERBIS, quæ ex contractibus innominatis nascitur, & proprie hujus loci est, datur ei, qui dedit, vel fecit, ejusve heredibus, adversus eum, qui se viciissim daturum; facturumque promisit, ejusve heredes, ad dandum, faciendumve, quod interest, *L. 5. §. 1. D. h. t.*

§. 350. Ita ad adimplendum contractum agitur. Quum autem contractuum innominatorum ea natura sit, ut ei, qui dedit, facultas sit pœnitendi, quam-

diu alter contractui non satisfacit ( §. 40. ) hinc eo casu ad rem datam repetendam non dabatur actio præscriptis verbis, vel in factum, sed condictio CAUSA DATA, CAUSSA NON SEQUUTA ( §. 46. ). Enimvero hodie locum non amplius esse pœnitentiæ, ob pactorum omnium validitatem, jam supra me demonstrare memini ( §. 47. ). Unde hic rem non repeto.

HAC 2018

## INDEX

## LIBRORUM, AC TITULORUM.

## PARS I. seu ΕΡΩΤΑ.

## LIB. I.

TIT. I. De justitia, & jure.	Pag.	16
— II. De origine juris, & omnium magistratum & successione prudentum.		23
— III. De legibus, SCtis, & longa consuetudine.		40
— IV. De constitutionibus principum.		45
— V. De statu hominum.		49
— VI. De his, qui sui, vel alieni juris sunt.		56
— VII. De adoptionibus, & emancipationibus, & aliis modis, quibus potestas solvitur.		62
— VIII. De divisione rerum, & qualitate.		68
— IX. De senatoribus.		72
— X. De officio consulis.		74
— XI. De officio præfecti prætorio.		76
— XII. De officio præfecti.		77
— XIII. De officio quæstoris.		78
— XIV. De officio prætoris.		79
— XV. De officio præfecti vigilum.		80
— XVI. De officio procoss. & legati.		81
— XVII. De officio præfecti augustalis.		83
— XVIII. De officio præsidis.		84
— XIX. De officio procuratoris Cæsaris, vel rationalis.		85
— XX. De officio juridici.		87



—	xxi. De officio ejus, cui mandata juris-	
	dictio.	88
—	xxii. De officio adsectorum.	ibid.

## L I B. II.

Tit. i.	De jurisdictione.	89
—	ii. Quod quisque juris in alterum statue-	
	rit, ut ipse eodem jure utatur.	96
—	iii. Si quis jus dicenti non obtempe-	
	ravit.	98
—	iv. De in jus vocando.	99
—	v. Si quis in jus vocatus non ierit; sive	
	quis cum vocaverit, quem ex edicto non de-	
	buerit.	105
—	vi. In jus vocati ut eant, aut satis, vel	
	cautum dent.	106
—	vii. Ne quis eum, qui in jus vocabitur,	
	vi eximat.	107
—	viii. Qui satisfacere cogantur, vel jurato	
	promittant, vel suæ promissioni commit-	
	tantur.	108
—	ix. Si ex noxali causa agatur, quemad-	
	modum caveatur.	110
—	x. De eo, per quem factum erit, quo mi-	
	nus quis in judicio sistat.	111
—	xi. Si quis cationibus, in judicio sisten-	
	di causa factis, non obtemperaverit.	112
—	xii. De feriis, & dilationibus, & diver-	
	sis temporibus.	115
—	xiii. De edendo.	119
—	xiv. De pacis.	125
—	xv. De transactionibus.	130

## L I B. III.

Tit. i.	De postulando.	134
—	ii. De his, qui notantur infamia.	138
—	iii. De procuratoribus, & defensoribus.	143
—	iv. Quod cujuscumque universitatis nomi-	
	ne, vel contra eam agatur.	149

— v. De negotiis gestis .	150
— vi. De calumniatoribus .	153

## L I B. IV.

TIT. I. De in integrum restitutionibus .	154
— II. Quod metus causa gestum erit .	157
— III. De dolo malo .	161
— IV. De minoribus xxv. annis .	165
— V. De capite minutis .	169
— VI. Ex quibus causis majores xxv. annis in integrum restituntur .	171
— VII. De alienatione judicii mutandi causa facta .	176
— VIII. De receptis arbitris , ut sententiam dicant .	178
— IX. Nautæ canpones, ec. ut recepta restituant .	182

## P A R S II.

## DE JUDICIIS .

## LIB. V.

TIT. I. De judiciis , & ubi quisque agere , vel conveniri debeat .	186
— II. De inofficioso testamento .	199
— III. De hereditatis petitione .	204
— IV. Si pars hereditatis petatur .	208
— V. De possessoria hereditatis petitione .	ibid.
— VI. De fideicommissaria hereditatis petitione .	209

## LIB. VI.

TIT. I. De rei vindicatione .	210
— II. De Publiciana in rem actione .	215
— III. Si ager vectigalis petatur .	217

## LIB. VII.

TIT. I. De usufructu, & quemadmodum quis utatur fructu.	218
— II. De usufructu adcrecendo.	222
— III. Quando dies usufructus legati cedat.	ibid.
— IV. Quibus modis usufructus amittitur.	223
— V. De usufructu rerum, quæ usu consumuntur.	225
— VI. Si usufructus petatur, vel ad alium pertinere negetur.	227
— VII. De operis servorum.	ibid.
— VIII. De usu, & habitatione.	228
— IX. Usufructuarius quemadmodum caveat.	229

## LIB. VIII.

TIT. I. De servitutibus.	230
— II. De servitutibus prædiorum urbanorum.	231
— III. De servitutibus prædiorum rusticorum.	234
— IV. Communia prædiorum urbanorum, & rusticorum.	236
— V. Si servitus vindicetur, vel ad alium pertinere negetur.	238
— VI. Quemadmodum servitutes amittuntur.	240

## LIB. IX.

TIT. I. Si quadrupes pauperiem fecisse dicatur.	241
— II. Ad legem Aquiliam.	244
— III. De his, qui effuderint, vel deiecerint.	248
— IV. De noxalibus actionibus.	250

## LIB. X.

TIT. I. Finium regundorum . .	252
— II. Familiæ ereiscundæ.	254
— III. Communi dividundo.	257
— IV. Ad exhibendum.	258

## LIB. XI.

TIT. I. De interrogationibus jure faciendis, & interrogatoriis actionibus.	260
— II. De quibus rebus ad eundem judicem eatur.	263
— III. De servo corrupto.	ibid.
— IV. De fugitivis.	265
— V. De aleatoribus.	266
— VI. Si mensur falsum modum dixerit.	269
— VII. De religiosis, & sumptibus funerum, & ut funus ducere liceat.	270
— VIII. De mortuo inferendo, & sepulcro ædificando.	273

## P A R S III.

## DE REBUS.

## L I B. XII.

TIT. I. De rebus creditis, si certum petetur, & de conditione.	275
— II. De jurejurando, sive voluntario, sive necessario, sive judiciali.	278
— III. De in litem jurando.	284
— IV. De conditione causa data, causa non sequuta.	286
— V. De conditione ob turpem, vel injustam causam.	288
— VI. De conditione indebiti.	290
— VII. De conditione sine causa.	293

## LIB. XIII.

TIT. I. De condictione furtiva.	294
— II. De condictione ex lege.	297
— III. De condictione triticaria.	298
— IV. De eo, quod certo loco dari oportet.	300
— V. De pecunia constituta.	303
— VI. Commodati, vel contra.	306
— VII. De pignoratitia actione, vel contra.	311

## LIB. XIV.

TIT. I. De exercitoria actione.	313
— II. De lege Rhodia de jactu.	316
— III. De institoria actione.	319
— IV. De tributoria actione.	320
— V. Quod cum eo, qui in aliena potestate est, negotium esse dicatur.	322
— VI. De SC. Macedoniano.	323

## LIB. XV.

TIT. I. De peculio.	326
— II. Quando de peculio actio annalis est.	330
— III. De in rem verso.	ibid.
— IV. Quod jussu.	331

## LIB. XVI.

TIT. I. Ad SC. Vellejannum.	331
— II. De compensationibus.	336
— III. Depositi, vel contra.	339

## LIB. XVII.

TIT. I. Mandati, vel contra.	344
— II. Pro socio.	347


## LIB. XVIII.


<b>TIT. I.</b> De contrahenda emtione venditione, & de pactis inter emptorem, &c. & quam non venire possunt.	351
— II. De additione in diem.	356
— III. De lege commissoria.	358
— IV. De hereditate, vel actione vendita.	359
— V. De rescindenda venditione, & quando liceat ab actione discedere.	363
— VI. De periculo, & commodo rei venditæ.	366
— VII. De servis exportandis, vel si ita mancipium venerit, ut manumittatur, vel contra.	368

## LIB. XIX.

<b>TIT. I.</b> De actionibus emti, & venditi.	369
— II. Locati conducti.	372
— III. De æstimatoria.	379
— IV. De rerum permutatione.	380
— V. De præscriptis verbis, & in factum actionibus.	381

*Finis Tomi I.*







15 Marie di Maria. Vesp. 9. v. 12

16 Via della salute. Vesp. 12

17 Confessione diretta per le Confess. della gente di S. Giovanni. Vesp. 19.

18 Apparuccio alla morte. Vesp. 12

19 Traxi Confessarii ad bene exipiendo Confessiones. Vesp. 12

20 Virg. e. epistola per li Confessarii. Vesp. 2. v. 8.

